


清代傳記叢刊·綜錄類⑦
周駿富輯

國朝耆獻類徵初編(四七)

卷三四九
卷三四〇至

(清)李桓輯



明文書局印行

19
11
12
13
14

國朝耆獻類徵初編卷三百四十目錄

忠義十

威赫 納達里等

李化龍 陳復新等

楊三知 孫世譽等

王札 王相等

崔成嵐 劉志高等

高應第 劉延祉等

趙登舉 郭萬國等

阿納達 查布丹等

雅賚

擴爾坤

金世爵 杜崎等

洪徵 蘇汝霖等

楊光祖 趙汝發等

黃樞 從子芳名等

蔡隆 朱武等

張國彥 李毓采等

陳福

鄂通武 固普察等

瑚什塔 伊蘭泰等

國家圖書館藏書
三三三三

--	--	--	--	--	--	--	--	--	--

國朝耆獻類徵初編卷三百四十

通奉大夫前署江西巡撫江西布政使司布政使湘陰李桓輯

忠義十

威赫 納達里等

威赫滿洲正白旗人姓伊爾根覺羅襲三等輕車都尉世職順治十一年從征明魯王朱以海於舟山破其眾三萬餘船二百艘康熙十三年吳三桂煽亂至楚命順承郡王勒爾錦爲甯南靖寇大將軍討之大兵固守荊州武昌襄陽宜昌諸郡賊遣僞將劉之復率萬餘人犯彝陵界威赫迎戰與護軍納達里俱陣亡詔贈威赫二等輕車都尉姪頌色襲納達里滿洲正藍旗人姓富察

贈騎都尉姪阿泰襲先是偽將吳應麒等陷長沙癸江西十四年
命安親王岳樂統師由袁州取長沙十五年克醴陵二等輕車都
尉渾金八品官博爾百遜擊馬寶陣歿時勒爾錦率大兵渡江協
剿遇賊於荊州太平街戰失利署副都統巴雅思虎朗護軍參領
扎付塔沙圖前鋒參領和爾布庫護軍校託巴棟皆陣亡岳樂至
長沙於老虎坡等處安營立柵築長圍困之三桂遣偽將胡國柱
等來援國柱率賊數萬殊死戰一等輕車都尉蘿布西空銜副都
統阿爾虎佐領鄂齊爾博爾和齋桑阿必泰瓦爾達克色立護軍
校富和納五資雲騎尉阿爾塞沙里哲山泰八品官德色七品官
錫寶閒散赫圖皆於是役殞陣陝西防禦雲騎尉烏哈納從大將

軍穆占來勒賊亦相繼戰歿渾金滿洲鑲白旗人姓納喇 贈雲
騎尉合原職爲一等輕車都尉子魯爾金襲博爾百遜蒙古鑲白
旗人姓甯佳特 贈雲騎尉姪孫喀爾喀襲巴雅思虎朗滿洲鑲
黃旗人姓五納虎沁 贈騎都尉子俄集泰襲扎付塔滿洲鑲白
旗人 贈雲騎尉子扎木蘇襲沙圖滿洲正白旗人和爾布庫滿
洲鑲黃旗人姓額蘇里 贈雲騎尉子袞拜襲託巴棟與和爾布
庫同旗姓瓜勒佳巴棟蒙古鑲白旗人蘿布西蒙古正黃旗人姓
齊默特子達西馬襲後追 贈三等男阿爾虎滿洲鑲紅旗人姓
富察 贈三等輕車都尉諡敏壯子博里襲鄂齊爾蒙古正藍旗
人姓烏朗漢濟勒們 贈一等輕車都尉子阿穆瑚朗襲博爾和

齋桑阿必泰皆蒙古鑲白旗人博爾和姓巴林 贈騎都尉以伯
父之子恩古里達襲齋桑姓烏里陽嘎 贈雲騎尉瓦爾達滿洲
正白旗人姓湯烏 贈騎都尉姪華色襲克色立滿洲正紅旗人
姓錫克特理 贈騎都尉姪瑪爾泰襲富和納滿洲鑲藍旗人五
賚滿洲正紅旗人阿爾塞沙里哲山泰俱滿洲正藍旗人阿爾塞
姓烏蘇加 贈一雲騎尉合爲騎都尉弟攀三柱襲沙里弟巴龍
襲哲山泰弟庫滕襲錫寶滿洲正白旗人姓棟鄂 贈雲騎尉弟
畱阿襲德色蒙古正白旗人 贈雲騎尉姪蒙克襲赫圖滿洲正
白旗人姓伊爾根覺羅 贈騎都尉叔父常泰襲烏哈納滿洲正
白旗人姓噶努 贈騎都尉弟甯尼雅襲

右 國史館本傳

國史館本傳

11

--	--	--	--	--	--	--	--	--

李化龍 陳復新等

李化龍陝西榆林人任福建建甯遊擊康熙十三年江右土賊起先犯廬陵典史陳復新甫莅任賊驟至復執之不屈死永豐賊遂犯福建建甯化龍禦之嚴坑賊敗遁窮追遇伏化龍與兵丁韓登俊等皆中礮死吳三桂叛江西煽動土賊燾起十四年龍泉賊掠縣境屯壘副將陳升衛千總曾珍王炳勦之擒其魁升珍炳亦陣歿同死者效用遊擊陳柱國把總李標十五年江西督標中營把總周焜從征陝西軍旋復隨勦甯州賊至老樹坑陣亡二十二年廣信錢村土賊起把總蔡美死之其死於江南土賊之難者二十一年有司起龍黃仕賢起龍任黃浦營守備舟山賊掠松江起龍

拒之賊連船四夜乘潮進浦伺劫潛起龍聞警率兵出黃浦舊無
戰船乘民船赴剿礮矢齊發賊墜水者甚眾起龍奮身躍上賊船
被重傷陣亡黃浦與泃河通潮汐迅利賊得以出沒仕賢時爲松
江右營把總因勦湖賊錢大戰歿先後事 聞 詔化龍廕雲騎
尉子成棟襲升都督僉事廕衛千總珍炳俱廕衛千總柱國標俱
係外委之員各給卹銀如例焜廕衛千總起龍 贈都司僉書廕
把總餘卹如例復新山西潞城人珍福建南安人炳福建晉江人
焜順天宛平人美福建漳浦人起龍山西澤州人仕賢江南寶山
人

右 國史館本傳

楊三知

孫世譽等

楊三知直隸良鄉人順治三年進士授山西榆次知縣榆次自經流賊殘破後閭里蕭條三知撫遺黎以恩義安輯有法戶口日增五年大同鎮總兵姜瓖叛連陷州縣攻榆次三知厲吏民募鄉勇守城夜遣人斫賊營閒有斬獲賊不退三知令城偃旗鼓示羸狀賊徑薄城攀堞欲登三知躍起麾眾亟發矢石斃賊甚眾賊憤甚益兵圍之相持踰六月守禦不懈會敬謹親王尼堪分兵來救賊遂敗走三知設保甲練屯聚復捐俸立社學置膳田以資膏火士民感之擢兵部主事累遷郎中康熙十一年擢按察司僉事分巡陝西神木道十三年冬入覲還至保德聞提督王輔臣叛附吳

逆人情恟懼從者勸三知遲行勿渡河不聽疾馳還神木調兵實
察知縣孫世譽忠實倚任之時輔臣布吳逆僞劄將弁多爲所誘
分據城堡道路爲梗惟韓城知縣翟世琪嚴設守備與神木通聲
援世譽鑲紅旗漢軍世琪山東益都人順治十六年進士關中並
稱爲賢令者也叛黨朱龍犯神木三知率民兵卻之世譽益儲糗
糧爲固守計柳溝營遊擊李師膺受僞劄鼓眾以闕餉譏世琪諭
以 朝廷威德眾誼叟不可制競前戕之並及其二子師膺連犯
旁縣與龍合勢益熾龍復與神木守將孫崇雅潛通三知方登城
守崇雅開門迎賊猝執三知於城上脅 敕印不與擁之至署三
知躍入井折左肱幾殞賊縋之出復甦三知度不得死大罵幽之

誘降日夜罵賊不絕遂遇害其妻妾及二女俱赴井死世譽亦抗節不屈賊羈之深室崇雅聞龍斬於陣輔臣乞降乃害世譽以滅口崇雅旋伏誅十五年八月 贈三知光祿寺卿世譽布政司參議俱 賜祭葬廕一子師膺降於大將軍圖海復從多羅貝勒察尼圖岳州敘招撫難民功授隨征湖廣總兵官二十一年正月御史孫必振劾師膺負 恩背叛勢迫投誠在軍營並無勦賊績雖曾招撫難民不足贖倡亂之罪部議革師膺職

右 國史館本傳

嗟自滇黔煽逆蹂躪名城都會州邑無慮數什百其間大吏建牙懸監司設柱桓以迄縮符握璽彙若縱衡疇非受有版宇溝分牙

制爲國固圉者偕雉堞爲完毀比壇社爲存亡大義蓋炳炳也迺以墉無堅壁卒無帶甲寇欲猝屆非鼠縮則倬惶忍使國朝三十餘祀升書射策縻爵詔精慤慤懇懇而弗獲食報庸非第華風之澆實亦紳掖之慝矣乃荒徼僻壤不無仗義殉節委骨沙場者徒以陬澁阻絕烽壘蔽遮莫爲之揚忠魄不且沈冥乎不然讀書稽古移孝作忠之謂何也乙卯夏秦中叛弁犯神木分巡臬僉茶庵楊公死之事聞天子震悼優卹逾恆格未幾寇殲城復公子焜昇匱歸良鄉持所爲狀乞予誌且銘予與公爲同歲生學術性行夙獨悉也矧烈節碎轟爭光日月將來流醇史乘弗卽藉擊悅之辭以傳而擊悅之辭或藉以傳其奚忍辭按公諱三知字知

斯號筠伯更號茶庵其先系出上黨始祖諱斌以軍功襲蔭占籍於燕四傳至諱勇嗜學好文易射注而章縫居良鄉之寶店跌絲椒衍厥後以盛雪堂公諱秦爲公之高祖正德丁丑以進士官行人諫南巡得廷杖放歸里嘉靖初起拜監察御史曾祖諱守拙不慕仕進耕讀自娛生三子長諱尙敏卽公父也積學濯行數奇未遇以公貴 贈承德郎母王 贈太安人長三秀次三捷次三事次三命公其季也將屬纊指公曰子遠大器惜吾不見其成矣公至而穎異能言見書卽索讀贈公憐其幼輒弗許涕泣繞膝家人嘆異九歲能屬文十三輩聲譽序公家自 御公後雖顯者不蟬聯而世德家猷遐邇皆知爲鉅族公伯兄三秀與里豪修怨雀角

鼠牙搆結不解者數載家以落公捐橐廢卷往復周旋脫伯兄於
犴狴怨者卒莫以中鄉區咸謂公有友愛性有幹濟才奉太安人
居舌耕供洗腆太安人老憶疇昔繁盛慟悽然泣公蹠而慰之曰
兒豈長貧賤者毋無憂也乙酉登賢書丙戌成進士除山西榆次
令邑省會屬供億師旅上官徵求歲無虛月交相爲瘵公多所撐
拄民賴以紓戊子姜瓖煽逆州邑無堅城公濬隍繕櫓率閭左子
弟爲保障賊相戒勿犯屹屹獲安時主兵者倂他邑婦女百餘公
見惻惋捐囊贖之置閒署中給衣食傳諭其家引歸完聚晉陽人
感泣立祠置田饗祠不衰撫軍申公朝紀察吏法峻歲劾百餘員
獨禮遇公曰循良吏也後將爲國器其見重如此擢兵部武選司

主事遇 覃恩得封贈歷督捕員外郎武選司郎中秩滿擢四川
臬僉備兵松龍道公在樞曹敏而介多所執持數牴牾於貳卿丙
辰內計忌者修夙隙註下考以浮躁落二秩例左遷外幕正人扼
擊公怡然謂爲意中事未幾 王師下滇黔公在軍中大將軍稔
知其才擬任左轄公曰某內計左官圖效師中補過未克敢辱是
命小人有母老且病遊子忍萬里行也力辭不得勉就安普道無
何而太安人訃至議者欲其墨纒畱任公號泣死謝奔蜀扶輓歸
服闋補四川上東道所屬郡縣經渠寇張獻忠慘戮民無三戶公
從絕峒密箐中招徠千三百家築堡渝東集爲安宅名其地曰楊
公堡丁未裁撤天下監司歸至中州僑居焉辛亥補神木道神木

傍朔方塞互市乖和鼓數時有公推誠示信番目帖服宴如者三載公聞滇逆倡亂謂其子曰逆渠異志非伊朝夕曩余覘其不臣以奔喪故破製佯狂歸良有以也比逆脅我誘我狡謀畢露今遽爲戎首討誅其奚貸獨是天澤儼然忠節寥落莫亦如常山睢陽者古今人不相及耶言訖義形於色曩吳逆勦闕賊殘孽時過神木市思蚩氓謬德之立祠題版以祀公下令毀祠碎版以示忠憤會提督王輔臣殺經略大學士莫公反定邊守將朱龍應之伊邇神木人情洶洶公方受檄赴京師代賀有諷公攜眷行者公謝之曰監司一方表率庸可先去以爲民望單騎赴闕已而役竣遄旋次保德或勸公無渡河公曰死生定數也余至而人心可戢脫

有不虞城亡與亡爾何至作首鼠狀渡河去抵署三日延安吳堡
葭州相繼陷公督縣令繕城隍修斥堠爲守禦計無何賊騎薄城
下公乘城死守親挽強弩發無不中賊稍卻守將孫崇雅者故降
人也潛通賊城以陷崇雅合賊將環公城頭揖而進曰延綏開府
虛以待君矣公厲聲曰余年六十五官方面死吾分也若本降賊
朝廷待以不死且濫二品官何負汝而狂悖至此言時鬚張背裂
賊語阻賊渠周繼明復甘言以誘公語益眾厲手刃相擬勒取
敕印公曰鼠輩第殺我 敕印焉往賊中突一人出自名曰施澤
久佯爲笑語平公恚擁公回署勸公善自審處公歸而誠仲子煜
曰吾受 國恩三十年不虞賊生肘腋隳封疆死不塞責誓以全

家殉贖萬一存汝以收吾骨趣妻妾子婦悉投井公立甌甌上戒
仲子勿作兒女子態使吾死不決言訖赴井賊偵知擁入署繩人
負公出子婦胡死焉公以不卽死爲恨然臂已折已羣賊拱手向
公云公廉平我輩未相迫何苦乃爾公厲聲曰死吾分也安俟汝
迫吾死此并馨若輩將不知死所遂大罵不絕口賊舁公於別室
畱卒環守奉以羹茗悉擊傾之載脅載誘一日夜公詆詈不變賊
怒忽屏署中人闔室扉不知何所苦公第聞掙牀撞几塵溷語虺
公罵聲乍高乍下霧塞日慘屋動地搖賊面皆如土遂遇害邑人
德公潛收公骸掩淺土中匿其子與家屬於他所禁旅至賊方踞
城抗師不暇加害公忠魂夜遊告主兵者以破賊期左右皆聞至

日城果復家人始啟殮日經長夏面色猶生制撫以寶 聞 朝
廷特贈光祿寺卿蔭一子 予祭葬蓋殊典云公子葬於新阡余
既誌公墓迺爲之銘曰

黃甲之穹匪其穹青戊之豐匪其豐灑灑噩噩斯人之氣果其中
報生以孝報成以忠厥惟我公敵可離兮迺卽崇不可凌兮迺沖
匪物愆而猶惜不則常山之舌無血太尉之笏不紅烈烈轟轟慷
慨之風俎豆其有永兮祚允式靡窮

右墓誌銘郭棻撰

王札 王相等

王札直隸平谷人由拔貢生任甘肅靜甯州知州康熙十三年總兵王輔臣叛附逆藩吳三桂札單騎往諭以禍福賊黨脅之不屈十四年正月遇害其先後死輔臣之難者又有王相等相陝西榆林人官西甯鎮標右營守備康熙十三年隨總兵王進寶勦輔臣抵蘭州進寶自帥兵破賊令相與把總謝榮勦餘黨遇伏相榮俱戰歿同時遊擊管參將事謝文亦陣亡漢鳳營千總魯仁圻爲叛將蘇興所執不降遇害十四年九月花馬營中軍守備王標陣亡於固原十二月守備鄒之樑千總吳振陣亡於惠安堡十五年進寶攻臨洮登城殺賊千總高明興戰歿是年平涼賊黨李國樑圍

靜甯州遊擊謝世忠守備林時泰千總李運隆把總王正隆嬰城
守知州劉錡開城迎賊世忠時泰運隆正隆俱遇害十八年進竄
督兵武關大敗賊眾奪雞頭關直抵漢中蘆溝堡守備杜進才千
總黃自成俱陣亡又守備署副將李國柱參將李新廣先於十五
年進勦牡丹園樂門等處隨征有功至是亦陣歿先後事 聞 詔
贈札按察司副使廕一子入監相都司僉書廕衛千總文副將榮
仁圻俱廕衛千總標都司僉書俱廕衛千總之樑振俱係外委官
卹銀如例明興廕衛千總世忠都督僉事廕守備時泰都司僉書
廕衛千總正隆廕衛千總進才都司僉書廕衛千總自成廕衛千
總國柱都督僉事新廣副將俱廕衛千總餘卹如例仁圻浙江會

稽人標陝西甯夏人世忠奉天人寄籍甯夏時秦陝西蘭州人進才陝西固原人餘籍無考

右 國史館本傳

崔成嵐 劉志高等

崔成嵐鑲藍旗漢軍由官學生任廣西鬱林州州判署藤縣知縣康熙十三年孫延齡叛十四年五月逆黨吳鳳等率賊數千犯藤縣水陸夾攻成嵐與守備劉志高外委守備汪雲龍典史黃新德等守禦賊暫退六月復合延齡眾數千由藤城西南攻擊成嵐等抵禦益力巡撫洪陳明遣守備羅文舉署遊擊劉光曜等來援協力勦殺賊不退復有僞將軍緘成德率賊萬餘由賀縣來勢益熾成嵐等相持七晝夜城陷成嵐手刃二賊歿於陣志高雲龍新德文舉光曜與守備梁文奎外委守備寶禮王敬胡有德閔紹賢把總袁通丁俊郭富袁子相等俱力戰陣亡新德合家殉難者五人

新德廣東海陽人文舉福建永定人光曜正藍旗漢軍事 聞
詔贈成嵐按察司僉事廕一子入監志高遊擊廕一子守備新德
衛經歷文舉遊擊廕一子衛千總光曜都司僉書廕一子衛千總
文奎卹銀一百五十兩通卹銀一百兩各廕一子衛千總雲龍俊
富禮敬有德紹賢子相各卹銀如例

右 國史館本傳

黃新德

黃新德海陽縣吏也讀書僅識字涉獵故事出語好遺文人皆笑
之家故貧義不苟取或勸以稍趨勢得周急新德曰原憲之緼袍
賢於季孫之狐貉宣孟之魚食甘於智伯之芻豢時人異焉康熙

辛亥授廣西梧州府竄家寨巡檢弭盜有方郡守稱其才乙卯夏
攝藤縣尉值滇黔叛逆山寇蜂聚圍藤邑時兵少議降者半遁者
半新德曰棄城非守土之義降賊受戮社之誅不如死守脩雉堞
整樓櫓身先登陴鼓舞眾志相持者旬餘薪糧內絕外援不至呼
其子曰禱曰忠孝不能兩全汝扶我老母旋歸後此奉養諸事皆
汝爲之汝孝於祖母卽汝之孝於我也城陷被執賊欲授以僞官
新德曰何面目見天下人王彥章且不肯降唐況天朝臣子從
賊乎賊欲屠民新德曰倡守城者尉也誓不與賊俱生期滅汝曹
朝食者尉也死賊殺尉足矣於百姓何尤賊怒斫之新德罵不絕
口刃斧交下碎其屍家人四婢一皆死焉日禱負祖母得脫隱跡

勺食越兩載始還至家事 聞 賜祭哀卹 贈南甯衛經歷
論曰新德微官耳以死勤事可謂大臣矣彼擁節封疆平居赫赫
莫己若未見敵而棄城去者厥官居何等哉況於屈膝從賊曾狗
彘之不如新德將叱而奴之敢曰孰尊孰賤耶

右傳藍鼎元撰

高應第 劉延社等

高應第正藍旗漢軍任雲南提標左營遊擊康熙十三年吳三桂叛命順承郡王勒爾錦討之時襄陽鎮總兵楊來嘉鄖陽副將洪福叛降三桂受僞職攻穀城犯均州南漳以書誘南漳守備劉延社降延社斬使焚書擊之土地嶺陣亡十四年三月雲南提督李胡拜駐穀城防守應第及雲南提標右營遊擊田起鵬雲南都司僉書管祐祿鎮標右營遊擊事和萬鍾右營遊擊李向日提標中營守備連士奇左營守備馬之才都司僉書管後營守備事張元龍右路鎮標右營守備董魁都司僉書管中路鎮標右營守備事馬九經左路左營守備李燦皆從五月來嘉福復犯南漳等處

穀城失守胡拜陷賊應第起鵬祐祿力戰陣亡萬鍾中槍歿向日
被執嘗賊死士才之奇元龍魁九經燦俱同時殉十五年三桂遣
譚洪至鄖江琵琶灘截我兵餉路鄖陽守備李邦全與戰死焉洪
旋率三千艘順流圍鄖城城素圯竹山營守備管遊擊事傅桂芳
射賊於圯處中槍歿先後事 聞 詔贈應第都督僉事應守備
延祉直隸宣化人 贈遊擊廕千總起鵬正藍旗漢軍 贈參將
祐祿鑲藍旗漢軍 贈遊擊萬鍾鑲白旗漢軍向日正黃旗漢軍
俱 贈參將廕守備士奇之才俱正藍旗漢軍俱 贈都司僉書
廕千總元龍正藍旗漢軍 贈遊擊魁鑲藍旗漢軍 贈都司僉
書九經正紅旗漢軍 贈遊擊燦直隸人 贈都司僉書俱廕千

總桂芳直隸永清人 贈都司僉書廕守備邦全籍無考

右 國史館本傳

Table with 10 columns and 1 row. The table is mostly empty.

--	--	--	--	--	--	--	--	--	--

Vertical text on the right side of the table, possibly a page number or header.

Vertical text on the right side of the table, possibly a page number or header.

趙登舉 郭萬國等

趙登舉直隸宣化人順治初由行伍從擊流賊拔把總累遷江西南瑞鎮標遊擊康熙十三年耿精忠叛遣逆黨寇江西登舉赴袁州佐副將趙應奎防守三月吳三桂犯湖南賊將張國柱據長沙遣僞官康永綱等潛窺袁州應奎令登舉邀擒之五月賊自湖南結江西土寇攻袁州饒州參將程鳳從逆勢益熾安親王岳樂發大兵討之應奎偕登舉守蹋塘賊四百乘夜來犯登舉設伏隘口伺賊過半奮起擊之斷賊兵爲兩斬數十人擒賊陳應等十六人餘奔潰巡撫董衛國上其事得 旨嘉獎十月隨援進賢十一月援瑞州陣斬僞都督左宗榜十二月援奉新完其城十四年正月

大兵復饒州程鳳遁走衛國疏言饒地新被賊蹂躪亟宜慎擇守令撫集遺氓登舉奮勇殺賊請擢爲饒州營參將資捍禦從之於是以前吉安同知郭萬國爲饒州知府候補知縣王萬鎰爲萬年知縣萬國河南許州人初以諸生從經略洪承疇軍議敘授貴州銅仁知縣擢獨山知州撫苗蠻有功遷同知萬鎰浙江錢塘人先由貢生畧福建將樂知縣平土賊吳揚丁憂服闋赴江西候補衛國知其能故任之登舉偕萬國等繕關廂招流亡勢稍定五月賊圍廣信急登舉奉檄赴授行一日程鳳偕賊將葉其潛偵饒州虛由他道薄城萬國令萬鎰赴會城請兵甫出北門賊猝至與家僮六人中礮沒登舉聞警還救衝賊營擒前隊數人轉戰而前遇伏

死之其潛使賊黨環呼曰城無援宜亟降萬國集其屬同知范文英鄱陽縣丞陸之蕃石門巡檢翁鳳翥饒州稅課大使李崇道語之曰文臣雖不習戰然守土吏義當死且不可徒手受戮今日當與決一死戰皆應曰然賊偪靈芝門攀堞登萬國率家丁巷戰身先搏賊中十六創遂與之蕃鳳翥崇道均戰歿文英被執罵賊不屈死之文英奉天貢生之蕃浙江會稽人鳳翥鄞縣人崇道直隸清苑人十五年 詔贈登舉都督同知萬國光祿寺卿文英萬鎰布政司參議之蕃按察司僉事鳳翥崇道布政司經歷給祭葬廕一子萬國子琛官晉州知州

右 國史館本傳

郭萬國

公諱萬國字甯侯其先山西平陽人也勝國永樂時遷許州家世力田擬素封至公公宏字公諱從寬卽昔年中州人士所共稱爲郭副將者也當明季庚辰歲大祲獨有遠識能發粟賑饑後見盜賊蜂起始約社較弓矢集丁壯爲保障計迨李自成破燕京中原千里城市邱墟宏字公義激於中誓不令予遺黎民胥盡於是聯絡各砦北至大河南至郟城凡流亡之顛躓行旅之往來悉拯援衛護之蒿洛土寇皆掠人爲糧終不敢東踰許昌一步者宏字公之力也先是癸未冬兵部職方郎領專敕齋空劄宣諭諸砦視守禦有成績其才略可充將領者自參遊以下竟填給劄付然後具

題宏字公以數擒闖寇僞設州邑官得參將劄舊例武職皆得以
署銜超一級用壯軍聲當其時郭副將之名震兩河矣公幼英發
副將公雖延經師授業然時時挽強運稍欲出入行陣聞一試其
鋒迫 皇清底定海寓輒恂恂戢志諸生中兩試棘闈未售會經
略洪公以總督七省向長沙乃仗劍謁軍門從征滇黔以幕府上
軍功授辰溪令繼移銅仁當苗民擾亂之後官無署民無廬庠序
鞠爲茂草公撲滅餘燼招撫逃亡修葺黌宮闢土勸耕浚河運粟
治有異徵遇 今上親政覃恩敕贈宏字公如公官公以祿養不
遠官署薦新未嘗不感時流涕也擢爲獨山州守獨山民猺雜居
隸四土司猺性獷悍出入常相關殺公多方誨諭屢感服受約束

城南有大橋圯廢已六十餘年民咸病涉公特捐家財修復之民呼爲郭公橋歷六載晉吉安府丞臺司廉其才令三緡邑綬所至有惠政隨升饒州太守滇氛煽亂府城外皆嘯聚伏莽之藪城中滿漢兵僅八百人然每出必俘馘而返公執銳披堅賈勇身先與武弁爭挫賊賊憤甚盡糾餘黨殆四萬人挾火器攻城有僞降者三百餘人潛爲內應城遂不支公猶裹瘡巷戰馬忽蹶遂及於難時康熙乙卯某月日也督臣以事上聞天子憫惜忠勇贈光祿寺卿賜祭葬蔭其裔公仲弟國學生諱萬慶字熙甯先公歿其子琛繼公後季弟國學生諱萬嵩字藩侯有節槩冒險赴饒扶柩歸治祭葬盡悌道焉

贊曰近閱倚伏之機益見天運之可信矣居常謂副將公陰德鉅而祿位未稱王子春公以捧進賀表自京還里相過聆其論議通達治體予謂郭氏之後以儒術顯蓋時爲之也乃甫膺二千石遂以見危著臣節令千載下視之凜凜有生氣名在青霄矣

右傳梁熙撰

圖書集成醫部全錄

三

173-044

阿納達 查布丹等

阿納達蒙古人隸滿洲鑲藍旗姓博爾濟吉特其先有烏什巴於國初來歸授二等男加至一等男襲至阿納達後以其姪騎都尉兼一雲騎尉巴什理卒無嗣仍令阿納達襲併爲一等子任護軍統領康熙十三年逆藩吳三桂僞將馬寶分兵犯江西阿納達隨安親王岳樂進勦時護軍參領查布丹佐領阿畢達護軍校松愛七品官邁圖八品官錫圖巴俱隨大兵進征阿畢達敗賊於鄱陽湖及壩口等處松愛四敗賊兵恢復建昌邁圖敗賊六千於鄱陽湖之岔口村又敗之艾影山擊走賊艘三百餘於壩口十四年五月松愛敗賊帥邵連登於長興六月阿納達戰歿於泥堰查布丹

亦戰歿於新口十五年二月大兵擊吳逆僞將夏國相李良棟等
於萍鄉之來龍山錫圖巴督雲梯進攻歿於陣阿畢達與署參領
科賚納開驍騎校袞泰皆力戰陣亡松愛邁圖與署參領恩圖俱
中傷歿事平議卹阿納達加一雲騎尉子六格襲查布丹等俱
贈雲騎尉查布丹滿洲正藍旗人姓郭洛羅孫朱爾薩襲錫圖巴
滿洲鑲紅旗人姓喀爾喇子穆爾禪襲阿畢達蒙古鑲白旗人姓
烏朗漢濟勒默特子色楞多爾濟襲科賚滿洲鑲藍旗人姓舒舒
覺羅子仙保襲納開滿洲正白旗人姓伊爾根覺羅子那爾賽襲
袞泰滿洲鑲紅旗人姓伊拉里子常在襲松愛滿洲鑲藍旗人姓
滿孔子雅爾泰襲邁圖滿洲鑲黃旗人姓富察從子馬爾齊哈襲

恩圖滿洲正白旗人姓吳查喇

右 國史館本傳

國史館本傳

雅賚

雅賚滿洲正藍旗人姓納喇氏初爲王府長史兼佐領 聖祖仁
皇帝康熙十三年九月 命署副都統率兵駐防江甯未至奉
命移駐安慶時逆藩耿精忠叛應吳三桂遣賊將由福建陷江西
廣信建昌饒州三府及湖口彭澤二縣 上遣安親王岳樂爲大
將軍赴南昌 詔雅賚與署副都統阿喀尼參贊軍務先由安慶
移兵勦賊彭澤十一月雅賚同阿喀尼進征偵知彭澤城北小姑
山有賊二百餘踞守先遣兵攻勦賊結水寨發槍礮拒戰我兵繞
其後陟山而下奮勇分擊斬僞千總陳三省餘賊多創斃及溺水
死者獲賊船二取其軍器遂進薄縣城城西臨大江南北皆巖巒

路險峻乃督兵趨其東陟山坡樹雲梯登城賊不能抗縱火焚城中廬舍開東門出遁我兵追擊之殲殪大半獲偽劄及軍器無算遂進征湖口偽遊擊周立龍偽守備周立虎率兵二百餘來降會安親王軍至賊聞風棄城遁都昌安親王令雅賚同阿喀尼勦賊都昌至則賊復竄往鄱陽湖復其城偽監軍道葉甲偽都司周羅王錫等乞降十四年二月雅賚同阿喀尼率水師勦賊鄱陽湖先趨五桂寨賊棄寨竄遁賊將黃浩旋合賊眾乘船迎犯我軍分兩隊交戰賊敗卻追至梅溪瑞洪康山湖及壩口先後殪賊數千生擒二百餘口獲船數百尋會陸路軍於苜蓿灣與護軍統領朗素副都統珠拉禪等收復餘干縣城四月隨安親王征建昌賊將邵

連登踞長興山列營三十雅賚率首隊兵由山左仰攻諸軍由右夾擊盡破賊營殲賊無算連登中流矢死六月同都統霍特進征廣信次石峽天暑人馬疲渴猝遇賊伏我師稍卻雅賚直前奮戰中礮歿於陣 賜祭葬如典禮諡襄壯 子騎都尉世職以其子班第襲 世宗憲皇帝時入祀昭忠祠其世職既襲三次循例停襲 今上乾隆十五年 詔覈八旗世職之次其死事卹敘而襲次已滿者 特予恩騎尉世襲罔替復以雅賚之四世孫德慶襲

右 國史館本傳

同治七年庚子年十一月二日

三

擴爾坤

擴爾坤滿洲鑲紅旗人姓薩克達先世居那穆都祿地 國初有
葉古德者率戶口來歸編佐領使統之是爲擴爾坤祖父喜福官
兵部理事官崇德八年十二月隨副都統鄂羅塞臣征黑龍江攻
降圖呼爾禪城順治三年隨都統覺羅巴哈納擊敗叛鎮賀珍於
漢中六年勦叛鎮姜瓖賊黨於甯武關及左衛中創力戰紀功初
由考滿授雲騎尉兩遇 恩詔晉三等輕車都尉後因創發卒十
五年 贈二等輕車都尉以擴爾坤長子希特哈襲擴爾坤時任
佐領隨征貴州敗明桂王朱由榔之將李成蛟於涼水井又擊走
僞晉王李定國於雙河口十八年希特哈卒擴爾坤次子佛倫雅

圖製職尋亦卒康熙元年擴爾坤襲二等輕車都尉十二年八月
由護軍參領擢鑲紅旗蒙古副都統十二月以逆藩吳三桂反
命駐防太原十三年正月移駐西安尋以四川告警 命擴爾坤
進駐漢中六月同副都統吳國楨會總督周有德軍於廣元接應
攻保甯大軍七月叛鎮吳之茂由昭化出犯廣元擴爾坤遣兵敗
之八月賊五千餘由廣元西南水陸兩路來犯分兵擊卻之九月
擊敗劫糧賊眾於二郎關擒僞都司賀騰龍十一月僞將軍何德
成引賊四千犯廣元分兵渡河擊卻之逐北三十餘里尋以七盤
朝天諸關復爲賊踞 詔檄廣元兵還漢中十四年七月漢中乏
餉將軍錫卜臣領軍還城固縣擴爾坤率右翼四旗兵殿後僞總

兵彭時亨等以八千餘賊踞險邀阻擴爾坤擊敗之且戰且行三晝夜次洋縣之金水河與賊七戰皆捷諸軍前行擴爾坤仍殿後賊眾環逼中創力戰歿於陣 賜祭葬如例加騎都尉又一雲騎尉合舊襲之職爲三等男二十五年二月以其孫額爾白納襲甫八歲是冬殤乃以其子遜札齊襲遜札齊初任侍衛尋遷護軍參領三十二年十二月擢鑲紅旗滿洲副都統三十五年 上親征噶爾丹以遜札齊管鑲紅旗火器營協管鑲紅旗行營事五月師至克魯倫河噶爾丹竄 命同平北將軍馬思喀追剿至巴顏烏蘭六月遷護軍統領三十六年扈 蹕甯夏以伊拉古克三胡土克圖奔投策妄阿喇布坦 命同散秩大臣巴當阿率兵齎四十

日糧追至瀚海而還四十二年四月遷正黃旗蒙古都統四十四
年九月調滿洲都統列議政大臣四十五年 命同尙書徐潮等
往淮安監修河工自高家堰三壩下引水至唐漕河入寶應湖自
高郵減水壩下引水從車邏中壩至串場河白駒閘入海又於文
華寺開引河及淮安城南濶河清溝引水由蝦溝口入海其濬河
十萬四千九百餘丈築隄四萬一千五百餘丈并建閘洞閘五月
竣事五十五年五月擢工部尙書五十七年四月調戶部六十一
年十一月 世宗憲皇帝御極 命協管 陵工雍正元年四月
以辦理敬謹盡心 賜雲騎尉職合舊襲之三等男晉爲二等男
十月調工部尙書二年十月因戶部庫虧帑二百五十餘萬兩遜

扎齊不先舉發及奉 旨察究何人侵蝕復徇情庇護 命革職分賠越三年以應賠銀十萬兩僅繳一千二百餘兩論斬繫獄六年九月 詔入旗及各省督撫確察虧帑罪犯其父祖有偉績殊勳及陣亡盡節者據實具奏於是鑲紅旗都統等以遜札齊之祖喜福父擴爾坤俱係出征傷亡入奏 命免罪釋放并免追繳八年十一月卒其舊襲男爵循例銷去 恩加之職改二等輕車都尉以其次子瑪什泰襲

右 國史館本傳

金世爵 杜疇等

金世爵鑲藍旗漢軍順治十四年由舉人任廣東合浦知縣康熙十四年高州總兵祖澤清叛附吳三桂世爵蒐軍實爲捍禦計八月三桂遣僞將王宏勛等率賊數萬犯廉州世爵登城固守及城陷與守備杜疇俱不屈死又有侯進學者隸平南王尙可喜藩下先爲三桂所脅同其黨遞逆書抵廣州進學卽自首可喜以 聞詔授騎都尉世職擢廉州遊擊至是爲賊所得囚以木籠送至常德三桂縛之於市十五年二月賊圍肇慶開建守備翟永昌奉調赴援遇賊高要屢戰陣歿是年逆黨馬雄攻新會平南王藩下左翼鎮標中軍遊擊文天壽與總兵孫楷宗遊擊趙天元禦之江門

精宗天元陰附賊誘天壽同降天壽叱之曰背主不忠吾錚錚丈夫豈鼠輩可脅耶遂被害沈屍海中前後議卹 詔贈世爵廣東布政使參議廕一子入監嶠卹銀如例廕一子衛千總進學 贈副將廕一子守備永昌 贈署都司僉書廕一子衛千總天壽贈副將廕一子守備嶠江南無錫人永昌山西平陽人天壽陝西安塞人

右 國史館本傳

洪徵 蘇汝霖等

洪徵福建人康熙十三年耿逆叛江西爲廣東江南湖廣要衝駐
大兵以提閩以徵爲都督僉事專任屯田十四年九月遇崖石賊
首黃斯盛等於贛縣力戰被擒不屈死妻蔡氏亦罵賊死十月明
餘孽朱統錫陷建昌攻金谿邑人致仕金華府同知蘇汝霖與知
縣協謀拒賊從閒道趨府求援賊偵知追至薑山被執脅降不從
至斷手擊齒猶含血噴賊死十五年賊帥夏國相據萍鄉千總陳
應龍把總王祥攻城戰歿賊楊益茂寇撫州把總謝友中礮卒叛
弁李雄圍界山把總陳潤蔡廷珍被戕賊將韓大任據吉安千總
侯朝攻之於城東廂戰歿十六年都司僉書管守備事裴應時隨

江甯將軍額楚至吉安與大任戰被創死十七年千總張士傑亦與大任戰於瑞金之鷓鴣寨偕千總李龍外委把總王進功方大千俱戰歿逆黨江機聞永豐把總曾龍礮傷歿守備管千總事馬成麟勦江機於廣信之何家寨與把總高虎楊國龍同歿於陣先後事 聞 詔贈徵左都督蔭守備應時 贈遊擊蔭千總餘卹如例汝霖順治九年進士應龍江西新城人祥江南巢縣人友陝西長安人潤福建海澄人廷珍福建漳浦人應時奉天人士傑陝西榆林人李龍河南歸德人曾龍江西臨川人成麟奉天人虎山西澤州人國龍江南廬江人朝進功大千籍無考

右 國史館本傳

楊光祖 趙汝發等

楊光祖山西甯武人初官江西九江衛千總擢南昌水師營都司
康熙十三年十月安親王岳樂討耿精忠逆黨於江西以光祖司
游徼十四年四月大兵破賊於撫州四十里堡又追敗之於七里
岡光祖有功署遊擊事賊退守建昌府大兵乘勢進攻偽將邵連
登合眾八萬餘來犯岳樂與將軍希爾根等分兵進擊遣光祖率
守備趙汝發等分徇新城縣先是新城石峽叛兵遙應精忠把總
吳勝擊之賊據橋爲固勝直前奪橋賊以戟中其馬勝墮橋下已
伏賊十餘人勝揮刀力鬪殲之躍登岸賊散而復合勝戰死光祖
馳至力擊破之大兵已敗連登進復建昌 上以時方炎蒸 命

岳樂等養馬南昌俟秋進發擇人守建昌岳樂詢於總督董衛國曰宜黃廣昌多土寇竊發而南豐爲衝要守弁尤宜得人衛國薦光祖勇幹因分兵六百令守南豐汝發屬焉時僞將易明樂燦劉汝桂等竄伏山谷光祖修器械繕城堞嚴設備賊偵城中兵少潛約黨分路來襲九月燦等自宜黃攻北門汝桂等自廣昌攻南門光祖汝發分應之賊勢四合三日城陷汝發扼門拒之賊蜂至汝發被殺光祖奮勇巷戰身被數十創猶血戰力盡乃死衛國遣隨征遊擊趙燦來援遇賊於楊梅寨中礮歿汝發山東人燦福建漳浦人勝江西安仁人光祖之歿也有王德鳳者爲光祖飼馬光祖出戰德鳳從後自亂軍中逸出言光祖死事狀甚烈衛國請將光

祖以遊擊加 贈部議光祖官止都司署遊擊仍照都司給卹
贈遊擊旋 贈燦參將汝發都司勝給銀百兩並 賜葬廕一子
光祖子二鯤以廕仕至直隸正定總兵鵬官河南南汝光總兵雍
正四年合疏請 恩贈光祖如其官 詔允之鯤終古北口提督
別有傳

右 國史館本傳

國朝實錄卷之六十一

三

--	--	--	--	--	--	--	--	--	--

黃樞 從子芳名等

僉事諱樞字君著忠恪公仲兄事親至孝康熙十四年鄭逆圍潭
傾貲佐忠勇王守城及子芳泰將赴粵請援曰行矣毋念吾老城
陷被執拷掠尤酷卒不屈遇害有義之者竊其首匿之事 聞

贈浙江按察使司僉事 賜祭葬蔭一子入監後以子芳泰襲海
澄公爵 加贈光祿大夫一等海澄公妻董氏自縊復甦罵賊被
縊死 贈一品夫人同 賜諭祭

右家傳翁方綱撰

黃芳度

忠勇王諱芳度字壽巖忠恪公長子也少沈毅瑰偉軍中目之康

國朝通志卷之三十一
三
熙十三年耿逆叛忠恪公薨於位王乃墨衰經權知軍事傾貲募
兵旬日得九千人晝夜訓練逆遣僞總兵劉豹來鎮漳易置官吏
王殲之復擒斬逆道張全於軍門眾皆震肅又遣將賴陞擊逆師
於上淡橋大敗之而海寇鄭經乘亂由廈門入泉州與耿逆連勢
王獨捍孤城七疏請救皆爲逆關吏所阻乃遣標員黃藍齋蠟丸
疏間道達於朝 聖祖仁皇帝大喜以其疏徧示廷臣 密旨
褒美 命襲海澄公爵趣援師速與王會王益感奮勵戰備初鄭
逆以王年少易之將分兵攻汀州既聞王繕兵狀乃大驚十四年
閏五月悉眾圍城王登陴誓師使兄芳泰突圍赴粵迎援師使族
兄賴振守平和爲之應以原總兵黃翼守西門副將蔡隆守南門

吳淑守東門自將北門當其衝以兄芳名協守之別出一軍屯西山爲城中聲援王處圍城中日以忠義勵將士曰二逆所以不敢悉兵於江粵者畏我尾其後也區區漳郡所牽制不細戮力待援師表裏擊之勿可失也則又機火具於府中曰脫不利卽殞此示諸軍有必死志由是將士皆勇氣百倍聞購死士出奇兵以躡賊營殺僞前鋒鎮萬宏斬首數千級驍將許耀負創幾獲明日東出斬僞鎮黃鼎新鄭國選又明日西出斬僞鎮盧英及裨將七人餘眾扶傷奔命血流於道賊憤屢敗盡銳急攻昇巨礮擊城訇聲震天城壞五十餘丈賊眾蟻附將登王躬冒矢石投火藥盡燒其緣城者立柵壘土須臾城完賊相顧駭愕自是掘濠築塹爲持久計

無復敢薄城下者前後捷聞上皆密敕獎勵王散私財振窮乏按戶月給粟城中市價無變老弱不驚者凡六月兄芳世以援師自京由粵來與芳泰會閒道且至賊聞欲遁去叛將吳淑與弟潛通款於賊十月六日平明霧塞王方分察守陴東門啟賊擁眾入先至王府火機不得舉王聞變登北門芝山督諸軍巷戰不利乃馳入開元寺下馬北嚮再拜曰叛將負臣臣惟一死報國從臣父地下耳遂投東井死援師不及聞二日耳賊解王屍王母趙太夫人自經死王夫人李氏命婢熾火機不及爲賊所執夫人捨地毀形罵賊不屈亦自經死伯父樞兄芳名弟芳聲芳祐及蕃功男女老幼殉節者三十餘人部將黃翼蔡隆朱武張境陳驥陳

謙戴彝吳友鄭宗煥皆死焉家丁陳鼎罵賊死金美聲王六吳吉
兆皆於王投井後自剄死事 聞 上震悼時方尙膳投箸嗟歎
不已 特詔追封王爵諡忠勇夫人李氏 封王夫人十六年賊
平 特遣官諭祭二壇並 賜白金七千兩造塋祠碑坊皆與李
夫人同諸將死事者俱 贈卹有差王闔門殉難無嗣以同祖兄
芳世襲公爵是爲忠襄公忠襄公卒以從弟芳泰襲是爲襄愨公
襄愨公卒以長子應續爲王後襲爵是爲溫簡公乾隆三十二年
六月二十九日欽奉 上諭朕恭閱 實錄內所載海澄公黃芳
度闔門殉節忠盡可嘉業經准襲公爵十二次以酬義烈因思綠
旗世職向無承襲罔替之條但如黃芳度之捐軀授命大義炳然

自應破格施恩賞延於世以昭褒忠盛典至於征勦吳逆時將軍張勇趙良棟王進寶平定噶爾丹時提督孫思克諸人並各懋建勛庸昭垂史冊其承襲世職亦當一體加恩予以罔替又如提督陳福於王輔臣之亂勤勞闢寄被賊暗戕及近日勦平回部時提督豆斌總兵高天喜等雖不如張勇等之勲勞茂著然均能奮勇疆場抒丹效命皆宜厚予恩卹用慰忠魂其襲次滿時俱著照入旗之例賞給恩騎尉俾其子孫得資以上進永遠承恩世食忠貞之報此外有似此等應行分別加以優卹者著軍機大臣會同該部詳悉查明具奏候朕再降諭旨國家承平百餘年中外一統滿洲漢人皆我臣僕朕亦從不肖稍分畛域綠旗將弁中果有盡誠

爲國克奏膚功者自應錄敘從優恩施後裔若其身歷戎行而選
輟惟怯債事失機如近日李時升朱崙等之負恩誤國亦必明正
典刑俾師武臣知所做戒總之示懲示勸一惟其人功罪所自取
而無所容心曲徇於其聞所以昭信賞必罰之大經於是乎在將
此通諭中外知之欽此

關

右家傳翁方綱撰

蔡隆 朱武等

蔡隆福建海澄人爲海澄公黃芳度標下副將康熙十三年耿精忠連海賊鄭錦爲寇芳度練勁旅萬人保漳郡錦遣僞將攻漳浦芳度奏入 詔平南王尙可喜發師援十四年閏五月大兵自粵入閩賊偵知悉衆圍漳郡復分攻平和大兵道梗不得進圍益急隆守南門遊擊朱武從芳度守北門叛將吳淑潛通賊獻城芳度等巷戰力竭芳度赴井死隆武陣亡芳度詳見大臣傳芳度標下同死者外委張瓊陳謙戴鱗黃香吳友及革職總兵黃翼革職遊擊陳驥芳度之姻戚同守城而死者張濟陳猷賊執守備楊定國不屈支解之方城未陷時賊知芳度軍事多倚遊擊鄭宗渙乃挾

其母兄至城下脅降母大呼曰吾兒勉爲忠臣吾死瞑目矣賊怒殺其兄及城陷械宗渙送臺灣赴海死十五年十二月錦擾光澤大兵擊之茶碑寨浙撫標千總李龍陣歿次年正月遊擊莫三元亦戰死三月賊擾邵武千總齊龍中礮歿先後事 聞 詔加贈隆爲右都督武爲都督僉事俱廕守備瓊謙鱗香友翼驥定國並都司僉書廕千總餘卹如例武福建泉州人瓊香友翼驥濟俱福建平和人鱗福建長泰人謙猷俱福建海澄人宗渙福建龍溪人定國山東益都人李龍江南人三元山東夏津人齊龍直隸正定人

右 國史館本傳

張國彥 李毓采等

張國彥順天大興人順治十五年武進士任陝西波羅營副將康熙十三年陝西提督王輔臣叛應吳三桂國彥嬰城守十四年賊黨數千至漁河本營兵變偪國彥獻印不屈妻許氏自縊國彥手刃婢妾五人發火自刎死同時外委守備李毓采亦戰死於綏德賊由綏德陷神木守備張光斗戰歿由神木攻木瓜營守備左成庫戰歿方輔臣之犯固原也平慶道陳彭與總兵王國棟爲內應誘執遊擊李進忠王宣都司僉書李成梅署都司僉書完文元俱不屈絞死宣弟賓亦與焉千總吳繡亦戰歿於固原城下賊由固原攻鎮原城陷典史馮明兩被執不屈死進寇蘭州署鎮羌營遊

擊都司僉書丁顯俊礮傷死千總錢仲科箭傷死是年署都司僉書張大選戰歿於鞏昌城下佐領高攀龍戰歿於金水河佐領李甯以運糧戰歿於青山關領催葛永旺戰歿於插鼓臺又撫標守備寇逢吉以父爲賊掠給賊以金贖旣而金不至賊怒令其黨執逢吉逢吉伏兵盡擊殺之賊復大至戰歿於青峯山下賊由陝犯山西之石樓縣把總李克友戰死於薛家窰先後議卹 詔贈國彥太子太保左都督妻許氏 贈一品夫人廕騎都尉毓采廕衛千總光斗都司僉書廕千總進忠宣俱副將廕守備成梅參將廕守備文元參將廕衛千總繡廕衛千總顯俊遊擊廕守備仲科廕衛千總大選遊擊廕守備攀龍畱俱廕雲騎尉克友廕衛千總餘

卹如例統采陝西清澗人光斗成庫俱陝西榆林人進忠鑲藍旗
漢軍宣鑲黃旗漢軍成梅正藍旗漢軍文元正黃旗漢軍顯俊四
川達州人大選正黃旗漢軍畱鑲黃旗漢軍永旺正紅旗漢軍逢
吉陝西岐山人克友山西石樓人餘籍無考

右 國史館本傳

陳福

陳福陝西榆林人先是居江甯父德明爲明榆林副將與流賊李自成戰歿於陣福葬之榆林遂家焉世祖章皇帝順治二年大兵定陝西福應募隸甯夏總兵劉芳名標下爲把總隨征叛賊賀珍武大定王元馬德等有功擢守備尋調隨都統李國翰勦滅趙榮貴王永強牛化麟高友才諸賊進征四川授遵義遊擊率兵攻勦忠州賊寨擒斬僞總兵陳貴榮高鶴鳴等敘功加參將銜聖祖仁皇帝康熙二年隨四川總督李國英勦滅自成遺黨劉二虎郝搖旗李來亨袁宗第等於茅麓山加右都督銜尋擢成都副將署重慶總兵十二年召入覲賜鞍馬授甯夏總兵時逆藩吳

三桂反遣其黨王屏藩等犯四川四川提督鄭蛟麟總兵吳之茂皆叛應之福妻子在夔州爲賊所阻十三年蛟麟等以書誘福福執賊使遣其弟生員陳壽馳奏上嘉福忠貞予騎都尉世職授陳壽爲刑部主事未幾陝西提督王輔臣叛於甯羌據平涼固原道陳彭定邊副將朱龍皆以城叛福分飭所屬防勦疏陳其略

諭獎以殫心籌畫十四年三月上諭部臣曰甯夏總兵官陳福效力巖疆勞績素著屢舉首逆札克篤忠貞且其妻子家屬見在蜀中逆賊挾誘福全無顧戀矢志不移深足嘉尙著升補陝西提督仍暫駐甯夏管轄鎮兵其弟守備陳奇妻子亦陷賊中殊爲可憫著從優以參將升用旋復以福舉首王屏藩逆札下部優敘晉

爵三等男是時王輔臣陳彭朱龍受吳三桂總管巡撫總兵等僞職糾黨四出脅誘花馬池及惠安安定諸堡並爲所陷遂掠興武營福遣兵擊卻賊眾連復惠安安定諸堡自率兵圍花馬池擒斬僞都司王一龍等招降脅從之眾聞陳彭犯靈州遣遊擊熊飛擊之遁擒斬僞參將馬騰蛟等福率兵復甄坪安邊兩堡進圍定邊城掘壕築臺以困之先是朱龍不虞我軍至以僞副將倪光德守城而自出掠綏德至是知圍急引還福設伏沙家澗殲賊無算生擒朱龍城中人驚懼逐倪光德出降福斬龍及光德以徇移檄招撫下馬關僞參將李訓縛僞總兵陳江詣軍門歸順陳江者初以海賊投誠投陝西督標副將經略莫洛攜以隨征王輔臣旣害莫

洛江從逆分踞下馬關福招之不應及是就縛乃數其罪而誅之
旋偕副將秦必圖勦賊平遠所斬僞參將陳起元等復其城 上
嘉福勞績茂著優擢其弟壽爲鴻臚寺少卿福旣復平遠所偕秦
必圖乘勝勦賊直薄固原城圍之逾月王輔臣遣賊將自平涼來
犯城中賊聞有外援亦突出抗拒副將賈從哲遊擊張元經卻走
秦必圖戰歿於陣福收兵還靈州請 旨斬從哲元經於軍旋奉
詔以固原賊眾恃平涼之賊應援或先助貝勒洞鄂攻取平涼緩
圍固原宜相機以行福奏固原有賊萬餘若我兵徑趨平涼恐賊
斷我餉道請先取固原以遏賊勢 上允其請十二月福率甯夏
兵征固原時王輔臣陳彭爲緩兵計潛分布奸黨虛張賊勢以搖

惑我軍值歲暮冰雪甯夏兵不樂遠涉且以前此圍固原失利爲
戒軍次惠安堡夜半眾呼譟欲劫福退師福出帳以大義曉諭猝
遇害隨征諸將各收所部還本營事 聞 上命天津總兵趙良
棟爲甯夏提督察其事廉知平羅營把總劉德倡議退師參將熊
虎與其謀而營兵閹國賢陳進忠實戕害福四人並伏誅 諭嘉
福爲國捐軀忠誠顯著擢其弟涿州參將陳奇爲天津總兵 優
贈福爲三等公 賜祭葬如典禮諡忠愍以三等子爵予襲九次
子世琳世勳久陷賊中復爲賊自夔州掠至遵義部議以陳壽之
子世怡暫襲十九年陳壽自請隨大軍入蜀訪其家得之遵義攜
至京 命世琳襲爵入籍甯夏尋授直隸三屯營副將遷古北鎮

總兵復遷鑿儀衛鑿儀使雍正八年以福入祀昭忠祠世琳卒子益襲官至雲南楚姚鎮總兵乾隆三十二年上念福致命疆場克紹義烈命予子爵襲次滿時再予恩騎尉世襲罔替益卒子大用襲今任江南提督

右 國史館本傳

公諱福字箕演其先江甯人父尙智明末官榆林副總兵官以拒李自成戰歿葬於甯夏衛因占籍延綏公少倜儻有謀略國初以武舉從甯夏總兵官劉芳名麾下勦香山賊有功授守備隸鑲藍旗部統率國翰麾下攻階州蒲城諸路皆有功加遊擊銜尋授四川遵義鎮遊擊駐兵順慶順治十五年大兵入川公以所部從

斬獲甚眾加參將銜康熙二年巨盜劉二虎郝搖旗李來亨等出沒楚蜀閒蹂躪居民總督李國英請會兵討之公得檄以次年春從西安將軍傅哈禪出征手斬劉二虎於天池寨攻郝搖旗於黃草坪禽之其秋八月又從靖西將軍穆里瑪追擊李來亨於茅麓山來亨自燒死餘黨殲焉論偏裨功公居第一授三等輕車都尉世職遷四川成都城守副將會打箭鑪苗寇警總督蔡毓榮奏改夔州協副將討平之十年攝重慶鎮總兵官事十二年擢陝西甯夏鎮總兵官公入覲請訓卽赴鎮任事家屬尙畱重慶明年逆藩吳三桂據滇叛四川亦應賊吳逆稔公驍勇遣使好言誘公公斬其使以聞賊乃劫公家百口爲質遣使誑公曰不從者一

門無噍類矣公慷慨謂僚友曰吾志吞逆賊豈爲妻子計耶立斬之遣弟壽齋書入奏 天子嘉公忠亮知大義擢陝西提督仍領甯夏鎮事授其弟奇參將壽以廩膳生特授寶應縣知縣王輔臣者平涼大帥潛與賊應據城以叛攻陷定邊城十四年春 詔公與總督哈占合兵取之先是甯夏兵被調征蜀去者十六七其畱者多怯懦莫敢前公諭以忠義申令將士有不進者斬卽日上馬啟行三月至靈武分遣部下復惠安鞏州安定三堡親統兵與蒙古索諾木台吉軍合圍花馬池別遣兵略定遠皆多所斬獲賊朱龍以眾援花馬池我軍邀擊之賊以奇兵出我後腹背受敵我軍益奮斬僞都司王一龍於陣朱龍不能支遁走花馬池賊勢孤乃

下六月進復鞏坪安邊諸砦七月揚威將軍阿弼達奏言逆賊王輔臣率精銳與秦州逃寇屯聚平涼慶陽依山爲固請遣大將軍貝勒董鄂等會平涼而遣提督陳福速取定邊固原以斷其援詔從之公自花馬池進圍定邊鑿濠四面以困賊朱龍復自綏德來援公遣將掩擊於沙家湖生得朱龍父子而定邊僞副將倪光德亦爲其黨脅擁乞降卽斬光德與龍父子軍前王輔臣旣失定邊乃乞撫以緩我師 朝廷察其詐立遣將軍張勇赴秦州會大將軍貝勒董鄂入平涼而 命公出固原夾擊之八月公進兵平遠擒斬僞官二十有二人誅逆眾二千餘級獲輜重器械無算再進斬僞參將陳啟元遂奪其城是月又以舉王屏藩逆書進公爵三

等男公謝乞上提督印專領甯夏鎮事 詔不允九月進兵固原
中衛副將賈從哲遊擊張元經臨陣先退公劾其罪斬以徇於軍
議者或言公所部宜併力赴平涼 詔以問公公奏言若先趨平
涼則固原賊必乘閒斷我糧道非萬全之計莫如先攻固原挫其
鋒銳俾賊自顧不暇然後畱兵守固原臣自以精兵會平涼報
可公遂督師西進屬歲暮大雨雪公督進益急暮抵惠安堡下令
五鼓會食急趨固原城下後者斬是時賊將來降者多在軍中潛
誘軍士爲亂夜半鼓譟入營門衛士皆解散公倉卒未持兵刃遂
薨於軍時十二月二十二日也事 聞 天子震悼命總督趙良
棟按亂首得參將熊虎等四人皆斬以徇追 贈公爵諡曰忠愍

賜檀香木爲首以葬加祭二壇 御製詩一軸建祠甯夏 賜祀
田十頃俾家焉 賜世襲三等子以公弟壽子世怡襲超擢公弟
奇爲天津總兵官十八年冬奇上疏言臣兄福捐命疆場妻子留
蜀生死未卜乞 詔征蜀諸將蹤跡之後三年四川平弟壽爲鴻
臚寺少卿復奏請入蜀訪兄子得之萬點山中廬舍偪仄壽號泣
而入夫人猶不肯認告以故乃大哭呼其子世琳出與壽相抱哭
左右與隸無不灑涕壽還都請以襲爵還世琳 上召見世琳問
以母子流離狀世琳言吳逆怨臣父斬其使殺臣家數十口然終
欲招致之故繫臣母子重慶獄重慶守鄭某知臣父必不附賊陰
釋之臣出山後聞鄭闔門自縊矣臣母子潛伏山谷草衣木食經

七八年乃得復見天日因免冠叩頭泣下嗚咽不成聲 上憫歎
久之卽除直隸三屯協副將歷古北口總兵官鑿儀使卒子益嗣
三十六年 上西巡駐蹕甯夏遣大臣索常泰奠公墓雍正八年
詔入祀昭忠祠益由三等侍衛出爲直隸固關參將官至雲南楚
姚蒙景總兵官卒子大用嗣今爲江南提督

論曰昔新城王文簡公典試入蜀與公交稱公爲儒將越三年而
公以死節聞夫儒者明於大義之謂雅歌投壺輕裘緩帶儒之末
節耳公身經百戰所向無前有英衛之風及滇逆侏張全蜀失守
平涼固原皆爲賊巢公以孤軍介其閒謀國忘家累斬賊使忠義
之忱炳如皦日 天子委以心膂倚爲長城費禱未備乎郭循桓

侯竟隕乎張達哲人云亡痛矣悲哉然而 恩賁重泉賞延奕世
姓氏入名臣之傳俎豆永昭忠之祠生榮死哀公實兼之夫衛霍
功高一再傳而失侯而公之後嗣皆能以功名自奮豈非忠孝之
門必有餘慶天道固昭昭可信耶大昕與公會孫樹齋先生善敬
續公家傳爲敘次之以志景仰之忱俾百世之下聞者興起焉

右家傳錢大昕撰

Vertical text on the right side of the page, possibly a page number or title, written in a non-Latin script.

Small vertical text or mark on the right side of the page.

鄂通武 固音察等

鄂通武滿洲鑲藍旗人姓溫都任郎中康熙十四年陝西提督王輔臣叛踞平涼鄂通武從揚威將軍阿密達討之次平涼郊外輔臣子繼貞拒戰鄂通武偕護軍參領固音察佐領恩克噶達渾阿里瑪肯哲護軍校諾爾齊阿巴都海保輝蘭驍騎校瑪珥富拉布七品官華善八品官諾岱力戰死之賊設伏於平涼之南山八品官薩哈塔擊走之偽總兵蔡元來援薩哈塔戰歿又有參將劉衍從將軍張勇軍復靖遠有功至是衍守平涼之南梁礮傷左足創潰卒十五年二月 上以阿密達等不能迅速滅賊乃 命大學士圖海爲撫遠大將軍進剿五月攻虎山墩墩高數十仞守賊悉

忠義十

精銳列火器以死拒大兵奮勇進自己至午殺賊無算奪其墩驍
騎校阿爾泰佐領佟士功俱戰死雲騎尉和貝騎都尉賽弼圖俱
受重創旋傷發卒 贈鄂通武雲騎尉子佛保襲固普察恩克噶
達渾阿里瑪肯哲諾爾齊阿巴都海保輝蘭瑪珥富拉布華善諾
岱薩哈塔俱 贈雲騎尉衍 贈副將和貝 贈騎都尉佟士功
賽弼圖俱 贈雲騎尉世職餘卹如例固普察滿洲鑲紅旗人姓
瓜勒佳從子錫門德鋼襲恩克蒙古正藍旗人姓烏朗罕濟勒門
子多爾濟襲噶達渾滿洲鑲藍旗人姓瓜勒佳子喀布錫賢襲阿
里瑪蒙古正紅旗人子幹本襲肯哲蒙古正藍旗人姓巴顏子五
十四襲諾爾齊滿洲鑲紅旗人姓嘎爾達蘇子諾色里襲阿巴都

滿洲正紅旗人兄阿穆蘭襲海保滿洲鑲藍旗人姓薩克達從子
布蘭泰襲輝蘭滿洲正紅旗人子索住襲瑪珥滿洲正黃旗人從
孫正明襲富拉布滿洲鑲紅旗人姓納喇子保住襲其從子普鐸
後從征吳三桂亦戰歿於永興華善蒙古鑲紅旗人姓西訥楚特
弟克錫貝襲諾岱滿洲正黃旗人姓瓜勒佳子孟格襲薩哈塔滿
洲鑲紅旗人姓哲柏子薩爾泰襲衍鑲紅旗漢軍子鑛廕廣州防
禦阿爾泰滿洲鑲紅旗人姓瓜勒佳佟士功正藍旗漢軍從子鑑
襲和貝蒙古鑲藍旗人姓巴林子瑪錫襲賽弼圖滿洲正黃旗人
姓薩克達子常安襲

右 國史館本傳

瑚什塔 伊蘭泰等

瑚什塔滿洲鑲黃旗人姓納喇康熙十三年吳三桂叛大兵由陝西進討叛鎮譚洪據陽平關瑚什塔以護軍參領銜偕署護軍參領伊蘭泰徹圖納孔濟納前鋒校賽音布祿護軍校瑚紐署護軍校賽音達理隨前鋒統領穆占與賊戰於野狐嶺賊沿山設伏樹幟誘戰瑚什塔等擊敗之抵陽平關賊萬餘於山巔立柵拒守瑚什塔等奮力仰攻破焚其柵進至朝天關偽總兵石遵禮以賊黨萬七千餘人修木城設信礮復於山下立柵二層連列賊營三十餘座瑚什塔等偕參將瑚圖佐領德理格爾前鋒校嵩夏驍騎校糾渾柱敗之復偕嵩夏賽音布祿敗賊將韓天福等於保甯大軍

進至蟠龍山小梅嶺及龍潭驛等處瑚什塔偕伊蘭泰並佐領費
赫齊驍騎校博達理克什圖防禦奇蘭布護軍校業木布屢戰屢
捷十四年從逆提督王輔臣據秦州叛瑚什塔等隨大兵圍秦州
偽總兵七由四川及平涼等處各率賊眾萬餘來援城中賊入千
餘偵知外援至出而夾擊我軍瑚什塔等力戰與伊蘭泰徹圖納
孔濟納賽音布祿瑚紐賽音達理瑚圖德理格爾嵩夏糾渾柱費
赫齊博達理克什圖奇蘭布業木布前鋒參領波纒阿甯阿署章
京祿普查班第什哈護軍校沃西遂蓀積善布達什圖弼赫音布
祿克查舒恕納固甯安丹布驍騎校波羅布達綽思啟均陣亡又
有佐領福依保於順治十七年隨征福建鄭成功有功佐領莫勒

於康熙三年從征湖廣茅麓山有功騎都尉博卓洛於順治六年
隨征叛鎮姜瓖有功護軍校雅布色於順治十七年隨征明桂王
朱由榔僞將李定國有功驍騎校阿哈里於順治十八年從征山
東流寇有功至是與驍騎校瑪喇喜均陣歿議卹瑚什塔 贈三
等輕車都尉孫金保襲伊蘭泰滿洲正紅旗人姓他塔什吉勒
贈騎都尉兼一雲騎尉子錫爾門阿襲徹圖納滿洲正黃旗人姓
圖色里 贈騎都尉兼一雲騎尉姪額爾德尼襲孔濟納滿洲正
白旗人姓他塔喇 贈雲騎尉子明柱襲賽音布祿滿洲鑲白旗
人姓納喇 贈雲騎尉子元圖德襲瑚紐滿洲正白旗人姓納喇
贈騎都尉子那丹布襲賽音達理滿洲正白旗人姓佟佳 贈雲

騎尉孫巴爾達襲瑚圖滿洲正紅旗人姓伊爾根覺羅 贈雲騎尉子哲庫納襲德理格爾蒙古鑲藍旗人姓扎拉爾 贈騎都尉子阿玉璽襲嵩夏蒙古鑲黃旗人姓柯勒德 贈騎都尉子班第襲糾渾柱滿洲鑲藍旗人姓伊爾根覺羅 贈騎都尉姪伊圖理襲費赫齊滿洲正黃旗人姓董鄂 贈騎都尉兼一雲騎尉子賽柱襲博達理滿洲正黃旗人姓舒圭 贈騎都尉子阜保襲克什圖蒙古正紅旗人姓博多爾吉特 贈雲騎尉子扎拉渾襲奇蘭布滿洲鑲黃旗人姓完顏 贈騎都尉子舒魯岱襲業木布滿洲鑲藍旗人 贈騎都尉兼一雲騎尉子巴爾吉勒襲波纍蒙古正紅旗人姓卜奇木吉拉 贈雲騎尉子托和濟襲阿甯阿滿洲正

白旗人姓瓜勒佳 贈雲騎尉子索柱襲班第什哈蒙古正藍旗
人姓扎拉爾 贈騎都尉姪色圖克襲沃西滿洲鑲白旗人姓鈕
祜祿 贈雲騎尉子官保住襲遂孫滿洲正紅旗人姓鄂濟 贈
騎都尉子岱濟特什襲積善滿洲正黃旗人姓屠圭 贈騎都尉
孫觀音保襲布達什蒙古正白旗人姓沙賚 贈雲騎尉子佛保
住襲圖弼赫滿洲鑲黃旗人姓瓜勒佳 贈三等輕車都尉子蘇
赫襲音布滿洲鑲藍旗人姓溫特赫 贈騎都尉子碩色襲祿克
查滿洲正白旗人姓兀扎喇 贈雲騎尉子祜爾吉勒襲舒恕納
滿洲鑲紅旗人姓瓜勒佳 贈雲騎尉子那隆阿襲固甯安滿洲
鑲紅旗人姓兀扎喇 贈雲騎尉子烏蘇克襲丹布滿洲鑲紅旗

人姓富察 贈雲騎尉子圖桑阿襲波羅滿洲正紅旗人姓鈕祜
祿 贈騎都尉兼一雲騎尉子達色克襲布達蒙古鑲藍旗人姓
博爾濟吉特 贈雲騎尉弟班第薩克勒襲綽思啟滿洲正黃旗
人姓威古特 贈雲騎尉子舍普德襲福依寶滿洲正白旗人姓
庫雅拉 贈雲騎尉子德勒慎襲莫勒滿洲鑲紅旗人姓富察
贈騎都尉兼一雲騎尉子華善襲博卓洛滿洲正藍旗人姓兀扎
喇 贈三等輕車都尉子額爾德尼襲雅布色滿洲正白旗人姓
瑪佳 贈雲騎尉子保住襲阿哈里滿洲鑲白旗人姓索綽洛
贈雲騎尉子阿爾塞襲瑪喇喜滿洲鑲黃旗人姓伊爾根覺羅
贈雲騎尉姪穆哈連襲

右 國史館本傳

國史館本傳

1111

陸東坡先生集卷之二十一

三

國朝耆獻類徵初編卷三百四十一目錄

忠義十一

台弼圖 劉士英等

布善 喀士奇等

蘇拜 岳洛等

王秉仁 甘應龍等

阿什圖 格什圖等

張國棟 李虎等

孔克德 懷色等

莽靄 邁拉等

胡鑣 張秉乾等

葉有挺

金光 王焜等

晉大忠 梁安等

范承謨

臣等謹將... 卷之三十一

--	--	--	--	--	--	--	--	--	--

國朝耆獻類徵初編卷三百四十一

通奉大夫前署江西巡撫江西布政使司布政使湘陰李桓輯

忠義十一

台弼圖 劉士英等

台弼圖鑲藍旗包衣人康熙十三年以遊擊從征叛鎮王輔臣經略大學士莫洛薦其才 詔授樂平營參將時輔臣遣僞將朱龍等圍清水營台弼圖往援斬賊二百追至鹽場堡又斬賊四百餘賊尋踞定邊偏守備劉士英降不屈偕其妻李氏妾郭氏死之台弼圖旋擒朱龍父子於沙家澗招降李勳德等復敗賊於下馬關斬僞將陳起元又至固原申家灣絕賊糧道敘功擢副將十四年

與輔臣戰於白虎臺陣歿方輔臣肆擾時驍騎校薩奇庫護軍校
固哈禮八品官王世祿俱戰於猴子嶺陣亡雲騎尉翰褚哈戰歿
於石門關護軍參領鄂善領催署驍騎校格洛爾圖蒙柯戰歿於
秦州御史委署參領聶勒庫三等輕車都尉參領碩色三等輕車
都尉佐領塔爾尼雲騎尉查哈岱務立布五品官阿爾護達米哈
納皆戰歿於羅門鎮護軍校阿賚和吉格禮七品官伊納勒起俱
戰歿於顯義關參領奇里布戰歿於盤龍山二等輕車都尉覺羅
色爾圖驍騎校業爾臣綽爾快和爾渾領催赫爾和皆戰歿於平
涼是年驍騎校何和禮以勦賊劉世良陣亡於華山副將陳達以
征西番阿爾納陣亡於偏都口雲騎尉七十八從征陝西四川俱

有功後隨順承郡王勒爾錦攻太平諸處被傷歿議卹 詔贈白
弼圖雲騎尉弟巴什襲劉士英騎都尉子茂勳襲薩奇庫雲騎尉
子瑚新泰襲王世祿雲騎尉子輔襲翰褚哈騎都尉子偏圖襲鄂
善雲騎尉襲無考聶勒庫雲騎尉子赫哲襲碩色雲騎尉併世職
爲二等輕車都尉子明保襲塔爾尼加一雲騎尉子黑塔色襲務
立布騎都尉兼一雲騎尉從子楞色襲阿爾護達雲騎尉從子葛
貝襲米哈納雲騎尉孫發福塔襲和吉格禮騎都尉子常三保襲
伊納勒起雲騎尉弟阿錫圖襲覺羅色爾圖一等輕車都尉子振
特襲何和禮雲騎尉子華善襲陳達雲騎尉子國魁襲餘卹如例
劉士英正白旗包衣人薩奇庫滿洲鑲藍旗人姓赫舍里固哈禮

鑲黃旗人姓瓜勒佳王世祿正黃旗漢軍翰褚哈滿洲正藍旗人
姓嵩佳鄂善滿洲鑲白旗人姓鈕祜祿格洛爾圖蒙柯俱蒙古正
黃旗人聶勒庫滿洲正紅旗人碩色滿洲正藍旗人姓舒穆祿塔
爾尼蒙古正藍旗人姓博多忒查哈岱蒙古鑲藍旗人姓扎拉爾
務立布滿洲鑲藍旗人姓瓜勒佳阿爾護達滿洲正藍旗人姓葛
濟勒米哈納滿洲鑲紅旗人姓完顏阿賚滿洲鑲藍旗人和吉格
禮滿洲正黃旗人姓伊爾根覺羅伊納勒起蒙古正藍旗人姓克
勒特奇里布滿洲鑲藍旗人姓瓜勒佳覺羅色爾圖滿洲正紅旗
人業爾臣滿洲鑲紅旗人姓扎拉吉勒特綽爾快滿洲鑲藍旗人
姓鄂特利和爾渾赫爾和俱滿洲鑲藍旗人赫爾和姓洪果□□

奇何和禮俱滿洲鑲白旗人姓瓜勒佳陳達鑲白旗包衣人七十八
滿洲正藍旗人姓阿顏覺羅

右 國史館本傳

皇朝通志卷之三十三

--	--	--	--	--	--	--	--	--	--

布善 喀士奇等

布善滿洲正紅旗人康熙三年以佐領從定西將軍圖海平流賊餘逆李來亨於茅麓山有功十四年隨振武將軍佛尼勒征陝西叛鎮王輔臣戰於平涼奪虎山墩進攻四川僞總兵石存禮等賊七千出棧道連結七營據益門鎮西山布善力戰被創死同死者四品官喀士奇是年三等侍衛英格亦以征陝西戰歿於洪城黃河岸十七年驍騎校署參領事花善陣亡於四川方王屏藩之擾漢中也與叛鎮譚洪等率眾數千據猴子嶺二等輕車都尉裴應虎隨征西將軍席卜臣進剿敗其僞將軍劉慶成又與僞總兵陳奉漢戰於張前湖洪自申家營來援應虎奮擊大破之又敗僞總

兵楊應芳於溝家營十八年回至播鼓臺王譚二賊率眾萬餘來犯應虎力戰陣亡十九年洪犯重慶三等侍衛色楞隨固山貝子準塔往朔色楞先隨征湖廣時戰於彝陵之金丁山中傷至是由重慶郵奏至萬安遇賊戰歿又隨征副將和善先隨奮威將軍王進寶至鳳縣破賊四千餘恢復五關漢中保甯給雲騎尉世職至是戰歿於瀘州二十年護軍校鄂爾吉虎隨征陝西戰於高橋中槍歿參領地藏保防守四川永甯衛僞將軍馬寶來攻城陷不屈死先後議卹 詔贈布善騎都尉子額爾德升襲喀士奇雲騎尉子常存襲花善雲騎尉從子魁顏襲裴應虎一等輕車都尉子宏道襲色楞雲騎尉子色森齊普襲和善騎都尉子士杰襲地藏保

雲騎尉子七十四襲餘卹如例喀士奇滿洲鑲紅旗人姓哲理英
格滿洲鑲黃旗人姓鈕祜祿花善滿洲鑲黃旗人色楞蒙古鑲紅
旗人姓薩爾圖克和善正白旗包衣人姓雷鄂爾吉虎地藏保俱
滿洲鑲黃旗人

右 國史館本傳

五ノ三ノ一ノ二ノ三ノ四ノ五ノ六ノ七ノ八ノ九ノ十

四

蘇拜 岳洛等

蘇拜滿洲鑲藍旗人姓納喇康熙十四年廣東高州總兵祖澤清
叛附吳三桂引廣西叛鎮馬雄等連陷廣東郡邑 詔平南王尙
可喜將軍尼雅翰等會勦蘇拜以參領從大兵與澤清戰於肇慶
之桂嶺力竭陣亡同死者佐領岳洛委署參領顧思塔雲騎尉鄂
爾準佐領查漢岱驍騎校東克依六品官阿喇善七品官巴圖八
品官納喇遜萬佛保旋分兵捕逆黨三等侍衛僧色里戰歿於十
八洞七品官馬奮戰歿於遂溪未幾澤清降 詔宥罪仍管總兵
事十七年復叛句山海諸寇分犯高州之電白縣 敕將軍莽依
圖額楚等進勦澤清設五營以拒官兵大兵分擊連破之殺賊四

千餘生擒澤清七品官依素森圖俱陣亡先是廣西提督孫延齡
叛附三桂陷潯州殺知府劉浩及浩子中樞中梁中柱中楫事在
十三年後延齡謀歸順三桂偵知之使其從孫世琮襲桂林殺延
齡是年遂攻梧州騎都尉和託與七品官赫壽驍騎校赫渾八品
官赫舒八十俱戰死三桂復使其裨將饒一隆犯興業佐領薩珠
護陣歿十八年世琮圍南甯將軍舒恕莽依圖督兵進剿賊敗渡
江據西山大兵潛出山後截其歸路盡殲之世琮負創遁佐領門
都遜八品官漢楚韓俱戰歿先後事 聞議卹蘇拜 贈雲騎尉
子伊彌遜襲岳洛顧思塔 贈雲騎尉鄂爾準 贈騎都尉查漢
岱 贈三等輕車都尉阿喇善巴圖納喇遜萬佛保僧色里俱

贈雲騎尉馬奮 贈騎都尉依素森圖 贈雲騎尉浩 贈太僕
寺卿和託 贈三等輕車都尉赫壽赫渾赫舒薩珠護漢楚韓俱
贈雲騎尉東克依八十俱致祭一次贈官無考岳洛滿洲鑲白旗
人姓錫林覺羅子雍吉納襲顧思塔滿洲正白旗人姓舒舒覺羅
姪三寶襲鄂爾準滿洲正藍旗人姓納喇子訥木賽襲查漢岱蒙
古正藍旗人子特古色襲東克依蒙古正白旗人子固愛襲阿喇
善蒙古正白旗人子賽查克襲巴圖滿洲正黃旗人子滿保住襲
納喇遜蒙古正紅旗人子格勒爾襲萬佛保滿洲正藍旗人姓納
喇子萬達里襲僧色里滿洲鑲黃旗人姓洪鄂子和洛諾襲馬奮
蒙古正藍旗人姓博爾濟吉特子張保襲依素滿洲鑲黃旗人姓

伊爾根覺羅子因德均襲森圖滿洲正白旗人姓納喇子德爾特
 襲浩鑲紅旗漢軍和託滿洲鑲黃旗人姓富察子哲庫納襲赫壽
 滿洲正藍旗人赫渾滿洲正紅旗人子衡克襲赫舒滿洲正白旗
 人子伊都阿襲八十滿洲正白旗人子安明阿襲薩珠護滿洲鑲
 白旗人姓碧魯子禪珠護襲門都遜蒙古鑲黃旗人漢楚韓滿洲
 鑲白旗人姪劉錫襲門都遜廕卹無考

右 國史館本傳

王秉仁 甘應龍等

王秉仁鑲紅旗漢軍由佐領累官總督倉場侍郎京察自陳降三級調用康熙十四年以佐領委署參將與署參領李廷龍佐領羅世潤馬龍鄭朝興及驍騎校劉宗秩等隨甯南靖寇大將軍順承郡王勒爾錦征逆藩吳三桂師抵襄陽先是穀城總兵楊來嘉鄖陽副將洪福叛降三桂轉攻提督佟國瑤提標遊擊甘應龍巷戰殺賊二百餘身被十餘創力竭陣歿至是來嘉福復犯南漳均州等處雲南提督李胡拜與三路總兵金世需楊茂烈劉文錡駐穀城防守秉仁及廷龍朝興擊來嘉於均州之小礮山死之胡拜以馬龍提補遊擊劉宗秩補都司管守備事穀城失守胡拜陷賊世

需茂烈文錡俱退走龍宗秩皆歿於陣賊分遣叛將王會張以誠
等率黨萬餘攻南漳世潤迎戰中槍陣亡事 聞 詔贈秉仁雲
騎尉孫永錫襲應龍 贈參將廕守備廷龍 贈雲騎尉子文炳
襲朝興 贈騎都尉子宗盤襲龍 贈都督僉事廕守備宗秩
贈遊擊廕衛千總世潤 贈雲騎尉以無嗣停襲均 賜祭葬如
例應龍宗秩龍俱正藍旗漢軍廷龍世潤俱鑲紅旗漢軍朝興鑲
白旗漢軍

右 國史館本傳

阿什圖 格什圖等

阿什圖鑲黃旗漢軍姓周順治元年任佐領從大兵敗流賊於黃
河岸又從征江南浙江俱有功又擊敗海賊鄭芝龍於揚子江及
芝龍降其子成功據福建海澄阿什圖從大兵進剿成功率十萬
餘賊用挨牌奪紅衣礮阿什圖奮擊敗之敘功授雲騎尉又敗明
魯王朱以海將阮思等於舟山授騎都尉十八年升杭州駐防參
領康熙十三年升杭州副都統十四年從征逆藩耿精忠戰歿於
台州同時世襲一等男格什圖亦戰歿於溫州駐防杭州協領黨
喀理戰歿於海澄驍騎校鄂爾布戰歿於蓋峙山方賊犯溫州時
樂清城守營遊擊素穆代嬰城守守備李秉直等開門迎賊素穆

代抗節死甯海將軍傅喇塔統師由和山嶺進攻温州騎都尉兼副參領暖推與賊將朱起龍力戰歿賊將連登雲陷處州據石塘嶺杭州駐防雲騎尉德爾根赴剿敗賊將劉秉仁於半山嶺旋同七品官圖禮進蹴石塘嶺俱陣歿後大兵平浙賊遁歸福建分路進擊江甯駐防佐領部委參領尼瑪達戰歿於福州一等護衛哈勒沁戰歿於廈門護軍校瑚蘭泰戰歿於甯洋驍騎校瓦爾布亦以從征精忠戰歿先後議卹 詔阿什圖廕騎都尉孫周良相襲格什圖加一雲騎尉子保住襲黨喀理雲騎尉從子佛保襲鄂爾布雲騎尉子烏喀納襲素穆代雲騎尉子海德襲暖推騎都尉子福生寶襲德爾根雲騎尉孫薩納海襲圖禮雲騎尉孫明良襲哈

勒沁雲騎尉子武智襲餘卹如例格什圖滿洲鑲紅旗人姓完顏
黨喀理滿洲正藍旗人姓兀扎喇鄂爾布滿洲正白旗人姓噶努
素穆代正藍旗包衣姓蘇佳暖推滿洲鑲白旗人姓兀扎拉德爾
根滿洲正紅旗人圖禮滿洲鑲白旗人姓舒穆祿尼瑪達滿洲鑲
黃旗人哈勒沁滿洲正藍旗人姓納喇瑚蘭泰滿洲鑲藍旗人姓
鈕祜祿瓦爾布滿洲鑲紅旗人

右 國史館本傳

皇朝通志卷三十四

十

張國棟 李虎等

張國棟鑲黃旗漢軍康熙十四年以遊擊從一等侯馬三奇征逆
藩耿精忠僞將連登雲據處州石塘國棟奮擊殺賊七百餘力竭
死同死者千總李虎把總黃徵徐忠隨征官楊文祥先是十三年
登雲圍處州浙督標右營把總張斌赴援敗賊二千餘適處州守
將叛應賊斌陷陣死處州陷賊據石塘要口時甯海將軍傅喇塔
統師進剿先取桃花嶺賊據險拒效用官林有信陣歿至是大兵
由龍游溪大虹橋進擊土塘嶺克之追至赤洋嶺賊沿溪設木牌
列槍礮拒提標千總翟顯陣歿十五年進攻石塘殺賊七千餘斬
僞將四十人破石塘復處州潘上吉范漢臣陣歿賊由閩犯浙東

諸府官兵分路勦禦駐杭協領孔克德署參領劉應泰騎都尉兼
雲騎尉高可進俱戰歿於衢州温州鎮標千總徐天平擊賊温州
夜轉戰至大西山陣歿提標把總馬文秀擊賊台州賊據浮橋矢
礮如雨文秀陷陣死瑞安營千總吳泗擊賊嚴州戰歿於陸家村
效用官張鼎元擊賊紹興戰歿於婁公破塘鎮標右營把總劉舜
援東陽水師提標把總陳士強勦天井畧賊俱陣歿耿逆平其餘
黨竄山谷時出劫四十六年賊葉天祥劫慈谿甯波城守千總婁
汝初偕百總梁國棟往捕戰於楊覺店俱重創死先後議卹國棟
虎斌顯上吉漢臣俱廕衛千總可進 贈三等輕車都尉天平泗
士強俱廕衛千總汝初廕守備餘卹如例應泰鑲白旗漢軍可進

正白旗漢軍天平山東歷城人汝初浙江黃巖人餘籍無考

右 國史館本傳

國朝通志卷一百一十一

國朝詩林卷之三

卷之三

三

孔克德 懷色等

孔克德滿洲正白旗人姓伊爾庫勒順治初以署協領從征明桂王敗其將李成蛟於涼水井進擊李定國於雲南破之磨盤山後又擊山東賊殷秉珊及大寨山賊孫小五等有功康熙十四年以防禦駐防杭州從平南將軍賚塔征耿精忠賊將馬九玉等率眾五萬拒衢州孔克德力戰陣歿時賊將周烈等眾二萬據焦園河岸將軍賚塔分兵邀擊有滿洲正黃旗懷色以間散從軍先眾陷陣有功賊於衢州城北元口山設木城大兵擊破之賊退據大溪灘仍設木城掘濠自固懷色斷其餉道又敗賊將連登雲於處州十五年隨甯海將軍喇哈達敗海賊徐耀於小門山十六年隨將

軍賚塔敗海賊趙得勝於太平山連破二十六營又戰於柏木山
懷色陷陣死同時驍騎校赫西根亦戰歿於太平山賊之據大溪
灘也駐防荊州佐領優德赫調赴衢州同署參領善泰佐領綽洛
泰騎都尉高國俊驍騎校郭有忠李有功伊爾格納並隨大兵進
取江山縣優德赫善泰綽洛泰高國俊郭有忠李有功俱力戰死
尋復江山縣伊爾格納亦陣歿議卹 詔贈孔克德騎都尉姪瑚
里布襲懷色雲騎尉姪孫恩特襲赫西根雲騎尉子桑格襲優德
赫雲騎尉子夸克塔納襲綽洛泰雲騎尉子畱存襲李有功雲騎
尉子文雄襲伊爾格納雲騎尉弟斐雅思哈襲餘卹如例懷色姓
布達禪赫西根優德赫俱滿洲鑲黃旗人赫西根姓富察優德赫

姓葛濟勒善泰滿洲正黃旗人綽洛泰蒙古正藍旗人姓博羅忒
高國俊鑲白旗漢軍郭有忠正藍旗漢軍李有功鑲黃旗漢軍伊
爾格納滿洲鑲白旗人姓西林覺羅

右 國史館本傳

國朝詩林卷之三十一

七

莽靄 遇拉等

莽靄滿洲正藍旗人姓伊拉喇康熙十三年叛藩耿精忠遣僞將陷據江西諸郡邑莽靄以驍騎校從大兵圍撫州城中賊出戰敗之又敗僞將李茂珠等萬餘賊於千金坡僞帥邵連登據建昌參領邁拉戰歿佐領瑚什木遇賊於沙平被創卒八品官保擊賊於長興山陣亡十四年驍騎校多哈亦戰歿於長興山莽靄隨安親王岳樂敗僞總兵朱一典於惠浦乘勝攻建昌與護軍校烏燕圖驍騎校哈里八品官蘇勒伸同戰歿於新口費園輕車都尉畢穆彌隨定南將軍希爾根至建昌與佐領高爾瞻五品官王國柱八品官額勒布海都俱先後戰死於石峽驍騎校阿海偕輕車都尉

拜海俱戰死於建昌之鐘鼓山葬靄 贈雲騎尉子揚保住襲邁
拉蒙古人隸滿洲鑲白旗姓博爾濟吉特 贈雲騎尉孫多坡爾
襲瑚什木滿洲鑲紅旗人姓博察 贈雲騎尉孫華保襲保蒙古
鑲藍旗人姓鄂里克 贈雲騎尉姪祐里襲多哈滿洲鑲藍旗人
姓伊爾根覺羅 贈雲騎尉孫阿必達襲烏燕圖滿洲鑲藍旗人
姓瓜勒佳 贈雲騎尉姪博德體襲哈里滿洲正白旗人姓伊爾
根覺羅 贈雲騎尉子博里麻襲蘇勒伸滿洲正藍旗人姓扎拉
里 贈雲騎尉子蘇克齊襲畢穆弼滿洲正白旗人 贈三等男
子朱昌襲高爾瞻鑲黃旗漢軍 贈雲騎尉子高垣襲王國柱正
紅旗漢軍 贈雲騎尉子永綬襲額勒布滿洲正黃旗人姓葉赫

贈雲騎尉子西忒布襲海都滿洲正紅旗人姓赫舍里 贈雲騎尉子兆明襲阿海蒙古正藍旗人姓薩拉圖 贈雲騎尉子六十 一襲拜海蒙古鑲黃旗人姓巴林 贈二等輕車都尉子巴特瑪 襲

右 國史館本傳

日本書紀卷之二十一

三

胡鏞 張秉乾等

胡鏞直隸南樂人順治九年武進士累官浙江甯波提標遊擊康熙十四年耿精忠遣逆黨窺甯波山寇應之鏞駐大嵩衛謹斥候嚴巡緝借象山左營守備張秉乾右營都司趙燾千總王天才分屯隘口山寇不敢犯秉乾江南上元人武進士燾浙江仁和武舉天才鄞縣人也賊由温州海道來犯水師提督常進功禦之檄鏞燾天才以兵從秉乾請曰象山孤懸海口燾天才不當調進功曰擊賊不於海外願退守耶燾等從進功遇賊於舟山之亂礁洋青龍港擊沈數舟賊卻走未幾突犯象山秉乾邀之海岸賊來益眾還入城設守備而副將羅萬里已降賊秉乾力不支登城樓大書

秉乾死矣頭觸石不死卽白到進功以燾敢戰有功令署參將與
鏹分道追勦鏹進至海門多斬獲賊渠朱飛熊以大隊至進功迎
敵把總杜柱臣效用都司李生輝時國泰戰死燾禦賊於沈家洋
礮傷一足仍進至毛頭洋陣斬僞都督周貴遇風舟側賊攢刃戕
之天才以小舟赴援殺賊十七人聞益密與效用千總員虎並躍
海死賊分犯台州鏹隨進功截擊轉戰至石浦進功以風不利收
軍賊來襲鏹還擊之自辰至酉戰益力飛熊恃勇岸憤跣足脅鏹
降鏹曰吾不能盡賊以報 朝廷肯苟活哉以一矢傷飛熊額飛
熊憤甚盡驅其眾來攻鏹復手刃二十餘人自裹甲赴海死同時
把總陳永祿劉尙仁部劄效用守備李國瑞效用守備魏定國楊

守德馬秉春邱彥威俱戰歿總督李之芳上其事 詔贈鎮參將
卹銀四百兩 燾 贈署副將卹銀三百五十兩俱廕子弟一人以
衛守備用天才國瑞彥威卹銀百五十兩柱臣尙仁永祿虎百兩
並廕子弟一人以衛千總用生輝國泰定國守德秉春 賜卹有
差天才子朝佐官至廣東徐聞營守備

右 國史館本傳

葉有挺

葉有挺字貞夫別號果庵閩建甯府壽甯人順治丁酉八閩鄉薦
士登康熙庚戌科進士榜貞夫動履多落落釋褐後徒步南歸亦
異人也甲寅耿精忠以閩叛僞檄郡邑在籍搢紳與甲乙明經坐
名勒限起送又令地方官各舉所知貞夫恥之竄入南昌界中傳
者謂已死其母使人訪之次年貞夫思母從閒道歸甯僞縣令聞
之持檄趨赴召貞夫告其母曰兒登進士科思有以報 君父今
以進士致僞檄之趣也是得一進士而反爲從逆之資兒死不赴
如有母何其母曰兒勉之忠孝不能兩全然吾聞立身揚名以顯
父母今正兒立身之日老婦又何恨貞夫乃抱母大號卽與母訣

易服潛蹤走匿山寺中僧知爲葉進士也拒以意貞夫仰天喟然
曰有挺豈以儒者七尺軀苟延旦夕爲釋氏恐怖又豈以身死蕭
寺貽主僧禍患夜起北向九叩頭南向望母再叩出走山下自經
於古木其母聞之曰兒死死所矣亂平無有以進士死節聞於
朝褒贈皆不及貞夫治禮經丁酉庚戌薦之者不知爲誰本房稱
得士云貞夫曾祖秉鄂祖伯冕父喬林三世有隱德子孫爲忠臣
其名皆可傳

右傳彭鵬撰

金光 王煜等

金光浙江義烏人客登州遇平南王尚可喜延之入幕尋隨可喜
鎮粵至康熙十三年吳三桂叛兩粵多爲賊煽光以廣州之福山
鎮商賈輻輳必有間諜隱匿令廣州民陳士奇陰訪之得逆黨以
告光旋獲僞將軍趙起龍等光自順治元年贊可喜幕幾三十年
至是可喜上其功 詔授鴻臚寺卿銜十五年二月可喜子之信
謀逆夜半召光至私室脅與共事光不從備極酷刑光不爲動囚
之絕食三日偪以刃光曰亂臣不可爲況賊子乎之信殺之梟其
屍曰逆賊金光並沒其家十九年廣東撫臣以光事具題 命察
實給還家口歸其柩雍正六年 詔祀光賢良祠令義烏令祭其

墓又有王焜者浙江會稽人隨兩廣總督金光祖軍營效用康熙十四年粵東告變委焜赴南雄接大兵卽隨鎮南將軍莽依圖督汛務十八年署宜山知縣時守將馬承烈之信黨也先經投誠至是復謀逆慮焜洩其謀禁密室十九年二月向焜索縣印抗不與賊怒殺焜及其弟一德於郡城之西關外 詔贈焜按察司僉事廕一子入監

右 國史館本傳

金隱君名光字公絢義烏人也少好學凡天文地理奇門遁甲麻律醫卜等書靡不畢究性好游家居歎息曰丈夫願躋戶庭耶明熹宗時毛帥鎮皮島金君附商賈舟至其地縱觀海外形勝大

喜無何政府惑處士策投謀殺毛帥帥麾下枕戈泣又數見疑斬
餉麾下舊部憤曰大將軍死一書生吾屬安向遂掠定長山五島
率兵民萬餘航海歸 朝而金君始罹羅矣時崇禎甲戌七年卽
大清天聰八年也南望輒淚下南人爲將領者客金君時諸道統
帥智順王等求操觚客卒不得智順王廉知之召金君智順王者
平南王始封爵也金君佯爲許諾典書記惡西僧多雜處弗與言
乘閒逸去國法嚴笞之百又逃縛而大創之創愈又逃督捕者請
於 朝將斬之坐金君纛下帳下爭以酒肉進君醕酒啖肉大笑
曰速殺我吾生不能歸魂歸矣智順王大驚馳馬至若非金某君
誤矣別以他囚殉舍人子流涕謂金君曰王愛公奈何負王金君

悟入謝王王大悅凡十年王倚之如左右手然南望必淚下喜登
高山觀日曛曛升則大喜或悲哀雪涕以頭頰地人不測其故一
日又出游西僧躡其後稍選騎相並望其山形盡白山腰懸紅燈
二山忽動跡之乃巨蟒也金君驚將返轡西僧曰慎無恐吾命之
退馬上嗚嗚作梵語蟒如疾風駛去金君歸語人曰吾向惡若曹
繼自今毋輕相天下士順治元年甲申王從攝政王及恭順王懷
順王入山海關會平西伯兵大破賊李自成走之遂入京金君與
俱入關時策馬歎息泣下曰吾曩日冀魂歸今生歸矣未知較魂
歸時奚若會 大清定鼎都北京更從王定太原克延安明年下
九江左甯南全部降品隲諸降將數與金聲桓語聲桓欲得金君

王不許其後聲桓敗王笑曰吾從其請汝敗矣金君亦笑曰聲桓不得光故至於敗又明年取湖南王與諸王會師咸重金君王入朝改封平南王王欲敘金君功固辭己丑王始與靖南王取廣東攻南雄取韶州襲清遠降從化始抵廣州運籌發策敵無不知有金君者諸將欲屠城必勸王戒止之凡二年始克廣州又二年定高廉雷瓊等州戰取疾徐咸受成算又明年大破李定國於橫州敘平粵功當同三品固辭不拜金君欲歸隱王卒不許王以其子尙郡主三辭不允始成禮金君歎曰王遇我厚失我初願奈何吾航海北渡十有一年從陸入關當時不能退今又幾何時言未已淚下金君慈祥愷悌謀而善斷鑒龍眼峒之屠至議勦石門佛山

卒不許聞鄰道誅殺某某臥帳中泣曰老革若此悖矣往者粵西
陷失定南王諸將皆坐法線國安等東下諸將謀拒之金君曰是
于敵也急書榜宥之再請於 朝未晚其後粵西定粵東亦安潰
將感泣金君功益著卽負固如文村踰十有一年而卒降文村者
故明虎賁將軍王興所踞地也處萬山中左峭壁右大海陽爲順
而實不臣羊腸鳥道刺竹叢雜卽步兵短刀卒不得入思持久困
之一日輿遣卒媠罵曰若陳兵百萬奚益汝軍中金先生自來吾
降矣守壘者以告明日復媠罵如故金君聞之慨然請行王及旗
帥督撫大吏驚曰蠻無信奈何失金君金君揖列座曰光應去令
一騎釋甲前導傳呼曰金先生來村口卒馳告興興曰僞耳令素

間諜者覘之急奔告曰果金先生與命與以入徑數里甲兵糗焚
山積興出迎問曰君護騎幾何金君曰一騎興曰君何信我金君
拱手曰汝先信吾安敢不信若登堂磬折如客禮王將軍從容言
吾祖宗受約束爲籓籬外臣於今二百八十餘年矣曩者藉兵雪
故主仇感泣至再雖然興豈爲降將軍耶語未既復一人啟扉突
出則故明侍郎前兩浙督學臣王公應華也與金君有舊相持拜
跪哽咽卒不能語王將軍設席呼二人曰且飲一飲凡三日王將
軍把杯歎曰君來興宜踐前諾命五子出拜指金君曰汝曹善事
汝父更酌金君酒眦目撚鬚降席請曰興死矣興毅魂不死藉汝
大書冢前大明虎賁將軍王興之墓足矣金君瞠目錯愕應曰諾

王將軍召妻妾登層樓自焚連珠礮轟然雷震而沒越三日金君
攜其五子出納敕印土田冊籍降者次第出金君曰與獨焚亦忠
臣也吾不負死者勸王請於朝恤其五子如其言以哀之蠻裔
感泣無敢有復叛者而金君名益著金君佐王幕始終不受官然
金君隱軍中幾五十年王欲官其子弟卒不許登粵王臺凌風長
嘯謂吾曩時濱海觀日出今又濱海數數觀日出吾得跳天門依
日月足矣臨死歎息曰吾少時幾死而不畏死今老矣願遲須臾
死願齷齪以死隱忍五十年竟死矣金君未死時澹歸大師爲君
作畱須臾傳

林路曰金君隱者也卒不仕吾聞金君識星緯始娶婦婦亦識星緯

兩人嘗私語弗告人其弟輝生數爲余道往事輒流涕前二年省
兄歸臨發問之曰弟將隱先生仰視笑曰此豈安枕時耶輝生再
問卒不語裂畫像授其弟兼以網衣一贈之曰吾五十年鬢眉尙
在汝寫吾像立吳山望大江觀日出汝知兄毋相忘金君歿而澹
歸子又爲題像以貽其嗣君

右傳林瑤撰

日本書紀卷之六

三

晉大忠 梁安等

晉大忠山西趙城人康熙初由行伍從征海賊有功委署嘉興協守備十三年耿精忠叛遣賊將馬九玉曾養性犯浙江土寇應之偽總兵李雲龍窺嚴州金華守備梁安邀擊之七里瀧殺賊二十餘追至七球都焚其寨七月總督李之芳移駐衢州檄調各營分任勦守大忠安及效用參將褚百五嚴州協守備虎邦俊湖州協千總朱有才把總高永並以驍勇稱之芳以衢州四鄉多賊命百五率兵翦除百五屢奪險隘大破賊於漓渚轉戰至婁公坡塘九玉以賊數萬驟至百五左右衝決圍開復合歿於陣乙亥九玉犯衢州之芳令大忠邦俊安分門出戰賊卻走安戰死百五浙江餘

姚人安山西隰州人癸未大忠永從副將鮑虎擊賊於龍游連敗之於開化遂復壽昌淳安等縣賊復分兩隊屯衢州之雙橋大洲有才隨副將王廷梅從雙橋進大忠邦俊等從大洲進賊列陣迎拒我兵三路夾攻都司張文福等當其中大忠出其左邦俊出其右奮勇衝擊大敗之大忠擒僞督糧遊擊龔上進八月癸巳土寇尹福等嘯聚金華之安地上干及山瑞塘大忠擊之賊勢披靡永從鮑虎勦遂安城南北西皆山永自西北路奪山斬獲無算尋以功授永瑞安營守備丁酉僞總兵王國斌踞義烏二十七都援勦總兵李榮檄大忠夾擊射死僞都督成道元己亥大兵進趨義烏至陽潭賊設伏隘口大忠有才等奮登山馳下衝擊伏潰遂復義

烏甲辰敗賊於官溪乙巳復東陽己酉賊復圍東陽總兵李榮奎
大忠有才等困守乙卯副將陳世凱來援內外夾擊大敗賊焚營
三十六之芳奏大忠堵禦謹愆首衝制勝有才晝夜勤勞戰守有
備至練兵訓伍士卒一心大忠更可嘉尙請以大忠署援勦鎮標
遊擊有才授平陽鎮標守備 從之九月甲子大忠敗賊於蒲江
丙子賊二萬從常山犯椒巖洪橋邦俊戰歿十月戊午僞總兵尹
福擁眾二千阻金華蘭谿水道李榮遣大忠擊之於朱磯頭擒斬
甚眾追戮僞守備朱陳僞先鋒梅和尙十一月壬戌賊圍湯溪援
之解其圍己巳養性偕僞都督徐尙朝率眾五萬犯金華大忠隨
副都統瑪哈達等大敗賊眾之芳疏大忠勇敢衝鋒所至獲捷

上嘉之己亥大忠擊賊於壽溪斬僞遊擊沈某十二月丁酉有才
從副將牟大寅連敗賊於十八汀朱礮許塢十四年正月甲戌有
才隨瑪哈達復永康縉雲癸未賊將余一乾圍遂安永率兵三百
邀擊於儒洪堵賊敗走乙酉有才從李榮敗賊於桃花嶺復處州
府城三月辛酉賊數萬屯踞衢州河西夜半潛渡犯衢大忠偕鎮
標千總王國梁督標千總胡得勝衛協把總閻有功平陽鎮標把
總陳保效用都司僉書韋韜等奮勇鏖戰黎明追至繆村爲賊所
乘俱歿於陣十五年三月己亥九玉誘結衢州河西及桃山土賊
屯華埠謀復犯開化撫標參將門可貴以賊遠至壘未堅欲出不
意擊之遂密於五更進兵黎明抵賊寨賊沿溪設伏槍礮如雨官

兵奮勇渡溪眾寡不敵大忠可貴永有才俱戰歿瑞安營署千總
楊向春太平營把總朱必勝亦死焉之芳彙疏具奏 詔贈大忠
都司僉事可貴副將卹銀四百兩百五副將卹銀二百兩俱廕子
第一人以衛守備用邦俊安永有才都司僉書卹銀三百兩國梁
得勝有功保韜向春必勝卹銀一百五十兩俱廕子弟一人以衛
千總用祭葬如例大忠子賦以廕官至江甯城守遊擊

右 國史館本傳

自學通考卷之六十一

五

范承謨

范承謨漢軍鑲黃旗人大學士范文程第二子也初任侍衛順治八年更定八旗漢軍考試之例承謨中式舉人明年成進士選庶吉士授弘文院編修十二年遷祕書院侍讀學士十八年 聖祖仁皇帝御極擢國史院學士康熙三年以疾乞假尋補祕書院學士教習庶吉士充纂修 世祖章皇帝實錄副總裁官七年授浙江巡撫九年杭州嘉興湖州紹興諸府被水承謨奏貸藩庫銀八萬兩糴米湖廣以平糴應徵漕米請每石折銀一兩於明年麥熟後徵解其白糧分三年帶徵被災重者如例蠲免並得 旨允行先是甯波金華衛台溫處諸府屬荒田以前任總督趙廷臣請除

額賦有 旨令承謨履勘至是承謨徧歷其地奏豁免荒田地二十九萬四千六百餘畝水衝缺額田地二萬一千九百餘畝十年以疾請解任 命乘驛回京調理浙江總督劉兆麒提督塞白理各疏言浙省年來當荒敝時而生民不致重困者皆撫臣承謨之力今以病請告百姓投詞攀留積一百五十餘紙不敢壅於上聞給事中姜希轍柯聳御史何元英等亦言承謨受事三載愛民如子餽遺請謁不通劾奏貪墨廉治巨猾剔除加耗陋規私派積弊單騎勘荒悉心賑恤浙人愛戴深於飢渴今雖積勞致疾懇特敕勉畱 上諭吏部日前因浙江巡撫范承謨以患病具奏准其回京調理今據提督等奏稱百姓愛戴號泣請畱情詞懇切特

顧民情仍畱原任十一年八月承謨疏言浙省徵輸白糧其加耗多寡不一湖州每石加五斗五升嘉興每石加八斗爲運丁春辦諸費請嗣後令糧戶以春白米輸納槩限加耗四斗五升又請豁台溫二衛康熙九年以前荒逋銀兩及石門平陽未完輕齎月糧等項皆下戶部議行十月擢福建總督承謨以海疆重任難副辭上弗允因疏請 陛見十二年七月至京 召對承謨舊疾未痊上遣御醫診視 賜藥餌逾月疾稍愈 命馳赴新任 賜冠服鞍馬 遣侍衛烏丹傳 諭曰爾向有賢聲與他人不同且福建邊疆重地海氛未靖爾其益加勉勵副朕委任初福建總督駐漳州至是將撤靖南藩屬還京 特命移駐福州承謨奏攜其家屬

賜蒙成壯勇八十餘人以行甫抵任聞逆藩吳三桂反承謨察耿
精忠有異志綜計督標兵少又與精忠所部習不足恃乃疏言閩
省經制兵自康熙八年依部議裁汰已及三千餘名尙應裁二千
五百餘名見在兵單汎廣請暫停裁汰遇缺以投誠人充補又請
巡行海濱酌寬邊界令民開墾分遣鎮兵屯糧隙地以裕軍餉疏
上未及行精忠已叛先佯言海寇至邀承謨議事巡撫劉秉政陰
附精忠促承謨行承謨知有變左右請擐甲以從承謨曰眾寡不
敵備無益也乃坦然按轡至則逆眾蜂屯露刃承謨挺身前抗辭
罵賊精忠困以桎梏閉之隘室晝夜防伺甚密使母死承謨罵不
絕口一日精忠遣秉政說之降承謨奮足蹴秉政仆地叱左右掖

出曰賊誅戮將不遺茲先視其魄矣爲賊困踰二年冠 賜冠衣
辭母時衣每朔望奉時憲書一冊懸之北面跪拜間爲詩文以桴
炭畫壁上當承謨甫爲賊困時部曲有張福建者手雙刀奮呼奪
門連斃賊人力竭被執死又蒙古人麻尼爲僞散騎郎精忠遣之
守承謨感承謨忠義謀使出走事洩精忠將磔之麻尼大言曰吾
甯與忠臣俱死不願與爾逆賊同生及大兵破仙霞關精忠將降
飾辭冀免死忌承謨暴其罪惡夜遣逆黨偪承謨就縊幕賓無錫
稽永仁會稽王龍光華亭沈天成從弟承譜及親屬家丁隸卒五
十三人並遇害賊移屍焚諸野秦甯騎兵許鼎乘夜負承謨燼骸
藏之明年楓還京 上遣內大臣侍衛奠酒福建巡撫楊熙疏列

精忠叛後死事諸臣爲承謨請優卹總督卽廷相復專疏言承謨於康熙十三年三月精忠邀以會商公事脅之從逆承謨憤怒不屈遂遭羈繫至十五年九月十六夜半精忠遣人縊之承謨猶言主恩未報整衣冠叩首然後就縊親屬幕賓及隨從諸人盡被賊縊死閩人追思其任總督時多愛民惠政聞遭慘變每酸心掩泣言之其純忠勁節久而愈堅富貴榮利不能動其心妻子昆弟不足榮其慮視倉卒遇變激烈捐軀者更未易多得乞 敕部優加贈諡卹廕並於閩省立祠褒示以慰人心 詔所司優議 贈兵部尙書加太子少保廕一子入監 賜祭葬如典禮諡忠貞 御書碑文賜其家三十四年福建巡撫卞永譽以士民籲建專祠於

福州入奏 御書忠貞炳日以額其祠四十七年承謨子時崇官
廣東巡撫復疏述前福建督撫爲嵇永仁等請贈部臣以生員無
贈銜例寢議乞 特敕追贈入祠於是 贈嵇永仁王龍光沈天
成范承譜國子監助教學正有差並從祀承謨祠 世宗憲皇帝
時以承謨與嵇永仁等人祀昭忠祠承謨所著有吾廬彙浙閩奏
議百苦吟畫壁集 聖祖仁皇帝又嘗允時崇請 御製承謨畫
壁集序曰朕惟帝王教化首重名節所以維繫人心扶樹綱紀也
古人臣以身事主守土膺疆或遇蝥賊潛生豺狼勃起則捐軀矢
志取義成仁而其激烈慷慨之氣開發爲文辭雖質直無華後世
論錄終有不可泯滅者以其出於忠義之誠本乎性情之正也福

建總督范承謨名臣之子授節閩海方值逆豎盜兵偏隅煽燄籌略未展橫罹幽繫閱三寒暑貞操彌堅故其儼然不滓之志紫紆鬱屈無所攄露乃以牆壁爲書箋以桴薪爲筆墨題分甲乙字辨衡從日月既深篇章漸積名曰畫壁記實也卒能終始不撓歸於正命若承謨者可謂冒白刃而不疑守丹心而自信者矣夫以茹荼含蘖之餘每念不忘君父故詩文不必盡合於古之作者而浩然之氣流行充溢當其胷填聲咽髮植風生土塊灰丸同於利劍禿毫斷梗等比霜矛寫忠孝之性靈奪姦凶之殘魄是又豈刻雕藻繪塗飾虛浮者之所能及乎自三逆旣滅寰宇謐甯卹典頻加恩綸屢降固已延賞後昆光賁泉壤矣茲特允其子時崇所請復

爲序其存彙蓋善善從長春秋之義弁章特錫數出非常庶幾追
妥忠魂亦以風厲臣節焉

右 國史館本傳

公諱承謨字覲公太傅文肅公仲子也少沈毅英穎期抱偉岸以
忠介稱年十七充侍衛趨蹌 禁闈勤不廢書順治八年辛卯
詔許八旗茂秀子弟應 制科公遂以戴記登賢書明年成進士
改庶吉士讀書翰林院猶閒日入侍 世祖章皇帝嘗詢公家世
公具奏 聞喜曰是翰林某子耶歎賞者久之 詔免扈從俾專
意肄業公益力典墳試輒高等授弘文院編修乙未 特擢祕書
院侍讀學士辛丑升國史院學士 今上康熙六年丁未教習庶

吉士戊申升都察院右副都御史巡撫浙江公居 禁近久謹默
自持畱心經濟於民生吏治若指掌不尙辭說以故人罕知者恂
恂若儒生而遇事有守嚴氣正性凜不可奪 上旣親大政思得
廉貞以風天下首擢用公公亦毅然以匡濟爲己任及至浙戒部
員絕苞苴禁私謁公移呈牒積日不批荅屬吏莫能測居月餘一
日而下利弊情形輕重機宜咸悉中僚吏相顧驚服故事制撫授
事三月後得劾奏不法吏及期兩司以請曰姑緩之未幾兩司慮
愆期復固請且列狀上白晒曰是欲吾舍豺狼而問狐狸耶還之
翌日忽拜疏一時墨吏皆列白簡中僚吏悚息浙故多巨猾假託
旗旅縱害百端貧民稱貸者率以旬爲月子大於母不克償則舉

室算爲奴又通逃滋蔓困於僕區者累累公悉奏請禁絕飭隸蘇
之侵墳墓者革守闔卒之私稅蔬果鮭菜者杭俗佞佛好游湖舫
僧寮往往少長雜沓以爲常爲之勸禁移易瀕海民多黠悍倚私
鹽自活公以爲不禁則廢法禁之若輩或鋌而走險於是擇山谷
州邑商舶所不及者許其擔負往鬻名曰窮漢鹽疲癯老穉胥得
其利浙東諸郡田多磽确不任犁鋤或斥鹵不可以粒正供多逋
拜疏請蠲 朝命履畝覈實公輕騎按行山陬海澨罔不躬歷所
至山農獻脫粟飯削瓜分果悉慰而啖之民隱悉達疏入報 可
辛亥歲大稔民無食公籲天爲文自罪捐粟設糜請帑金八萬乞
糶吳楚於是米艘銜尾而至下令平糶民以不餓嘉湖水災尤甚

請改折漕米二十二萬四千餘石冬大雨雪仍請緩徵俟明年蠶
熟湖州歲例辦南北絲十一萬斤有奇南解江甯北解戶部運費
不貲請悉交杭州織造局寬民力嘉湖歲輸白糧六萬六千餘石
玉食所需念災民無力請三年帶徵少緩須臾皆得如所請行公
感激異數竭心撫綏寢食俱廢夙疾大作疏請罷 溫諭允之浙
人輟耕罷市號泣請畱排制府闖幾仆制府以 聞 上爲感動
溫旨勉令力疾視事壬子拜兵部右侍郎兼都察院右副都御史
總督福建軍務疏辭不允請陞見 允之瀕北發浙民送者互二
十餘里擁舟不得解維有瞽者百輩長號舟前曰小人心感公德
恨不能睹公貌願得進抱公足摩公衣以釋此憾公矜而許焉所

至民扶老攜幼擁拜如前十日行百里始得放舟而北抵都人覲
上慰問備至公頓首謝且力引疾 上曰卿氣喘語艱其善休息
既出道御醫就第診視並 賜上方藥餌久之病稍可 命馳往
新任先是靖藩耿精忠請撤師 詔遣侍郎陳一炳爲護行精忠
自襲父爵驕蹇多不法陰通吳逆三桂行猶豫公深憂之未幾三
桂反 詔止靖藩勿撤分其部下兩鎮兵聽總督調度精忠不自
安益陰約三桂逆謀滋甚公愈憂之欲出巡海徼赴漳泉閱鎮兵
遙制之精忠覺公意力阻其行公自計麾下士僅三千人皆習與
精忠部曲處不足恃乃密檄諸道將以謁新制府爲名各率健兒
至折逆謀未及行康熙十三年春三月聖靖藩耿精忠反佯言海

寇且至邀公議事左右請衷甲從公曰無庸眾寡不敵乃按轡徐
行至牙門逆眾已蜂屯矣巡撫都御史劉秉政偕公入精忠改裝
服踞高座羞澀不多語但云剪髮辮更衣冠公怒直前叱曰爾世
受國恩備藩維言貌如是爾反耶精忠愧且怒令亟收捕公大
罵不已精忠欲加害其黨有止之者精忠意解乃拘之隘室公水
漿不入口醜詆痛罵激使加害精忠不之怒饋食反豐公揮斥去
閱八晝夜舌敝脣裂齧肉皆腐罵聲始微身被銀鐺動不移咫尺
十日神氣反旺自度不能死稍進杯水精忠輒遷向內峻堵密棘
遣僞都統劉秉政來說降公佯令之密語秉政輒近座公奮力蹴
之秉政踉蹌去在幽繫者凡七百餘日日冠賜冠衣辭毋時衣

溽暑時溼蒸如膩蓬垢支離疥癩蟻蝨蝨不堪冬深夜永霜飆
海氛侵砭肌骨卒堅忍之罵詈之餘閒作詩文無毫楮乃燒桴存
炭畫壁上得詩四十首文則自叙生平大槩云在禁日久每月朔
望奉時憲麻書一冊披械西北向 闕拜跪次遙拜母闈閩中義
士望大兵入閩擁公內應稍謀泄防者益勵丙辰秋八月 王師
度仙霞嶺精忠降飾詞希免死慮公白其實於九月十六日夜遣
黨行賊害公方側臥聞變起微笑曰今日方畢某志索 賜冠賊
黨呂八者奪而擲諸地復楚之公怒以械索摔其頭幾斃乃披衣
露頂遙望 闕九叩首曰罪臣奉職無狀死遲矣遂遇害時年四
十有二初精忠以三十二人守公許鼎者閩泰興人與守役義重

公恆陰左右之凡作片楮隻字悉爲收藏所遺髮爪皆以付鼎精忠既害公令賊黨昇公尸焚棄山麓中鼎豫匿山嶺聞俟焚畢夜分行亂石宿莽中覓得燼骸藏於家明年鼎從軍漳海私念公遺骸未返忠魂安依乃逃伍歸負骸潛北行紆折萬里達京師以髮爪並所作武夷子歌爲左證公弟承勳子時崇以 聞 上震悼遣內大臣佟國維等三人御前侍衛二十人哭臨其喪賜酒茗爲奠王成精忠伏誅 詔贈公太子少保兵部尙書諡曰忠貞遣禮部左侍郎楊正中 諭祭二壇廕一子入國子監讀書癸亥 上親酒宸翰製碑文勒諸隧首仍以真本 賜其家世寶焉公世臣系初在內院 上稔公家世深加倚重嘗病假調理 上問何久

不見范某大學士以病乞假病痊仍補原官對 上領之人以語
公公感 恩矢報曰臣身不死當爲國致及撫浙 陛辭 上曰
浙江東南重地國計民生今委卿矣幸善爲之將赴閩 上曰海
氛未靖閩疆困苦已極繁劇爲天下最故特倚任 賜御衣帽上
殿良驥鞍轡異常數 命近侍傳諭云衣帽皆朕素御卿服之如
親朕也公感謝而出及盡節 上聞軫悼彌日諭公子弟曰賊壞
我柱石臣獲醜之日當雪此恨歸慰乃母勿過慟始終荷 上眷
如此而公捐生殉義亦頃刻不忘 君父云生平孝友性成順治
初父文肅公扈政府閒一歸家趨侍不刻離後文肅公病公侍湯
藥而月不就寢倦極據几假寐而已爲父卜葬地至紅螺山得吉

兆甚喜及數審視不得穴公乃默禱寺佛翌日拋石卽落處掘之遂得觀者歎異事母兩太君定省必以時縱客屢滿戶外或公私息遠及時必至事伯兄都統公甚謹不躡坐有問必起都統公鎮處州久且病公憂形於色謀爲乞休致輒酸楚向人友愛諸弟衣佩玩好相其所欲不難割愛諸弟向學所延皆名師爲闈館舍豐庭饌督課甚密擇友惟慎滿漢過從日盈座上心許者必屬端人性無嗜好居第十年不增一椽惟好購古今遺書分部標識積至萬餘卷號曰古友年少壯時常獨宿葺一室顏曰吾廬衾枕樸素若寒峻然服官二十餘載囊无長物親故有乞恤者不克應則怒如調飢果蒙 朝寵所 賜莊產甚夥有所入輒移晷散盡所親

嘗微諷曰古人一介不取一介不與公廉於取矣願獨喜與公笑
應曰某學得半邊古人耳文爾公三主禮閣天下督學使者往往
多門下士有欲登童子科者請一札謂之曰童科有額富者得貧
者不失乎譬而遺之江右有遠族某僞爲公書謁縣令令疑其僞
來質使者索荅公語之曰不僞其善遇之左右皆不憚公曉之曰
若非大有好也一不應則立斃矣眾始服其厚公廉節爲海內推
服而忠義尤足感人閩變募客健士五十三人皆不降逆拷掠甚
酷皆不屈死部曲張福建者聞公被執上馬大呼雙鋒亂下殺賊
數十人力竭死之公旣拘密室賊僞散騎郎麻尼者蒙古人也屬
居守見公志節不屈嘖嘖曰眞男子乘閒耳語云可稍忍得閒當

有以報否則同死耳同儕竊知之奔告精忠輒呼訊麻尼知語洩
天言曰范公忠臣汝逆賊願與忠臣同死不與逆賊同生精忠寸
磔之公正性感孚類如此生平讀書能強記所爲詩文多奇闢杰
奧至發忠孝語則令人可解著作各體俱工每成一篇示同志已
則碎之所餘不過數十篇公子時崇蒼而輯之合奏疏若干卷曰
螺山文集以太傅文肅公 賜瑩在紅螺山公嘗以自號云

右傳張宸撰

公諱承謨字觀公號螺山文肅公之仲子也沈毅英敏期抱偉岸
年十七充侍衛順治八年辛卯 詔八旗茂秀子弟應制科遂登
賢書明年成進士改庶吉士讀書翰林院猶閒日入侍甲午 詔

免扈從專意肄業益肆力典文授弘文院編修乙未擢祕書院侍
讀學士辛丑升國史院學士康熙六年丁未教習庶吉士戊申升
都察院右副都御史巡撫浙江公居 禁近久雖謹默自持然
心經濟於民生吏治瞭若指掌 上既親大政思得貞廉以風天
下首擢用之公亦毅然以匡濟爲己任及至浙絕苞苴禁私謁公
移呈牒嘗積日不批蒼屬吏莫能測居月餘一日俱下利弊情形
悉中機宜諸僚吏皆相顧歎服故事制撫受事三月後得劾奏不
法吏及期兩司列狀以白公閱而哂曰是欲吾舍豺狼而問狐狸
耶還之翌日忽拜疏一時墨吏皆列白簡中諸僚吏無不驚懼悚
息浙故多巨猾率虎而翼擇人以食莫敢嚮邇公日稂莠不鋤嘉

不茂若輩皆大爲民害者廉得其人俱立置重典閒有一二逋
誅亦盡室走他方終公任內未敢一涉里門也浙東諸郡田多磽
确或斥鹵彌望舊稱瘠土以故正供懸逋令以謫罰民以播越公
爲請蠲奉 旨該撫親行查勘公卽日戒途省車從裁供給從者
纔數人凡山陬海澨葑屋窮簷罔不躬歷或暫憩郵亭或偶息樹
蔭山農獻脫粟村圃剖瓜分果公旨之如飫大烹也所至之處父
老對語稚子投懷於是民隱畢達舉應蠲者皆具實以 聞疏再
上遂蒙報 可辛亥歲大祲民無食公籲天自罪捐粟設糜借司
帑八萬乞糴吳楚未幾米艘銜尾而至下令平糶民以不饑是歲
嘉湖兩郡水災尤甚疏請改折漕米二十二萬四千餘石冬復大

雨雪仍請緩徵俟明年蠶熟俱得請湖州例辦南北絲十一萬斤
有奇南解江甯北解戶部運費不貲公請成交杭州織造局又得
請嘉湖應輸白糧六萬六千餘石 玉食所需歲有定期公念災
民無力疏請三年帶徵亦得請公悉激異數竭力撫綏體素羸弱
夙疾陡作因力疏請罷 溫旨許之浙人輟耕罷市排制府闕號
泣請畱制府以聞 上念其誠特頒 溫諭勉令力疾視事王子
冬拜兵部右侍郎兼都察院右副都御史總督福建軍務疏辭不
允請 陛見允之瀕北發浙民送者亙百十里擁舟不得前有瞽
者百輩長號舟前曰小人心感公德目不能睹公顏願得進抱公
足一摩公衣公矜而許之瞽者泣不止公亦爲之雪涕如是者竟

十餘日出境百里外始得放舟長行也抵都入覲 上慰問備至
公頓首謝且力引疾 上曰卿氣喘語艱且暫休息既出 詔遣
御醫就第診視兼 賜上方藥餌逾月病稍可 命馳赴新任先
是閩藩耿精忠請撤守歸京師 敕遣吏部侍郎陳一炳爲治行
公至閩籌畫深謹人不能窺精忠自襲父爵驕蹇多不法憚公威
望引嫗姬少長誼執禮甚恭公接見一遵儀制未幾吳三桂反
詔止閩藩弗撤精忠不自安遂陰同三桂逆謀公覘其言貌異常
深憂之欲出巡海嶠赴漳自閱鎮兵以遙制之精忠力撓其行公
自計麾下士僅三千人皆習與精忠部曲處脫有變不楚恃乃密
檄諸道將以討新制府爲名各率健兒至用折逆謀未及行精忠

遂反佯言海寇且至邀公議事左右請衷甲以從公曰毋眾寡不敵躁動奚濟未幾巡撫劉秉政亦至促之同行公明知事有變故坦然按轡至逆邸已露刃蜂屯矣公知事無還理挺身而前仰天大罵賊眾環臨重加束縛時一二狼卒有誤持劉臂者逆黨馬九玉急叱曰巡撫我一家人秉政惶恐斜趨而出公噴血切齒醜言痛詆賊眾拘之隘室水漿不入口者凡八晝夜舌敝脣裂齧肉皆腐罵聲漸微聞者猶狼籍塞耳瞋目怒視閱十日神氣反旺自度不能死稍進杯水精忠復遷禁向內峻堵密棘防之益固一日忽遣逆黨劉秉政來說降公時杻械被頂肘令兩卒扶之下牀劉且前且揖方冀有所陳說公奮足力蹴之劉狼狽失故遂仆地左右

掖之而出公曰諸逆無道旋卽誅戮我一擊之力似不可少公在
幽繫中七百餘日日冠 賜冠衣辭母時衣每逢朔望輒奉時憲
麻一冊被械北向拜跪溽暑時溼蒸如飈蓬垢支離蝨蟻蝨蚋攢
噉不休冬深夜永霜飆海氣侵入肌骨卒堅忍之罵詈之餘閒作
詩文無毫楮乃燒桴存炭畫壁上得詩若干首復爲文自敘其生
平大槩云丙辰 王師破仙霞精忠降節辭希免死慮公白其實
於九月十六夜遣逆黨來害公公時方側臥聞變微笑曰今日方
畢吾事索 賜冠賊黨呂八者奪而擲諸地復蹴之公怒以械索
摔其頭幾斃乃披衣露頂遙望 闕九叩首曰罪臣奉職無狀死
遲矣遂遇害一時同死者自幕客至隸卒凡五十三人初公之被

難也部曲有張福建者聞變手舞雙刃大呼奪門當之者無不立斃力竭被執賊愛其勇欲全之大罵不屈卒就死繼而精忠以三十二人監守公中有蒙古人麻尼者爲僞散騎郎謀欲免公於難事泄精忠訊之大言曰范公忠臣爾逆賊甯與忠臣同死不願與逆賊同生精忠怒磔之又有秦甯人許鼎者義公所爲恆陰左右之凡所存片紙隻字悉爲收藏精忠旣害公令賊黨焚屍棄之山野鼎預往伏匿夜分行亂石宿莽中覓得燼骸藏於家明年鼎負骸潛行紆折萬里竟達京師事聞上震悼遣內大臣佟國維等三人御前侍衛二十人齎大官茶酒哭臨其喪至壬戌精忠伏誅當赴曹時公子時崇親執刃寸磔其肉取其心以告於公見者無

不嘖嘖 上念公純忠大節卹典槩從優厚營葬加祭任子 賜
謚忠貞至 御製碑文親揮宸翰 詔以真本賜其家尤屬古今
曠典公忠孝性生友于敦篤贈給族黨不遺餘力擇交惟謹雖賓
客過從日盈座上而心許者十不一二然春風所被無不傾倒者
居官剛正廉明而寬厚愛人體卹民隱故所至人歌詠之至比之
愛日德星焉公博學彊記善屬文於詩尤有法道難來多所散失
僅存吾廬彙浙閩奏議百苦吟畫壁詩文行於世

右傳郭棻撰

忠貞先生諱承謨號觀公遼東瀋陽人開國元老范太傅文程公
公子也辛卯獲雋壬辰江南桐城程其相先生分校詩二房忠貞

出程門以進士讀書中祕年甚少忠孝自任宦情淡若引疾解任
不一請後以祕書院學士巡撫兩浙總制入閩皆特簡公感知
遇又念高祖大司馬公及太傅公爲國股肱心膂願忠思報會
逆藩叛閩知公必死重公名必欲生致公勸誘公不肯降拒僞罵
賊拘囚幽室守者日夜護視不得死公於幽室懷御麻晨夕捧
對逢君親吉日與夫朔望諱辰強起乞守者扶掖荷械稽首視
坐臥不離漢節者此爲過之我師入閩抵劍津逆始歸命殺公以
滅口天子聞之嘉公節贈廕易名行見風厲矣閩人祀公於
烏石山敬公之忠抑以懷公之德也公督閩未數月耳澄清之志
過化存神閩人之不終被者天也先撫浙入境微服閒行東甌括

蒼西水茗霽諸郡邑真知灼見不假耳目以是興革旌別皆時宜
其請寬海禁聽內港採捕請蠲浙省荒旱積逋請武林城圈屋免
賦年饑粟生金死發公帑八萬兩遣官糴米豫楚立官市平價全
活者不以數至今東西浙流風遺澤談者輒歎息流涕謂公將莅
閩過西湖於孤山七賢祠題一絕云偶對羣賢意轉迷風流事業
豈湖隄欲招處士孤山鶴跨向遼東華表栖寓意遠矣公遭難筮
得蒙其繫幽暗跼蹐之地狀若谷自顏以蒙谷爲文以序之曰承
謨蓬頭垢面繫頸擊手者將三歲乘未灰餘燼志梗槩於壁俾後
日見者知謨遭時不幸云昔我 世祖章皇帝親政簡侍衛近臣
念太傅公抒忠累朝謨以元勳子充選獨許在家誦讀凡扈蹕值

宿遊獵巡行悉免從惟慶賀吉期隨班行禮是年辛卯 詔入旗
從龍子弟一體鄉會試春秋兩闈得與聯幸科名叨選庶常告假
率親辭職無由每遇遷秩反越常次嗚呼 先皇帝之恩臣何以
報也辛丑 龍馭上昇兄充總兵官於外謨以病請解任既奉廷
議撤援勦諸路兄旋師日偕侍太傅歡丙午七月望闔族少長集
東皋較射飲酒賦詩屬對太傅公顧盼怡然命之曰吾家世受
國恩而等速當補官爲 國盡瘁毋以予老爲念八月二日太傅
公卒戊申服闋補祕書院學士決志遂初伯叔昆仲皆謂而忘太
傅公世受 國恩之教乎肝膽塗地無以酬甘自廢棄平日所談
忠孝謂何謨聞之不敢行意初太傅公在日 皇帝冲齡未親政

一日謨偕同官進 大內用寶 上詢曰爾爲誰氏子臣謨悉舉
太傅始末奏 上曰爾爲若子耶如是者三後值 朝賀期太傅
公入朝 上曰此某公能稱說 祖宗朝事甚詳每指問左右不
呼先太傅名謨又以病請解任補謨缺者 上問久不見范承謨
此爲誰閣臣奏以病此補其缺者 上曰果病耶劇耶病痊尙起
用閣臣奏病痊卽補 上首肯至再恭逢 親政臣以學士得侍
從會廷推浙撫列謨名 上曰浙東南要地爲國計民生承謨可
臣受 命棟樑力微德薄旱潦頻仍蟲疫疊降三歲內勘荒拯災
請蠲請振免徵改折凡爲民請命之疏雖部議中格奉 旨必令
再議或徑得 旨如所請行久之舊病新疾孱體交攻又以病請

奉 旨准馳驛回京調理維時兵民商賈負販之徒擊登聞鼓叩
閭乞甯者數月如狂荷恤勞臣未收 成命其後以輿情從提臣
請不准繼告甯浙年餘力疾撫事康熙十二年壬子會推八閩總
督故事降級未開復者例不列 特簡破格是年十月二十五日
邸報至重感氣逆證時減時發力辭未允冀得親籲病狀請 陛
見報 可 召對首詢浙江生民疾苦及一路閭閻風景條奏無
隱次卽殷殷 問病 遣御醫就宅診視開方 賜祕府藥 頒
尙方希有也值薦舉一案摭拾者以人材失真具疏自認罪研究
無瑕乃寢夫曾子大賢也其母賢母也三閩殺人之言投杼而走
賢非曾子信者又未必如曾母之信其子實賴遭逢 聖明洞鑒

心跡微臣清白忠正屢向左右言之矣京察內外三品以上得自
陳又以病請察典 命下仍令速赴新任御醫奏少痊臣感知已
之 主遭人言蒙疑謗而不加斥逐彌隆任用安忍以軀命爲念
偷息衽席避難海疆 陛辭舉撤藩爲問奏曰撤之甚當不可驟
其時部臣已就道 上曰闕中海氛未靖民困已極爲天下繁劇
地惟卿廉能素著爲天下最故特倚任乃 賜御衣 賜內殿良
馬鞍轡 命近侍就大廷宣前 旨且溫語曰此朕時刻所御之
服解之衣卿如見朕也次日 賜宴就道許國以身不遑將母矣
抵山東界宿羊流店相傳折臂三公處其夜 賜馬俎歎息良久
恐馳驅天末之匪吉踰浙抵仙霞層巒疊嶂瘴霧迷漫中藏猛獸

毒蛇磨牙張舌擇人而噬至浦險灘怪石奔流急瀉崎嶇甚於蜀道變幻疑於鬼穴周爰咨諏不覺失聲大呼曰國事之廢弛者非一日也羣心之不堪問者非一事也大計軍政文武勸懲之道存焉此方有廉能循吏智勇干城而使之淪落一官淹蹇功名金錢不鞏其室薦腹罕列其名是廉吏與將之心不堪問矣黜幽糾慝么麼充數而貪酷方面悍焚巨鎮日惟苞苴是營安享富貴是握權者大敗檢之心不堪問矣學校考取干情鬻賄而寒窗埋頭之彥百無一是奇才異能之士心不堪問矣沿海苦兵二十餘年有司加耗重徵敲骨吸髓而蠲免之實惠不及蠶役訟惡之魚肉爾甚是父老子弟之心不堪問矣兵卒荷戈守山戍海負隅則有虎

豹窺伺則有鯨鯢藉其死力以爭此土而錢糧欠至半年庫銀缺
額百萬餘兩協餉久不至是呼庚呼癸之兵心更不堪問矣嗟乎
半壁一綫雖智如良平勇如賁舍亦難展足措手而況蕭牆之禍
已成哉癸丑冬部臣入境奉 旨藩下左右鎮歸并地方官及與
撫提會議分防量撥一二營暫駐徐令遣行不致惶惑掌兵者始
應之而中撓焉必圖盡遣脅渙散之軍心驅之使附密語不聽日
趣行告以少俟浙餉至補足舊欠預給兩月庶途次戍所無他慮
急之倉卒變生亦不聽趣日急兵心洶洶矣方滇逆蠢動風聞煽
沸而停止撤回之差齋 命星至彼得復縮兵符矣繕甲練兵秣
馬稱干比戈反形見矣不幸不得一同心同力者而罹於難也必

矣然終不以時艱勢蹙而不急急收拾人心以補苴救漏也條奏
請速展界者安民也請撥見在協餉者安兵也請將綠旗官兵裁
去原額補足者實營伍也請免緝投誠逃弁許投到宥罪安插本
處者清山陬海澨也題補城守副將沿海勞弁敘功苦而邀不次
令彼感激報效也報巡歷邊海形勢起行日期者爲欲置身外郡
便調禦防範也頒刊示而准採捕活溝瘠也弭盜賊而聯保甲者
儲鄉勇也寬林簡修而招吳成者一安投誠一散島眾也天若假
以時日獲奉 俞旨諸能就緒滇銳稍挫閩勢漸孤則逆謀不熾
自戢天平天平何竟使承謨五月如寄一事無成乎當逆疾病居
喪必親弔慰乘閒輒諷諭大義西席嵇子雷山心竊慮之曰昔魏

文貞公有言甯爲良臣毋爲忠臣神龍見尾不見首公其慎之舊
弁王天祐等亦曰連日之會輕蹈不測左右多戒心公談笑自如
如入無人之境竊以撫提未可與心語咸應之曰吾非昧此也寄
孤危之身處艱難之際當譎諂之秋惟示以誠使小人無能乘其
隙緩彼之疑濟我之事死生禍福誠不自計旣委身事主則父母
之身卽君之身有死而已夫豈不知徒死無益而事勢至此舉動
牽制上下左右皆彼腹心雖閉門築壘其能免焉嵇子畱山等歎
息退閩安福省門戶也將帶兵弁數十人往閱形勢督營將佐皆
以帳房什物弓箭器械錢糧不給朽壞未整爲辭逆卽遣官來言
邇日譎言少息遠出恐復驚疑撫軍卽來力阻咸應之曰行不過

一視海口非長往既止卽罷靖藩祖孫父子兄弟叔姪受恩異
常今加親藩與公久在封疆乃心王室社稷蒼生之福也語竟退
而鬱鬱不能釋一士進曰公旣不得閱海援滇事震楚設備鄰封
出省會扼上流此一策也謨曰計過矣過矣楚閩閒隔西江風馬
牛不相及無論輕舉貽笑且啟弊端招奇禍子不見閩安未果之
行乎約攜弁兵尙支吾未備今往據上流誰與爲徒況彼逆節欲
發他日反得藉口爲我所迫激變軍心風聞者交彈於前按罪者
細苛於後合族無噍類累世忠貞一旦埽地子不見長沙撫軍之
棄封疆乎負輕去失守之罪招激變隕滅之殃身名俱喪吾不爲
也越數日爲康熙十三年甲寅三月十五日昧爽逆員詣院謂王

守制數月未嘗清理軍務今海上乘滇南多故窺伺生心王新奉
固守地方 敕命不敢以私情廢公事願與公會商爲護內防外
策未釋喪服未便就教乞命駕撫軍卽來邀往是日陰雲慘淡愁
霧迷漫冥冥漠漠太陽無光入逆巢廊廡殺氣不可以目已陷虎
口挺身而入慷慨仰天厲聲正辭怒趣縛有誤持劉臂逆帥急叱
譏者嗚呼痛哉君親倫理滅絕已盡張口切齒急速一死而不得
則以不食死逆羅列飲食揮之去舌敝唇裂齟肉俱腐聞者瞋目
怒視而又恐致死夜然庭燎前後設炬環視層層縲紲肢體拘攣
凡八日氣漸微聲漸細一息尙淹罵不絕口閱二日微者漸壯細
者漸宏聞者回嗔反以爲異嗚呼痛哉豈臣當死於刀鋸鼎鑊而

不當死於餓哉神魂恍惚常有所見近而世祖章皇帝式臨先
太傅侍立遠而太宗文皇帝暨先高祖大司馬公幼穉所未經
事者音容笑貌夢若親承慈旨殷勤嘉言慰諭豈臣思念結聚
而爲形哉抑天錫神聖默恤臣之堅貞憔悴哉計七百餘日舊時
衣冠徂寒徂暑蟣蝨蚊蠅恣其攢噬逆時遣問狀日迫粥食霑脣
不得死守者見謨多方慰解百折不回因爲謨言罹難時事署中
賓客戚友僮僕被執勘訊桎梏窘辱各以忠義自勵不爲少挫而
二三婦女從容就義相聚投繯嗚呼痛哉聞之享高官擁厚祿者
不爲不多矣仕於時者不爲不盛矣閨門榮誥之婦不爲不光且
耀矣而望風稽顙保妻子活軀命蠅集蟻附獨謨賓客戚友身未

拖朱紫之榮口未霑升斗之祿感謨一人之意尙能念君父重名節皆以身殉孤臣囚繫三年如同一日卽健兒奔走之徒巾幗威獲之鄙亦知寸心不二見危投命臣雖藉手以報稍維廉恥而勢窮力竭貽禍波累萬死又奚贖重垣局壁中燒桴存煤畫字牆上前後凡得詩三四十首攻擊太毒左右輒刮去僅存若干自序以文見者知謨遭時不幸與求死不易云爾此序傳後又傳有紅螺寺巨辦行者殍贈武彝山人賦山人許姓鼎其名閩泰甯人卽許校尉相扶於難亦三歲行者殍先生自謂也卒之日或曰賊弑而沈於江或曰骨碎而灰之蓋至是乃得死先所愛西席嵇畱山名永仁錢塘博士弟子員世籍錫山感忠義不屈同日俱被殺畱山

妾蘇字璠青年十七江南常熟人取佩帶面函山自經傳埋囚所
屋北冬青樹下云國器親戚婦女僮僕視死如歸亦得死所姓名
恨不傳公罵賊語多恨不傳傳蒙谷序志槩也聞有弟同死逸其名
古愚于彭鵬曰鵬初諫蒙谷序請以哭之繼以傳皆丁巳木蘭
葉其後滇黔悉平追哀封疆死節諸臣 天子特贈公太子少保
兵部尚書得謚忠貞前傳改稱謚重易名也公靖節於閩閩人專
祠祀公於道山又請於專祠春秋永行官祭禮乙亥五月撫軍卞
公代題部覆奉 旨如所請八月 御書忠義流芳四字 賜額
公祠千秋瞻仰彼偷生附逆者滔滔安在哉

右傳彭鵬撰

公諱承謨字覲公又字螺山蒙難日自筮得蒙又自號蒙谷漢軍
鑲黃旗人太傅大學士文肅公文程仲子也文肅爲 開國元臣
公承庭訓毅然以匡濟爲己任年十七充侍衛登順治九年進士
選庶吉士授弘文院編修遷祕書院侍讀學士國史院學士康熙
六年巡撫浙江將行弊吏之典兩司列狀請公晒之曰是欲吾舍
豺狼而問狐狸也還其牘而自爲疏劾一時墨吏幾盡又疏陳甯
波金華衢溫處諸郡荒棄衝決田三十一萬六千四百餘畝盡蠲
其賦歲禮旣告糴以振又請折徵嘉湖漕糧而耗運米八萬餘石
劑貼銀十萬餘兩得免徵舊時湖州南北貢絲分納江甯及部者
改納杭州織造局而運費亦省又請白糧三年帶徵災重者蠲並

免徵清項通糧部議以故事無有格之 聖祖悉俞其請行又除
賄糧減耗米專務卽民行部所至父老對語穉子投懷以病乞休
詔許之浙人罷市走乞總督劉兆麒提督塞白理請畱公給事中
姜希轍柯聳御史何元英等亦言浙人愛戴深於飢渴 詔令力
疾視事尋 命總督福建軍務是時吳三桂耿精忠尙之信三藩
王皆議撤回京師精忠潛與三桂通謀將爲亂精忠封閩久諸鎮
皆隸麾下十二年冬公抵任而撤藩之使至令藩下左右鎮皆改
轄有司公知釀禍與巡撫劉秉政謀撥營分防以弱其黨且毋迫
其行而秉政中撓之公乃展海界以安飢窮聯保甲以儲練勇寬
投誠以散島眾請廣開兵屯足儲峙以消反側及三桂反問聞又

有 詔止閩藩弗撤而精忠終不自安公密上封事略言三桂無父無君人所不齒垂老弄兵欲以一隅之少眾抗天下之全勢其亡也殆不旋踵似無足慮者惟百姓厭聞兵革一旦謠言繁興人心惶惑若不收拾恐徵求急迫民不聊生盜賊遽起不可不爲長慮而卻顧也從來征糧九分爲率所以寬百姓之脂膏也今則十分取盈矣各省錢糧給餉之外餘作存留稍緩輸將以備非常也今則一槩解部矣盜賊竊發所在多有官畏考成以強諱竊以有諱無愚民茹荼無所薄愬以致相率隱而不報山陬海澨潛逆橫行孰從而問之夫民之所好者寬廣也所惡者盜賊也今乃不能如其所好而重其所惡是以乍聞滇警閭舍驚惶雖徧下安民之

檄一時稍定竊恐迫以催科勢必滋蔓請省刑薄斂以收人心公
又念精忠猝起事督標兵皆與逆黨狎不可用欲巡視海嶠閱漳
泉鎮兵以遙制之精忠復撓之客謂公曰滇氛及於楚矣盍以備
鄰封爲辭出據其上流乎公曰彼逆猶未發也我動而彼且得閒
謂我據地陰圖之因以怒其下是我失守而激變不可爲也精忠
之母周氏憤其子之逆也而死公唁其喪輒諷以大義左右諫公
未可輕蹈不測公曰然吾非昧於此也今以孤危之身處疑忌之
際同城共處動輒牽制惟示之以誠稍以緩彼之謀而吾事可濟
死生誠不暇計也已而精忠陽言海寇至請公至其邸議事環兵
刃脅公公挺身前嚼齒大罵精忠執之水漿不入口八日不死乘

政遂降於精忠爲其樞密使來說公降公蹴之仆地笑曰逆賊分
卽死予先視其魄矣精忠使人問公曰聞公昔與水月和尙遊和
尙何言屬公邪公叱之曰吾家世孔孟忠孝大節豈死生所能奪
卽彼緇流稍有識亦必以忠孝勸人豈肯妄言禍福歸語爾主善
自爲計無取族滅水月杭州人嘗書數語以示公若爲後日兆者
公在幽繫中七百餘日冠 御賜冠衣辭母時衣朝望奉時憲一
冊懸之北向以拜爲詩百數十首又自敘數千言皆燒梓炭書之
壁 王師下仙霞精忠將降覲免死慮公白其實遣人害公公笑
曰今日方畢吾事整衣冠望 闕稽首乃縊十五年九月十六日
夜也年四十二弟承譜幕客嵇永仁王龍光沈上章等及部曲廢

隸同死者五十三人公自知骸骨不返營藏髮爪付家人持還賊
果焚公尸泰甯人許鼎潛拾爐體負以至京 聖祖震悼遣官臨
喪 贈太子少保兵部尙書諡忠貞十九年精忠伏誅公子時崇
手刃之取其心以祭公二十一年 御製碑文謂承謨闔室幽囚
三年拘繫兇餒彌張貞操愈勁卒蹈白刃以作完人慷慨從容兼
有其美並 御書墨本賜其家

右事狀錢儀吉撰

從來忠臣烈士沒而尸祝徧海內者皆由剛大之氣瀟淪布濩與
日星河嶽俱永而其臨莅之邦德澤在人尤爲靈爽所式憑焉前
浙撫贈太子少保忠貞范公殉節八閩矯矯風烈邁越古今康熙

二十一年秋余承乏浙藩建祠以祀公高甕巨桷與四賢祠俎豆相望敬爲文以志於麗牲之碑夫公之爲德兩浙樵牧婦孺皆能言之無庸更僕數方其移疾乞歸臺垣提鎮諸臣先後疏留而攀轅臥轍者相望於道甚且擊鼓登聞必期得所請而後止今身沒之後士民謳思尙如一日可見秉彝之在人心不容強也然公之卓然可紀者不難於浙而難於閩叱馭巖疆狡謀環伺左右肘腋皆其私人一二封疆大臣依附觀望而公幕下智計之士或勸以慎重出入勿蹈賊巢或說以潛出會城扼據上流諸郡無非欲公留其身以有待而公義不返顧鼎鑊如飴罵賊以祈死絕食以祈死至於窮寇倒戈克復可待而終不免於死蓋公之死不死於纒首

之日當其東縛道庭黃霧四塞旭日掩光造物早以全節予之矣
攷公生平大節世擬之以文信國方正學余獨謂信國坐臥小樓
一身殉難而公則桎梏三年家族賓朋駢首就慘其受禍更慘至
正學身乘國成舉措不無可議而公當疆事萬不可爲之時力竭
勢窮死而後已方諸古人似爲過之豈直爲一時死事諸臣之冠
哉讀公臨終書壁之辭曰撤藩之舉使臣業已就道不能諫止或
者以爲使公移其所以死寇者而以死諍猶不失曲突徙薪之策
而余更以爲不然逆豎包藏禍心匪朝伊夕撤之則變速而禍小
不撤則變遲而禍大故當其稱干犯順海內不無騷騷之患而由
今日思之適天所以速兇徒以投首而爲 國家消數十年之隱

憂也公亦可瞑目於九原矣 皇上軫恤元臣親瀝 宸翰褒忠
顯善雲漢爲昭此千古人臣所不能得之於身後者而獨於公觀
之余參附姻婭之末曩者數載屬吏知公最深是役也不獨景仰
典型而亦欲書之以爲百爾勸焉云爾

右祠堂記毛際可代某撰

石門舊有天荒蕩六千餘畝爲春秋吳越戰地錢糧向係閩邑均
賠公疏請豁免積累頓除 說鈴序

疏言閩人生計非耕則漁自遷界以來廢棄民田二萬餘頃虧減
正供二十餘萬之多雖見在展界墾田其實不及十分之一且臺
峇距海尚遠與其棄爲盜藪何如復爲民業如慮接濟偷越則該

遷民從前飄流忍死不肖爲非斷無給以恆產而反無恆心之理如慮寇踪侵掠則當設兵防堵要害寇亦無隙可乘設立水師原爲控扼巖疆斷無棄門戶而反守堂奧之理若相度地形移駐重鎮則門戶固而遷民可以開墾復業兵旣衛民民不失所此捍外安內之要圖也從來富國強兵莫過魚鹽之利自禁海以來利孔旣塞以致民困兵窮惟有請照木筏取魚事例容漁戶沿邊採捕每十筏聯爲一甲責以稽查連坐之法開港時止帶乾糧不許多攜米穀等物令就近將領督押朝去暮歸仍依編甲次序灣泊內灣以便稽查所捕之魚十取其一以充課此項錢糧或接濟兵餉或借給遷民或備修船隻一舉而數善備焉矣

疏言我朝興屯之法寓諸墾荒一行於招民募墾一行於安插投誠獨兵屯未聞肇舉蓋恐坐食驕兵耳臣謂行之有法兵心未有不樂從者卽今枵腹之卒給以見餉卽驅之鋒鏑誰不爭先況耨鋤種植之事乎從前墾荒之民例以六年起科則此屯種之兵亦俟六年後始裁其餉仍於旱潦之年倍加振恤是兵旣得六年見餉又不憂意外災荒誰不願興屯乎臣謂興屯有五便披堅執銳之卒率皆桀悍不馴無恆產以繫其心則渙而難固無操作以勞其力則惰而偷安屯田之法行則庚癸不聞帑金可省便一追呼不迫民漸休息便二防卒變爲土著堅門戶固藩籬便三有事則戰無事則耕進可攻退可守便四兵皆溫飽反側潛消便五至

地方有不盡宜屯者又當因時制宜一處可行卽一處受利數處可行卽數處受利屯一兵卽省一兵之餉屯千百兵卽省千百兵之餉兵法云屯田一石可當轉輸二十石非虛語也

右政學錄陸言輯

國朝詩林卷三十四

三

國朝耆獻類徵初編卷三百四十二目錄

忠義十二

嵇永仁

王龍光

沈天成

侯全

王天佑

張存

劉超鳳等

高天爵

吳萬福等

彭程淑

阿玉璽

昂阿賴等

阿哈納

克色里等

盧僕

李之性等

瓦爾達

剛占等

覺羅星德

伊爾圖等

蔣鈔

高士英等

--	--	--	--	--	--	--	--	--	--

國朝書狀類徵初編卷三百四十二

通奉大夫前署江西巡撫江西布政使司布政使湘陰李桓輯

忠義十二

嵇永仁

嵇永仁江蘇無錫人廩膳生閩浙總督范承謨之幕客也承謨事見專傳永仁策耿精忠將煽亂勸承謨早爲備乃議撥餉補兵安置逃弁與屯田並輕兵駐上游以備諸大吏多中賊餌撓之計不行賊尤銜之康熙十三年三月賊劫承謨幽別室脅永仁及其幕僚王龍光沈天成承謨族弟承譜降不從誘以官均忿罵繫獄三載志氣彌厲終不屈承謨在幽室聞之喜曰吾相知有素也十五

年承謨被謫永仁龍光天成承譜並見戕龍光浙江會稽人諸生有文名被執時賊授筆札令草安民檄不從天成江南華亭人繫獄時有聽鶻詩一卷永仁龍光相唱和有百苦吟見者哀其志賊脅承譜厲聲罵曰汝輩皆反賊吾甯死誓不從賊生四十七年承謨子時崇官廣東巡撫疏言前此福建撫臣楊熙爲嵇永仁等請贈銜部以生員無追贈例議廢但永仁等初無官守殉難死節仰祈 特沛恩綸予以一命陪祀臣父祠以慰忠魂下部議生員嵇永仁王龍光追 贈國子監助教沈天成范承譜雖庶民間散風烈可嘉應酌量追 贈國子監學正並准入承謨專祠陪祀 從之雍正二年 特命入祀昭忠祠八年永仁妻楊氏守節撫孤

欽旌建坊永仁子曾筠建祠於無錫 御書忠節流芳額以賜十一年十一月 諭曰大學士嵇曾筠自簡任河道總督以來整理有方調度合宜朕念伊父之忠義伊母之節操雖已贈卹褒旌尙未膺一品封典今以特恩給予大學士應得封典以示優眷十二年楊氏卒 諭曰嵇曾筠之母楊氏撫孤守節教子成名著加恩賜祭一壇賞銀千兩以爲喪事之用乾隆二年 賜人倫坊表額孫璜官大學士 御賜璜詩比其祖節於唐顏真卿杲卿云

右 國史館本傳

嵇畱山先生諱永仁以康熙丙辰九月十七日死福建制府忠貞范公之難踰年福建平總督耶公巡撫楊公疏 聞略曰頃者逆

國朝通志卷之三十四
一
暨弄兵八閩煽惑故督臣范承謨臨難拒賊完節授命其幕客諸
生嵇永仁等生有贊畫之忠歿有從死之義今督臣 贈卹有加
而永仁等委骨原野 恩命不至臣等昧死以 聞事下所司議
者以諸生無贈銜例令所在給卹銀若干兩於是先生之僕以喪
歸庚申二月葬於無錫之軍障山時先生之孤曾筠尙在幼穉越
壬午曾筠登賢書歸而謁余請表其墓道余惟癸丑甲寅之際疆
圉晏然兵革寢息諸藩狃於豢養聞撤藩令下以井蛙之智懷棧
豆之私非有鑄山煮海之雄封豕長蛇之勢也守土諸臣瞽亂反
覆望風迎附一旦形見勢詘賊首爲俘而偷生視息之徒猶覩顏
衣冠爲伍先生未嘗被一命之榮膺尺土之寄事變方棘利害較

然明哲足以保身委蛇可以觀變而先生不爲至於羈囚僇辱威劫利誘百折不回卒以一死謝知己而後快視向之擁方面饜厚祿者何如而議者顧以名位爲軒輊悲夫先生居家以孝友聞出從士大夫遊好討論國家典故六曹章奏條分件繫爲集政備攷凡若干卷諸監司聞先生名爭折節下之而先生父中書君與故太傅善太傅者制府范公父也公撫浙時先生以故人子上謁公一見服其議論曰子天下才也會有閩督之命遂偕之行有大事必諮焉公之初至閩也逆藩耿精忠蓄謀未發先生啟公爲弭變計如請撥協餉補綠旗兵安插逃弁條議屯田諸疏冀收拾人心殺賊勢又請假巡視沿海爲名提輕兵駐上游制賊方是時會

城文武大吏及公麾下士皆預中賊餌公號令格不行賊陽附公數請會先生誠勿往語見公自序中賊果於甲寅三月十五日託故誘公閉密室隨下先生等於獄窘辱備至先生了不爲動有同郡某仕逆爲顯官以鮮衣見遺先生手裂反之在獄凡三年聞公遇害痛哭自經死同死者紹興王龍光松江沈天成等嗚呼才人志士進不得志於當時退而託知己以自效如古參軍記室之任亦往往有以表見觀先生所規畫卽古人何以過而計弗售於生前名未定於身後表先生之墓不禁涕泗霑襟也先生先世常熟人父諱廷用字覲南宏光時官中書舍人因居金陵先生嘗遊無錫樂其山水因家焉始字匡侯乃更號畱山旣就學吳郡補郡諸

生死時年四十其著述多散佚有絕句百首樂府若干卷傳於世蓋在獄時作也室楊氏青年厲節撫其孤自四歲以迄成人食貧苦操真不愧先生婦云余與先生善知先生天性過人敦信義重名節生平行事不可勝紀謹述其死難始末錢諸墓石以告來者

右墓表秦松齡撰

嵇君永仁字畱山別號抱犢山農江南無錫人少就學吳郡補郡諸生尙氣節以經濟自命諸當事聞其名多延致焉父中書公與故太傅范公友善太傅仲子中丞公撫浙君以通家子謁見奇其才羅之幕下亡何癸丑秋范公擢閩督邀君與俱時逆藩耿精忠將煽亂君與范公預爲防閑於撥餉補兵安插逃弁條議屯田請

疏逆聞而忌之又勸公借巡海爲名調水陸兵據上游制賊定期
啟行軍士以器械未整辭時會城文武官吏皆爲賊所用軍令格
不行逆又陽附公數請見君誠公峻拒已又假他事給公幽閉密
室復下君等於獄迫之降以引公降君怒罵不絕口曰吾輩惟有
一死以報知己耳因作百苦吟續離騷樂府守者防閑至密紙筆
禁弗通君燒炭畫於壁夜然火照壁上字淋漓飛動朗吟數過復
自歌其樂府擊節欬歔如猿蹏如鶴唳不自知聲淚之俱下也時
范公亦有畫壁自序及武夷歌遙相倡和云有同鄉仕逆者製新
衣贈君君裂而棄之其人慙赧去迨丙辰九月十七日聞范公被
害君痛哭自誓曰此時不從亡將何待遂自經死年甫四十子曾

筠成進士官翰林編修人謂忠義之報云

右傳吳陳琰撰

先生姓嵇諱永仁字畱山別號抱犢山農先世常熟人父諱廷用
明季官中書舍人僑居白下先生少遊無錫樂其山水因奉中書
君卜居焉就學吳郡補郡博士弟子員性孝友侍中書君能以色
養懷經世才慷慨有大節東南賢豪咸斂衽推服捧珠槃而至者
相接也學富若生蓄凡天文象緯兵刑禮樂河渠荒政罔不條分
縷析旁及岐黃濟人之術亦無不精貫時爲詩古文詞皆發於至
性揮毫振紙千言立就柰難於一第踴省門屢試不得伸時范忠
貞公開府於浙先生以世交脩謁言質直不爲翕熱態一見奇之

深相禮范公旋奉督閩之命延先生爲記室無錫令餞別詩多
黯然語先生心動不欲往中書君曰士爲知己者死制府以國士
相待何憚一行耶於是惘惘出門楊夫人攜幼子相送紅橋莊外
淚泫泫下晨光照人水雲無際張颿徑去亦不自意爲永訣時也
當是時朝議撤三藩雲南吳三桂最先反靖南郡王耿精忠鎮福
州與廣東尙之信遙相蟻附蓄謀待發忠貞公至閩勢已不可爲
先生悉心籌畫於請撥協餉補綠旗營伍安插逃弁條議屯田皆
酌定疏稟俾公入告冀收拾人心撐持賊勢又謀以巡視沿海爲
名提輕兵駐上游爲撫背扼吭之計而一時文武大吏及公麾下
士皆豫中賊餌號令格不行賊僞設宴召公錮公於密室隨下先

生等於獄迫脅萬端屹不爲動有同郡某附賊爲顯官製鮮衣遺先生裂而擲諸地若將污之獄乏楮墨燃炭畫壁盤屈若龍蛇以發其忠肝義膽欹崎磊落之志聞與忠貞公相聞輒相和爲變徵聲有林能任者亦義士往來探視得忠貞公及先生詩皆默識而繕寫之祕不示人先生幽繫歷三載丙辰九月十七日范公遇害先生仰天揮涕曰所以不卽死者欲從公有爲也今已矣死耳死耳不可爲不義屈遂自經同時死義者三人紹興王龍光松江沈天成瀋陽范承譜明年福建平督臣上其事給銀優卹僕程治以喪歸歲戊子忠貞公子時崇撫廣東具疏爲先生等請贈官特贈修職郎國子監助教夫人楊氏先於壬午歲以節婦賜坊表

閻子曾筠丙戌進士官翰林今荷 皇上特達之知累擢兵部左
侍郎撫我豫州旋操衡文之鑑今又乘傳閱視河決安集流散委
任如斯之專非先生節義之報乎先生顯榮褒大荷 兩朝之錫
命報忠教孝之典於是乎備矣先生遺集則少司馬未第時徒步
入閩購得之卽林能任所藏也林已前死矣丹心碧血神物護持
杜少陵所謂詩卷長畱天地間非先生有關名教之什固不足以
當之也

贊曰忠貞之節偉矣若畱山先生者非有官守之責心感國士之
遇困厄幽囚至以身殉全友誼卽以勵士節佩金紫者可以媿矣
迄今誦其遺文正氣噴礴如盡吸西江之水而時吐之於壁立萬

初之崖豈屑與區區文墨士染翰抽思作麟爪語哉維卒不施以
昌其詩若先生之大節凜凜固不藉詩文而昌然詩亦甯能磨滅
而不彰卽立言砥行如先生洵不死矣

右傳張伯行撰

先生諱永仁字畱山別號抱犢山農晉侍中紹之後祖居虞山父
中書君以官居金陵先生嘗遊梁谿樂其山水家焉所居傍東林
講堂因自號其廬曰東田年十六補博士弟子員未幾食餼居家
恂恂孝友而慷慨負大志嘗以拯濟生民爲己任生平無書不讀
制舉而外雅好詩古文詞下筆千言立就凡星象占緯兵農禮樂
河渠備荒諸事罔不條析討論當事知先生者試其一言一策輒

奇中願數奇屢曠場屋鬱鬱不得志先生以父母年老出就館穀
尤精於醫所至活人無算殆將安貧養志藏器以終身矣范忠貞
公諱承謨者太傅文肅公之仲子也中書君與太傅有舊忠貞公
撫浙時雅聞先生名思折節下之先生乃以故人子進謁公一見
深許有國士之目適奉 命督閩延入記室邑侯吳公置酒爲餞
酒酣賦蹋莎行詞多戚語先生心不欲往中書君曰中丞以國士
相待揖汝爲上客讀書所學何事願不爲知己用耶且太傅舊誼
何可忘促之行先生室楊氏抱二子曾筠右丹送至吳門止外家
之紅橋莊外是日天色甫明薄霧漫水面送者佇立河干淚泫泫
下若不勝慘切生離之狀先生曰嚴父命敢不往顧念兩大人年

過七旬汝歸善事堂上撫吾子吾行思所以報知己無爲我戚戚也遂鼓棹而去入閩過仙霞嶺謁關夫子廟禱於神曰余此行佐范公救民也若萌利欲心必奪我嗣聞者震悚咸知先生志不苟矣甲寅春逆藩耿精忠將叛先生請於范公曰事迫矣與爲忠臣甯爲良臣曷早爲備因爲公畫策請撥協餉補綠旗額兵安插逃奔酌議屯田冀收拾人心殺賊勢又請假巡海之名提輕兵駐上游制賊方是時會城文武大吏及公麾下士皆預中賊餌公號令格不行先生歎曰吾輩不知死所矣有閒賊僞張筵宴公先生誠勿往公曰吾大臣以死報國將安逃乎挺身往賊果誘公閉密室隨下先生及同事者於獄被逮時猶卒數十張弓矢執白刃驅之

若就西市先生了無怖色謂同難王生龍光曰予兩人氣誼頗同
死之日願魂魄聚一處王生亦應聲許諾義形於面是刻天光慘
淡日氣昏濁先生處亂屍血窪中俄迫至逆邸脅之降不從促草
安民檄不從誘以官又不從賊怒甚欲置先生死地乃假章奏事
令鞫者窮詰指爲禍首先生毫不置辨曰死何足惜但願一見范
制府得瞑目耳賊無如何乃命錮之先生在獄蓬首垢面械鎖銀
鐺寒暑燥溼蟻蝨蝨蝨攢嘔之苦靡不徧嘗方之文信國之坐小
樓其苦什百也因作百苦吟心貞公與同難諸君子俱屬而和之
先生工詩尤善填詞少所作遊戲三昧一種及揚州夢珊瑚鞭請
劇皆膾炙海內至是悲思憤鬱作續離騷雙報應詞皆極淋漓沈

痛不可讀賊惡之防範嚴密禁絕楮墨乃燒桴成炭圖著作於四壁入夜陰房鬼火照見壞牆字跡熒熒飛舞先生擊節而歌羽聲悽愴聞者唏噓泣下范公寄語先生曰死吾分也君何自苦爲先生曰死於忠與死於義一也各宜努力幸勿爲念幽繫凡二年於康熙丙辰九月十七日范公遇害先生聞之仰天痛哭曰所不卽死者欲從公有爲也今已矣遂自經死同死者紹興王龍光松江沈天成瀋陽范承譜三人次年主師進勦福建平制府上其事部議以先生係諸生無贈銜例令所在給優卹銀若干兩先是賊以殉難諸人屍骨毀棄郊野三山林子能任覓先生骸骨製棺殮之至是先生之僕程治得扶櫬歸方先生之殉節也室楊氏僅二十

七歲聞之水漿不入口誓以身殉後以舅姑老子幼忍死守節仰
事俯畜茹荼集蓼凡二十八年次子早夭卒撫其長者成立壬午
會筠舉孝廉楊氏以節婦 賜坊表閭而范公之子時崇奉 命
開府念先生之忠且義力請於 朝得以諸生 贈官國子助教
崇祀范公祠蓋異數也丙戌會筠成進士讀中祕書 天子稔其
家世每 禁試咨實者再丁酉擢置 講帷 特授山右學使者
會筠清廉有守所得皆寒畯晉人士稱祝之人咸謂天之報施忠
節不爽云

右傳闕撰人名氏

嵇先生永仁初字匡侯字畱山又號抱犢山農父廷用明季中書

舍人自常熟僑居白下先生又徙無錫爲郡學生家貧嘗客游以
養父母爲所主治河拯荒輒有效中書君故與范文肅公相善也
先生因獲交於忠貞公公總督福建先生偕至閩度耿精忠必爲
亂爲公策所以禦之者施行未竟而精忠遽執公以叛先生與王
子龍光沈子上章俱下獄幽囚三年而與公偕死難始公之被執
也三先生皆在廨舍聞變沈子謂嵇子曰公生死不可知遽以身
死亂軍中無益姑避之何如嵇子曰子得畱而爲吾儕收骨可也
於是沈子出避之賊至驅嵇子王子以行戈刃弓矢左右掖若將
就戮者嵇子執王子手而曰余二人氣誼同也死之日魂魄願無
相失王子曰唯唯范公撫吾浙活我父老子弟億萬口余決以一

身爲浙人報之矣嵇子曰幸矣死有同志泉下不寂寂也賊擁之
至逆邸脅之草安民檄二先生皆不從誘以官爵終不可賊皆枯
之已而道路籍籍言諸公已死沈子聞之出踐收骨約賊黨執之
會賊方窮究范公章奏誰爲之者將罪嵇子嵇子曰死何懼願得
一見范制府而死吾目瞑矣沈子入聞之厲聲曰范公正人也無
陰謀公意且無他彼書生何與焉此細人嫁禍之辭也豈可信哉
於是閩人林可棟者亦在訊曰予老矣不忍使才士見殺願以身
代嵇子賊盡繫之范公與諸先生在獄中賊數十人晝夜守迫脅
萬端屹不動乃相與爲歌詩以自壯嵇先生方治春秋未竟在獄
復讀之鄉里貴人贈之衣峻卻之夙精於醫有求方診者不拒也

著東田醫補得十二卷及聞范公死仰天揮泣曰所以不卽死者
欲從公有爲也今已矣死耳死耳不可爲不義屈遂自經死妻蘇
氏字瑤清者常熟人也年十七亦取帶面先生而縊其後三十有
三年范公之子時崇巡撫廣東疏上諸先生死節事皆 贈修職
郎國子監助教又後二十有五年先生之子曾筠以大學士治河
有勞 特恩予封典先生得 贈光祿大夫太子太保文華殿大
學士兼吏部尙書先生配楊夫人於是年八十有四矣伏枕涕泣
受 命踰二日而卒雍正十一年十一月也時曾筠之子璜已入
翰林又後五十有八年而璜以大學士重與瓊林讌 高宗賜詩
猶褒其祖節以比唐之眞杲云嵇先生家居時嘗撰西京雜語三

十餘篇又有竹林集葭秋堂詩獄中著詩二卷文一卷

右事狀錢儀吉撰

江左嵇先生名永仁字雷山別號抱犢山農其世系通顯具載家乘可考而知也先生少負才華奄有聲稱居恆以救濟民生爲己任家於錫山居里近東林講堂自名其廬曰東田邑侯吳公伯成顏其額曰東田書屋嚴君中翰公與太傅范公周旋京洛爲故舊交比見世多擾攘棲遲田里性恬淡不事經營先生善養志凡父所欲爲與未及爲者皆力爲之先生孝友性成而才足以相濟所由甘旨自裕而中翰公亦得優游林泉也先生少爲諸生食餼有年譟聲名場中所爲文章往往爲人傳誦輒取科第己獨屢挫場

屋鬱鬱不得志以親老昆弟未成室出就館穀當世知其具經濟才或聘治河或諏荒政歷有成效爲廟堂所許可先生嫉惡如仇多與小人齟齬而鬼蜮含沙害之者不少先生固無恙也少曾受業於鞠存張公之門張公居江淮所稱東溪先生者是也東溪教先生爲詩歌古文詞手授漢書經史諸編學殖淹博著述日富有葭秋堂詩竹林集雷山堂初刻又好爲填詞工北曲其遊戲三昧一種詞壇豔稱之若珊瑚鞭布袋禪自以爲少年筆墨不稱意惟揚州夢頗自謂略窺臨川堂奧櫟園周先生擊節其妙云與王漢恭之想當然並傳爲序以弁之且謂先生風度彷彿樊川慷慨有大志而不拘小節者也先生惡文法之徒叢脞政事出入輕重高

下其手刻集政備考一書便於仕宦給諫楊公自西序而行之先生尤精於醫蓋其始祖家本中州石首公諱適爲主簿於楚有惠政小民俎豆之祀名賢祠宋州公諱穎以學士扈從南渡子姓散居吳越迄今霅川之練市吳門之蓉莊皆有傳派先生乃蓉莊之宗支也蓉莊祖瑩白玉蟾爲之卜地云後世當出名醫以是子孫多習岐黃業先生到處負藥囊活人疾病著東田醫補四卷江右李孝廉與借珍於家欲代爲梓行以傳世先生以數奇不偶將欲退耕梁谿之野賣藥金閭之市隱而不出感范公知遇從事於三山五嶺閒束裝之日錫山邑侯吳公借諸名流置酒聽梧軒餞之各賦踟莎行一闕以憔悴二字押韻中有孤城殘角夢家山亂帆

影裏人憔悴之句先生見而憂戚歸告中翰公曰此行恐不利中翰公曰太傅舊誼何可忘促之行至署輒病以此意達之公公堅畱亦和前韻以廣其意有停驂暫緩入山期哀鴻待爾離憔悴句先生勉畱焉至春仲先生賦詩曰不知何事春三月剛到清明又憶還公解其意雖許之歸而未果也先生過仙霞嶺謁關夫子廟盟於神前曰余此行惟以救民爲務若萌利欲私心願奪我嗣天地鬼神實聞斯語方逆藩潛蓄異圖先生知之每告公曰專勢蹙迫宜早隄防與其爲忠臣以甯爲良臣又曰神龍見首不見尾屢以危言喻之蓋先生實爲牽情慕義而至於此非昧於幾先者也不意遂及於難豈非天哉被難之日先生握手謂余曰吾輩將從

公於地下矣余點首以荅之先生神氣自若了無怖懼以一二言
懾服諸輩之心同就於繫逆雖脅以刀鋸誘以爵祿毫不爲動在
狴犴中先生猶存心救世晦明寒暑筆未輟手續著東田醫補若
千卷求方索診者不一而足先生嘗歎息曰死無餘恨但醫統廢
墮學其術而未大展活人之心耳又著詩一卷一卷和蒙谷作一
卷紀變又填雙報應詞三十齣乃爲揭公重熙死難之事其亡友
袁參嵐託其表章茲聞林翁談報應事云揭公已爲建甯城隍先
生感而爲之以報亡友其於患難中不冑負人之託沒人之善如
此又爲續離騷四種皆寄友人收藏之其囑友人詩曰此身若遂
沈淪死畱與寒家子弟看可喻其意矣嗟乎天豈以是限先生哉

先生年甫強壯蘊有經濟爲世大用子二人長曰曾筠次日右丹
皆弱稚未成人然英英已露頭角天之所以報施先生正未有艾
也獨是余以暮年同淪難底朝夕飫聞先生之教敷陳大要闡析
至理悲歌慷慨具由天性余之受裨益良非淺鮮謹述大略以見
先生之古義文章並堪不朽誠無負於公亦無負於天也

右和淚譜王龍光撰

--	--	--	--	--	--	--	--	--	--

173-248

173

王龍光

王君龍光字幼譽浙江會稽人以能文補諸生屢躋鄉闈不得意
嗜遠遊嘗徧歷秦中諸名勝多題詠迨年五十餘始倦遊范公撫
浙日延之教其子迨遷閩督君念父老不欲往父曰公請獨請振
有德吾浙者多矣汝義不可辭毋以我耄爲念也至閩逆藩變作
旣紮范公波及幕中諸客迫脅草安民檄載誘以官爵皆不從遂
械繫之俄有明經李某受逆命以筆墨之役勸駕諸君拒之益堅
如是者三年抱犢山農每語君曰予兩人氣誼最合死之日魂魄
猶應戀此無相離也君性恬淡不以死生利害介於懷幽囚旣久
略無憂愠色其在獄也嘗著養花說及雜詩五十餘首以見志喜

讀山農所著續離騷諸樂府每夜闌月落輒高歌數闕與更柝聲相應荅後果同殉難如山農言

右傳吳陳玳撰

王先生龍光字幼譽先世居淝水之上柘皋村明初徙會稽世有讓德所居里曰讓簷里以諸生客范忠貞公幕教其子課誦之暇端坐若木石一室寂如家甚貧未嘗自言在獄時著養花說一帙賦詩五十餘篇

右事狀錢儀吉撰

耶溪先生姓王名龍光字幼譽七世祖居淝水之柘皋村明初隨大將湯和經理東南愛會稽土地秀美擇而居之相傳世有讓德

至今里名讓簷蓋以此也高祖家素豐能緩急人鄉黨貧乏者多資之曾祖由明經通判粵中政有惠聲嘗白盜案之冤者卻夜金不受其人尸祝公德於罷官歸里日尙匍匐而謝以故子孫忠厚清白皆由家訓所致先生降生時其祖母夢見高曾吉衣冠來家醒而燈火熒熒視之則坐草矣私卜先生後必貴勉之讀書補博士弟子屢挫場屋不得售同胞三人伯仲早棄世先生中道喪偶生子三長垂謙邑庠生次垂訓季垂謚悉馴謹工書史滄桑以來家漸陵替先生不樂處蓬巷有四方之志慕秦中山川雄勝古帝王將相碑冢存焉爲驅車徧歷倦而言歸時年已五十餘矣范公撫浙延置絳帳教其愛子課誦講解之外一室寂如先生不與人

較長短競得失抱璞守琛如木石然所以儼薄妒害之客多容之而又性甘淡泊不自言其窮苦於是家道日益窘范公督閩念諸客中惟先生無闕行敦迫偕往先生爲嚴父春秋高遠巡膝下父曰范公有德吾越不可背之老人筋力粗健桑榆無恐汝第往毋內顧也先生在閩視余加厚有故人之誼蓋自浙聚首以至於今耳被難時猙獍者張弓挾矢荷戈執戈驅之而行如就西市狀余與先生攜手緩步雖咤叱不之懼私相謂曰余兩人氣誼頗同死之日願魂魄聚一處先生曰唯唯公撫吾浙請蠲請振救活父老子弟億萬口余以一身代越人報之又何憾焉余壯其言而幸死有同志泉下不寂寂也是刻天光慘淡日氣昏濁余輩處亂屍血

窪中俄而迫至逆邸擾攘之頃脅余輩草安民檄不從誘以官爵
又不從觸其怒而械繫之俄有李明經者受逆命說余輩以筆墨
從事余輩極口唾罵又堅拒不之從是以幽囚兩載而至於今先
生在獄無憂愠色日惟歌詠怡情著養花說一帙賦詩五十餘首
有岑嘉州高達夫丰裁倦卽偃臥最喜余所著續離騷夜則高歌
一闕已而四壁有嬉笑者有怒罵者有悄然悲而淚下者以此爲
常先生雖瘦損骨立而無疾病亦由其懷抱曠達耳所稱達天知
命之君子殆其人歟

右和淚譜稽永仁撰

國朝文獻通考卷之...

其

沈天成

沈君上章字天成江南華亭人祖籍浙江嘉善姓俞氏後徙華亭年十二父見背遭家難隨母及弟妹匿舅氏沈獲免禍因更姓沈氏伯兄積沛華亭諸生嘗從夏公彝仲遊尋同殉難忠義其家教也君孤貧不能務舉業稍學治生完弟妹婚嫁事遊京師應禮部儒士試將博微祿養親不可得姑託以挂名非其志也既隨范中丞公入閩值逆藩之變與抱犢山農約同死既而君偶以事出外俄傳同難諸子死信從雷雨中潛禱願出踐宿諾遂爲逆黨所縛獻逆邸時鞫者方窮究章奏事將罪及山農君厲聲曰范公心事可白天日豈陰害人者公且無他志書生更何與焉逆惡其善辯

遂并械繫與嵇王二君同獄知流傳凶問皆虛語益以爲快君善卜易嘗卜與難事終不免故志愈堅每聞范公起居無恙輒心喜或聞其疾病減飲食則終宵飲泣不能寐同時有反噬山農者君輒批其頰怒詈之其至性過人類如此後聞范公死信卒與二君同死亦猶乃兄從夏公殉節之義也夫君工詩歌被難後著詩一卷曰聽鶡又纂花譜一卷以自遣未行於世

右傳吳陳琰撰

沈先生上章字天成其先嘉興人居武塘嘉禾里曾祖玉鼎爲松江同知沒而葬焉遂籍華亭先生本俞氏其名積治字端初兄弟五人其長者曰積沛鼎革時與夏彝仲陳臥子二公起兵敗俱死

之諸弟或爲僧或易姓王先生匿於其舅沈氏遂冒沈姓善周易與諸先生入獄而卜之曰皆死也已而果然在獄時著聽鵲集一卷花譜一卷言種植之事甚詳王沈兩先生著作俱佚今惟和嵇先生絕句各百首存林可棟之在繫也家有節母年九十餘矣范公曰是不可死爲之謀而脫之三先生獄中文字皆可棟匿之以出傳於世

右事狀錢儀吉撰

沈子天成與余同幕府但知其爲華亭人敦氣節重名義者也而不知其世澤淵源家聲光大蓋沐浴忠厚之深而負隱痛焉嘗揮淚爲余言曰僕嫡姓俞名積治字端初先世秀州人居武塘嘉禾

里九世祖文莊公諱綱以諸生從龍與李善長諸公同入閣有謹厚聲自是代有聞人曾祖諱玉鼎嘉靖朝由明經爲大興縣丞遷松郡司馬防海禦倭有功歿於官開葬城西斜塘橋左郡人德之祀名宦祠祖父因家焉祖諱仰谿太學生事母孝捐貲振荒收葬飢殍著十生訓愛周易積善之家必有餘慶尙書慎乃儉德惟懷永圖四句爲子孫命名著家訓垂戒謂甯愚毋巧甯讓毋爭生八子父行四諱香林字雲槐重名節寡交遊晚年好種花兼學佛生五子長積沛爲夏公彝仲門人豐城鄭公諱澹若宰華亭特薦其文列於庠後緣鼎革夏公彝仲與陳公臥子皆死於難兄從之死舉家星散仲積沛削髮竄四方季積澄徙於浙從兄積澍等俱改

姓王以避禍積治年最幼十二齡父見背嫡母王氏沈氏繼亡十
三齡遭家難隨生母徐氏攜幼弟妹匿舅氏沈公來家竭資產免
籍於官舅氏撫余頂曰今日幸免天所以報善人也他日成立當
繼父兄志因改姓沈更字天成拮据家務完弟妹婚嫁遊京師思
博升斗祿養母氏伸兄痛慰祖父在天之靈茲從范公罹於難死
報知己固其宜豈彼蒼不欲延俞氏一脈耶言訖又淚下余聞其
言而不勝嗚咽也仁人孝子不自薄其根本而後能急人之難不
自墮其家教而後能成人之德聞變之日干戈擾攘沈子謂余曰
公生死未卜遽以身試鋒鋌葬亂軍手中無益姑避之余曰畱子
在爲余輩收骨歸葬故里未爲不可沈子避三日夜俄聞余輩死

信禱雷雨申願出踐然諾爲悖義者所縛獻於逆邸時鞫者正窮
究章奏事將罪余沈子厲聲曰范公一生光明正大無陰圖人之
念公且無他與書生何涉此細人卸禍之言也豈可憑信逆見其
牴牾不屈遂並繫之幽羈一處然後知公及余輩尙存也沈子與
余同寢食疾痛關切相依爲命有反噬余者則批其頰而詈之愧
之鬼怪乃逡巡辟易膽落而止余輩每聞公起居無恙則私心喜
或聞其抱病食息不如常則吞聲終夜飲泣蓋二三子與公爲存
亡者也沈子著詩一卷名聽鶻集花譜一卷載種植之事甚詳皆
在難中所著述元配朱氏生四子善標善棟善棠善棣讀書於家
皆稱醇謹沈子善周易卜公與余輩終且沈淪難底嗟乎光前耀

後之事不能不有望於其四子也已

右和淚譜嵇永仁撰

按沈先生據吳傳錢事狀名上章國史附嵇先生永仁疑以字行標題

仍作天成

皇朝通志卷三十三

三

侯全 王天佑

侯公其近代之名將也哉余生也晚不及見其少壯時而獨於垂老遇之公諱全字維垣遼左錦州衛人明季由世襲任臺頭營東協中軍膂力方剛萬夫辟易試之要地守備冷口漸爲秉鉞所知授劉家口遊擊又調至山海關撫標左營時邊事多警所至披靡望風而遁公獨當一面嘗匹馬入戰陣中摧堅破敵莫能撓其鋒因好衝突傷左臂撫軍李公見而惜曰此世之虎將也以軍功薦例當加擢公固貧無所負緣僅得燕河路參將缺李公慰藉曰毋抱恨知屈汝也俟後當入告公曰武人出死力捍邊疆得知我者足矣功名不足望也夫當煙塵震動之時得一驍勇善戰之將而

報稱不當其功爲要路愛錢者所掣肘亦可悟國家成敗天運去
畱之故矣 清初攝政王入關公首先投誠范太傅公時在軍中
僉傳頌爲章京一切受撫賞賚皆莅其下公之識太傅蓋自此始
也順治己丑年楊公提督閩省公以中軍副將從之征勦攻高峯
砦捷新建奮勇獨著七年蕩平山寇生縛劇賊洪國玉張自左等
九年海氛迫漳州統軍解重圍十年升延平副將寄專城之任兵
民俱利賴之公自行戎以來挈其表姪守備王天祐斬將擐旗攻
城破砦如猛虎之搏平地山林草木皆爲之靡公出入左右未嘗
一刻少離而天祐事如嚴父不自有其功十一年公因父年近九
十欲奉養暮景力求休致得入籍徐州買牛犢耕種徐當南北衝

古豪傑降生之地也先是公有姑表陳公一貫駐節於此公配爲
陳公姊迎公之父養於署菽水未幾遂棄世卜其地而墳墓之公
以歲時伏臘便於祭祀不忍去其鄉故家焉徐俗獷悍有司復擇
肥而墮遭外侮不能白范公兄都統公力白之掌事貪殘者皆奪
職坐罪去而家聲以振公世感范氏恩隨學士公來督閩自謂年
雖邁尙熟識閩之人情風俗可少備諮諏學士公實倚重之余嘗
聽其談遺黎痛苦邊海三十年無一日安衽席言罷淚如雨下聞
者心俱酸學士所以汲汲於開海復界請蘇積困也侯公年徧桑
榆齒豁耳聾起坐需扶持妾紀氏隨之來調攝寒暖安慰寢食凡
一舉一動皆以意先之而曲體其衷夜則衣不解帶口不言勞瘁

甲寅變起侯公適在外紀氏料公必死懸束帛於梁從容自縊死
僕王茂偕婦俱從死其子九歲緣繩斷而甦王廚偕婦同縊婦繩
斷亦不死當此時也冠帶之倫搢紳之徒儼然鬚眉號丈夫者皆
欲全軀保妻子而一婦人女子以身殉節視死如歸甚至臧獲之
賤匹夫匹婦亦曉大義所在侯公之家教爲何如哉天祐被執迫
之殿堦慕其驍勇以好語款之許以重用祐曰某數千里隨總制
來爲報恩故他非所慕語壯激不少挫遂重加囚繫之祐在獄捐
軀圖報之念屹如鐵石有欲申救之者祐斥以不義慚而沮故健
兒百餘輩皆遣釋去而祐獨桎梏不解蓋其甘心爲之也侯公雖
脫難而栖栖海隅茹荼飲冰風聲鶴唳觸目心傷年七十七矣尙

冀欲乘閒以報制府而危困窮迫無所聊賴有義僕李誠走求故
交舊識貸錢養之公每鈔錄往古勇士志士諸俠烈典實事故以
示祐堅其患難之志祐每屬余講解以自怡見危授命余敬祐之
爲人焉祐生父諱都早世叔諱聘遼諸生也養祐於家聘亡其妻
梁氏亦從夫自盡侯公之先屬王氏壻公以中表同居力任祐家
殯喪諸事祐感而奉之數十年如一日雖祐之天性勇俠而公之
訓誡亦綦深焉侯公其近代之名將而兼義烈者哉

右和淚譜稭永仁撰

按和淚譜皆被
幽時亟撰生傳

臣等謹將... 奏

三

張存 劉超鳳等

張存福建順昌人康熙十三年耿精忠據閩叛存糾義旅保元坑鄉精忠脅授總兵劄令率眾出江西存不從時和碩安親王岳樂駐師南昌存潛使赴軍前乞援並條機宜岳樂授存總兵劄令捍禦建昌邵武汀州等地且爲內應賊偵知急攻元坑元坑地平無險可恃存以忠義激眾屢敗賊賊恚甚遣其黨三路夾攻十五年九月元坑陷存被執死之時全閩煽動詔安營守備劉超鳳方召兵計守禦賊猝至偪降不屈自刎死南平教諭余光辰聞變忿激嘔血死賊分犯浙江時江南提督楊捷領兵赴浙有楊士祥者任鎮標中軍守備管軍餉頓兵仙霞嶺下賊突至官兵戰潰士祥大

呼馳擊死之又有開化生員鄭大來者賊犯開化城潰知縣崔華
退保十六都大來募鄉勇獲賊謀數人立磔之賊棄城遁大來衛
華入城賊旋招常山玉山諸寇萬餘謀夜襲城與官兵遇仙霞嶺
時霾霧四塞大來單騎馳霧中手刃數十賊官兵隨擊賊少卻大
來猝中槍死鄉勇鄭卓麟鄭振祥鄭有忻鄭毛鄭大卿鄭董戴甲
毛徐義禮徐白古徐六十徐旦等十一人俱隨戰歿後精忠降其
餘黨散竄山谷或海島結諸海賊爲寇十八年十月海賊千餘乘
潮犯山陰楓亭赤塗埔時興化鎮標右營千總吳師貞帥防兵二
百挺戈躍戰入賊重圍中礮死其子敦仁率十餘騎衝賊陣覓父
屍亦死之是年衢州有賊黨犯處州大柘鄉右營都司張朝臣與

金華協都司孫奇豹約前後夾攻至期朝臣率兵獨進遇賊鏖戰自辰至巳後軍不至力竭死五十一年黃巖鎮標左營遊擊閻福玉出海巡哨遇賊牛頭山連戰數日中礮死後二年黃巖鎮標右營把總許文爵巡海遇賊蕭利玉等於調幫洋擊賊陣歿先後議卹 詔贈存右都督廕守備福玉 贈副將廕守備餘卹如例超鳳河南商邱人順治十八年武進士光辰福建福清舉人士祥江南崑山人師貞浙江山陰人朝臣直隸山海衛人福玉山東安邱人文爵浙江人

右 國史館本傳

高天爵 吳萬福等

高天爵漢軍鑲白旗人後改隸鑲黃旗先世居鐵嶺父尙義以隨征松山杏山及太原功 予二等輕車都尉世職在杭州駐防協領天爵初由廕生於順治四年任山東高苑知縣考滿遷河南信陽知州十一年以經略洪承疇薦擢湖廣長沙知府大兵進勦明桂王朱由榔天爵理餉濟軍十三年因父病假歸十六年補江西建昌知府先是廣昌縣山賊王昂傅勝幸連升周由義陳太字蕭來信夏登選等聚黨數千時出劫掠踞羊石滴水二砦爲老巢形勢險峻官軍仰攻輒爲賊滾木礮石所損傷因罷攻招之降王昂傅勝佯就撫仍伺隙煽亂官軍擒之斃於獄餘賊益負固抗拒十

八年五月天爵與巡道張永祺參將王之任議乘風雨交作漂流
樹木衝斷橋梁賊俱歸巢後分布官軍絕賊出路直擣滴水砦進
攻羊石砦斬賊千餘盡毀賊巢賊傷斃及墮巖死者無算生擒幸
連升周由義陳太宇蕭來信夏登選及王昂之父王尙智並斬於
軍賊所掠丁口悉遣還其家巡撫張朝璘疏報十年砦賊一日掃
除由道府區畫周詳捐貲懸賞鼓勵士卒冒險奏功 詔下部察
敘天爵得軍功加級康熙十三年逆藩耿精忠據福建叛縱黨入
江西犯建昌時天爵已遷兩淮鹽運使或勸之速行天爵曰吾守
此土十六年雖受代豈可遽離遂率家丁數十人禦賊萬年橋城
守副將趙印已降賊乘天爵力戰從後縛之以獻賊載送入閩再

四誘降終不屈賊拘繫之越歲餘天爵與副將王進武舉胡守謙把總楊起鵬姜山等同謀遣千總徐得功出仙霞嶺請大兵入關陰結死士爲內應賊將王廷彥許之耿精忠遂以十五年九月四日遇害十九年福建巡撫楊熙疏列同日殉節諸人部議卹廕有差天爵得旨贈太僕寺卿廕一子三十五年福建巡撫卞永譽請以天爵與原任福甯總兵吳萬福福州知府王之儀邵武知府張瑞午建甯同知喻三畏邵武同知高舉侯官知縣劉嘉猷尤溪知縣李埴福州城守千總廖有功等合建一祠於省城西門外春秋致祭得旨允行四十四年子其佩官工部員外郎爲父請扁御書蓋忱義烈以額其家祠四十六年其佩官浙江溫處道復爲

父請諡 賜諡忠烈雍正四年長子其位官大學士其佩官都統
同奏請 諭祭得 旨高天爵捐軀盡忠大節可嘉高其位高其
佩乃見任大學士都統大臣爲父請卹甚是著加禮部尙書銜追
賜卹典七年入祀昭忠祠

右 國史館本傳

彭程淑

彭翁名程淑字毓元宜春中溪西房十三世嫡長孫也爲人有性氣直白骯髒膾力過人無所齷齪俯仰於世中溪地界南楚時吳逆據衡州餘黨合棚寇蹂躪湖湘聞康熙丙辰陷萍鄉其同房弟程宏僑居其地偵知之夜疾馳歸鳴鉦呼寇至以其族遠避山谷間程淑體肥中道復失明家人隱之匿基後巖谷間寇猝至不復可避遂爲所獲將劫殺之程淑神色自若給曰我有金可賚爾盍負我歸指所藏攫取寇信其然昇至迫其償乃憤然裂背厲聲罵曰我非失明者特欲枕首邱耳怒詈聲不絕寇揮亂刃身無完膚而死年五十有九

論曰程淑之死烈矣方程宏偵寇疾馳為族黨急難圖萬全獨無以全程淑命也然程淑死不烈節不著名不傳當給賊時志早定此所謂匹夫不可奪志志士不忘在溝壑者也於戲若程淑者真奇男子哉

右傳林有席撰

阿玉璽 昂阿賴等

阿玉璽蒙古鑲黃旗人姓烏喇哈濟勒默父噶勒圖以佐領從征錦州又擊流賊於山海關有功給騎都尉世職阿玉璽襲順治九年遇 恩詔加三等輕車都尉十二年隨甯海大將軍伊爾德征明魯王朱以海餘黨於舟山有功加二等輕車都尉康熙十三年逆藩吳三桂耿精忠叛遣逆黨分道窺江西 詔簡親王喇布鎮江南安親王岳樂統師之江西阿玉璽從大兵敗賊於撫州十四年又敗賊於七里岡十五年喇布自江南移師南昌與岳樂合勦萍鄉賊三桂遣僞將軍馬寶赴援阿玉璽要之於陳岡山戰歿詔贈一等輕車都尉世襲罔替從弟道圖襲與阿玉璽同時死者

護軍校昂阿賴其先後死者護軍參領七藍布五品鳴贊官班他
哈護軍校哈甯阿七起克七藍布曾從征明桂王朱由榔有功後
隨大軍擊耿逆僞都督易天錫與班他哈俱歿於建昌事在十四
年哈甯阿從喇布移師南昌三桂遣僞將軍韓大任等陷吉安十
六年哈甯阿赴援有功尋署護軍參領又升署統領擊賊於永新
中礮歿事在十七年七起克由江甯檄赴軍營中途遇賊戰歿事
在十九年議卹昂阿賴七藍布班他哈七起克俱給雲騎尉世職
昂阿賴子鄂爾塞襲七藍布子五格襲班他哈孫巾齊咸襲七起
克子巴牙爾圖襲昂阿賴蒙古鑲黃旗人姓博和羅特七藍布滿
洲正白旗人姓錫克特理班他哈滿洲鑲紅旗人姓棟鄂哈甯阿

滿洲鑲黃旗包衣人姓瓜勒佳七起克蒙古鑲白旗人哈爾阿磨
襲無考

右 國史館本傳

173-282

111

阿哈納 克色里等

阿哈納滿洲鑲白旗人姓甯古塔官二等輕車都尉康熙十五年
安親王岳樂順承郡王勒爾錦貝勒尙善察尼內大臣希爾根俱
率大兵征逆藩吳三桂阿哈納與驍騎校克色里疆都當色親軍
校穆什哈俱隸岳樂軍由江西進破賊於萍鄉之來龍山乘勝趨
長沙城內賊突出大破之進攻長沙城阿哈納克色里穆什哈戰
歿疆都當色復與賊將馬寶戰死於醴陵一等待衛穆赫訥從希
爾根與寶戰亦死之其隸尙善軍者驍騎校訥爾布擊賊杜輝陣
亡於洞庭湖先是勒爾錦分遣察尼由荊州渡江擊賊護軍校卓
克什庫遇賊將吳國貴於太平街力戰被創死是年死於湖廣

又有護軍校恩特薩弼漢七品官觀音保安岱十六年尙善分營馬三千佐岳樂軍遣驍騎校德克送馬長沙途遇賊劫戰死於是征南將軍穆占由岳州進兵與岳樂夾攻長沙護軍參領費揚古中火槍歿二等待衛勒特熙亦戰死又有護軍校庫蘇里騎都尉佛保住皆戰死於永興前鋒校瑚什布戰死於巖山嶺岱住戰死於太平街議卹阿哈納 贈一等輕車都尉子果琦襲克色里騎都尉從子瑪爾泰襲疆都雲騎尉從子鄂欽襲當色雲騎尉子扎實襲穆什哈雲騎尉子瑚里襲穆赫訥騎都尉子色貝襲訥爾布雲騎尉子璧理克襲卓克什庫雲騎尉子巴哈占襲恩特騎都尉無嗣停襲薩弼漢雲騎尉襲無考觀音保安雲騎尉子官保襲保安岱

雲騎尉襲無考德克雲騎尉子岡我襲費揚古雲騎尉孫瑪爾薩
襲後歷官內大臣雍正九年從征準噶爾陣亡於和通呼爾哈諾
爾勒特熙雲騎尉襲無考庫蘇里雲騎尉孫瑚必泰襲佛保住贈
無考子塔里襲其世職瑚什布雲騎尉子芒喜襲岱住雲騎尉子
巴哈占襲克色里滿洲鑲紅旗人疆都滿洲正紅旗人當色蒙古
正紅旗人穆什哈滿洲鑲紅旗人姓鄂吉穆赫訥滿洲正白旗人
姓葛濟勒訥爾布蒙古正黃旗人姓博和羅特卓克什庫滿洲正
紅旗人姓西林覺羅恩特滿洲鑲藍旗人姓瓜勒佳薩弼漢滿洲
正藍旗人姓伊爾根覺羅觀音保滿洲正藍旗人姓布吉爾根安
岱滿洲正藍旗人德克滿洲鑲白旗人姓洪果費揚古滿洲正黃

旗人姓瓜勒佳勒特熙滿洲鑲黃旗人姓伊爾根覺羅庫蘇里蒙
古正藍旗人姓翁牛特佛保住滿洲正藍旗人姓溫都瑚什布滿
洲正黃旗人岱住滿洲鑲紅旗人姓棟鄂

右 國史館本傳

盧侯 李之性等

盧侯湖北天門人順治十六年進士官陝西商南知縣康熙十三年陝西提督王輔臣四川總兵王屏藩譚洪等並應吳三桂叛三省多賊支黨四出十五年賊圍商南侯嬰城守城陷被執罵賊死接壤河南之浙川把總李之性與賊戰於魏家營被槍死其後川陝守城而死及被執不屈而死者又有王質王無荒廖世正劉廷臣徐盛李向榮等質浙江山陰人康熙十八年任陝西高林典史以隨奮威將軍王進寶入川平賊功升渠縣知縣賊黨伺其赴省執之途繫數月不屈死無荒河南孟津人知四川綦江縣屏藩攻城無荒百計拒守糧盡援絕死之世正湖廣人知四川營山縣莅

任甫一月值彭時亨叛城陷與典史劉廷臣俱被執至大竹縣繫
三月餘脅以僞職怒罵不屈俱遇害盛鑲紅旗漢軍初以五品官
隨經略莫洛征陝西補蘭州知州輔臣叛盛不屈被囚及輔臣平
補廣安知州值時亨陷城遇害事並在十九年向榮直隸冀州人
知四川劍州洪攻城拒守月餘城陷罵賊死事在二十年事 聞
詔贈僕按察司僉事廕一子入監之性廕衛千總質世正俱按察
司僉事廷臣主簿盛布政司參議俱廕一子入監餘卹如例

右 國史館本傳

瓦爾達喇占等

瓦爾達滿洲鑲黃旗人性瓜勒佳康熙十三年逆藩耿精忠叛瓦爾達以前鋒參領隨大兵進剿至枯竹擊敗僞都司何楚儒眾千餘十五年賊據建陽攻之賊黨王總兵帥眾三千列槍礮挨牌拒關廂瓦爾達擊敗之進至城門力戰死精忠之據閩也遣其將連登雲等寇浙江陷處州據石塘嶺有護軍參領喇占者從甯海將軍傅喇塔進擊敗之又連敗滿塘新屯都賊十八年從平南將軍賚塔擊僞將軍劉國軒戰死蜈蚣山國軒海賊鄭錦黨也先是順治十一年鄭成功寇漳州國軒時爲千總叛獻城康熙二年大兵進剿成功走死臺灣錦據浯洲有騎都尉兼佐領格善者從大兵

往剿敗錦海門進至蓋時山陣歿精忠並約潮州總兵劉進忠抗
廣東時平南將軍尚可喜討進忠三桂驅廣西賊徧肇慶可喜子
之信以肇慶降三桂十五年大兵征廣西有署護軍校花色遇賊
於平樂戰歿議卹 詔贈瓦爾達雲騎尉子八十襲喇占加一雲
騎尉子拉啟襲格善二等輕車都尉從子瑚世塔襲花色廕襲無
考喇占滿洲鑲紅旗人姓瓜勒佳格善滿洲鑲白旗人姓伊爾根
覺羅花色滿洲鑲紅旗人

右 國史館本傳

覺羅星德 伊爾圖等

覺羅星德滿洲鑲紅旗人任參領康熙十三年逆藩耿精忠叛應
吳三桂遣賊將攻建昌等府江甯將軍額楚討之德星從大兵至
建昌敗賊帥邵連登入萬餘眾十五年三桂遣僞將據吉安額楚
等攻克外城與賊相持賊將馬寶韓大任引眾萬來援護軍參領
伊爾圖佐領扎穆蘇三等輕車都尉托羅署護軍參領富喀筆帖
式戴皆戰歿一等侍衛阿喀尼署參領覺羅達林驍騎校三泰俱
戰歿於螺子山雲騎尉烏達納被重創卒於軍署參領殷塔錫亦
戰於陳家山陣亡十六年正月星德隨額楚攻吉安與馬寶戰於
陳岡山陣歿三等輕車都尉那爾穆委署參領務孫岱署副參領

四格色皆先後力戰死星德 贈雲騎尉子豐儀襲伊爾圖滿洲
正藍旗人姓納喇 贈騎都尉子禪布特襲扎穆蘇蒙古鑲紅旗
人姓諾勒忒 贈三等輕車都尉弟圖什圖布襲托羅滿洲鑲紅
旗人姓富察 贈二等輕車都尉子唐固納襲富喀滿洲鑲白旗
人姓郭洛羅 贈騎都尉子杜爾淡襲阿喀尼滿洲正黃旗人姓
那木都魯 贈騎都尉從孫明泰襲覺羅達林滿洲正黃旗人
贈雲騎尉子伊爾登襲三泰滿洲正白旗人姓扎拉里 贈雲騎
尉弟克三錫襲烏達納滿洲鑲藍旗人姓完顏子巴錫特襲殷塔
錫滿洲鑲白旗人姓伊爾根覺羅 贈騎都尉子塔爾布襲那爾
穆蒙古正白旗人姓博爾濟吉特 贈二等輕車都尉子巴達里

襲務孫岱蒙古正黃旗人姓哈爾吉努 贈雲騎尉子多爾吉襲
四格色滿洲鑲黃旗人姓伊爾根覺羅 贈雲騎尉子碩倫襲戴
滿洲鑲黃旗人姓舒穆祿贈襲無考

右 國史館本傳

四庫全書

卷三十四

表

蔣鈞 高士英等

蔣鈞浙江會稽人順治十四年武舉人由千總歷升福建海澄鎮中營守備署中軍游擊康熙十六年七月海寇劉國軒結山賊朱寅擾同安之灌口鈞從總兵黃藍討之次小盈嶺突遇賊鈞於嶺頭迎擊復抄徑追勦多殺賊賊潛發火槍中鈞鈞猶裹創戰傷重陣亡時副將高士英護餉至灌口十八堡遇伏士英發矢殪十餘賊馬中礮身被重創一夕卒披甲倪雲章林鎖住同死國軒之犯同安也並約僞將何堪之犯海澄將軍喇哈達賚塔勦之祖頭山陣亡者有二等輕車都尉滕天成參領李成貴佐領李敬實驍騎校李景梅劉養元十七年大兵連敗國軒於馳頭密頭諸嶺賊於

灣腰樹悉眾抗拒一等輕車都尉李顯孝二等輕車都尉王承恩
佐領張廷輔何世榮張璠騎都尉張應鼈賈成傑陳正遠驍騎校
佟有明七品官韓登元皆戰歿海澄陷協守海澄參將賴陞抗節
死八品官馬象坤擊偽將吳淑於葛布山戰歿賊旋擾南安長泰南
安知縣宋煜守東門提標左營把總張應虎守北門城破煜與應
虎戰於鼓樓街皆死之漳洲遊擊傅宏基驍騎校吳有勝守長泰
城陷宏基戰死有勝不屈死同死者邑紳戴璣原任廣西布政司
參議時裁參議缺因歸里全家被掠投偽職不屈絕粒死是年七
月賊犯連江拱頭寨羅源營把總范得時陣亡又有浙江平陽鎮
把總王一彪是年十月從征國軒於閩之桐山營還至林堡嶺遇

賊戰歿事 聞鈔 贈都司僉書廕守備士英卹銀如例廕千總
天成加 贈一雲騎尉成貴故實景梅養元俱雲騎尉顯孝加一
雲騎尉廷輔世榮璠俱雲騎尉應鼇加一雲騎尉成傑贈無考正
道加一雲騎尉登元象坤俱雲騎尉煜按察司僉事廕一子入監
應虎廕千總宏基廕守備得時一彪俱廕千總餘卹如例天成正
白旗漢軍子兆枚襲成貴正藍旗漢軍子淑白襲敬實正藍旗漢
軍子明仁襲景梅正藍旗漢軍弟景春襲養元正藍旗漢軍子士
英襲顯孝襲紅旗漢軍子廷輔襲承恩襲黃旗漢軍子澤新襲廷
輔正紅旗漢軍子斌襲世榮襲白旗漢軍子汝民襲璠襲藍旗漢
軍子世珍襲應鼇正黃旗漢軍子文魁襲成傑襲黃旗漢軍弟成

樑襲正遠正藍旗漢軍孫玉章襲有明正藍旗漢軍登元正白旗
漢軍子如章襲陞福建平和人象坤襲藍旗漢軍子延壽襲煜正
藍旗漢軍應虎福建人宏基浙江金華人有勝襲白旗漢軍璣福
建長泰人順治六年進士得時福建人一彪浙江人士英籍無攷

右 國史館本傳

國朝耆獻類徵初編卷三百四十三目錄

忠義十三

馬雄鎮 諸兆元

李坤 陳上年等

覺羅果和里 赫色等

阿爾護

費揚古

巴特瑪 蓋桑阿等

積善 武剛代山等

魯頌 朱鴻祚等

杜英 佟大年等

宜里布

哈克三

噶爾都 蓋思海等

張一元 羅蔡龍等

穆赫林

111 1000000 1000000

1

173-300

國朝耆獻類徵初編卷三百四十三

通奉大夫前署江西巡撫江西布政使司布政使湘陰李桓輯

忠義十三

馬雄鎮 諸北元

馬雄鎮漢軍鑲紅旗人總督鳴佩子也順治十三年由廕生授工部副理事官累遷宗人府啟心郎都察院左僉都御史國史院學士康熙八年授山西巡撫未之任改廣西巡撫時左江奸民楊其清等妖言煽眾謀不軌右江妖僧假明宗室爲亂羣盜莫扶化等結黨蠻掠梧州平樂二府雄鎮悉討平之疏請定邊俸升遷之例除兵糧運費之徵皆得 旨允行十二年逆藩吳三桂反明年二

國朝通志卷之三十三
月廣西駐防將軍孫延齡叛應之殺都統王永年等劫巡撫廨署
時巡撫無標兵雄鎮督家人拒戰移檄梧州趣提督馬雄率兵赴
援雄遷延不至而延齡脅降甚急雄鎮自經爲家人救免卽以蠟
丸馳疏請兵延齡偵知縶雄鎮及家屬四十餘人於別室絕食數
日不死吳三桂遣使招之雄鎮麾其使誓不屈先是慶陽知府傅
宏烈以豫發吳三桂逆謀坐誣謫戍蒼梧至是勸延齡反正延齡
躊躇未決雄鎮遣其子世濟世永孫國楨先後由閒道歸京師復
疏言廣西人心不甘從逆若大軍速至可圖恢復廣西旣復則三
桂腹背受敵矣十六年十月三桂遣從孫世琮殺延齡擁雄鎮至
賊壘誘降雄鎮大呼曰吾奉命巡撫廣西義守封疆恨不能斬

汝首以報 國今討賊不遂死吾分也賊戕其幼子世洪世泰以
懼之雄鎮罵益厲遂遇害從者馬雲皋唐進寶等九人咸引頸受
刃時雄鎮年四十有四妻李氏妾顧氏劉氏女二及世濟妻董氏
妾苗氏同日自縊死幕客孫成陳文煥乘閒脫走由平樂達蒼梧
以雄鎮所著擊笏樓遺藁及彙草辨疑歸之世濟明年傅宏烈爲
廣西巡撫疏述其事 聖祖仁皇帝嘉雄鎮忠烈下所司議卹方
雄鎮之遣世濟行也全州人易友亮實導之出及世永國楨之行
年俱幼賊伺之甚密友亮復以州人唐守道唐正發謀穴垣出之
雄鎮旣遇害友亮收其骸骨藁葬焉至是世濟 恩授大理寺少
卿易友亮唐守道唐正發授遊擊守備孫成陳文煥授同知知縣

有差十八年世濟請赴廣西收父骸骨得旨馬雄鎮當逆賊叛
亂之時克篤忠貞捐軀殉難其骸骨令馬世濟馳驛往取明年雄
鎮喪至京師贈太子少保兵部尙書賜祭葬如典禮諡文毅
廕一子入監李氏董氏各以夫品級予誥贈又允廣西巡撫
郝浴請建雙忠祠於桂林祀雄鎮及後爲逆孽吳世璠所害之巡
撫傅宏烈二十一年正月宴羣臣於乾清宮以世濟爲殉難撫臣
子特命至御座前賜酒時世濟官光祿寺卿旋擢副都御史
累遷吏部侍郎貴州巡撫漕運總督世宗憲皇帝時以雄鎮入
祀昭忠祠乾隆十六年上念雄鎮爲國效忠前此未有世職
特予恩騎尉世襲罔替以其四世孫馬升基襲

右 國史館本傳

按同殉又有副都統孟一茂戴良臣參領徐文登佐領嚴朝綱撥什庫時有鳳

公諱雄鎮字錫蕃一字坦公姓馬氏其先登州蓬萊人始祖英占籍遼陽左衛會祖童德太平府通判有惠政建祠赭山祖與進考鳴佩總督江南江 戶部尚書爲開國名臣事具 國史妣孟氏誥封夫人公以從龍大臣子順治中起家工部副理事官營造

孝陵遷宗人府啟心郎擢都察院左僉都御史晉內國史院學士上才之以爲副都御史巡撫山西未行改撫廣西 陛辭 賜御服以示優異時粵西多盜賊王道榜等寇左江妖僧某僞挾明宗亂右江莫扶化等連諸猺獠躡平梧諸郡所在騷騷公至粵宣布朝廷威德勦撫兼用不數月殲其渠魁餘悉解散於是請復有司

邊俸省兵糧腳價除採買之累民者疏上皆報可未幾而吳三桂之變起先是定南孔壯武王鎮廣西死李定國之難以其婿孫延齡爲將軍代領其眾癸丑春都統王永年與延齡訐奏朝議遣大臣往勘至是滇南作逆粵西震動延齡遂殺永年及孟一茂等三十餘人受僞命發兵反徧巡撫以下更服制繳符篆公具衣冠望闕再拜闔戶自經不死顧謂子世濟曰賊勢雖強人心尙固脫得一旅疾攻其外從中策應破賊如發蒙振落耳三月遣世濟聞道詣闕請兵陳賊可破狀六月繼遣其客朱昉以孫國棟齎表潛行赴東師又遣其客李子燮以次子世永行延齡覺勒兵賜公公引佩刀自刎不殊賊囚之別室公絕食數日又不死而三

桂遺僞書以高爵啗公使降公裂書抵地不視幽繫者凡四年會
延齡與三桂貳又與叛帥馬雄數治兵相攻丁巳三桂僞將軍吳
世琮帥師克桂林殺延齡遂以兵收公旣至其營箕踞大罵鬚髯
怒張世琮偪公降公叱曰吾爲 天子守茲土義死封疆所不卽
死者欲手獻逆賊上報 君父耳今討賊志不遂死自吾分毋多
言世琮退令諸帥迭游說更進酒食公推案罵愈厲世琮發怒先
殺公幼子世洪世泰遂及公其僕九人皆從死公旣死賊暴其尸
烏金鋪田野中四十日顏色如生有趙天元者亦僞將軍也收瘞
桂林之廣福寺夫人李聞難與妾顧氏劉氏二女某某世濟妻董
氏妾苗氏皆自經死妾趙氏等以飢餓前死者又十九人事 聞

上震悼贈公太子少保兵部尙書諡文毅以世濟爲大理少卿
論曰今之巡撫與唐之節度觀察使事權相埒 國初以來皆握
兵柄後乃稍變易其制一旦有事輒束手而聽命於人所謂倒持
太阿授人以柄者也以文毅公之才略忠義激發使得戲下一旅
叛將忿卒必有所忌憚而不敢動縱其跋扈而仗義執言以討不
庭鼠子輩豈足道哉旣事權不屬卒以忠烈自見妻妾子女下逮
僕隸從死如歸嗚呼惜矣然公之歿也 贈官 予諡皆逾常格
又 御書其神道之碑傳云死王事者加二等公之邀 國恩厚
矣又何憾哉

右傳王士禎撰

文毅公名雄鎮字錫蕃少以大臣子選用授工部副理事官擢宗人府啟心郎以憂去服除補左僉都御史 命巡撫山西不果行康熙九年改右副都御史巡撫廣西公質重有守忠孝出天性奉總督公喪哀毀循禮與人交謙厚溫謹長者也遇事有不可則毅然必達不爲利害撓待人推心不疑能得其死力粵西地連溪峒猺獠雜處羣盜左江楊其清平梧莫扶化黨皆數百人逐捕歲餘不能禽公至勦撫並用不數月殲其渠率餘賊解散已乃建議復邊俸省兵米開蘇木禁停采買藥材疏十餘上先後得報 可後三年而孫延齡之變作延齡者故定南王孔有德壻也王鎮廣西薨無子 朝廷以延齡爲將軍攝軍事延齡數擅殺人犯法都統

王承年發其奸遣使者按驗辭服 上不忍致之法 詔奪官會
吳三桂反粵西震動 廷議復以延齡爲將軍填撫之延齡旣內
銜王承年次骨又怨前削奪其官見三桂勢張甚遂蓄異圖十三
年春詐集諸將議事縛承年於坐殺之並副都統三十餘人遂勒
兵圍撫署以僞命遺衣帽脅公降是時承平久撫臣名封疆大吏
然實無兵柄權輕會變起倉卒公知勢不支易朝服北鄉再拜曰
臣亡狀謹以一死謝國卽距戶自經家人踴扉入救之得不死已
乃遣其長子世濟詣 闕上變語曰賊勢雖強人心尙固王師至
我爲內應破之如振槁耳不則父子俱屠無爲也公子涕泣叩頭
去逾月事益急又遣其客攜次子世承孫國楨乘夜穴垣出聞道

遂京師賊偵知公終不屈而子孫入朝乞師者相繼益恚且懼賊
兄延基率兵排闥入環立露刃睨公公引所佩刀自刎不殊血漉
被體賊卒前抱持救之奪其刀刀戩救者右手墮三指賊昇公出
並驅其家屬幽別室中公絕食數日不死乃復食自是坐臥一室
足不踰戶限者四年三桂以書招公公手裂書抵之地罵曰吾
天子大臣肯作賊耶其後逆賊互相誅屠賊將吳世琮入桂林執
孫延齡殺之遂收公及幼子家僕去世琮責公降公鬚髮怒張目
眦裂叱曰吾大臣義死封疆所不卽死者欲手刃叛賊耳今志不
遂死矣何多言世琮見公詞峻無降意移置他帳令賊黨更相誘
說公瞋目不應稍進以酒食則傾食擊器罵詈不絕口賊大怒令

世濟乘傳往遂以喪歸 上遣重臣臨祭者再 敕有司治窆窆
特贈太子少保兵部尙書 賜諡文毅又親灑宸翰文其隧道之
碑嗚呼觀公之盡忠與 聖主之所以酬忠交得之矣世濟字元
愷今官刑部侍郎好學問喜文章士能以忠孝世其家

邵長蘅曰長蘅辱交今少司寇公得具悉其家世聞前明時遼陽
陷文毅公大母趙義不辱抱一幼女赴井死馬氏脫於兵者僅三
人及文毅公之難脫者亦僅三人六十年間再罹凶禍天之於馬
氏亦酷矣抑余聞長老言忠烈之門是當有後司寇之世大也宜
哉

右傳邵長蘅撰

馬雄鎮字錫蕃號坦公漢軍鑲紅旗人會祖重德以貢除遼陽都司訓導遷江南太平通判攝蕪湖當塗令皆有異政民爭畫其像投効歸後兩邑祠祀之祖與進字輿所亦官訓導天啟辛酉遼有兵禍公率民捍城甚力妻趙氏因譌言遽驅女孫入井領家人四十餘口同日死父鳴佩字潤甫從龍入關以部郎出爲汾潞道數立戰功歷官至兩江總督善治兵尤知人垂老致仕生一子卽雄鎮也公以大臣子選用起家工部歷官清要康熙九年出撫廣西削平諸劇盜惠政淪浹十三年吳三桂反將軍孫延齡私與通挾夙恨遽斬部統孟一茂等三十餘人勒兵出城遣甲士圍撫署以僞命遺公衣冠脅降是時巡撫尙未設標兵公束手無策易朝服

目經家人急救之不死乃遣僕賀徵齋疏遁入京師告變尋又遣承差楊啟祥引長子世濟遁繼則託幕客李子燮朱昉及承差唐守道唐正發挾次子世永孫國楨遁延齡瞰得之乃迫公遷土室公拔刀自剄賊兵奪刀落兵三指公又不得死遂全家被囚者歷四載延齡百折之不少屈然延齡亦以此感悔觀望不遠附滇逆竇公持守功也十六年三桂遣其孫世琮收兩粵斬延齡百計誘公降且置盛筵示敬禮公怒罵益甚賊不能堪十月十二日押公主烏金鋪使人執公兩幼子相挾制公誓不絕口賊乃殺二子公奪兩頭擊賊遂被害時年四十有四老僕諸應兆等九人見公死交口躍罵賊駢戮之時眷屬尙羈別室聞公變長媳董氏先投縊

繩絕仆地觸首面俱碎復上挂死時年二十有七公妾顧氏劉氏女二姐五姐世濟妾苗氏以次縊夫人李氏坐觀之使各就衾斂然後北向九叩從容自挂時年三十有九其僕婢十八人皆殉焉守兵二人感且涕私記各屍焚而瘞於廣福寺後公與二子等屍暴露四十餘日賊將趙天元過其側見公展兩臂枕兩兒屍下馬再拜亦斂葬寺側撫蠻滅寇將軍傅宏烈時駐兵梧州孫成陳文煥者亦土室中客也乘變逃匿平樂進士袁景星家具公死事狀匍匐梧州求傅申奏 上震悼加公太子少保兵部尚書謚文毅授世濟京卿使世永入監讀書十八年正月三桂死宏烈兵敗柳州執至貴陽盡節明年世濟疏請往迎先人骸骨得 允先是土

室以飢寒死者凡十九人公若不聞者日以賦詩臨池自遣姬願氏本吳中閨秀精通小學說文公撰彙草辨疑十二帙姬皆手爲旁訓初公出撫上解御衣以賜及聞延齡伏誅度必死乃以衣授武弁易友亮使藏匿先竄懼汚君賜也世濟至粵西友亮獻衣述遺言世濟歸奏上仍以衣賜世濟遺勳戚大臣奠醊諭祭並賜御書碑文立墓道贈李氏董氏誥命如夫官又特命授四客官授守道正發啟祥友亮守備世濟歷官黔撫漕督至少司寇世永以刺史歷運使國植官江南常鎮道督餉進藏卒於軍子日炳任金華知府長子宏基襲佐領次于宏堦官蕭山西興驛丞公著有笏擊樓集康熙二十二年敕建雙忠祠於桂林府

國朝書目類傳卷之三十三
治祀公及傅將軍宏烈云

右傳蔣士銓撰

廣西偏處南粵而桂林當寶永之外以全州爲門戶左倚蒼梧右據柳江 國家因前代之舊置省會於此巡撫都御史行臺在焉康熙十二年季冬吳三桂反書至粵馬公雄鎮方撫其地案令甲巡撫止治吏事未有提督軍務之命公便宜急病約提帥某公飭疆界嚴烽堠厲兵峙糧以絕三桂連結閩粵之路未三月將軍孫延齡叛應之延齡故定南王孔有德女夫也初有德鎮廣西戰歿無嗣 廷議以其功高不忍使他人代將用延齡爲將軍俾統藩下軍仍鎮桂林延齡執袴子不知順逆因與都統王永年有隙十

三年二月下旬七日遂殺永年及副都統孟一茂等三十餘人以
兵圍臺署傳僞命遣公冠服且脅之降公朝服北向叩首曰臣亡
狀祇以一死報國拜畢闔書室自經家人踴戶救之適有自提
帥所來者謂當與總督會兵卽至公曰果爾吾何難少竢因密疏
陳延齡叛逆狀且言賊圍守之嚴一切上下文書皆截劫不得達
臣責在封疆義惟一死昨潛報督提並云救兵將至姑少待之望
亟移鄰近禁兵拯粵民於塗炭時三月朔日也疏至上始知
公義不黨逆爲之色喜踰月督提兵不至公語長子世濟曰賊勢
雖強人心自固汝速赴闕請兵來我爲內應破之如振槁葉耳
無徒父子相守爲賊所屠也世濟潛達江西巡撫江西董公衛國

奏其事 上益喜遣章京一人馳護以來至則授以四品京卿六月賊圍愈急公夜爲再陳粵西情形疏付長孫國楨極言桂林人心素輕孫賊而吳逆遠不相救有反掌可復之勢儻大兵亟到功可立就粵西旣復吳逆腹背受敵平蕩可期臣遠在五嶺萬里外若機有可圖臣敢不竭力如其不濟惟有與妻子同齒劍死期無負 皇上知遇而已俾與客朱昉鑿墉而出數日客李子燮又將次子世永潛出從之抵京 上復大喜并朱李二客俱授以官於是賊偵知公終不肯屈而子若孫入 朝請師者相踵乃使其兄延基率兵排闥前執公公引佩刀自剄血流被體賊卒前抱奪之公握刀甚固截卒手落其三指終被奪不得死賊昇公出并親屬

四十餘人幽別室而守公者甚嚴臥起不得自適如是者四年一
幼女四孫及婢僕十四人以凍飢相繼死十六年夏三桂惡延齡
異己以公在或爲所誘乃使賊吳世琮至桂林攻殺延齡隨召公
稱僞詔欲降之公鬚髮怒張目皆盡裂罵曰吾大臣義當死所不
卽死者欲手刃汝輩叛賊歸報 聖主耳今志不遂死矣何多言
世琮見公語峻無降意攝公置他帳使其黨說誘百方更進以酒
食公傾食擲器罵不絕口賊度公終不可脅遂先殺公幼子世洪
世泰次家僕諸老道等九人次及公公顏色不變怡然飲刃而逝
蓋十月十二日也配李氏子婦董氏女二姐五姐妾顧氏劉氏子
妾苗氏聞變相率自縊客孫成陳文煥匍匐宵行至梧州告哀於

將軍傅宏烈宏烈以聞上惻然憫歎曰馬某果不負國矣其議所以褒卹之者議上俾從優更議成文煥亦得除郡佐縣令焉十八年春三桂死粵東西以次平次年夏世濟奉詔迎公喪及冬至粵粵人言公既殞命賊下令禁收其屍暴野外四十許日賊將趙天元過之見其左右各挾一子色凜凜有生氣下馬太息解衣覆其上次日使人瘞之廣福寺後桂民感公義烈私以瓣香酌酒奠瘞下者至今無虛日初李夫人在囚所未知公遇害守者房李二弁登垣告之婦董請於李夫人先死次二女次顧次劉次苗二女與顧已就縊猶以其輩行相讓李夫人身爲收斂乃奮身入縊而卒今楚人言如此又部曲易友亮者奉衣一襲進曰此

上所賜御衣也公不忍污賊手先卒數日授某謹收之今幸不限命
敢以歸笥世濟泣受之以粵人言徵之成文煥所述行哭求公屍
自公與李夫人以下骸骨皆在十九年世濟還京覆命上賜
衣於朝上嘉歎無已卽以衣賜世濟贈公太子少保兵部
尙書賜葬加祭諡文毅親灑宸翰以樹隧道廕一子入監讀書
配李贈夫人耐葬予祭婦輦以世濟官三品亦得贈淑人論
者謂公報主之志久而彌堅而上褒忠之典加而無已君臣
之際可謂兩盡其道者矣公歷官名績及世系葬域皆詳碑誌家
傳茲不備著

右記事徐乾學撰

嗚呼馬文毅公殫忠報國距今十有八年矣其英爲河嶽其精爲日星其嚴氣正性爲霜凝霆擊玉栗金貞蓋愈久而愈耀也宸向者伏處海濱聞公闔門殉難輒欷歔不自止及客京師謁公之令嗣大中丞公因公以交賢仲州守公並一見如故不以宸衰庸示以家門忠節錄且曰是碑誌傳述皆當代諸君子襲先公而光穹壤者也子爲我薈萃而筆焉宸避席謝曰文毅公精忠峻節不待文而傳如以文言而鴻篇麟炳業上太史副家乘矣皦生何敢爲役蓋謙讓不遠承者又四年間一展讀則忠毅之色凜凜然照人鬢眉令懦夫蹶然而興起乃作而歎曰嗟乎忠孝節烈人人得而誦揚卽田夫野豎片言感歎猶或見採史編而況仰止於二十

年廩交於奕葉比門下士之末者哉爰不揣不斐敬次之按公諱
雄鎮字錫蕃坦公其號家世山東蓬萊縣人也遠祖英官遼東保
義副尉占籍於遼遠爲遼陽州人曾祖別駕公諱重德祖學博公
諱與進並以明經崇宿德父資政公諱鳴佩由文學受知

太宗文皇帝起家放心耶爾扈從 世祖章皇帝定鼎燕京用舊勳累

官至總督江南江西軍務兵部尙書兼都察院右副都御史威惠
交孚兩江尸祝無斁公生而英卓年十一侍父尙書公入闕周旋
官政所識輒舉其大母孟夫人早喪哀毀遵乎禮尙書公深器之
順治中 詔選用大臣子弟有才識者授公工部副理事官時年
二十有二敷歷局廠姦尤盡釐 今皇帝踐祚錄營 孝陵功除

宗人府啟心郎康熙四年丁外艱執哀如母喪服闋補都察院左
僉都御史尋遷內國史院學士每廷議必侃侃開陳無所回曲
嘗言士君子立身宜敦實育不可奪之節聞者竦然志操固已偉
矣上既親大政特器公簡授山西巡撫不果行未幾改命巡
撫廣西兼都察院右副都御史及陞辭上勉諭再三賜燕
內殿及御衣鞍馬公感激異數益矢報稱至之日值土寇楊其清
等竊發連結猺獞公宣布朝廷德威偕提鎮勦且撫不數月賊
渠就殲餘悉望風解散別部校或有誣繫良民婦者嚴禁還之民
大悅左右江悉平於是建議復邊俸升遷興吏治也省兵米水腳
甦民困也寬蘇木之禁厚民生也停採買藥材之例免民累也平

鹹醴之價贍民用也至重建學宮於煨燼中爲桂士勸期於富而
教之粵民大和而逆賊孫延齡倏變起延齡者官廣西將軍與都
統王永年有隙互訐奏蓄異心及吳逆反雲南桂管震動延齡陰
通逆公欲飭守禦時巡撫不轄兵計無可施者乃密約提鎮制之
延齡亦忌公終爲己制也謀先事康熙甲寅春二月乘亂殺王永
年及副都統等伏兵圍守撫署脅公與同志公見事急朝服向
闕拜入室投繯幾絕爲家人救免會所遣約提督者至云師出有
期姑少待公急密疏 聞遲之外援不至公遺長公世濟聞出詣
闕請師討賊賊日偪脅公而以公望重粵民愛戴不敢遽加收欲
困守以動之公知救已絕復遣其客挈次子世永家孫國楨先後

乘夜穴垣走趨朝告急賊見公執節不屈而子若孫相繼出也怒且疑秋七月令賊兄延基勒兵排院闖入公抽佩刀自裁旁人奪刀隨救者三指遂與公出院公抗聲罵賊夫人李亦且呼且罵延齡乃居公別室棘圍之籍院中男婦四十餘人幽之密室公絕粒數日不死乃復食自是坐臥一室足不踰閭者閱四年子孫家屬飢困就死者凡十有九人公不顧賊黨或以甘言誘者輒怒叱之或持僞書招者裂書擲地久之賊黨自相疑丁巳冬逆將吳世琮引兵入會城誘殺孫延齡拘公及兩幼子世洪世泰入賊營賊責公不早降公背裂髮豎直前叱賊曰我粵撫當死封疆所不卽死者欲手斬爾等逆臣頭報 國恩耳今志不遂死我分又何言賊

見公不屈引就別帳令羣賊往來陳說利害於前且進公酒食公大罵蹴食毀器賊知公志終不可奪乃戕其兩幼子並家僕九人遂及公公罵不絕聲被難於粵之烏金鋪時十月十有二日也賊琮怒不釋下令禁收公屍而賊將有感公忠義者令人潛瘞於桂北門外之廣福寺後夫人李聞變慟幾絕視其子婦董淑人及公二女妾顧妾劉長公妾苗依次就縊死仍爲飯含斂畢夫人乃仰天號泣曰一門皆不辱吾事已畢得從夫子於地下矣繫帛奮身絕吭而卒守者入盡燔其屍仍以夫人李淑人董遺骨標識之附瘞公櫬旁後粵民間之飲泣越明年王師下廣西公幕客走軍前哭公白死事狀大將軍簡親王疏 聞 上震悼優敘長公先以

請師留京師亟匍匐伏 闕泣願往求父母骸骨 詔允馳驛行
至粵得公櫬於原瘞諸靈並全獲粵吏民會弔者莫不號泣失聲
共言公盡節後顏色不變左右臂各抱一子賊見者盡驚異及啟
殯則聞異香芬郁蓋忠義之氣所發越云庚申春長公奉櫬北還
上以公克篤忠貞允禮臣請 特贈公太子少保兵部尙書諡文
毅加祭一壇給全葬孟冬柩車至 上特遣內大臣佟公齋賜茶
酒改給 誥命明年寔窆成 特遣內大臣心裕伯索公禮部侍
郎楊公兩次讀文 諭祭 上親灑宸翰爲文僞工勒石樹諸隧
首以 御書眞本 賜藏於家蓋 殊恩也尋廣西撫臣因土民
請疏建祠以祀公 制曰可長公先以萬里請兵議以大四品束

堂用至是授大理寺少卿尋擢光祿寺卿都察院左副都御史歷
吏兵刑三部右侍郎奉 敕巡撫貴州兼督理湖北川東等處提
督軍務兼都察院右副都御史晉總督漕運巡撫鳳陽等處海防
軍務兼理糧餉兵部右侍郎都察院右副都御史廕次公太學生
以知州用今除授山西大同府蔚州知州有治聲公原配張淑人
早卒祔葬姑側繼配李夫人從公殉節 特贈夫人合葬玉泉山
黑塔村之 賜塋長公原配董以從姑死 贈淑人家孫君先從
園中出者由國子生遵例除授河南彰德府安陽縣知縣循愛得
民諸孫六人曾孫三人年並幼長次公及冢君所自出所娶所出
詳誌銘中不悉云公爲人哲而頤眉目如畫神秀骨勁雅善書法

清整有正人君子容與人交推心不疑能得其死力官工部時尚
書公引年歸公出綜部入居子舍愉愉如也服官吏事精敏人不
能欺所區畫多中窾卻務必盡其心上雅倚任公由學士簡巡
撫所建白奏上輒報可及居賊圍中兩疏賊中情形並嘉忠
盡死之日皇心憫惻兩旨褒慰焉長公之以請兵至也跋履艱
阻上遣侍衛迎護來京公容休甯朱昉同州李子燮以公次子
及冢孫出也則官之大興孫成上虞陳文煥以公死事白也又官
之最後守備易友亮者受公命藏所賜衣歸諸朝長公疏聞
上感歎良久仍以衣賜長公改友亮試職爲眞伏觀上之所
以遇公與公之所以仰報以禮以忠千古無兩可謂國家之盛

哉宸於此竊有感也昔者張睢陽顏平原皆舉孤城挫寇逆公志不滅二公而竟不獲施不知寇外至者可禦寇中起者莫防使公不與賊同城而假一旅兵因民心屢勝算敵逆豎反掌耳或又謂公之被圍也旁無虵蟄子援微論莫助卽或以一矢助者賊必覺覺亦必先害公也庸何益不知蓋臣之志利國忘身苟其有濟雖背斧鑕燔妻子爲之而公奚慮哉且公所欲亟滅者賊耳公未歿而延齡屠甫切而溟黔復賊未死者皆磔藁街已死者灰揚都市公志已釋然無憾嗚呼公雖死而賊滅賊滅而猶不死矣自古好士下賢亦多得賓客之用然設奇效謀者有之未聞於九死中有全其孤顯其烈者公乃隨遇而獲至於賊獲廝養不過承意

旨利恩澤已耳稍逢顛沛則委而竄伏者纍纍乃有大義炳如殉
主不撓如諸老道其人者是孰爲爲之耶非公之精誠有以風之
耶嗚呼跡公百折不回一心自靖灑碧血於山河耿丹衷於霄漢
道行於妻子則燔骨彌香信篤於賓朋則走死如薺神猶滅賊則
必其陰雨靈旗舒卷濰江之上誠能衛 國唯有清風華鶴依歸
帝闕之旁從容慷慨兼有其難是公之得年雖止四十有四而忠
貞則壽天壤而不做也孔子云殺身成仁唯其有之公真千古烈
丈夫也哉

右扶風忠節錄書後張宸撰

諸兆元

諸老道者馬文毅公僕也名兆元江南句容人老而蔬食喜佞佛
故稱老道云文毅公撫桂林遭變拘賊中四年抗節不屈語具在
公家傳及新都朱昉所爲殉難紀略方賊遣騎收公時並縛其僕
次及老道賊以其老縱之去老道大呼曰吾得從主人地下甚幸
豈效鼠輩叛主苟圖富貴貽千古罵名耶奮然隨公行公至箕踞
大罵老道亦詢詈不絕口公遇害賊亦竟殺老道或曰老道僕也
於法不應銘邵某曰嗚呼老道之死烈矣所稱殺身成仁者非耶
吾見今世士大夫訾訾人輒訾曰奴儕嗚呼奴儕乃有是是宜銘
銘曰
生也主從死也主依其遺骨寤於斯

右墳銘邵長衡撰

右墳銘邵長衡撰

李坤 陳上年等

李坤廣東鎮平人任平鎮營守備康熙十三年土寇林青袍倡亂平遠坤擒斬之十六年吳三桂從孫世琮犯梧州巡撫傅宏烈調坤隨征題授左江鎮總兵官大敗賊眾旋以馬蹶遇害事 聞

賜諡忠烈同時分巡右江參議道陳上年以迫降不屈幽繫死時賊據平樂羅定都司吳錫綬率所部兵八百從宏烈進剿五戰五捷直抵平樂十七年世琮擁眾猝至決潯水以絕援師錫綬奮勇衝殺力竭自剄死者千總謝得功譚瑛把總翟應麟彭昇百隊梁太楊昌雷震何華十八年逆黨范韓奇攻河池都司解旗嬰城守士卒或勸之去旗厲聲曰城亡與亡敢有異議者斬乃登陣

國朝名臣列傳卷之三十三
巡警身不解甲者四十四晝夜賊攻益急旗迎戰中礮死家屬二十餘人俱被害時土賊沈紹基寇鎮安詭計襲城通判胡縉思被創卒二十年賊胡國柱等寇龍州土司段德壽以追勦陣亡先後事 聞詔錫綬贈遊擊廕守備得功瑛應麟昇太昌震華俱卹銀七十兩餘卹如例上年直隸清苑人順治六年進士錫綬浙江會稽人順治十五年武進士旗河南甯武衛武舉縉思湖北廣濟人餘卹無考

右 國史館本傳

覺羅果和里 赫色等

覺羅果和里滿洲鑲黃旗人以六品官委署參領康熙十六年隨定遠平寇大將軍安親王岳樂征逆藩吳三桂戰於湖廣之瀏陽陣歿 詔贈雲騎尉子鐸邁襲同時死事者一等輕車都尉赫色姓棟鄂滿洲鑲紅旗人康熙十五年隨征王輔臣屢敗賊有功至是隨征南將軍穆占擊三桂僞將吳國貴於長沙陣歿又護軍參領立固空銜護軍參領車爾圖佐領雅木達雲騎尉賽色岱烏巴海前鋒校艾圖南岱護軍校阿爾達巴喀努克齊內錫瓦濟瑪常明署護軍校色楞禪布穆成額驍騎校愛三博爾濟托班巴黨錫古魯什希親軍校恩特雅穆布七品官卓特巴喜保烏拉海額宜

圖覺羅薩鼎固納海牛鈕忠愛敦達里八品官格德並以戰歿

賜卹如例赫色加 贈一雲騎尉子韋馱保襲立固滿洲鑲藍旗

人姓納喇 贈騎都尉孫哈扎海襲雅木達滿洲正藍旗人姓瓜

勒佳 贈雲騎尉孫畢里克圖襲賽色岱蒙古正藍旗人姓西爾

德特 贈雲騎尉姪庫滕襲烏巴海滿洲正白旗人姓瓜勒佳

贈雲騎尉子關保襲額宜圖滿洲鑲黃旗人姓勒第 贈雲騎尉

姪松果托襲阿爾達滿洲正白旗人姓瓜勒佳 贈雲騎尉子尼

瑪山襲努克齊滿洲鑲紅旗人姓棟鄂 贈雲騎尉子根特襲內

錫滿洲正白旗人姓查喇里 贈雲騎尉子四格錫襲瓦濟瑪滿

洲正白旗人姓瓜勒佳 贈雲騎尉子吳達里襲色楞蒙古正黃

旗人子阿爾濟圖襲愛三滿洲正白旗人姓鈕祜祿 贈雲騎尉
子舒魯楚襲博爾濟蒙古正紅旗人姓阿蘇克 贈雲騎尉子特
古思恆襲托班滿洲正藍旗人姓伊爾根覺羅 贈雲騎尉子郎
圖阿襲巴黨錫蒙古鑲藍旗人姓薩魯特 贈雲騎尉姪黑色襲
雅穆布滿洲正黃旗人姓鈕祜祿 贈雲騎尉子常在襲卓特巴
蒙古正白旗人姓阿克蘇 贈雲騎尉子瑚什布襲烏拉海蒙古
正藍旗人姓諾勒忒 贈雲騎尉子空古爾襲覺羅薩鼎姓伊爾
根覺羅滿洲正藍旗人 贈雲騎尉子常安襲固納海滿洲鑲紅
旗人姓多爾濟勒默特 贈雲騎尉子烏蘭布襲牛鈕滿洲鑲白
旗人姓富察 贈雲騎尉子羅多世襲敦達里滿洲鑲藍旗人姓

薩馬吉爾 贈雲騎尉弟喀爾住襲格德蒙古正藍旗人姓古爾
吉默 贈雲騎尉子阿爾巴圖襲車爾圖滿洲鑲藍旗人姓佟佳
贈雲騎尉子完特襲艾圖滿洲鑲黃旗人姓勒第 贈雲騎尉子
圖桑阿襲南岱滿洲正白旗人姓于庫里 贈雲騎尉子阿爾吉
勒襲巴喀滿洲正黃旗人姓瓜勒佳常明禪布俱滿洲正黃旗人
禪布姓舒穆祿古魯什希蒙古鑲藍旗人姓巴育特 贈雲騎尉
子努赫圖襲喜保滿洲鑲白旗人 贈雲騎尉子色楞額襲穆成
額滿洲鑲黃旗人恩特滿洲鑲藍旗人忠愛滿洲正藍旗人姓納
喇襲無考

右 國史館本傳

阿爾護

阿爾護滿洲鑲紅旗人姓富察氏世居輝發父鄂拜 國初來歸
管佐領 世祖章皇帝順治元年隨大軍入山海關擊走流賊李
自成三年隨貝勒博洛征福建明年敘功 予世職一等輕車都
尉仕至鑲紅旗蒙古副都統第三子幹爾達襲世職阿爾護其長
子也初任長史康熙十三年九月 命署副都統同振武將軍坤
巴圖魯率兵之河南駐防汝甯十二月賊帥王屏藩叛鎮吳之茂
由四川窺陝西提督王輔臣叛應之阿爾護同坤巴圖魯率兵赴
西安十四年二月率兵五百守寶雞五月賊兵七百餘由鳳縣犯
棋盤營阿爾護遣兵擊敗之追至天王村陣斬僞都司李玉國等

四百餘級生擒僞總兵劉偶三遂招撫歸州十二堡僞參將普國祥等七員兵一千餘名降八月 詔將軍佛尼勒分兵六百令阿爾護統轄嚴防棧道諸險要九月同副都統鄂泰分兵三隊擊敗僞總兵彭時亨等於棧道口仰天池賊兵墜巖死者無算復有僞總兵李姓冉姓引賊千餘出棧道螞蟻河出口立三營於九龍山阿爾護率兵八百星夜進攻大殪之生擒十七人獲器械縱釋賊營婦女二十九口歸其家十月僞總兵石存禮黑邦俊楊天傑徐崇炳任德旺等率兵八千出棧道踞益門鎮口分七營覘寶雞以援平涼阿爾護與鄂泰曉諭諸軍此棧道隘口營壘能攻克者與克州城一例論功遂分兵一由西山岡上一由東山岡上一由中

路直指賊壘鼓勇奮進自己至未盡破賊七營追奔十五里射死
偽總兵一擒斬偽官兵二百餘獲木印二偽劄二百馬匹旗幟盔
甲器械無算又敗益門鎮賊兵四千於仰天池山下及益門鎮東
邵家山黃兒子溝沈家坡等處尋遇偽總兵四人偽副將六人率
賊五千踞黃兒山拒戰擊卻之賊不敢出棧道十五年二月以軍
前效力屢次殺賊立功實授鑲紅旗蒙古副都統是年大軍克平
涼阿爾護隨將軍穆占移師湖廣十六年擊吳逆偽將軍吳國貴
於長沙力戰歿於陣十七年九月 賜祭葬如例諡敏壯 贈三
等輕車都尉世職以其子博禮襲 世宗憲皇帝雍正二年以阿
爾護入祀昭忠祠

國史館本傳

右 國史館本傳

費揚古

費揚古滿洲正黃旗人姓瓜爾佳氏世居蘇完祖費英東父圖賴俱以功封一等公費揚古驍悍善射初任護軍參領從貝子準塔征逆藩吳三桂至彝陵州賊將劉澤敷陶貴之率萬眾來犯費揚古率所部直偪賊營與戰手背中鳥槍得頭等傷賜銀五十兩兼管護軍統領事務又從征南將軍穆占征湖南至長沙遇賊將吳國貴直前突陣所向披靡賊窮迫返擊費揚古面中鳥槍歿議卹贈雲騎尉

右傳王鳴盛撰

巴特瑪 蓋桑阿等

巴特瑪姓龔吉爾其先蒙古人天聰時來歸隸滿洲鑲黃旗巴特瑪以佐領駐防江甯署前鋒參領康熙十三年耿精忠遣僞將率賊萬餘犯徽州婺源縣巴特瑪與七品官蓋桑阿八品官明阿圖署參領卓爾齊泰等隨江甯將軍額楚擊賊於績溪賊遁尋從大兵至江西敗吳三桂眾三千餘於雲髻峯又敗其僞都督陳九傑於鄱陽湖殲水師五千又敗之於萬年縣之石頭街渡口水陸夾攻殲賊無算僞總督蔣德軫率賊五萬據弋陽立木城巴特瑪等挺身躍登破其壘復弋陽至貴溪鷹潭敗僞都督朱天錫又敗僞總兵王汝奇於永豐郭先等於艾山十六年從額楚踰大庾嶺攻

廣東時三桂僞將馬寶率賊萬餘犯韶州大兵迎戰於蓮花山殺賊幾盡巴特瑪與蓋桑阿明阿圖卓爾濟泰等俱陣亡同時戰歿者三等輕車都尉覺羅烏蘇佐領查爾敏驍騎校東克阿爾泰騰克阿哈尼堪登庫防禦阿濟根六品官安泰倭黑納七品官瑪克三關保八品官薩音達里阿爾菴是年有內閣侍讀孟色爾筆帖式鄂里善以齋 詔至廣東會尙之信叛廣東全陷孟色爾鄂里善俱遇害事 聞議卹巴特瑪 贈雲騎尉孫道壽襲蓋桑阿 贈雲騎尉子翟桑阿襲明阿圖 贈雲騎尉子賽音達里襲卓爾齊泰 贈雲騎尉弟莽色襲覺羅烏蘇 贈二等輕車都尉子達爾漢襲查爾敏 贈騎都尉弟兆儀秋襲東克 贈雲騎尉姪進

寶襲阿爾泰 贈雲騎尉弟納爾泰襲騰克 贈雲騎尉阿哈尼
堪 贈雲騎尉子阿爾賽襲登庫 贈雲騎尉子索柱襲安泰
贈雲騎尉子達投襲倭黑納 贈雲騎尉子納爾泰襲瑪克三
贈雲騎尉子查錫襲關保 贈雲騎尉子元保襲薩音達里 贈
雲騎尉子馬哈達襲阿爾菘 贈雲騎尉子祐瞻襲孟色爾 贈
騎都尉子班住爾襲鄂里善 贈雲騎尉餘卣如例蓋桑阿滿洲
鑲白旗人姓黃佳明阿圖滿洲鑲白旗人姓兆佳卓爾齊泰滿洲
正藍旗人姓兀扎喇覺羅烏蘇滿洲正紅旗人查爾敏滿洲正白
旗人姓那木都魯東克滿洲正白旗人姓伊爾根覺羅阿爾泰滿
洲鑲紅旗人姓瓜勒佳騰克滿洲鑲黃旗人阿哈尼堪滿洲鑲藍

旗人姓錫林覺羅登庫滿洲鑲黃旗人姓赫舒里阿濟根滿洲正
黃旗人安泰滿洲鑲白旗人倭黑納滿洲正白旗人瑪克三關保
俱蒙古鑲黃旗人薩音達里滿洲鑲黃旗人姓費莫阿爾菝滿洲
鑲白旗人姓西塔喇孟色爾蒙古正白旗人姓巴忒鄂里善滿洲
正黃旗人姓扎庫塔

右 國史館本傳

積善 武喇岱等

積善滿洲正黃旗人姓圖色里祖和圖崇德三年以閒散從貝勒杜度征明至山東攻滕縣陣亡 贈佐領世職有傳康熙十三年都統赫業副都統穆舒前鋒統領穆占等征逆藩吳三桂與經略大學士莫洛皆由陝西進兵四川積善以佐領委署參領隸穆舒麾下二等輕車都尉武喇岱佐領泰星阿從穆占佐領覺和托從赫業十二月莫洛軍至甯羌州陝西提督王輔臣叛攻經略營參將銜三等護衛王國泰拒戰中槍死時赫業穆占軍皆進四川僞將王屏藩據忠州之蟠龍山石存禮據朝天關立三十二營拒戰武喇岱泰星阿覺和托大敗存禮兵十四年敗屏藩於蟠龍山賊

國朝通志卷之三十三
合兵復戰武喇岱覺和托俱陣亡秦星阿守天全之梅嶺四戰皆捷賊悉眾斷糧道秦星阿戰歿十五年撫遠大將軍大學士圖海征輔臣大破賊於平涼署護軍校瑚什布中礮死參領木成額陣亡於金水河十六年穆舒軍至保甯積善隨之九敗賊兵旋戰歿於秦州議卹積善 贈騎都尉從子嘉哈禪襲武喇岱一等輕車都尉子延泰襲秦星阿三等輕車都尉子巴璽襲覺和托雲騎尉襲無考王國泰副將子臣以四品廕生歷官至副都統瑚什布木成額贈襲俱無考武喇岱蒙古正紅旗人姓博和羅特秦星阿滿洲正黃旗人覺和托滿洲鑲白旗人姓瓜勒佳國泰正紅旗漢軍瑚什布滿洲正白旗人木成額滿洲鑲藍旗人

右 國史館本傳

國史館本傳

三三

魯頌 朱鴻祚等

魯頌順天大興人康熙六年武進士官廣東雷州協左營都司時
海氛不靖十六年賊據雷州海康諸處頌率兵堵禦殺賊三十餘
中礮卒賊旋犯潮州都司僉書朱鴻祚隨征至東莞石龍陣亡十
七年賊踞雙溪口戰歿者把總王勝十八年四月賊擾儋州戰歿
者虎門協右營都司高有功十二月劫沙亭戰歿者順德鎮標中
營遊擊陳璠守備馮俊賊旋攻香山戰歿者石岐千總樂偉是年
高州茂名縣縣丞陶之駿追賊至蕉林兵盡援絕死之十九年正
月賊攻虎門左營都司蕭萬奇等鏖戰殺賊無算賊眾五千復登
岸夾擊萬奇陣亡同死者都司王德勝千總王起龍把總岑嗣恪

黃德貴八月賊犯蕉門戰歿者把總侯計祿二十年賊犯電白戰歿者山後港把總黃勝先後議卹 詔贈魯頌都司僉書鴻祚遊擊各廕一子守備有功都司僉書廕千總璠參將廕守備俊都司僉書廕千總之駿經歷廕一子入監萬奇遊擊廕守備德勝係外委都司照馬兵例卹銀起龍嗣恪德貴廕千總餘卹如例鴻祚陝西人有功湖北蘄水人璠京衛人順治十五年武進士俊廣東新會人之駿湖北黃岡人萬奇湖南臨武人德勝嗣恪俱廣東人勝湖廣人餘籍無考其勤事而死者又有董三策三策江南江甯人康熙十二年武進士任萬州城守營遊擊二十年賊犯瓊州三策赴援途遇賊陷定安三策沿途轉戰焚賊艘賊黨奔黎遂進攻加

審等洞拔加袍等寨七月率兵破苟吉陣斬僞監軍道馬文驪僞
總兵程可任等深入黎山部下染疫十存二三策身先士卒不
辭艱險中瘴毒卒 詔入祀昭忠祠

右 國史館本傳

五
四
三
二
一

三

杜英 佟大年等

杜英河南濬縣人任湖廣提標前營遊擊康熙十七年鎮安將軍噶爾漢郎陽撫治楊茂勳提督佟國瑤勦叛鎮楊來嘉由房縣進兵竹山英及郎陽協右營遊擊佟大年郎陽守備韓璽聖于守印化嘉誥皆從征三月師次竹山之岔口山僞將謝泗率賊萬餘薄大營英等迎戰自寅至午殲賊無數賊更蜂擁英等矢盡拔佩刀衝殺英大年中槍墜聖中刀守印嘉誥中矢俱被執旋解送賊營絕食不降同遇害提標前營千總鄧維新把總段彪閻近朝左營把總曹繩文右營千總劉開先李义把總張國俊張志學吳贊及部劄千總武天祐高鉉隨征效用官張鎧皆以是役陣亡時佟國

瑤困於賊千總劉澤久赴援被擒遇害六月僞將杜輝犯君山諸處湖廣督標後營游擊邠人傑率水師進剿船爲礮碎偕千總黃應茂趙登雲涂士傑楊應太及陝西甯夏提標千總李友德俱殞賊尋犯郴州饒陽鎮標把總關茂雲從大兵渡河遇賊將馬寶中礮歿賊將吳國貴踞武岡江西督標把總戚大奇外委唐奇戰歿於武岡之雙井堡議卹英 贈都督僉事廕守備大年正藍旗漢軍 贈參將廕守備璽聖陝西涇化人守印奉天甯遠人俱 贈游擊廕衛千總嘉誥正紅旗漢軍 贈都司僉書廕衛千總人傑正黃旗漢軍 贈參將廕守備友德廕衛千總餘卹如例澤久河南許州人茂雲江西鄱陽人大奇湖廣沅州人奇河南歸德人餘

籍無考

右 國史館本傳

國史館本傳

三

西暦一九三四年三月三十一日

三三三

--	--	--	--	--	--	--	--	--	--

宜里布

宜里布滿洲正白旗人他塔喇氏三等伯阿濟格尼堪長子也崇德三年任兵部副理事官順治八年襲父爵兼管佐領兩遇恩詔晉一等伯十七年任刑部侍郎十八年調吏部是時海賊鄭成功踞臺灣四出劫掠有言瀕海居民宜移之內地者宜里布奉命同尚書蘇納海赴江南浙江福建會勘疆界定議還京擢正白旗蒙古都統康熙二年命赴廣東會同總督盧崇峻察勘海疆新移人戶俾安輯得所七年調本旗滿洲都統旋列議政大臣十二年冬逆藩吳三桂反十三年命順承郡王勒爾謹統師進討以宜理布參贊軍務既至荊州三桂踞常德陷松滋襄陽總兵楊

來嘉副將洪福叛附三桂於穀城鄖陽間據山結寨窺伺郡邑
詔宜里布守宜昌十四年來嘉等犯南漳順承郡王承 制授宜
里布討逆將軍印借副都統根特往援賊遁旋犯均州營於武當
山下宜里布麾兵速戰陣斬僞參將副將及賊兵千餘賊潰走而
三桂於松滋北山屯聚賊數千沿江日增戰艦將合水陸來犯
命宜里布同都統范達禮防守襄陽均州南漳諸處賊將張以誠
王會聯結來嘉等復寇南漳宜里布同總督蔡毓榮分率勁旅夾
擊大破之斬三千餘級獲僞劄器械無算十六年奉 詔率荊州
防兵同征南將軍穆占由岳州進長沙恢復茶陵賊遁入攸縣宜
里布率兵追剿賊據河岸拒戰我兵奮進斬四千餘級生擒百餘

人克復攸縣城十七年四月穆占統兵復郴州永興桂陽興甯遂
自駐郴州以宜里布守永興六月三桂遣賊將馬寶胡國柱等偪
永興犯我河外營宜里布率兵禦擊歿於陣十八年喪還 遣內
大臣奠茶酒復 遣侍衛傳 諭其母曰宜里布時侍朕前深悉
其人出師時著有勞績方謂功成之後即可凱旋相見忽聞陣歿
不覺悽愴痛悼茲聞爾家費用不給特予白金六百兩爲治喪資
賜祭葬如典禮謚武壯立碑墓道子阿什坦襲爵

右 國史館本傳

按宜里布公
一作伊里布

173-368

1114

哈克三

哈克三滿洲正藍旗人姓佟佳氏父法薩哩巴圖魯任驍騎校出征戰歿哈克三其長子也 世祖章皇帝順治二年任禮部筆帖式累遷至員外郎十四年改授護軍參領 聖祖仁皇帝康熙二年隨靖西將軍穆哩瑪征湖廣流賊李來亨等三年賊竄入茅麓山哈克三同護軍統領堪泰由山後進攻來亨敗卻遣其子據險築砦列鳥槍拒戰我軍奮擊敗之賊潛遁復糾眾劫總兵于大海營哈克三與大海併力夾擊多斬馘來亨自縊死八年擢正藍旗蒙古副都統十二年八月調本旗滿洲副都統十月遷護軍統領十四年三月察哈爾布爾尼叛 命撫遠大將軍信郡王鄂扎副

將軍圖海往討哈克三參贊軍務四月師次達祿布爾尼列陣以待潛設伏山谷我師進勦遇伏發犯我土默特兵哈克三率中隊兵力禦敗之復偕眾擊賊營甫列火器我師以驍騎衝擊賊潰奔斬馘甚眾布爾尼以三十騎遁爲科爾沁額駙沙津射斃察哈爾平敘功 予哈克三世職爲三等輕車都尉十六年三月 命同都統勒貝副都統布舒庫參贊簡親王喇布軍務時逆藩吳三桂賊將韓大任等踞萬安哈克三與副都統雅沁等分別往勦既至大任渡河遁走哈克三以山路險狹騎馬難騁請調綠旗兵相機守隘斷其餉道俾賊無從逸出簡親王以 聞奉 諭曰逆賊韓大任已無外援宜乘此時卽行掃蕩乃借口調兵延引時日使賊

得固守殊誤機宜其令哈克三等乘賊勢蹙併力窮追務在剪除毋得縱賊入楚十二月賊由萬安遁人興國縣山中哈克三等率師追擊之黃塘殺賊百餘復糾聚千人固守新田鋪口我師步行奮擊擒賊甚眾又選輕騎乘夜追剿至姜坑嶺賊黨陳堯元李茂珠以五千人據嶺拒守哈克三分兵四面仰攻殲其偽副將等六人斬馘千餘於是韓大任陳堯元李茂珠等走福建據老虎洞賊眾萬餘人明年三月哈克三與都統巴雅爾副都統錫三雅沁布舒庫分隊奪隘前進破其綠營殲賊六千餘擒斬偽總兵以下三百餘人獲旗幟器械無算大任等窮蹙會康親王傑書遣人招撫大任率眾降哈克三還吉安命赴湖南與將軍穆占會師剿賊尋

駐守郴州六月三桂踞衡州遣賊黨馬寶胡國柱糾眾三萬犯永興穆占令哈克三率兵援剿禦之河外營奮力擊賊賊勢猖獗哈克三與都統宜里布皆戰歿事 聞 諭穆占曰凡遇賊寇必審己量力可擊則擊之如賊眾我寡卽宜調集諸路合爲一軍壯聲勢以圖克剿今逆賊大隊犯永興我兵分駐他處禦戰力單以致失利我朝諸將遇敵雖兵力單弱亦不退縮必奮勇攻擊是以都統宜里布護軍統領哈克三等陷歿於陣聞之不勝傷悼十八年十月喪還 命內大臣噶爾拉奠茶酒復 遣內大臣佟國維齎銀五百兩 賜其家傳 諭曰哈克三臨陣捐軀戮力盡瘁殊爲可嘉特賜銀五百兩其舉殯時仍遣內大臣一員并侍衛往送

賜祭葬如典禮諡武毅晉世職爲一等輕車都尉兼一雲騎尉無子以弟之子巴爾泰襲 世宗憲皇帝以哈克三入祀昭忠祠

右 國史館本傳

哈克三滿洲正藍旗人姓佟佳氏世居加哈父法薩禮從征戰沒自有傳哈克三由禮部筆帖式擢至本旗護軍參領征湖廣茅麓山賊有功擢本旗蒙古副都統調滿洲副都統擢本旗護軍統領康熙十四年察哈爾布爾尼反 命信郡王鄂扎爲撫遠大將軍討之哈克三參贊軍務擊賊於達祿大破之招撫數千戶賊平敘功授三等輕車都尉十六年率兵出江西征逆藩吳三桂連破賊於新田所至克捷十七年正月進敗賊將韓大任於老虎洞燒其

營岩擒偽總兵副將等百餘人賊窮蹙詣福建康親王傑書軍前
降六月三桂復寇永興犯我河外營哈克三與都統伯宜里布率
兵禦之與賊將馬寶遇力戰沒於陣 賜祭葬諡武毅進一等輕
車都尉兼一雲騎尉哈克三無子以其姪巴爾泰襲

右傳王鳴盛撰

噶爾都 蓋思海等

噶爾都滿洲正黃旗人姓錫克特理襲一等輕車都尉又一雲騎尉康熙十四年征叛鎮王輔臣有功十七年吳三桂分兵踞湖廣永興征南將軍穆占攻克之三桂復遣僞將馬寶等率三萬餘眾犯永興噶爾都擊之沿山嶺陣亡 贈三等男子巴爾圖襲同時戰歿者三等輕車都尉蓋思海護軍參領覺羅岱衣原任副都御史緣事降四品官阿思虎前鋒參領門都署護軍參領色赫刑部郎中袞泰護軍校武都里諾穆歡烏喀達尼雅漢索爾敦納星額圖福納伊德沙渾前鋒校音達圖阿爾喀阿蘭驍騎校瑪海西扎布雅圖苟色鄭國明六品官外山海蘭七品官薩郎阿八品官賽

音布赫貝時岳州未復貝勒察尼檄諸路水師進剿偽總統吳應
麒等駕巨艦二百餘由洞庭犯柳林背大兵迎敵君山三等男巴
扎爾副都統魯錫一等輕車都尉西巴里二等輕車都尉薩賴佐
領克什克勒璧渾進薩爾扎固英羅岱雲騎尉延泰皆力戰陣亡
候補副將尙志立隨總督蔡毓榮擊賊洞庭中破歿逾年應麒敗
走偽將吳國貴踞武岡州安親王岳樂順承郡王勒爾錦夾擊之
復其城三等輕車都尉赫特護軍校武塞驍騎校正德舍德與戰
於武岡之雙井鋪俱陣亡蓋思海滿洲正白旗人姓瓜勒佳加
贈一雲騎尉子富海襲覺羅岱袞滿洲正紅旗人 贈雲騎尉阿
思虎滿洲正紅旗人姓尼奇里 贈雲騎尉子布爾奇尼襲門都

滿洲正藍旗人姓烏蘇 贈雲騎尉子德爾得襲色赫滿洲正白
旗人姓納喇 贈雲騎尉子蔡保襲袞泰滿洲正白旗人姓鈕祜
祿 贈雲騎尉子松俄托襲武都里滿洲鑲白旗人姓瓜勒佳
贈雲騎尉子阿爾賽襲音達闡滿洲鑲黃旗人姓喜塔臘 贈騎
都尉子倭赫襲諾穆歡滿洲鑲黃旗人姓伊圖默 贈雲騎尉子
卓爾博圖襲烏喀達滿洲鑲紅旗人姓蘇佳 贈雲騎尉子旺天
壽襲尼雅漢滿洲正白旗人姓赫錫赫里 贈雲騎尉子莽吉祿
襲阿爾喀滿洲正白旗人姓完顏 贈雲騎尉子巴周襲阿蘭滿
洲正白旗人 贈雲騎尉孫明德襲瑪海滿洲鑲黃旗人姓章佳
西扎布滿洲鑲黃旗人 贈雲騎尉子賴岱襲雅圖蒙古鑲白旗

人姓杭津 贈雲騎尉兄子哈爾岱襲苟色蒙古鑲黃旗人姓查
贈雲騎尉子邁圖襲鄭國明鑲白旗漢軍 贈雲騎尉兄子之貢
襲外山滿洲正白旗人姓瓜勒佳 贈雲騎尉子三達色襲海蘭
滿洲正藍旗人姓瓜勒佳 贈雲騎尉伯父之子格本額襲薩郎
阿滿洲正黃旗人姓瑚錫哈里 贈雲騎尉子常祿襲賽音布滿
洲正白旗人姓索綽爾 贈雲騎尉子格柏里襲赫貝滿洲鑲藍
旗人姓玉庫勒 贈雲騎尉子尼德布襲索爾敦滿洲鑲黃旗人
姓伊拉里 贈雲騎尉子郭寶柱襲納星額滿洲鑲黃旗人圖福
納滿洲鑲紅旗人伊德滿洲鑲白旗人 贈雲騎尉子禪岱襲沙
渾蒙古正黃旗人巴扎爾蒙古正白旗人姓博爾濟吉特 贈二

等男弟巴商襲魯錫滿洲鑲黃旗人姓納喇 贈一等男子布納
海襲西巴里滿洲鑲白旗人姓富察加 贈一雲騎尉子富世魁
襲薩賴滿洲正白旗人姓兀扎拉 贈一等輕車都尉子阿雅納
襲克什克勒鑲蒙古鑲紅旗人姓虎爾喀 贈雲騎尉孫瑚什屯襲渾
進蒙古鑲紅旗人 贈雲騎尉子官柱襲薩爾扎蒙古正藍旗人
贈雲騎尉子扣德襲固英蒙古鑲白旗人姓翁郭里 贈騎都尉
子阿爾積襲蘿岱滿洲鑲紅旗人延泰滿洲正紅旗人姓輝和加
贈一雲騎尉合原世職爲騎都尉子查蘭襲尙志立滿洲正白旗
包衣 贈雲騎尉子尙銳圖襲赫特滿洲正藍旗人姓瓜勒佳
贈二等輕車都尉子同德襲武塞滿洲鑲黃旗人正德滿洲正白

旗人姓碧魯 贈雲騎尉子索柱襲舍德蒙古鑲白旗人 贈雲

騎尉子巴爾哈素襲

古 國史館本傳

張一元 羅蔡龍等

張一元湖南永興人康熙十七年由諸生參征南將軍穆占幕委守永興滇寇至環城攻之不下遂解去寇定招撫餘黨至耒陽賊眾將降一元大罵不輟賊磔之同州羅蔡龍桂東人長身有膂力手舞鐵狼筴重八十餘斤粵匪嘯聚砂磧四出剽掠蔡龍率鄉兵擣其巢禽渠魁殲之窮追餘黨至小水山遇伏中火槍死知縣聞士魁爲文祭之表其墓曰義士又李成功靖州人任靖州協把總賊吳光旦據古州以叛先馳僞檄到州以八十三人詭稱八十三萬眾至草薦砦進偪州城城上發巨礮擊斃數人賊遂由將臺坡上竄成功率騎兵追躡至鷓鴣江岸道陘隘賊窮反鬪成功力戰

死之騎卒殉者五人

本傳李元度撰

穆赫林

穆赫林姓博爾濟吉特氏祖索諾木爲烏魯特部台吉 太祖高
皇帝天命七年索諾木同貝勒明安等率所屬人戶來歸別立烏
魯特蒙古一旗 賜賚優厚屢從征有功授爵二等子 世祖章
皇帝順治十二年追謚順良視一品大臣例立碑穆赫林之伯父
博奉初襲索諾木爵 太宗文皇帝天聰六年從征察哈爾以俘
數少及私行畋獵諸罪削爵改隸正藍旗滿洲穆赫林之叔父僧
格襲三遇 恩詔晉爵至三等伯順治九年卒穆赫林襲 聖祖
仁皇帝康熙五年授正藍旗滿洲副都統尋列議政大臣十三年
四月 命同都統拉哈達率兵駐防克州旋 命移駐江甯時逆

藩耿精忠叛應吳三桂 上命康親王傑書爲大將軍貝子傅喇塔爲甯海將軍穆赫林率其駐守江甯之喀喇沁土默特兵赴浙江會剿十四年穆赫林隨傅喇塔征台州僞都督林冲糾眾萬餘列十三寨於白水洋穆赫林督兵攻拔賊寨斬獲無算擒僞總兵朱富復仙居縣城遂由黃巖進征僞將軍曾養性偕叛鎮祖宏勳據温州分水陸迎犯穆赫林擊敗之上塘嶺取賊艦三十餘僞總兵彭國明率眾五千餘瀕江列寨穆赫林率兵至寶帶橋分布隊伍指麾奮擊摧賊鹿角斬級千餘盡獲其槍礮旗幟遂駐軍江岸賊數來犯輒戰卻之温州繞城有河引江水入閘以畜之我軍欲毀閘以固水輒爲賊阻久相持未能薄城時康親王駐金華檄傅

喇塔與穆赫林速攻城穆赫林言必多取大礮至乃可克十五年
二月 上諭責親王貝子等遷延康親王因劾奏穆赫林與副都
統吉勒塔布提督段應舉等抗違軍令瞻顧不前狀 詔事平日
議罪八月康親王由衢州攻克仙霞關招降耿精忠徒曾養性祖
宏勳等至福州温州平檄穆赫林移師福建駐守延平海賊鄭錦
使其僞將軍吳淑僞總兵吳潛由邵武犯延平穆赫林率兵擊之
浦塘隘口陣斬僞總兵楊大任生擒僞總兵阮信等攻其木城獲
軍械無算乘勝追勦復邵武汀州二府及所屬縣十六年賊屢窺
犯泉州及潮州陷所屬城邑穆赫林與副都統沃申總兵馬三奇
等一再擊敗之十七年三月賊犯海澄穆赫林與海澄公黃芳世

率兵迎戰於灣腰樹賊勢猖獗我兵失利退保海澄賊復糾眾環
偏阻我聲援據高阜瞰城中礮石交下穆赫林同提督段應舉協
力固守糧盡身負重創六月己卯城陷穆赫林與應舉並自經死
及賊平議政王大臣等追論穆赫林征溫州時抗違軍令擊海賊
時於灣腰戰敗及被困海澄援兵將至不奮力突圍城陷後急迫
自盡應追革官爵籍沒家產 上念穆赫林屢著戰功寬免籍沒
以僧格之孫赫達色襲三等伯 世宗憲皇帝時穆赫林與段應
舉並入祀昭忠祠

右 國史館本傳

穆赫林滿洲正藍旗人姓博爾特氏曾祖索諾木世居烏魯特爲

貝勒率眾歸我 太祖授一等子爵穆赫林襲祖職順治九年授副都統加三等伯康熙十四年正月進議政大臣從大將軍康親王傑書討逆藩耿精忠於福建時賊據全閩躡浙東勢張甚穆赫林領前鋒至仙居城下連破僞都督林寵錢司朱福兵焚其營以雲梯攻城克之入撫其民民大喜乘勝抵温州悉復所屬五縣僞將曾養性率兵三萬拒戰於上塘嶺穆赫林與貝子傅拉塔率官兵力戰敗之又破其舟師數十艘於南江路始通因修温州城河開甬事畚鍤僞總兵彭國明來犯擊卻之乃葺治樓櫓息民練兵爲進取計十五年二月養性復與其黨祖洪勳犯我漢軍北營又夜劫江岸綠旗兵營穆赫林往援出奇掩擊衝其陣爲二賊眾披

靡盡殲焉八月又破賊於石塘嶺焚其連營二十有八賊爲氣奪
十二月進入閩連敗賊吳素楊大於延平克其城渠魁連登雲劉
清皆就縛遂復邵武汀州二府十六年九月又破賊何祐於漳州
復石井諸寨時大軍屯福州閩地略定穆赫林功最多然餘黨猶
竄匿穆赫林率所部徇下沿邊諸邑駐海澄精忠餘黨潛結海盜
猝至圍城城小不可守穆赫林欲出不得乃與提督段應舉俱自
經未幾大軍至擒賊平之 贈穆赫林一等伯

右傳王鳴盛撰

國朝耆獻類徵初編卷三百四十四目錄

忠義十四

段應舉

路什

三進 巴泰等

穆舒 博倫等

多果 拉薩禮等

戴璣 子鑄

張光烈 陳玉百等

陳應啟 常珍等

費雅達

王之鼎

劉魁 何成德等

傅宏烈

--	--	--	--	--	--	--	--	--	--

國朝耆獻類徵初編卷二百四十四

通奉大夫前署江西巡撫江西布政使司布政使湘陰李桓輯

忠義十四

段應舉

段應舉遼陽人父思信初爲明廣甯千總 太祖高皇帝天命七年大兵取廣甯思信投誠 予騎都尉世職隸鑲藍旗漢軍及卒應舉襲職 世祖章皇帝順治六年署參領隨端重親王博洛討叛鎮姜瓖攻汾州及大谷縣皆以紅衣破克其城師還授參領兼戶部理事官兩遇 恩詔晉世職二等輕車都尉十年隨貝勒屯齊征湖南僞晉王李定國僞將軍馮雙禮等踞寶慶之周家坡以

抗我軍僞秦王孫可望亦率眾來犯應舉同參領高鳴鐘等奮擊
敗賊十七年擢鑲藍旗漢軍副都統十八年 聖祖仁皇帝御極
命同鎮海將軍王國光赴廣東駐防潮州康熙三年勦碣石叛鎮
蘇利賊眾萬餘於南唐鋪據險抗拒應舉同護軍統領尙奇功等
分左右夾擊賊敗遁復碣石衛城敘功晉世職一等輕車都尉十
二年署山海提督十三年六月 命率京口駐防兵三千江南提
標兵二千赴杭州勦禦逆藩耿精忠至則擊敗賊眾於嵎縣七月
授福建提督十四年擊賊僊居黃巖太平樂清進圍温州皆奏捷
十五年隨康親王傑書進征福建耿精忠降時海賊鄭錦踞漳泉
興化十六年應舉同將軍拉哈達合兵進勦擊敗賊眾招降仙遊

惠安等縣攻復興化泉州二城復分兵定漳州府及海澄等縣應
舉由漳州進駐海澄賊復掠南安同安等縣應舉屢遣兵擊卻之
十七年三月賊將劉國軒吳淑等寇陷平和縣都統穆赫林同海
澄公黃芳世擊賊於彎腰樹戰失利還保海澄芳世旋疾卒五月
上切責應舉不能速平海賊調江甯提督楊捷代之 命應舉仍
以副都統從征是月賊眾併力犯海澄據高阜瞰城中礮石交下
應舉同穆赫林協力固守糧盡外援不至六月己卯城陷應舉與
穆赫林並自經死子牧臣襲世職 世宗憲皇帝時以應舉與穆
赫林並入祀昭忠祠

右 國史館本傳

--	--	--	--	--	--	--	--	--	--

路什

路什姓納喇世居章甲城父克恩 太祖高皇帝時來歸隸滿洲
鑲黃旗 太宗文皇帝崇德七年路什隨貝勒阿巴泰征明至山
東兗州府我軍以雲梯攻城路什先登克之 賜號巴圖魯授三
等輕車都尉世職 世祖章皇帝順治元年睿親王多爾袞統大
兵入山海關路什任參領與佐領袞泰以步兵擊敗流賊李自成
復同副都統阿哈尼堪追至望都縣敗之二年隨英親王阿濟格
赴陝西征勦李自成斷其歸路與副都統阿喇善敗賊於綏德州
遂圍延安府自成兄子錦蹕城抗拒路什隨大軍七戰皆捷錦遁
去自成爲豫親王多鐸所敗棄西安南走商州遁入湖廣英親王

統大兵躡其後至武昌自成賊巢在焉偽侯劉宗敏等率眾拒戰
路什同前鋒統領蘇拜擊敗其眾並俘獲自成妻孥是年敘入關
敗流賊功晉二等輕車都尉明年肅親王豪格奉 命西征路什
率兵隨時叛將賀珍犯陝西漢中以賊兵二千踞守雞頭關路什
同護軍統領鼇拜力戰克之追破珍於楚湖遂入四川與護軍統
領希爾根擊敗流賊張獻忠及獻忠滅路什分兵勦餘賊俘斬甚
眾七年九月兩遇 恩詔晉爵三等男十五年隨信郡王多尼征
貴州明桂王朱由榔使其將羅大順拒戰於黔西州十萬崎箐路
什同前鋒統領鄂訥副都統噶褚哈分兵三隊奮擊連敗賊眾十
七年敘功並錄前此陝西湖廣四川戰績晉爵二等男世襲罔替

聖祖仁皇帝康熙十七年貝勒尙善等進師湖南勦逆藩吳三桂
路什率所部兵扼岳陽湖之九馬嘴值賊舟猝來犯路什奮戰力
竭歿於陣事 聞 子卹晉一等男兼一雲騎尉子布納海襲三
十六年 上親征厄魯特噶爾丹布納海隨領侍衛內大臣伯費
揚古由西路進兵敗賊於昭莫多師旋敘功晉爵三等子四十六
年以年老乞休子瑚什屯改襲二等男

右 國史館本傳

國家自刼造大業以迄耆定中原所謂熊羆戮力之臣載在史冊
者不可勝指其功建名立而白首令終者固已聲施不朽若身經
數十戰卒授命於疆圉鋒鏑之間自以獲死所而無憾豈不尤可

重歟副都統一等阿思哈哈番路公以康熙十七年歿於洞庭九馬嘴之陣 詔予祭葬晉世秩榮哀之禮悉備蓋公爲 祖宗朝從龍舊臣能以盡瘁報國故廟堂之上特加優卹以獎其忠嗚呼偉矣公姓納喇氏諱路什滿洲人束髮從戎以驍勇自喜崇德中大師入山東之兗州公在行閒率先登城拔之因 賜號巴圖魯授三等阿達哈哈番順治初元隨 王師入山海關擊流寇二十萬眾一敗之於一片石再敗之於慶都以功進二等阿達哈哈番嗣流寇潰遁而西鄜延一路所至皆賊公偕副都統阿公喇善邀擊綏德賊兵大破之又偕參領舒公里渾擊延安步賊七戰七克會賊一隻虎兵犯陣公徒步提戈急刺大破之九宮山之役偵知

李自成賊壘所在偕蘇章京蘇公拜進薄其營擊走僞劉侯獲白成妻子自成由此窮蹙走死於時張獻忠據蜀久不下公奉命隨王師入川親擊對敵者二眾兵合擊賊兵者三或以騎卒或以步軍所向無不摧敗順治十六年 大師征滇黔公之功在十萬崎山者獨多僞總兵羅大順等樹柵列槍礮分兵拒戰多者三萬餘少或萬餘或五千餘人公偕蘇章京鄂公誦副都統噶公褚哈鼓眾奮擊連破數營敵大潰順治十七年彙敘功績公先以 覃恩歷一等阿達哈哈番進三等阿思哈哈番至是以累功進二等阿思哈哈番康熙初公年已六十用老成宿望同學士雷公虎至廣東察濱海地定界而還自是遭時承平謂不復有事兵革逮十

三年三逆煽亂禁旅四征不庭公喟然嘆曰 王師在野其以我
爲識塗老馬可乎遂隨貝勒師入楚十七年秋以偏師取湘陰至
洞庭湖之九馬背風大作倉卒避風於綠林灘舟膠賊兵突出以
烏槍環擊舟盡碎公猶奮勇發矢石擊殺賊十數人力竭被傷而
死七月二十八日事也康熙二十五年追錄死事晉一等阿思哈
哈番又一拖沙喇哈番世襲不替公老於兵閒遇勁敵大戰二十
有餘合無失利者乃一旦深入於坎窞如此論者深惜公以名將
戰沒而又謂公志在滅賊正如漢新息侯壺頭之困適遂其馬革
裹屍還葬之素願而不必爲公悲也嗚呼國家有軍旅之事而盡
得如公者不以死生利害易慮何寇賊之不殄哉公之卒距生庚

戊歲得年六十有九葬以康熙二十二年某月日元配某氏繼配
覺羅氏喀喇氏 贈封俱夫人子二人長布納海襲世秩由一等
侍衛官協領覺羅夫人出次偏武三等侍衛喀喇夫人出孫郎圖
泰必圖盧海布納海出納善納禪偏武出偏君雅嗜文學素未與
予交一日踵門折節屬爲文勒公墓石至懇且懇余愧不能揚公
之風烈而重違偏君之意不敢辭也因件繫公功績而系之以銘
曰

環甲登陣公之職克敵死綏公之志愍綸追卹 當宁恩大書特
書青史事少壯戎行經白首追奔逐北萬餘里湘濱忽殞英雄悲
波沸長疑怒決背穹窿 賜冢高祈連雙臥麒麟安且止金書鐵

券貽爾嗣忠臣有後永帶礪

右墓誌銘張玉書撰

今皇帝以聖神文武之德撫馭方夏東西南朔罔不服教涿化教甯久矣三孽不靖自干天誅爰命六師征之桓桓虎臣俱披堅執銳戮力行閒而洞庭九馬背之役路什巴圖魯公身歿於陣

天子聞而悼焉爰賜祭葬 制辭愷惻用慰忠魂升其秩爲副都統二等阿思哈尼哈番加三級命其子布納海承襲世世罔替嗚呼公之所以盡忠報國與國之所以閔恤死事者俱各極其至矣而其後嗣以隧道之石未立因件繫往績以屬史臣余取而讀之而益知公之勤勞王事有大勳於 國家者固已著之旂常載在國

業者赫赫如斯矣夫公豈僅捐軀決脰奮一日之烈而已哉蓋從
能之舊人而太宗世祖之豐甘德澤以干城爪牙之士燕詒
於後者也按公奮身崛起以兗州之師有剋城功遂賜今名授
爲三等阿達哈哈番定鼎之日追流賊至慶都敗之升二等阿
達哈哈番以太祖配祀覃恩授一等阿達哈哈番及上昭聖
尊號加一拖沙喇哈番大婚禮成升三等阿思哈哈番俱予
世襲後王師討賊公在豫在蜀俱有克敵之功手獲李自成妻子
及勦諸土賊無不殲滅殆盡於黔中十萬崎山屢立奇勳升爲二
等阿思哈哈番世襲如故是則公之功已懋矣勞已極矣而鞠躬
盡瘁死而後已之念未嘗一刻忘也楚氛方熾竟以身殉焉昔馬

援立功於漢已封新息侯而援常自歎曰男兒要當死於邊野以
馬革裹屍還葬耳何能臥牀上在兒女手中邪遂身沒於壺頭公
之烈節得無同之歟然漢之待援有不克終而我 國家崇德報
功之典終始無斁帶礪之盟懸諸日月公之子孫當世食其福延
延縣縣無有盡時又豈援之所能及也公生於某年月日卒於某
年月日享年若干歲配某氏 封夫人子幾人長某襲職如公官
次某葬於某地俱得詳書以附大書特書之末云

右墓碑徐倬撰

三進 巴泰等

三進蒙古正紅旗人姓薩爾虎特康熙十七年以委署參領隨貝勒察呢勒吳逆自襄陽往斷賊糧道兵至九馬嘴遇賊戰歿 贈雲騎尉同時護軍校巴泰素施達嘎爾瑪並以舟師截賊俱戰歿 詔俱贈雲騎尉巴泰素施達嘎爾瑪俱蒙古正紅旗人是年八品筆帖式素爾丹隨征南將軍穆占亦戰歿於飄鳳山其先後死事者十三年有驍騎校羅漢隨順承郡王勒爾錦軍遇僞將張義禪等率眾來犯羅漢頭隊領燾進戰於二郎岡死之方賊猖獗時僞將陶繼之等往來荊州彝陵聯舟絡艦擁眾抗拒陣亡荊州者十三年有護軍參領通安十五年有護軍校西里布驍騎校七十三

陣亡彝陵者十三年有雲騎尉準泰十四年有護軍校哈有先後
事 並卹如例素爾丹滿洲鑲藍旗人姓納喇 贈雲騎尉從
子盛布襲羅漢蒙古鑲黃旗人姓博爾濟吉特 贈雲騎尉子吉
勒通阿襲通安滿洲正白旗人姓他塔喇 贈雲騎尉孫哈拉襲
西里布滿洲正紅旗人姓赫舍里 贈雲騎尉從子黃子來襲七
十三滿洲正藍旗人姓完顏 贈騎都尉從子延長襲準泰滿洲
正藍旗人姓佟佳 贈騎都尉從子佟甯襲哈有滿洲正藍旗人
姓瓜勒佳 贈雲騎尉襲無考

右 國史館本傳

穆舒 博岱等

穆舒滿洲正紅旗人姓鄂卓康熙十六年以佐領隨大兵征逆藩
吳三桂至四川保甯遇賊穆舒擊走之 上嘉其勇擢正紅旗蒙
古副都統十七年進兵湖廣值偽將杜輝等率舟師二萬陣於洞
庭柳林嘴擊敗之尋進湘陰戰於九馬嘴陣亡同時戰死於洞庭
者驍騎校博岱七品官倭什護軍校綏哈戰死於湘陰者三等輕
車都尉和瑞騎都尉兼雲騎尉俄爾和兌三等護衛遂哈護軍校
伍里是年護軍參領果色佐領拜桑古爾戰死於永興之沿山嶺
二等輕車都尉齊克訥戰死於衡州一等輕車都尉赫色戰死於
長沙其在武岡州雙井鋪死者工部郎中兼佐領肅白林護軍校

委署參領額思護楞薄岳州城而死者三等輕車都尉巴圖署參
領圖深布護軍校羅多渾議卹穆舒廢騎都尉子穆善襲博岱雲
騎尉子巴爾泰襲倭什雲騎尉子烏蘭襲和瑞二等輕車都尉孫
法保襲俄爾和兒三等輕車都尉子阿必達襲遂哈雲騎尉從孫
華善襲伍里騎都尉子珠齊巴襲果色雲騎尉子希爾薩襲拜桑
古爾雲騎尉子保住襲齊克訥一等輕車都尉弟庫庫里襲額思
護楞雲騎尉子克利圖襲巴圖二等輕車都尉子僧保襲圖深布
雲騎尉莫無考羅多渾雲騎尉從子喇巴襲博岱滿洲正黃旗人
姓舒舒覺羅倭什滿洲正白旗人姓托和洛綏哈滿洲鑲紅旗人
和瑞俄爾和兒俱蒙古正紅旗人遂哈滿洲正紅旗人姓伊爾根

覺羅伍里滿洲正紅旗人姓赫舍里果色滿洲鑲白旗人姓畢魯
拜桑古爾蒙古鑲紅旗人姓鄂濟特齊克訥滿洲正藍旗人姓兀
扎喇赫色滿洲正黃旗人肅白林滿洲鑲藍旗人額思護楞蒙古
鑲白旗人姓果爾羅斯巴圖蒙古正黃旗人姓塔他爾圖深布蒙
古正黃旗人姓烏朗罕濟勒蒙羅多渾滿洲鑲白旗人姓薩密喇
綏哈赫色肅白林贈襲俱無考

右 國史館本傳

多果 拉薩禮等

多果滿洲鑲紅旗人姓西克特立其先剛吉納征明有功授佐領
世職順治七年多果襲職遇 恩詔加二等輕車都尉十五年從
征明桂王朱由榔十六年自貴州凱旋值海寇鄭成功犯江甯多
果隨副都統噶褚哈與江蘇巡撫蔣國柱等夾擊敗賊加一等輕
車都尉康熙十七年鄭錦遣僞帥劉國軒犯泉州多果從將軍喇
哈達擊之石塘嶺陣亡議卹加一雲騎尉子常保襲其先後死海
寇之難者整儀尉拉薩禮以順治十一年從定遠將軍世子濟渡
征成功與護軍校尼瑪喇戰歿於廈門康熙十三年鄭錦結連藩
耿精忠圍漳州參領阿納護軍校鄂莫克圖噶爾瑪皆戰死十四

年費揚武以二等侍衛擊錦至海澄被執不屈死十五年康親王
傑書奉命定福建參領納穆護佐領阿布善前鋒校富喀皆從
征陣歿時僞總統許耀等犯福州傑書遣將軍喇哈達賚塔等分
兵擊賊署參領伊立布驍騎校倭赫攻國軒於海澄二等侍衛拜
恩虎朗敗耀於鎮峰山護軍校伊色克圍攻錦於蓋峙山皆陣歿
十六年騎都尉海三岱驍騎校塔喀布護軍校巴希泰以舟師攻
錦陣歿於廈門署驍騎校倭赫擊國軒陣歿於泉州佐領薩爾秦
陣歿於海澄十七年佐領海度亦以戰海澄死同死者佐領和武
雲騎尉沙爾虎達七品官海達禮皆從康親王傑書勦寇者也相
繼死者又有希富彥拜皆護軍校希富嘗從征雲南隨定西將軍

愛星阿至緬甸有功是年擊國軒於彎腰樹死之彥拜管從喇哈
達戰捷於泉州旋以追賊死於祖山頭同死彎腰樹者護軍參領
古祿錫同死祖山頭者四品典儀賽住驍騎校哈爾從喇哈達賚
塔救泉州者署護軍校海什尼泉州圍解海什尼以傷重歿次年
海什尼之孫觀音保亦戰死於侯官賊退據廈門三等侍衛塞勒
以追勦陣亡十八年佐領西特庫尼雅韓勦國軒俱戰死於海澄
護軍校習岱擊錦戰死於廈門十九年前鋒校卦塞戰死於海澄
先後議卹拉薩禮尼瑪喇俱雲騎尉鄂莫克圖騎都尉噶爾瑪納
穆護阿布善伊立布倭赫俱雲騎尉拜思虎朗騎都尉伊色克岡
雲騎尉海三岱三等輕車都尉塔喀布巴希泰薩爾泰俱雲騎尉

海度騎都尉兼一雲騎尉和忒雲騎尉沙爾虎達騎都尉海達禮
希富俱雲騎尉彥拜騎都尉古祿錫雲騎尉賽住騎都尉哈爾雲
騎尉海什尼騎都尉觀音保雲騎尉塞勒西特庫尼雅韓習岱卦
塞俱雲騎尉拉薩禮尼瑪喇俱滿洲正白旗人尼瑪喇子烏爾敦
襲阿納噶爾瑪俱蒙古正紅旗人鄂莫克圖滿洲正藍旗人姓瓜
勒佳弟新布襲費揚武納穆護俱蒙古鑲黃旗人納穆護從子噶
布拉襲阿布善滿洲正藍旗人姓扎拉里子倭楞格襲富喀滿洲
鑲黃旗人伊立布滿洲正藍旗人姓褚庫爾子雅松阿襲倭赫滿
洲鑲黃旗人拜思虎朗鑲白旗包衣姓博爾濟金從子多爾濟襲
伊色克圖滿洲鑲白旗人姓兀扎拉子雷柱襲海三岱蒙古鑲藍

旗人姓波爾和羅子特勒遜襲塔喀布巴希泰俱滿洲正藍旗人
巴希泰子額爾濟圖襲倭赫滿洲正藍旗人姓納喇薩爾泰滿洲
鑲白旗人姓索綽羅子傅岱襲海度滿洲鑲白旗人姓舒舒覺羅
子長生保襲和忒蒙古正白旗人姓扣懇子扣思海襲沙爾虎達
滿洲鑲紅旗人姓瓜勒佳孫額爾特襲海達禮滿洲正藍旗人姓
伊爾根覺羅子海翰襲希富滿洲鑲藍旗人姓赫舍里從弟五十
七襲彥拜正白旗包衣姓瓜勒佳子常綬襲古祿錫滿洲正黃旗
人姓巴岳特子貴周襲贊住滿洲正藍旗人姓伊拉里子萬達禮襲海什尼滿洲正
格襲哈幫滿洲正藍旗人姓伊拉里子萬達禮襲海什尼滿洲正
黃旗人姓白子喀青阿襲塞勒滿洲正藍旗人姓口子虎司襲西

特庫滿洲正白旗人姓瓜勒佳子佟阿襲尼雅韓滿洲正藍旗人
姓索綽絡子常壽襲習岱鑲白旗包衣卦塞滿洲鑲藍旗人姓赫
舍里子武道寶襲阿納費揚武富喀滿洲正藍旗之倭赫贈無考
拉薩禮噶爾瑪滿洲鑲黃旗之倭赫塔喀布觀音保習岱襲無考

右 國史館本傳

戴璣子辨

戴公諱璣字利衡號紫村福建長泰人父 封奉直大夫諱焯好
義樂施雖家世通顯而布衣徒步澹如也公與弟璠孿生有異徵
少力學厭時文熟爛之習爲文原本理要涵演貫通赫然有聲諸
生閒弱冠領鄉薦順治己丑成進士授戶部雲南司主事出納惟
慎辛卯分較京圍所得多知名士權關淮安持大體不尙苛細商
旅便之調吏部驗封司主事廉靜自持人莫敢干以私權貴有忌
之者例轉湖廣按察司僉事整飭上江防道時滇黔未入版圖軍
書釋騷公按部徧履山川得其阨塞要害乃自岳州至嘉魚立七
汛獨俸造哨船募兵巡邏荏苒無警洞庭湖盜賊出沒糧艘買帆

時多不虞公復設三汛申明法令湖湘晏然洪文襄公經略五省
統兵勦西山羽檄旁午公咄嗟立應軍需無誤而民不知兵文襄
公深器之曰此韓范儔也尋遷陝西布政司右參議分守西甯道
楚民號泣攀轅至遮道不得行而封公訃音適至公徒跣奔喪哀
毀盡禮服闋補廣西右江道駐柳州先是東關土酋韋兆熊土目
龍苗黃周等搆亂日久公宣布德意不旋踵投戈請命嗣值大酋
唐應元之亂斬渠魁梁邦傑以殉猺獞諸蠻畏懷德威頑梗盡化
柳堡屯田寄佃於民既輸軍租復應民役編戶苦之公爲申請督
撫具奏獲免復修葺文廟及羅池司戶二賢祠柳人蒸蒸向學遠
近德之公宦轍所至多值繕兵庀餉猺獞交雜之地而寬猛相濟

先思後威無赫赫之名而能使反側歸心蓋其本於學者深非樞術以就功名者比也會有裁併監司之令因解任歸杜門卻掃足跡罕至郡城課督諸子教以忠孝大義甲寅耿精忠反臺灣賊據海澄有言於公者曰盍一見乎可以免難公正色曰生平讀聖賢書所學何事叱去乙卯夏賊圍漳州時次子鑄爲海澄公裨將守東門賊劫公至城下使招鑄降公厲聲大呼兒努力堅守勿以老人爲念賊怒牽之而去城破鑄巷戰死闔門爲俘公曰鑄兒死王事吾無憾矣丁巳二月大兵復漳州賊遁去公與子綱等乘閒扶攜入山而元配黃恭人併諸幼子爲賊執赴臺灣人以公且不能堪而公壯志不少挫也戊午六月海寇復犯澄邑及長泰公再被

執渠帥曰崛起老猶在乎今日順則生不順則死公慷慨曰吾年七十餘死固其所也曰如諸兒何公曰兒曹死生有命吾頭可斷志不可奪目直上視氣勃勃不可禦賊本無意殺公幽之密室歷年餘終不屈朝夕誦文信公正氣歌以自壯一日顧謂子銑曰吾久辱不死何爲遂不食數日後病甚肅衣冠命銑扶掖北向再拜曰臣死命也當爲厲鬼以殺賊因慷慨悲歌大書惟忠惟孝可以服人數字嘔血數升而死時康熙十八年六月望日也年七十有四逾年耿逆伏誅臺灣相繼歸附子鑄以殉難 贈都司僉書其孫法以別駕謁選至京敘公行事聞於 朝而睢陽同年生湯斌爲之傳

贊曰公敷歷中外所至具有聲績年七十餘已去官而父子先後
殉寇難可不謂賢歟公先世中丞公當明嘉靖時治河撫軍名業
爛然司馬公於萬厯閒平岑溪府江諸蠻功最著載在史冊班班
可考他如太僕之剛直方伯之清介皆有足多者而公父子以死
事著勳名節義豈獨甲於閩南哉

右傳湯斌撰

國朝續編類書卷三十四

六

張光烈 陳玉百等

張光烈湖南武岡人康熙十八年正月大軍攻吳逆由長沙進克衡州賊聞道走寶慶二月副都統趙賴兵薄寶慶賊將吳國貴走武岡七月安親王大敗賊於雙井鋪國貴中礮死而賊將馬寶等復分據楓木嶺武陽隘蓼溪司恃嶮阻以抗官軍數攻不下光烈光烈則並詣軍門請率別軍助戰許之遂選精銳自城步青角山紆道疾進與大軍合勢夾擊賊敗潰光烈戰死光烈以功授沅州州判乃奉檄涕泣曰吾與兄同率戰旅本圖上壽 國恩下安閭里非有他望也今兄骨血委原莽我願因以爲利乎固辭不赴又陳玉百澧州人明末流寇掠境上玉百督義勇堵禦與州人胡宏

鼎聲勢相援里中賴以安堵康熙間吳逆餘黨寇州玉百復糾族
眾及里中壯士拒守以馬蹶被執罵賊不屈死之宏鼎武生能挽
百石弓糾眾禦賊爲賊陸某所殺投其尸於河泝流如生所乘白
馬嘶鳴三日不食死徐翹楚邵陽人廩生逆藩之亂翹楚方讀書
城東靈武觀聞警卽約諸生起義方集議遽爲偵者所執痛罵而
死同時死者五十餘人亂後佚其姓名李廷煥長沙人諸生攜家
避寇平江爲賊夏國相所得迫受僞職不從賊執其全家以脅之
罵愈厲遂遇害有司聞於撫壘將軍以義士旌之入祀忠義祠並
送其家屬以歸嘉慶元年補 子恩騎尉世職

右傳李元度撰

陳應啟 常珍等

陳應啟正紅旗漢軍任甘肅鎮番營參將康熙十八年番賊肆掠應啟往諭賊恃眾抗拒應啟力戰陣歿自後陝甘及四川番夷聞出剽掠先後死事者又有常珍等二十七年四川熟番阿所連東川夷祿世豪三千餘眾圍姜州堡守備常珍擊敗之阿所復來攻珍中弩歿二十九年夷賊阿氣羅卜藏掠甘肅嘉峪關把總張成功勦之多斬獲尋以接應官兵出關爲賊截殺陣亡三十年土番謝兒素族犯莊浪界參將朱震勦之中矢歿三十九年四川打箭鑪番蠻爲逆阻官兵渡河提標千總王天祿守禦冷竹關蠻兵敗潰追之陣歿四十八年峰崖山生番擾邊西固守備韓國元率千

國朝三才圖會卷之四十四
總洪章高仲元等追緝深入番地俱遇害是年四川冕山蠻賊肆掠冕山營遊擊周玉麟擊走之先是玉麟以守備進勦打箭鑪攻大岡有功擢遊擊至是大敗蠻賊四十九年賊悉眾來攻玉麟手殺數十人身中五矢陣歿先後議卹 詔贈應啟副將廕守備成功廕衛千總國元 贈署都司僉書廕衛千總章仲元俱廕衛千總玉麟 贈副將廕守備餘卹如例珍陝西榆林人天祿四川成都人國元直隸藁城人章福建同安人仲元陝西人玉麟四川成都人餘籍無考

右 國史館本傳

費雅達

費雅達漢軍正白旗人由鑾儀衛整儀尉累遷潼關副將康熙十四年陝西提督王輔臣叛應逆藩吳三桂附賊日眾費雅達遵旨招撫邵陽縣神道嶺把總雷成金等四百餘名得旨嘉獎時漢中尙未恢復十五年二月總督哈占提督張勇奏設漢中鎮總兵勦賊以費雅達才能練達謀略邁眾請升補暫駐秦州得旨費雅達著升署都督僉事充陝西漢中總兵官十月費雅達遣官招撫偽總兵賀天祥副將黃啟遊擊李芳春朱彪臣等兵二千九百餘收偽劄關防馬驍器械無算十七年大兵進取漢中十八年六月賊眾萬餘結營於彝門鎮口之高山堡寨費雅達偕署將軍

佛尼勒等爲頭隊督兵奮勇先登賊敗遁九月隨奮威將軍王進寶入棧道費雅達自馬峪河進道險分兵越左右山梁自統兵由溝底爲中路更撥一軍爲後應賊伐樹塞路我兵開通直抵秦嶺攻拔北木城賊棄南木城遁斬四百餘生擒四十餘左右後應兵皆會追至靖寇關復分三路進賊倚蜈蚣嶺拒守我兵自下仰攻進寶遣兵山後夾攻賊驚潰追殺五百餘墜崖澗者無算時進寶復鳳縣城合兵至武關費雅達由左攻擊斬關入賊大敗追至雞頭關生擒僞總兵羅朝興斬獲千餘賊首王屏藩走廣元遂復關中敘功加都督同知十九年六月同提督王之鼎防守永甯八月賊來犯拒守月餘援絕城陷死之二十年追贈左都督太子少

傳 賜祭葬諡忠勇 子騎都尉世職子維翰襲雍正七年賈雅
達入祀昭忠祠

右 國史館本傳

王之鼎

王之鼎漢軍正紅旗人都統王世選子也。世祖章皇帝順治七年襲父二等子爵九年遇恩詔晉一等十年署參領隨甯遠大將軍貝勒屯齊征湖南擊走僞秦王孫可望等十三年十月授正紅旗漢軍副都統十五年十二月隨安南將軍明安達里駐防貴州十七年還京十八年聖祖仁皇帝御極授福建中路總兵康熙二年八月會兵進取廈門海賊鄭錦以兵萬餘來犯之鼎督兵數十戰斬殺甚多遂克廈門金門及古浪諸島三年三月同提督王進功敗賊帥黃盛林茂裴德等拔同山賊巢敘功晉爵三等伯八年十一月仍授本旗副都統十年授江南提督十二年擢鎮海

將軍駐防京口是年冬吳三桂反明年二月耿精忠亦叛海賊乘機煽亂上以安慶爲江南上游要地命之鼎遣副都統一員領兵千名防守安慶而以安南將軍華善等率八旗官兵同之鼎於京口駐防五月之鼎以賊船往來無定請調江陰瓜洲戰艦集天甯洲令右路總兵侯襲爵督率訓練以備戰守七月疏言黃浦水汛外通大海內達蘇松更有沿海馬道下抵杭州上接京口請撥崇明沙船七十令入旗及綠旗官兵駐黃浦操防設遇賊船飄突水則舟師整備以扼要隘陸則馬道飛馳共圖撲剿亦防禦之一法也疏俱得旨允行九月敕簡親王喇布爲揚威大將軍率兵駐江甯之鼎參贊軍務十七年十一月諭兵部曰王之鼎

才略素優鎮守京口克稱厥職著調補福建水師提督加定海將軍之鼎聞 命疏言京口兵有願移福建效力者請以一千名支給銀糧隨征下部議 從之十八年五月改授四川提督十九年四月疏言蜀省幅員數千里川南各路接壤雲貴密邇逆巢川西一路隘口直接西番時虞窺伺臣旣膺提督之責宜整練標兵相機應援今以原帶京口官兵一千名改設中營而左右二營有官無兵請准召募精銳充伍以資戰守又蜀江初復非承平無事可比一遇有警非馬不能疾馳請以步七馬三爲額部議提標二營缺額之數見有隨征總兵何承德等官兵二千餘名可暫充補而四川提標經制原係馬二步八又未令進勦雲貴應無庸添設寢

其奏是月賊將尤廷玉等犯永甯之鼎統師進勦先遣總兵劉魁
率精銳馳赴永甯值賊兵已踞城南山箐列寨劉魁同總兵李芳
述分路進勦冒矢石奮勇衝擊陣斬僞總兵毛友貴等大敗賊眾
獲器械無算六月勇略將軍趙良棟以大兵將進勦雲貴調李芳
述等往敘州而畱之鼎駐防永甯八月賊將胡國柱以逆書付陷
賊來歸之廝卒煽誘我軍之鼎具狀以 聞時賊旣陷瀘州復犯
永甯之鼎拒守月餘外援阻絕九月九日賊穴城城陷總兵費雅
達劉魁何承德遊擊陳先鳳等並爲賊困之鼎解印付家人陳善
曰吾義與此城存亡爾可閒道走成都歸印 朝廷分遣畢遂大
呼率官兵巷戰手刃數賊羣賊蜂至左腋被創爲賊所執送至貴

陽逆孽吳世璠遣人說之鼎降之鼎罵賊不屈賊以刃加項之鼎
神色不變瞋目大罵曰鼠輩何不速殺我天兵不日盡誅汝等耳
遂遇害事 聞得 旨王之鼎兵力單弱堅守孤城屢寡不敵遂
遭賊陷乃志不屈賊盡忠殉難深可憫惻下部議卹 贈太子少
保廢一子四品官 賜祭葬如典禮諡忠毅櫬至京 遣內大臣
往奠子毓秀襲三等伯三十四年祀江南名宦三十六年子毓賢
官貴州布政使貴州巡撫閩興邦以士民籲建之鼎祠於貴陽毓
賢自任其費請 賜祠扁入奏 御書忠節垂芳 賜之四十六
年 上南巡幸松江府 御書純忠遺愛 賜其祠 世宗憲皇
帝雍正七年入祀昭忠祠

右 國史館本傳

王忠毅公既盡節之八年其冢嗣副使君自粵西走使數千里以誌銘來請忠毅公之歿也事備 國史論關 國是非草野閒居之人所能執筆惟副使君意甚勤而來使又絕遠卒不得辭因記歐陽永叔爲王子明畫像記徘徊慨嘆想慕其人以得拜其像爲幸又從其後人錄家傳乃得詳其行事始末忠毅公竭節與子明同然子明事末帝時梁事已非忠毅遭逢 盛代始終承 主眷公死後四方亦大定余也不特拜公像與嗣君交又知行事最悉無埃數十年後從裔孫鈔取備錄今得記其一二軼事比於野史稗官猶是三代之直也公諱之鼎字公定晉卽邱子覽之後家榆

林北林堡王父以上不詳考諱公選積官至參將值債帥苛公計無他出夢神拊其背曰 眞主已在東方胡爲鬱鬱居此膏人斧鑕醒而計所謂急單騎循牆走得謁 太宗文皇帝於遼陽

世祖章皇帝定鼎中原論功行賞授公昂邦章京公在榆林先娶於關繼娶於林再娶於張林生二子忠毅其長也參將公及前後母以忠毅貴皆 贈封如制兄弟累至大官公年二十襲父職卽倣儻異常人時李定國孫可望擁兵雲南公以甲喇章京從師南下促李定國於緬甸殲之孫可望勢窮就撫課公功獨最晉副都統川湖盜起公皆次第削平辛丑海寇偪江甯公奉 命由陸路馳至龍江城內知援師已至內外夾擊殺賊數萬遂解江甯圍明年

海寇據漳州廈門 廷議以宿望擢公福建中路總兵官公前後
出師復廈門復金門古浪諸島復定海衛復銅山衛再敘功晉
封伯爵世其官 召還京師管副都統事值提督江南故帥歿士
卒猝有庚癸之關亦用是桀驁漸不受繩束民間惴惴恐禍起旦
夕 特命公代其任公下令將領歸營甲士歸伍按籍傳呼頃刻
卽至五日一集期門校技藝上下其賞罰無有一人敢譁於市者
終三歲民幾不知有兵迨撤三藩議下 朝廷謂京口重地非公
不可卽軍中拜鎮海將軍時吳逆鴟張辰岳連陷沿江數千里人
心風鶴婦女爭出城趨避或有勸公下令禁止者公曰是益堅其
走耳乃自輦家口署中閒從騎士射獵江干又籍其盤盂器具于

兩質庫若爲生息長久計者四民咸謂將軍貴人安閒乃爾我等
遠避何爲爭攜妻子入城公亦不問凡公所爲持危定亂皆深思
卻慮神色不動而措疆宇於磐石之安至今吳淞京口聞父老子
弟往往指公姓字如嚴父母丁巳改公佩定海將軍印提督福建
水師值滇黔餘逆深徧川西復又改公提督四川公舉萬公正色
自代星趨入蜀庚申正月至漢中二月至成都提兵大出復瀘州
復永甯六月賊再陷瀘州絕永甯路時城中無糧已兩閱月公激
厲將士親身陷陣日有斬獲賊避鋒不敢徧城伺知城中糧盡遂
築長圍以守至九月九日賊穴城急攻城遂陷公仍大呼率部將
任應龍等巷戰手戮數人繼羣賊麋至公知事不可爲手解印付

僕子陳善謂若趨走成都急歸印 皇上我死分也終爲厲鬼殺
賊拔刀自刎未殊賊固欲生致公遂傳送公於貴陽爭繼餽饋百
方說公公瞑目罵曰死則冥耳官向鼠輩乞活耶久之知公志不
可奪遂殺公時黃塵蔽日大風拔樹卽羣賊亦涕淚相向嘖嘖稱
公忠臣公部下數人感公義慷慨就死無一人降賊當永甯圍急
之日公請援之書從敘馬小徑走會城凡三十七上一旅稍東長
圍立解卒援絕勢孤與城俱盡此亦志士所爲標心扼擊者也其
親見公就義逃奔得歸者皆愚鈍止知爲九月不知公死爲何日
所同難諸將卒亦不辨何官何名唐張許守睢陽城陷賊縛巡等
數十人就戮眾見巡至或起或泣不能仰視數十人皆就死張許

之名在千載其數十人無復姓名可攷至今以爲歎息然則公之死也固可哀傷而同死者亦曾無一人知其姓氏所更可爲悲感者矣公生於天聰五年十月二十日歿於康熙十九年九月得年五十歷官四川提督兩佩將軍印旣歿天子特憫公忠加贈太子少保諡忠毅祭葬之賚有加公先娶吳氏封夫人再娶吳氏先公卒再娶趙氏六子長毓賢見任廣西左江道副使次毓秀襲公伯爵吳出次毓瑞毓榮毓禎毓芳皆幼趙出女三人皆幼毓賢之子二曰炳曰煥毓秀之子一曰某公遺骨之歸自貴陽也以某年月日奉上旨葬於某山某原也以某年月日銘曰
矯矯虎臣克世其家爲國心膂爲王爪牙弱歲臨戎冠其儔

伍執矛先登血殷枹鼓曰而東征曰而西邁鞠旅宣威爭險偏隘
式奏膚功列爵五等內統禁師外節專閩乃爾伏莽敢格 王章
吹毫落槁我往彼亡連雞不飛老羸當路貉子貙孫猶或侮拒

天子曰都爾其專征既定閩海撫我蜀人束馬懸車崇關是陟五
月渡瀘風飄電激鼠子不戒穿墉乘我糧絕援窮長圍血裏霽雲
斷指常山碎舌臣不愛生臣死殺賊星隕國門驚誼櫪馬公魂在
天寶媿生者公無卒日公有同難姓氏誰何能不永歎四海廓清
公志已畢易名大書煌如皎日嶽嶽豐碑峙於道周豕象祁連魄
返首邱 天子之恩 天子之澤啟迪來茲忠孝允則

右墓誌銘黎士宏撰

劉魁 何成德等

劉魁陝西石泉人四川軍營隨征總兵官康熙十九年四月吳世璠僞將尤廷玉等犯永甯四川提督王之鼎率魁及總兵何成德王永世傅汝友等統兵進剿先遣魁領精銳馳赴永甯賊已據城南山箐列寨魁進戰冒矢石衝擊陣斬僞總兵毛有貴獲器械無算賊遁走旋陷瀘州復犯永甯魁等拒守月餘外援絕九月九日賊穴城陷秦州副將楊三虎永甯遊擊周尙功漢中鎮標守備李逢春永甯守備魯明芝席豹率官兵巷戰逢春被執不屈死三虎尙功明芝豹俱戰死尙功闔家二十一人俱遇害同時千總蔣得福趙鳴鳳王英傑皆死之之鼎知事急解印付家人使問道走

成都而率魁等挺身戰受重傷與魁成德永世汝友俱被執同被
執者陝西都司僉書管遊擊事陳先鳳四川守備管遊擊事陳田
劉應科從軍廕生潘濟世俱昇送貴陽吳世璠遣人說之降魁等
瞋目大罵賊怒盡殺之之鼎詳見大臣傳議卹部議魁成德永世
汝友俱係軍營給劄之員因進征題准食副將俸照部劄副將例
議卹各 贈都督同知廕千總三虎左都督廕守備豹都司僉書
廕千總先鳳參將田應科遊擊俱廕守備餘卹如例成德陝西洋
縣人永世陝西榆林人汝友陝西清澗人三虎浙江義烏人尙功
江西豐城人逢春正黃旗漢軍明芝湖北鍾祥人豹順天人得福
陝西長安人鳴鳳陝西咸甯人英傑陝西長安人先鳳正紅旗漢

軍田直隸元城人應科河南西華人濟世鑲黃旗漢軍

右 國史館本傳

傅宏烈

傅宏烈江西進賢人明末流寓廣西世祖章皇帝順治十四年
兩廣總督王國光疏薦授廣東韶州府同知聖祖仁皇帝康熙
二年遷甘肅慶陽府知府七年以訐告平西王吳三桂陰謀不軌
革職逮繫論斬九年詔減辟徙梧州十二年冬吳三桂反廣西
將軍孫延齡提督馬雄叛應之宏烈招集驍健陽附三桂受僞職
爲信勝將軍而密約平南王尙可喜共圖恢復十六年正月遣人
至賴州致書鎮南將軍覺羅舒恕言定南王女孔四貞不忘國
恩孫延齡可招撫狀又致書督捕理事官麻勒吉言大兵若速進
南安宏烈從韶州策應則兩粵可定舒恕麻勒吉先後陳奏

上嘉宏烈忠誠投廣西巡撫宏烈聞 命疏言逆賊吳三桂陰險小人蓄謀不軌臣自康熙六年知之七年發覺其槩審事諸臣惟恐激變凡涉三桂口供一字不錄臣憤激願死自認其罪蒙 皇上特恩免死出獄安置嗣聞三桂反臣罪廢梧州計無可展廣西布政使李迎春梧州知府楊彥溶等降賊苦勸臣從臣憤不欲生自投江水願爲厲鬼殺賊漂流十里遇救不死仍赴梧州佇待一年因思不入虎穴焉得虎子乃投身賊地從中反聞又假他事赴南甯遂入思州泗城廣南富川諸土司及交趾界聯絡義勇助平南王尙可喜軍可喜病篤猶執手相勸速復肇慶遂與其子之信合謀討賊擊敗僞將軍楊鎮邦僞總兵古元隆金朝相袁茂明等乃

得由龍南達贛州歸命 朝廷以展夙志吳三桂昨聞規復肇慶
卽百計欲殺臣而終不得遂計者隨臣義勇五千人實賴其力請
畱爲援勦營進征廣西並請 敕尙之信遣兵合勦 上悉允所
請尋加授撫蠻滅寇將軍時宏烈已率兵擊敗賊眾於韶州擒斬
僞總兵王雲龍僞遊擊何嘉會等遂進征廣西擊走僞將軍趙天
元復梧州分遣總兵曾大熾參將周光裕李士龍等攻復昭平賀
縣又招降鬱林州博白北流陸川興業等縣賊眾復犯梧州宏烈
遣總兵楊國泰等水陸夾擊陣斬僞總兵張元乘勝復潯州府遣
平樂知府劉曉齋疏縷陳進勦機宜 上諭吏兵二部曰將軍傅
宏烈謀略優長忠貞夙篤自簡任以來實心爲國宣力邊疆親統

官兵進取粵西恢復梧州等處屢奏捷功勞績茂著今覽所奏進
勦機宜籌畫詳密矢志滅賊據忠效謀深可嘉尙著加太子太保
所屬官員同心報國效力行閒深爲勞苦各加職銜一級其代奏
知府劉曉立有軍功諳悉形勢敷奏詳明亦屬可嘉著加參議道
職銜方馬雄之甫叛也宏烈家屬百餘人盡陷賊中爲叛賊李迎
春執送吳三桂與總兵楊國泰及諸將士家屬並遇害至是宏烈
以聞 諭獎其爲國忘家遇害家屬 敕所司優卹時叛鎮馬
雄踞柳州吳三桂諸賊分踞平樂南甯橫州勢猖甚宏烈欲借尙
之信兵力其取平樂乘孫延齡已謀歸順赴桂林駐守屢請 旨
趣之信遣兵繼進之信以防守廣東爲說宏烈尙借大礮及營馬

皆弗應吳三桂知孫延齡不附己遣其從孫吳世琮與賊將馬寶
季廷棟陶志貴趙天元擁賊數萬掠桂林給孫延齡出城殺之遂
陷平樂伺宏烈赴南甯招撫土司襲梧州宏烈移師擊斬賊乃遁
十七年二月與將軍莽依圖進圍平樂賊水陸拒阻我兵失利退
保中山鎮莽依圖奏宏烈所率兵先卻江水泛漲孤軍難以久留
宏烈奏莽依圖所率兵不相應援仍自請議罪 諭曰江水泛漲
大軍不能相援賊眾我寡以致失利免議罪莽依圖與傅宏烈宜
同心協和謀濟國事 諭王大臣曰傅宏烈所領官兵從未支領
俸餉奮勇收復諸路嗣以規定滇黔請發大軍並進因令莽依圖
協力進取不意莽依圖既抵平樂借口綠旗兵失陷退至賀縣又

言糧乏退保梧州以傳宏烈恢復如許城池盡棄與賊宜嚴飭痛
改前非勉圖後效尋宏烈復奏守戰機宜奉 諭曰覽所奏安人
心固內地勦賊之策悉備佇看掃蕩逆氛以副倚任四月偕都統
勒貝等率兵自北流陸川博白進勦斬賊將梁子玉等六月賊兵
數萬渡左江我兵與戰失利退守藤縣十月賊併力來犯藤縣失
守遂偪梧州十八年正月宏烈自梧州分布水陸官兵乘賊來犯
禾城時奮力夾擊槍礮矢石齊發殲賊二千餘遂遣總兵譚昇等
收復藤縣進定平樂桂林五月疏言臣甫至桂林舊隸孫延齡部
下甲兵請糧請餉呼告盈門其野性未化養之無益而又未可猝
然解散宜仍立藩旗名色照額支餉以滿洲將軍帶甲兵一千駐

省署理藩旗俟賊平後然後撤回京師至新自賊中來降諸將各帶兵馬若不用之則其心生異且無以鼓勵將來若用之則名器太濫不成體制宜各照偽銜給劄令偽將軍赴部補用總兵副參遊及文職等官或願赴部或願在外將軍督撫軍前補用悉聽自便務令得所則各偽官解散矣臣暫畱本標官兵以資彈壓俟投誠官兵安插妥當地方平定臣解組養母卽以臣標官兵交付滿洲將軍統轄酌量汰畱總之天下久安長治之策要緊城池宜照江南陝西例設滿洲賢能將軍駐守以制反側文臣事權不宜太輕藩鎮兵權不宜太重趁此大兵在外軍威大振之日急應善爲布置密爲解散億萬年太平之基地也又言尙之信歸正後怙惡

應賴以保至今之信行文僞將軍劉彥明等責其不應繳僞敕印
劄於征南將軍臣不解其是何心也臣久知尙之信狂野性成反
覆莫測故厚集兵力整飭水師以爲東西未雨之防今吳三桂已
死餘孽蕩平在即尙之信必無能爲但善後之策宜於肇慶設滿
洲將軍或換滿洲總督帶領甲兵駐守彈壓削之信藩封散所屬
多兵設水師提督以分其權則兩廣得以久安臣冒昧密陳乞
畱中採擇 上並是其言以密疏示議政王大臣等酌行先是馬
雄叛踞柳州病死其子承蔭仍附吳三桂爲僞懷甯公廣西大將
軍至是詭言投順宏烈以其隨降兵眾驕悍成習奏請仍以承蔭
統轄 詔授承蔭伯爵給昭義將軍印時賊將范齊韓等尙踞粵

西宏烈遣遊擊鄧林才合承蔭兵勦擊復柳城融縣十一月疏言
進兵雲貴多屬山險之路非可專恃馬騎必用綠旗前驅而進兵
之路廣西爲要湖南次之今兩廣綠旗官爲 朝廷捨命殺賊者
惟臣標官兵願進勦雲貴朝聞 命而夕行者亦惟臣標官兵逆
賊未滅臣不安坐見乘此時天寒水涸遣臣標中軍參將溫紹賢
等挑選精兵三千五百從小路往駐古泥相機進取貴州黎平府
湖南靖州斷賊楓木嶺糧道又調馬承蔭兵四千往慶遠以分賊
勢臣專候 俞旨卽親帶官兵或從慶遠泗城進發或從黎平靖
州進發先奪楓木嶺會合湖南大兵努力前驅矢圖報稱 詔如
所請行十九年二月宏烈至柳州疏言柳州兵數不下三萬逆賊

不端誘惑人心不一近以發餉鼓譟臣欲擒誅首惡恐激眾生變
又費兵力祇得暫爲姑容大抵此股兵馬積成驕悍必俟殺盡邊
界逆賊後設法陸續解散安置見在馬承蔭兩協五營乞 敕盡
給糧餉先收七千人心鼓勵前征庶不爲內地變患疏上未及報
聞而宏烈已爲承廕所給登舟赴柳城會議潛伏賊黨劫之潰其
營遂挾宏烈往九月至貴陽逆孽吳世璠誘以僞職宏烈罵賊不
屈遂遇害十一月征南將軍穆占攻復貴陽收其骸骨以 聞
上曰傅宏烈宣力粵西勞績茂著陷賊不屈捐軀殉難忠節可憫
下所司優卹令由驛歸櫬 贈太子太師廕子入監 賜祭葬如
典禮謚忠毅並 允廣西巡撫郝浴請建雙忠祠於桂林與前爲

吳世琮所害之巡撫馬雄鎮並祀 世宗憲皇帝時入祀昭忠祠
子明垣由廕生官知州

右 國史館本傳

公姓傅氏諱宏烈字仲謀號竹君江西南昌府進賢縣人父應期
仕明作令廣西甲申鼎革雲南貴州四川廣東西流寇餘孽各擁
故明宗室爲號盤踞山林攻劫城市公少負大略隨父宦邸道阻
不能歸 本朝大兵平定兩廣以人材應募委署平樂府同知尋
升陝西慶陽府知府順治十六年雲南平定吳三桂以平西親王
節鎮其地公久在南中稔知其有異志遂上疏發其不軌之謀言
朝廷宜早爲之所時三桂反形未露部議公離閒王大臣逮治論

死 聖祖仁皇帝特旨減等流戍廣西梧州康熙十二年冬吳三桂果據雲南反明年廣西鎮守將軍孫延齡叛降於吳逆遣提督郭懋禕捕公甚急欲生得用之公投水求死懋禕援出之送延齡公乃侃侃以忠孝語勸諭且策三桂必敗毋與其禍延齡始有悔心令往南甯聯合交趾接應 王師以圖反正時吳逆僞黨四布延齡令密爲之計公因僞受將軍職得出入賊黨中十六年三月侍郎舒恕以安南將軍統兵由薊州進廣東公遺舒恕書曰孫延齡妻孔王女四貞向宏烈言無日不以 太皇太后爲念若降恩綸赦孫延齡罪封四貞爲郡主卽反正爲大兵內應舒恕以聞 聖祖特諭兵部鈔錄舒恕奏疏并公移文發督捕理事官麻

勒吉俾招撫孔四貞先是廣西巡撫馬雄鎮爲孫延齡所害故
朝廷命麻勒吉兼辦廣西軍事麻勒吉遵 旨招諭孫延齡反正
志定五月乙酉公遣麻勒吉書言日下廣東震動若得大兵速進
南安宏烈從中接應前赴韶州以扼廣東咽喉則兩廣可計日而
定廣東路通則廣西全省宏烈可一面當之但須假一虛銜方可
行事標下官員亦各照原銜換給印劄庶可鼓勵人心麻勒吉代
爲奏聞得 旨傅宏烈圖報國恩忠誠懋著可優升爲廣西巡撫
今將軍莽依圖等大兵已進廣東俟傅宏烈迎見軍前卽與敕印
其標下官員亦令大將軍簡親王給以印劄丁巳揚威大將軍和
碩簡親王喇布疏報四月二十九日將軍莽依圖領兵抵南安原

任提督嚴自明以城降逆賊郭義等遁走我兵屢敗賊眾克取南
雄直抵韶州傅宏烈迎見拜巡撫之 命七月丁酉公疏言臣前
請大兵接應力任進取兩廣今廣東全省已定廣西乃臣專責無
可他諉臣與將軍莽依圖等議欲進兵廣西緣 敕印未至無以
爲信且臣兵寡弱必得尙之信官兵同臣進取庶克有濟又收復
廣西雲貴須招集土司土司官員專取憑於印信若以廣西雲南
各土司印信頒發招撫一處卽給一新印以杜反覆則逆賊可不
煩大兵而滅矣臣標官兵經年缺餉兼少馬匹請量給以資進剿
旋奉 旨覽奏詞意忠懇傅宏烈可仍以廣西巡撫爲撫蠻滅寇
將軍給以敕印尙之信速遣所屬官兵與傅宏烈同定廣西土司

印信禮部鑄給其官兵錢糧令總督金光祖給銀十萬兩俟秋涼再發馬匹尋又命戶部撥銀十萬兩解赴傅宏烈軍前己亥公疏言臣蒙特恩免死安置梧州廣西布政使李迎春等合謀降賊臣誓死不從棄家投水水師提督郭懋禕救甦送往孫延齡所臣告以大義從中反閒使彼此不睦旋辭往南甯聯合交趾及各土司出梧肇接助平南王尙可喜不意賊兵中變因取道廣東見可喜勸其發兵討賊可喜語臣以國恩難報爾與我子同心協力復還兩廣勉圖報效臣已決謀合兵尋聞孫延齡爲線成仁所困卽奔江西請大兵接應一路殺賊方抵龍南蒙將軍舒恕等多方接應得成夙志臣不敢隱蔽據實奏聞得旨據奏地方變叛

傅宏烈誓圖滅賊密謀反聞聯絡同志又殺敗賊眾具見忠貞奮
勇深爲可嘉並本內事情議政王大臣會議具奏尋議俟粵西平
定之日彙敘 從之未幾公疏報親統官兵於韶州地方擊敗賊
眾斬殺甚多生擒僞總兵王雲龍等下部議敘八月癸亥疏言臣
率官兵進取廣西僞將軍趙天元等擁眾萬餘據守梧州出城迎
戰我兵水陸奮擊敗之遂復梧州趙天元等僅以身免是月又疏
報逆賊侵犯梧州臣遣總兵楊國泰分布官兵水陸並勦前後夾
擊大敗賊眾於昭平等處地方陣斬僞總兵張元乘勝逐北本月
初三日恢復潯州府獲賊船器械無算並奉 旨嘉獎下部議敘
十月乙巳鎮南將軍莽依圖疏言廣西巡撫傅宏烈遺臣書言宏

烈以兵五千獨當西路恐力不能支請滿洲將軍一人率騎兵千餘來至廣西以壯聲勢得旨傅宏烈進定粵西獨當一路宜以重兵自隨可照廣西經制兵額便宜召募汛守新復地方兼勦寇賊又將軍穆占見領兵赴廣東夾勦韶逆俟穆占抵粵破賊之後與將軍莽依圖等會議作何分兵赴梧接應傅宏烈聽酌量以行是月公疏報揚武營總兵官曾大職勦逆賊於五屯所地方殺獲甚多恢復南平縣丁未疏報平樂府昭平縣距省不遠爲賊犯梧潯出沒之地臣遣標下後營參將周光裕率兵進取擊敗賊眾斬殺無算恢復縣城公自在巡撫五戰皆捷恢復梧潯平樂三府並奉旨嘉獎下部議敘十七年三月丙戌聖祖特諭議政王大

臣等今逆賊侵犯潯州諸處梧州高州所關最要將軍莽依圖可駐鎮梧州若遇高州諸處有警卽行應援將軍巡撫傅宏烈整頓士馬俟進兵平樂桂林與將軍額楚都統勒貝署副都統穆成額同行如兵力未足許於莽依圖等兵內量調前進然所調各路兵未能猝至莽依圖以兵少退保梧州 聖祖特諭議政王大臣等云自逆賊吳三桂叛變以來大兵諸路征勦平南王尙之信歸正之時將軍巡撫傅宏烈思念國恩密約反正所領官兵從未支領俸餉輒奮勇入粵西收復梧潯諸處殲戮渠帥屢奏捷功嗣以進取平桂規定滇黔奏乞迅發大兵以相助援因遣將軍莽依圖等協力恢取平桂本期莽依圖等與傅宏烈併力平定廣西克濟大

事不意莽依圖兵抵平樂寸步不前藉口綠旗營壘失陷遽奔還
中山鎮仍復畏縮退至賀縣又託言糧餉不繼徑回梧州以傅宏
烈恢復如許城池盡棄於賊今若梧州乏糧必退回肇慶肇慶乏
糧必將退至廣州苟廣州乏糧當復棄廣州而還耶如此怯懦多
端誘託不惟誤西征之事卽粵東恐亦可虞頃有旨令莽依圖駐
鎮梧州兼顧高州諸處嗣今宜痛改前轍鼓舞軍士勉圖後效相
機勦賊底定封疆爾等其嚴行申飭閏三月莽依圖以失利退兵
致地方失陷自陳請罪乞罷將軍任 聖祖復切責之曰莽依圖
至平樂不能殲寇拓疆擅自退還致潯州諸處陷賊今乃云未至
梧州傅宏烈金光祖早已棄地明誘過於傅宏烈而巧飾妄奏殊

屬不合宜立行處分但見在行聞其仍畱將軍任圖功贖罪是月
庚申公疏報臣遣潯協副將林大忠思南副將張文玉等率兵剿
賊於容縣西山等處地方大敗賊眾擒斬無算恢復北流縣城五
月戊申又疏報臣同都統勒貝等統領官兵於四月初十三十
五等日自北流陸川博白進剿累敗賊眾僞總統饒一龍等各棄
城潛逃恢復鬱林州及北流興業陸川博白等四縣並得 旨嘉
獎下部議敘是月又疏報僞總兵梁子玉賴天錫聞大兵到鬱林
據守白米嶺峒恃險負隅我兵於四月十六日黎明攻破逆營斬
僞總兵梁子玉生擒其兄弟二人斬賊兵五百二十餘級生擒二
十一名賴天錫拔營遁走下部議敘先是公疏請進兵南行以向

田州泗城六月乙卯鎮南將軍莽依圖疏言徑入南甯非策宜令
將軍額楚取平樂桂林傅宏烈取南甯兩路齊舉旋奉 聖祖諭
將軍莽依圖等向因規定廣西調遣滿漢官兵甚多今進田州泗
城若俟他路諸軍齊集必稽時日若孤軍獨進恐難有濟平粵事
宜所係甚重將軍莽依圖額楚傅宏烈及參贊諸臣與總督金光
祖等俟克復潯州俱赴梧州面議何路進兵先取何地務期和衷
爲國勿各圖自便七月己未公疏報僞總兵何興久踞桂東桂陽
上猶崇義江楚交界地方臣遣隨征知縣王世誥招諭隨率兵丁
一萬餘投誠下部議敘是年正月吳逆聞廣西全省復歸 朝廷
孫延齡已反正怒遣其孫吳世琮率僞將軍總兵等悉精銳由宜

章入廣西至桂林誘殺孫延齡二月總督金光祖與賊戰於潯州不利兩廣震動 聖祖命江甯將軍額楚速赴廣西其商攻守十一月額楚至與公進兵迎擊十二月初三日與賊戰於藤縣眾寡不敵遂失利鎮南將軍莽依圖具疏入告並言藤縣失守見存兵力甚薄梧州勢危得 旨梧州可虞大將軍平南王尙之信不必往湖南徑赴梧州與莽依圖等商酌調遣官兵併力勦賊以靖地方如王斷不可離省卽速選精兵馳赴又韶州南雄已爲內地將軍舒恕可率領每佐領兵二人急赴梧州至將軍額楚傅宏烈見在討賊俟事平旋師日察議公平日膽勇過人每戰不能必勝然小挫益厲從不退縮至是以失利爲恨整兵以俟十八年正月吳

世琮犯梧州公與鎮南將軍莽依圖率滿漢官兵奮勇拒戰遂大
敗之世琮棄營夜遁二月朔捷 聞下部議敘八月甲子公疏報
吳逆賊帥范齊韓踞柳城融二縣窺伺桂柳接應南甯臣檄永甯
遊擊鄧林才會合馬承蔭兵協剿擒斬甚眾恢復二縣桂林路通
得 旨嘉獎下部議敘加太子太保丙子公疏報僞總兵左旌王
定邦投誠又僞總兵史自安等以城降臣又遣參議道劉曉招撫
僞總兵李贊唐良等並降下部議敘十二月甲戌公疏辭巡撫任
願統兵進剿雲南言臣先遣參將溫紹賢等從小路斷賊楓木嶺
運道請親統官兵進剿雲貴其廣西巡撫事乞別委官管理疏三
上 聖祖始諭應如所奏 命傅宏烈親率所屬官兵恢復滇黔

諸處與大將軍平南王尙之信將軍莽依圖等協力酌量以行其
粵西巡撫事務著麻勒吉署理公遂統兵由柳州徑進至柳遣提
督馬承蔭爲前隊承蔭者已故提督馬雄子也雄於吳三桂初反
時卽舉軍降賊雄死承蔭領父眾屢抗官軍見公擊敗吳世琮乃
復來降至是請公至其署發號施令眾將領咸謂承蔭父子反覆
不可信公言人已降奈何疑之率數十騎往赴諸將懼有變率兵
尾行公不知也承蔭見後有兵至疑爲執己遂激眾再叛執公送
貴陽時吳三桂已死其孫世璠僭號居貴陽也世璠及其下渠帥
俱素聞公威名欲得爲彼用勸之降公罵世璠曰汝祖未反時吾
卽奏參知汝家必作賊恨不能早滅汝家敢以此言污我耶卽絕

糧不食作絕命辭示從者賊素懼其威猶欲其降勸諭百方罵益厲遂遇害十九年十二月癸巳署廣西巡撫右理事官麻勒吉疏聞言撫蠻滅寇將軍傅宏烈於貴陽陷賊賊授以偽職不屈十月十六日遇害得旨傅宏烈自投誠以來效力粵西著有勞績陷賊不屈捐軀殉難忠節可嘉深爲可憫應得卹典著從優議奏二十一年部臣覆准 賜祭葬加祭又加 贈太子太師兵部尙書諡忠毅廕二子以七品官用公前後請畱中密疏如預陳尙之信反情布置投誠官兵及籌畫勦撫機宜皆洞中肯綮歿後奉 聖祖特旨昭示忠悃盡下其前後密奏布諸中外焉初孫延齡叛降吳逆時公家死難甚酷比授撫蠻滅寇將軍兼巡撫因具疏言臣聞

門被難自幼子女暨家屬一百四十餘口盡爲逆賊李迎春執送
吳三桂分散殺戮鎮臣楊國泰全家被害及各將士眷屬慘戮情
形不得不造冊報部以請優卹用慰忠魂奉 旨卿爲國忘家志
圖滅寇不意逆賊李迎春將卿全家併鎮臣楊國泰閭門解送被
害朕心憫惻作何優卹著議政王大臣會同議奏尋議俟該將軍
查明優卹 從之至是併 予旌卹二十一年二月奉 命立雙
忠祠於廣西以殉難廣西巡撫馬雄鎮與公同祀從廣西巡撫郝
浴請也當康熙初年平西平南靖南三王列藩分鎮勢傾 朝野
吳逆尤鴟張奏立十鎮總兵官皆其親信連兵數十萬運七布政
司錢糧協濟之所屬文武將吏拜除疏請必從吏兵二部莫敢支

吾謂之西選天下凜凜有尾大之憂然無一人敢明言者公以一
知府抗疏發其奸瀕九死不悔斯已奇矣比其反也雲南貴州四
川湖南廣東廣西福建並至爲賊有江南江西浙江陝西湖北亦
皆被兵喪失郡縣察哈爾布爾尼復反於漠北山西駐防蒙古兵
叛應之越邊牆以出其安靖未有事者京師及山東河南而已當
是時天下震動襲王爵者如尙之信鎮守將軍如孫延齡總督如
鄒蛟麟金光祖巡撫如劉秉政羅森曹申吉提督如王輔臣李本
深馬雄線國安嚴自明總兵官十鎮並從賊此外如吳之茂譚洪
楊來嘉祖澤清劉進忠祖宏勳阿爾泰郭義張星耀苗之秀佟國
卿等並降於賊巡撫盧震華善等棄城遁走督撫死節者范承謨

甘文焜朱國治三數人耳然止於殉難未能擊賊也總督哈占蔡毓榮李之芳能擊賊矣又皆與王師並進禁旅之功爲多公獨以戍卒倡義以賊攻賊未嘗用國家斗粟寸刃恢復桂平梧潯千餘里之地厥功尤爲奇偉至於殉難亦復殊常亂之始生闔門死者至百四十餘人功業垂成誤於降將拘幽而不屈卒以身殉可謂百鍊之剛矣 贈官 賜諡祭葬有加卹典誠厚然我朝賞功勸忠之法超越千古若海澄公靖逆侯或以節或以功爾公爾侯賞延於世公先見之明應變之智赴敵之勇戡亂之勦死事之烈鴻猷偉伐精忠勁節萃於一身加黃張固已數等而延世之賞未及意當日部臣之議所以推廣朝廷賞功勸忠之典者或

有所未盡乎或謂三藩之變以亂不速定故當時主將皆不敘功如征南大將軍賴塔至世宗皇帝追念舊勳始予公爵公之食報庶有待於後乎余生也晚不及見公其子孫零落亦未識一人近奉世宗特旨建昭忠祠祀死事諸臣並採實錄史書各爲之傳而公與焉因敘次梗槩授史官庶傳於後亦以爲鄉黨光焉公生平逸事奇偉者尙多以出於傳聞不敢備書

右家傳李紱撰

國朝書獻類徵初編卷三百四十五目錄

忠義十五

李興元

覺羅努赫勒

張璉等

徐升耀

王官表等

閻洪標

林宗珍等

邁圖

赫色等

王承業

王忠孝等

阮自雄

王際福等

朱天貴

趙邦試

蔡老等

紐默瀉

李本吉等

柯永昇

葉映樞

宣德仁

隨光啟等

李國俊

烏丹

佟國綱

富成額

瑚琬等

邁圖

格斯泰

韓大任

噶林

六十等

長武

務達禪等

卷之五

五十四

一

--	--	--	--	--	--	--	--	--	--

國朝耆獻類徵初編卷三百四十五

通奉大夫前署江西巡撫江西布政使司布政使湘陰李桓輯
忠義十五

李興元

李興元遼東人隸漢軍鑲黃旗順治五年由拔貢生授直隸沙河
縣知縣卓異遷祁州知州洊歷江西吉安府知府康熙五年改補
直隸永平府知府查解逃人六十名以上敘功卽升七年遷長蘆
鹽運使八年轉陝西隴右道十一年擢雲南按察使時 命察釋
藩下占民間子女爲奴者興元力遵行十二年十一月逆藩吳三
桂反集眾脅受僞職興元厲聲抗言曰汝內爲國戚外封親王受

恩最重何爲叛我爲大夫可殺不可辱惟一死以報 朝廷吳逆
加以縲繫及其家閱六載終不稍屈十八年十月大兵恢復湖南
時三桂已死逆孽世璠徙興元於蒙化十九年大兵入黔逆勢日
蹙僞閣部郭壯圖棄黔回滇慮腹患十月遣賊黨絞死興元家口
仍羈候二十年十月大兵困滇城興元二子蔭秀奇秀俱被殺雲
南平其第三子萃秀詣軍前申訴其事二十一年巡撫王繼文察
覈得實具疏請卹得 旨李興元贈太常寺卿廕一子入監讀書
雍正七年入祀昭忠祠乾隆十六年 特旨李興元雖從前未賞
世職但爲國效忠情甚可憫著加賞給恩騎尉世襲罔替萃秀由
廕生授四川廣安州知州累遷湖廣安陸府知府元孫肇祥襲恩

騎尉由鑿儀衛治儀正授直隸懷柔都司調入溝都司四十一年
遷廣東韶州遊擊

右 國史館本傳

國朝書目考卷之五

五

一

覺羅努赫勒

張璉等

覺羅努赫勒鑲黃旗人康熙十四年以一等待衛從征逆藩吳三桂至湖廣屢立戰功十七年六月三桂遣其黨江義巴養元杜輝等率二萬餘賊駕巨艦二百餘乘風犯柳林嘴努赫勒隨討逆將軍鄂訥率水師掉輕舟飛越賊艦發礮擊之溺死無算賊退犯君山又以舟師進擊敗之追至湘陰距縣城五里敗賊眾二千餘人十九年隨固山貝子彰泰克鎮遠下平越超貴陽復遵義安順石阡都勻思南等府敗賊永甯州追剿至雞公背鐵索橋僞總統高起隆夏國相等擁眾二萬餘屯平遠西南山僞將軍線絨巴養元等擁眾萬餘拒於江西坡大兵分道進剿努赫勒從擊平遠西南

山賊力戰陣歿時有湖廣岳州後營鎮標中軍守備張璉隨提督
陳溥擊江西坡賊賊踞險驅象戰璉奮勇先登至白蠟坡陷陣歿
又有護軍參領阿爾賽從安親王岳樂至貴州十戰皆捷旋進勦
平越率前鋒擊賊水西蘆柴坑陣歿同時一等侍衛兼護軍參領
博洛率驍騎校二十餘人馳入賊壘殺賊無算力竭陷陣死議卹
詔努赫勒廕雲騎尉子諾木齊襲張璉 贈遊擊子奇抱廕衛千
總阿爾賽廕雲騎尉子努赫齊襲博洛廕雲騎尉襲無考張璉襲
黃旗漢軍阿爾賽滿洲鑲黃旗人姓康儀理博洛滿洲鑲黃旗人

右 國史館本傳

徐升耀 王官表等

徐升耀雲南元謀人四川鎮標副將康熙十三年吳三桂叛招總兵王屏藩升耀力阻不聽遂率所部赴撫遠大將軍圖海軍營十九年自請赴屏藩營招降時屏藩自秦州敗遁據保甯爲死守計升耀至遂被害 詔贈左都督廕守備其先以招撫屏藩而死者十六年有劄付通判王官表沈日章十七年有劄付參將吳子騷西安府知事張文選司獄周勝驤白水縣典史趙煥文並以脅降不屈死方屏藩倡亂時川陝皆爲賊窟十五年賊黨據固原欲渡河犯甯夏中衛守備顧來鶴諭民沿河防守叛民焦得才等倡亂執來鶴檣殺之十八年西甯鎮標中營把總周文禮戰歿於四川

建昌十九年守備姜大奉守備管遊擊事米之順亦戰於建昌中
礮死是年賊譚洪據夔州通判薛人鳳運餉經萬縣洪截執於七
里溝擁至天成山不屈死二十年追勦賊黨胡國柱提標左營遊
擊李宏鑒左營把總馬金俱戰歿於黃茅岡先後議卹文選 贈
經歷勝驤煥文主簿並廕一子入監來鶴遊擊大奉都司僉書俱
廕衛千總之順都司僉書廕守備人鳳按察司僉事廕一子入監
宏鑒都督僉事廕守備金廕衛千總官表陝西乾州人煥文安徽
懷甯人來鶴江蘇上元人之順陝西人人鳳浙江會稽人宏鑒金
俱陝西人餘籍無考

右 國史館本傳

閆洪標 林宗珍等

閆洪標河南開封人官雲南都司僉書署提標遊擊康熙二十年
從固山貝子彰泰征吳世璠至貴州安南衛沙子哨賊踞山巔驅
衆戰洪標身先士卒奮勇衝擊陣歿同死者提標遊擊林宗珍鎮
標署守備包汝才把總羅喜方三桂初叛時全黔煽動都勻縣防
兵謀應賊衆數千譁諫焚掠知縣薛佩玉諭以順逆衆不應擁至
署偏受僞職佩玉抗節不屈北面再拜曰臣不能討賊又失守土
奚生爲自縊死賊黨馬寶尋陷鎮遠衛守備卜世儼力戰不支亦
自縊死十七年三桂死世璠屯據貴州十九年官軍進勦至鎮遠
賊率羣苗屯石巷口大巖門江西督標中軍把總羅以鳳與同營

把總李一奇黃麟吳承亮高啟先並戰歿先是殉節於黔者又有
遵義參將劉祺開州州判謝仕朝平越推官卜明元俱以勦土寇
死廣順吏目蔣士璘以勦逆苗死都勻府天壩司土司天天祿以
苗變被執不屈死先後議卹 詔贈洪標遊擊廕守備宗珍廕衛
千總汝才 贈都司僉書廕衛千總喜廕衛千總世儼 贈都司
僉書廕衛千總餘卹如例宗珍福建龍溪人汝才湖廣荊州人喜
廣東四會人佩玉山西芮城人順治十八年進士世儼江南上元
人康熙三年武進士以鳳湖廣武昌人一奇江西南昌人麟陝西
人承亮啟先並河南人祺貴州綏陽人仕朝陝西富平人明元江
南江都人天祿貴州都勻人士璘籍無考

右 國史館本傳

國朝通志卷之五十四

下

--	--	--	--	--	--	--	--	--	--

邁圖 赫色等

邁圖滿洲正黃旗人姓瓜勒佳康熙十三年以署驍騎校隨征江西積功至署參領復隨征廣西敗偽將吳西松於藤縣二十年隨平南大將軍賚塔自廣西進雲南勦吳世璠賊於石門坎黃草壩諸要隘拒守大兵攻之騎都尉兼一雲騎尉赫色陣亡於石門坎佐領和特驍騎校阿有世陣亡於黃草壩邁圖屢戰屢捷進至嵩明世璠勒步騎萬餘列象陣離城三十里拒戰自卯至酉大兵五合五勝進薄城邁圖陣歿同死者世襲二等男國禮二等侍衛拜哈喇三等輕車都尉塞爾圖協領海周驍騎校署參領格得德雲騎尉奇畱阿哈立八品官碩色護軍校六什和爾起倭錫納陣亡

於歸化寺者筆帖式阿秋護軍校覺羅阿爾阿布爾岱世璠以大兵圍急趣賊將馬寶等赴援寶由尋甸至楚雄大兵擊之烏木山陣亡者三等輕車都尉查穆蘇七品官彰保住卦錫哈方吳三桂未叛時主事辛柱筆帖式薩爾圖隨侍郎哲爾肯齋 詔至雲南三桂叛辛柱薩爾圖詣 闕告變賊殺之途事在十二年及世璠時遣四品銜董重民往諭以順逆至鎮遠逆黨以弓弦縊殺之事在十九年議卹邁圖 贈雲騎尉子德穆圖襲國禮贈無考其二等男爵子阿哈喇襲拜哈喇雲騎尉襲無考塞爾圖一等輕車都尉子眾神保襲海周騎都尉子瑚立布襲奇畱騎都尉子有住襲碩色雲騎尉從弟滿色襲六什雲騎尉子福壽襲倭錫納雲騎尉

子阿爾台襲阿秋雲騎尉子阿爾都襲查穆蘇一等輕車都尉兼
一雲騎尉從弟昂格理襲彰保住雲騎尉從子色爾泰襲卦錫哈
雲騎尉子噶祿襲辛柱騎都尉子桑格色襲薩爾圖雲騎尉襲無
考董重民都司僉書子高巴廕衛千總赫色蒙古正紅旗人姓博
爾濟斯和特蒙古正白旗人阿有世蒙古鑲黃旗人國禮滿洲正
白旗人姓他塔喇拜哈喇滿洲正藍旗人姓赫舍里塞爾圖滿洲
鑲紅旗人姓完顏海周滿洲正白旗人格得德蒙古鑲黃旗人奇
畱滿洲鑲白旗人姓張佳阿哈立滿洲正白旗人碩色滿洲鑲白
旗人姓庫布特六什滿洲正白旗人和爾起滿洲鑲藍旗人倭錫
納滿洲正黃旗人姓舒穆祿阿秋滿洲正藍旗人覺羅阿爾滿洲

鑲黃旗人阿布爾岱滿洲正白旗人查穆蘇滿洲正藍旗人姓烏
濟吉特彰保住滿洲正黃旗人姓薩克達卦錫哈滿洲正紅旗人
辛柱滿洲鑲藍旗人俱姓納喇薩爾圖滿洲正藍旗人姓伊拉喇
董重民滿洲鑲黃旗包衣人赫色和特阿訶七格得德阿哈立和
爾起阿爾阿布爾岱等贈襲俱無考

右 國史館本傳

王承業 王忠孝等

王承業江南廬江人任廣西副將康熙十七年鎮南將軍莽依圖征廣西以承業爲新設援勦中營總兵官管副將事十八年吳三桂之孫世琮犯梧州承業擊敗之賊棄營夜遁遂復潯州等城七月世琮圍南甯城中食盡將陷承業率兵至世琮迎戰於新村西山之巔承業殲賊六千餘世琮負重傷竄死南甯圍解十九年三月進勦柳州僞將軍馬承廕等引賊二萬偪大營承業擊敗之乘勝定象州承廕請降十一月平南將軍賚塔奉命由南甯直進雲南檄承業至西隆僞總統何繼祖擁賊數萬於石門坎築壘以拒距安籠所三十里地僻道險次年正月承業奮勇入連奪二隘

口復安籠所城繼祖復糾僞將軍詹養王有功張光先等率二萬人據黃草壩列象拒戰二月二日承業奮擊自卯至未奪賊營二十二擒養有功及賊千餘旋抵曲靖取霑益復馬龍楊林城離省城七里駐營歸化寺三桂之孫世璠遣僞將軍胡國柄劉起龍出城拒戰承業引守備林廷燭鏖戰自卯至午衝入賊隊礮中額陣亡廷燭單騎前救賊矢發如雨負重傷死同時陣亡者署廣東總兵官王忠孝奉天人康熙十四年以參將銜從征湖廣十七年從征高涼有功授參領管佐領事十九年署左翼總兵官從征雲南戰功與承業等至是俱戰歿事 聞 詔贈承業右都督廕守備忠孝 贈都督同知廕守備廷燭廣東海陽人 贈都司僉書廕

千總

右 國史館本傳

國史館本傳

國朝各省刑案彙編
卷三百四十五

十

阮自雄 王際福等

阮自雄江南無爲人初授孟河營把總順治十六年以勦海寇功升鎮江千總康熙十三年從征逆藩吳三桂有功二十年以沅州鎮標千總從擊貴州八萬峒南至峒口賊從篁棘中突出自雄力戰陣歿同時鎮標外委守備王際福亦陣亡於古州又有靖五協千總任化俸往第九塘督遞公文野苗突出圍之化俸戰死二十四年黎平有賊何新瑞者姓李爲靖州僧至平茶所獲罪逃新化冒稱故明總督何騰蛟子煽黎平諸苗爲亂威甯鎮標遊擊劉大受勦之至媽姑戰歿四十六年普安州三江猥苗黃柱漢叛雲南左協千總張成功從提督殷化行赴勦時貴州安籠鎮兵分守之

國朝通志卷之三十三
上中下三江與滇兵爲犄角賊伺隙猝渡成功戰死安籠鎮中營
把總林鳳翔抵隴戛苗數千人據險誘我伏兵四百人於四坡鳳
翔偵知率兵直擊賊敗走奪中江進攻法崖崖高十五里斗絕鳳
翔鼓勇先登至半坡賊悉眾以鏢弩拒鳳翔陣歿其先是殉節於
黔者康熙四年郎岱土司隴安藩犯安順府經歷袁績死之旋攻
大定威甯及畢節衛經歷秦文死之事 聞並 賜卹如例大受
山西人成功湖廣棗陽人鳳翔四川人餘籍無考

右 國史館本傳

朱天貴

康熙二十有二年夏六月 王師克臺灣浙江平陽鎮總兵官朱
公天貴率先陷陳死之閩浙總督少保姚公啟聖上捷疏著公之
忠勇推爲首功 聖祖仁皇帝嘉悼 詔予祭葬贈太子少保諡
曰忠壯褒死事之勤也公福建莆田縣人先是避亂三沙父母俱
死於賊公被掠賊帥奇之已而欲推爲將不受陰結豪勇往來漳
泉聞悉海道要領保障鄉里盜不敢犯鄭氏耿氏相繼招公公笑
曰隗囂公孫述豈能臣馬伏波乎遂因總督姚公奉表於 朝部
三百餘艘眾二萬來歸 特授平陽總兵官公諗少保曰平陽無
事之地幸得待臯於此恩至渥但某自少至壯習知海上事意在

靖國難報父母讐異日有事於臺請得屬橐鞬爲士卒先雖殞身
截脰不敢辭少保慰之而行遂赴平陽未三月有 詔調公協勦
閩寇公慨然曰此吾志也疾馳至閩戰攻具皆躬飭焉六月癸亥
公以十二舟載親信兵先發抵澎湖虎井賊將劉國軒設戰壘列
火礮矢石以待聞公至遽以巨艦百餘迎戰我兵莫敢前公鼓之
而前趨舟直薄壘下燒賊艦殺傷甚眾搏戰益力呼聲沸海水賊
艦將盡而賊飛礮入公項遂仆舟中已仆猶大呼殺賊激眾十二
舟驟進將軍施公督大師繼之連奪六嶼之險臺灣遂平公之喪
以康熙二十四年冬十月歸葬山後原建 御賜碑文一通雍正
七年 詔天下忠義之臣得入郡邑祠乃奉公木主崇祀於閩之

莆田子原滄以墓誌有闕衷集事狀屬予銘案狀公字尊士先世居河南之固始曾祖介祿祖元伸父從諫俱以公貴 贈榮祿大夫妣游太夫人公生有奇徵自幼岐嶷輾轉避亂被掠獨得不死及長勇而多智聽水聲知海程遠近士卒神之配王夫人子五人長浩滄次潛滄皆國子監生澄滄候選州同知原滄雲南武定府知府清滄候選州同知女二人壻陳世顯程學洙銘曰
八閩之東鯨波未甯十蕩十沃如靄如霆桓桓朱公能奮厥武思率虎臣震我鞀鼓中流擊楫雲海茫茫先鋒陷陳邁罹凶殃素車載旆返葬佳城豐碑特建泉壤光榮爰建棖題虔修祀事雲旗往來丹心浩氣大書貞石唯以勸忠寵休奕世永無怨恫

國朝書牘類例初編

卷三十四

右墓誌銘彭啟豐撰

十三

趙邦試 蔡老等

趙邦試河南柘城人任福建同安鎮標右營遊擊康熙十四年海寇鄭錦陷漳泉屬邑邦試隨提督施琅復海澄盡取廈門金門漸山十九寨敘功授左都督給一等雲騎尉世職二十二年賊帥劉國軒遁臺灣琅進討國軒領賊二萬戰艦二百於牛心灣山頭諸處環築礮臺大兵由銅山進抵澎湖破其戰艦賊死無算自是賊累戰累敗大兵縱火焚賊船邦試被礮陣亡同時死事者水師提標原任左營都督同知管千總事蔡老原任後營都督僉書管千總事王友原任左營署都督僉事管把總事王顯原任前營署副將管千總事林鵬副將楊熙重林連得林啟祥黃瑞鄭平忠署副

將黃勝楊春林衛陳孟虎黃志祿陳成福都督僉事林登閣參將
方英興化鎮標把總李躍龍平海營把總游嵩水師提標右營外
委把總吳麟歐春事平議卹邦試以左都督係正一品無級可加
給卹銀如例廕守備老 贈右都督友顯登閣俱都督同知熙重
連得啟祥瑞平忠鵬勝春衛孟虎志祿成福俱都督僉事英副將
俱廕衛千總躍龍嵩廕衛千總餘卹如例老友顯登閣熙重連得
啟祥瑞平忠鵬勝春衛孟虎志祿成福英嵩麟歐春皆福建人躍
龍順天人

右 國史館本傳

紐默澇 季本吉等

紐默澇滿洲鑲紅旗人姓瓜勒佳康熙十四年以防禦與司庫季本吉等從撫遠大將軍信郡王鄂扎副將軍圖海征察哈爾布爾尼季本吉陣亡紐默澇斬獲有功授雲騎尉察哈爾平次年圖海復爲撫遠大將軍征陝西叛鎮王輔臣署參領班達壽戰歿於平涼至二十三年紐默澇從公彭春等征羅刹由恆滾過葫蘆河招服奇勒爾八姓三十一戶壯丁九十九名又羅刹頭目伊立克色等六百餘人旋攻雅克薩城歿於陣先是順治十四年察哈爾爲亂有驍騎校白都從征歿順治十六年羅刹爲亂有馬甲猛格從征歿康熙二十年四月理藩院郎中兼佐領額爾吉圖運米往邊

外賑蒙古爲烏拉齊所害先後事 聞 詔紐默渚贈騎都尉子

保柱襲季本吉 贈雲騎尉以兄子花色襲猛格額爾吉圖俱

贈雲騎尉猛格襲無考額爾吉圖子恩克襲餘血如例季本吉高麗人姓金國初來歸隸滿洲鑲藍旗班達壽蒙古鑲白旗人白都蒙古鑲藍旗人猛格滿洲鑲黃旗人額爾吉圖蒙古正紅旗人姓巴禹特

右 國史館本傳

柯永昇

柯永昇漢軍鑲紅旗人由員外郎出任湖南糧儲道康熙十九年遷江西按察使二十二年遷安徽布政使二十七年二月擢湖廣巡撫時裁湖廣總督令督標兵老弱者歸農強壯者候缺食糧五月永昇甫之任裁兵夏逢龍結眾作亂突入巡撫廨署遇拒阻者輒刃之傷永昇臂奪其印復傷永昇足仆地悉驅其親屬及家人出走搜掠財物永昇乘閒自縊死子鉉由九江走安慶以其事訴於巡撫楊素蘊入奏 賜卹如例 世宗憲皇帝時以永昇入祀昭忠祠

右 國史館本傳

三十一日

77

--	--	--	--	--	--	--	--	--	--

葉映樞

葉映樞江南上海人順治十八年進士改庶吉士時方嚴紳衿抗糧罪映樞以江南奏報舉人冊內有名呈請議處降二級調用康熙三年補國子監博士九年遷戶部主事十一年充陝西鄉試副考官次年遷本部員外郎十三年遷禮部郎中十五年監督贛關稅務十七年擢陝西按察司僉事提督學政試竣巡撫鄂愷奏舉公明部覈以道員先用二十四年授湖廣糧儲道二十七年五月督標裁兵夏逢龍倡亂巡撫柯永昇禦賊被創自縊降調按察使丁煒棄家奔安慶時映樞署布政使賊迫授僞職映樞給以無殺掠百姓三日後當如所言乃令其妻奉母自水溝出避難以司道

等印五付其僕葉華林向所過衙門呈繳遂繕遺疏朝服望闕
謝恩訖升公座罵賊拔佩刀自刎疏略曰臣一介豎儒幸中進
士叨沐皇上高厚深恩歷擢今職常以潔己奉公自矢夙夜但
愧才具庸劣未效寸長茲值裁兵夏逢龍倡亂劫奪撫臣 敕印
並分兵圍臣衙門露刃偪脅臣幼讀詩書粗知節義雖斧鑕在前
豈肯喪恥偷生伊時卽欲率同妻女闔門殉節第念臣母年七十
有六在臣任所臣長子葉勇遠在原籍其餘二子尙未成童煢煢
孤嫠死將安歸因遣妻女奉母潛逃臣如微服匿影或可倖免以
圖後效伏念臣守土之官也城存與存城亡與亡義所當然今勉
盡一死以報 國恩所恨事起倉卒旣不能先事綢繆默消反側

復不能臨期捍禦獨守孤城上辜三十載之 皇恩下棄七旬餘
之老母 君親兩負死有餘慚雖么麼小醜指日掃滅不能忍死
須臾以觀蕩平也 上覽疏畢 諭曰凡地方官城存與存城亡
與亡人臣之分近有武昌兵亂葉映樞守義不屈嘗賊自刎閱其
遺奏五內傷悼王大臣等其其聽之因令展讀奏疏聞者莫不感
泣遂 諭吏禮二部曰葉映樞值裁兵鼓譟抗志不屈捐生殉難
忠節可嘉今覽遺疏情詞慘烈朕心深爲惻然不忍披閱應從優
賜卹以表忠貞部議贈通政使廕一子入監 特贈工部右侍郎
賜祭葬如典禮次年二月 上南巡葉勇迎 駕謝 恩 諭扈
從諸臣曰當楚省兵譁之際葉映樞盡節捐軀朕心深切憫惜特

詔所司優贈亞卿兼予卹廕今巡幸江南見其子葉勇迎伏道左
彌增軫惻應特予諡以彰異數遂 御書忠節二字賜之三十二
年湖北巡撫年遐齡請建祠於武昌 賜御書丹心炳冊額三十
三年江南學政胡潤請許映樞後裔自行建祠上海有司春秋致
祭 從之雍正二年入祀昭忠祠子勇官廣州知府

右 國史館本傳

自古英偉奇傑之士所以扶植名教垂表人倫者原自有豐功駿
烈展布於時而非徒遇事窮勢迫借一死以塞其責也然或處遭
逢不幸人皆澳忍求活獨曉然於大義之所在而殺身成仁於以
流芳史冊照耀來茲如葉忠節公者洵矣其不可及公諱映樞字

丙霞上海新場鎮人後析縣始隸南匯考諱有聲明副都御史以直節顯公夙承庭訓少時卽自奮勵中順治辛丑進士選翰林院庶吉士改編修歷官湖北糧道康熙二十七年撫軍某酷御其下武昌兵謀爲逆有眾數千人突至轅門露刃呼譟撫軍某蒼黃失措竟潛逸公聞變馳往諭以 朝廷威德爾等無作亂眾不應且脅之從公瞑目叱之奪刀欲自我賊曰殺好官不祥羣蜂擁入署環以兵公見事不可爲繕遺疏望 闕再拜升公座勿死賊大驚歎息而去事 聞贈工部右侍郎蔭一子 御書忠節二字諡之夫當禍災猝乘之會身爲雄藩重寄失定亂之才略望風退避公冒險直前曉譬賊以大義雖勢燄方張力未能撲滅然彼洶洶者

猶知好官不可殺使爾時竟顧惜性命接踵逃則平日藉高官厚祿以豢養其妻子一遇患難視若秦越之不相關國家亦安賴此臣子爲耶蓋惟公有所得於中故能臨事不惑從容就義若此也我郡丁明之季陳黃門夏考功諸人類皆致命遂志卓然爲邑乘光以公之貞操亮節後先輝映斯亦足以風厲末俗愧爲臣而不忠於所事者矣余與公之孫葍岑交以表墓之石請公居官政績與夫生死年月及世系子姓自有傳不具書特綜其死難本末揭之於阡俾後之覽者興起焉

右墓表黃達撰

葉公諱映樞字丙霞號蒼巖上海人父有聲明進士官都御史公

生而聰慧讀書立徹其奧義見古人貞風亮節輒擊節詠吟振衣起立欲置身其閒性剛遇事若不屑爲而纖微畢照年二十四成進士改庶吉士以註誤補國子博士遷戶部主事轉員外郎禮部祠祭司郎中康熙十五年權韻關吳逆倡亂粵閩應之韻南北路絕城孤無援公慷慨指畫相視險要與同官協力守城流民避賊者出穀收撫之民賴以安十七年提學陝西時秦人少學問公振刷作興文風道上二十四年授湖北糧道清積逋減耗羨事有不便者每與大吏動色力爭二十六年巡撫張某被論朝議以督撫同城不能察且湖廣內地無庸總督遂劾督而裁缺並裁督標兵楚兵素剽悍有夏逢龍者尤桀黠能以小信義結其伍軍中號曰

夏包子裁兵檄下所司發遣兵無所歸洶洶道路初用兵滇南時
軍領帑買鹽菜部以計簿不清徵如故督撫減標兵月糧以償至
是兵向巡撫柯某索之不得將爲亂逢龍招數十人會山中議事
公告巡撫曰若輩苦餒耳假兩月糧給之可使散歸就業不許武
昌同知某謂若輩敢爾不法亟遣役往捕其魁眾愈怒逢龍遂擁
眾入轅門露刃譟呼公急入白請好言慰之俟定徐思所以安輯
者巡撫出眾語不遜巡撫嘗曰若輩欲反耶眾曰反也奈何巡撫
退入眾逐之殺奴隸劫印綬巡撫逸去公冒刃前曰若何爲曰反
耳諭以 朝廷威德不應擁至閱馬場偪公從逆公瞋目叱之賊
奮刃前公欲奪刀自刎賊中振臂大呼曰殺好官不祥勒入署縱

兵環之公亟作書發使請援門閉邏者甚密又不得縋城出時巡撫已遁僚屬皆亡匿賊煽撫標兵招脅丁壯聲勢日振響應山谷公曰今惟有一死以報朝廷耳家人環泣曰如太夫人何公亦泣曰我所難者此耳顧其妻陳淑人曰今以付若因相持痛哭乘賊開郭門出汲陳淑人奉母易服從水溝遁出乃仰天歎曰吾今可以死矣遂繕遺疏北向九叩南向再拜升公座罵賊自刎未殊再刎張目良久而瞑賊大驚匍匐入拜歎而去時一僕先奉遺疏聞走僅一僕侍側賊急驅喪出署楚民素感德相扶以出渡江至蕪適與家人會事聞上震悼特贈工部右侍郎予祭葬錫蔭明年南巡子專迎道左御書忠節以證之專授荆門州知州

歷任廣州知府以註誤回籍雍正七年內閣纂修 聖祖實錄

上軫念死事臣子孫 特行引見長子專授鳳陽知府次子芳授

蔚州知州解職復改授員外郎孫鳳毛授內閣中書公爲文下筆

千言善詩與王阮亭李梅崖相倡和著有經世要言史鑰二種有

知人鑒若張曾慶范光宗顧昌祚馬如龍宮夢仁胡潤皆公門下

士也公生時都憲公方爲江西布政庭有楮久不花是年始花實

大逾常等故以映楮命名天之生公蓋不偶然也

論曰武昌變起倉猝諸僚迫不及持公獨從容盡節真所謂卒然

臨之而不驚者乎非學問素定於中何能不渝所守如是語云忠

孝不兩全公以身殉國事而能卒保其親何區畫之善也予少與

仲子芳同爲諸生特相契公之從孫棠與子僚壻嘗館於其家因得登公之堂今復與公之孫鳳毛同官京師故知公最詳謹述所聞以俟 國史之採擇焉

右傳曹一士撰

葉映樞字丙霞江南上海人順治十八年進士選庶吉士改國子監博士遷戶部主事出權稅江西復視學陝西並著廉明聲旋擢湖北糧儲道參政署布政使事武昌督標裁兵夏逢龍以索餉聚眾倡亂逐巡撫時康熙二十七年五月二十二日也映樞聞變往挺身當之賊以其素得人望擁至營願戴爲巡撫不可賊露白刃脅之度不能脫給以歸署治文書爲期約且戒毋焚掠聽士民逃

竄三日後當從所請賊喜圍稍解映樞歸署閉門夜令其妻奉母
吳氏率臧獲數人覓小舟潛渡乃刺血草疏并封識印信遣人閒
道詣京師告急遂朝服北面稽首出所佩刀自裁血盈几案聞及
期賊登堂來迎見映樞已死猶危坐不仆駭汗羅拜於地事 聞
議卹 贈通政使司通政使加 贈工部侍郎廕一子諡忠節立
祠以祀 御書丹心炳冊四字扁賜之雍正八年 世宗憲皇帝
錄忠臣後 特授其子萼鳳陽知府芳蔚州知州孫鳳毛內閣中
書同日擢用人以爲榮

右傳王鳴盛撰

宣德仁 隨光啟等

宣德仁浙江諸暨人順治八年武舉人任長淮衛守備長淮屯地被占丁缺楮德仁詳請丈地得四百餘頃康熙八年擢山西掌印都司大同饑白巡撫各捐俸賑之後補湖廣掌印都司二十七年二月裁湖廣總督標兵五月裁兵夏逢龍糾眾倡亂突入巡撫署傷撫臣柯永昇臂奪其印永昇乘間自縊圍署布政使葉映樞署迫授僞職映樞繕遺疏拔佩刀自刎永昇映樞詳見大臣傳賊遂據武昌城脅德仁從時大兵未集德仁度力不支歎曰不能殲滅醜類惟以死報國耳遂自縊家屬盡被賊掠事 聞部議贈參將廕守備 詔從優贈副將賊四出剽略永州錦田衛守備隨光啟

嬰城守力竭死之官兵追勦賊敗遁回武昌湖廣提督徐治都率
大兵駐金口水陸督戰斬首數千級賊驚潰偽總兵胡耀乾乃斬
守城僞軍師出降遂復武昌永定營中軍守備孟秦鏖戰金口中
殲殄事 聞 詔贈秦遊擊陸一子以衛千總用餘卹如例光啟
直隸天津人秦山東商河人康熙六年武進士

右 國史館本傳

李國俊

康熙二十七年武昌裁湖廣總督員缺標兵截日罷餉於是洶聚謀變夏逢龍爲魁五月二十二日黎明入撫署奪 敕印自稱總統兵馬大元帥挾諸官迫以僞職守備李國俊詭附賊謀內應猝未有以得當逢龍以千總胡耀乾爲僞總兵使守省城而自將曉銳渡漢陽犯德安連陷黃陂孝感雲夢圍應城遣死士夜半梯城國俊在賊營懼城中不知也甫及半遠鳴鉦大呼城中驚起擊敗之逢龍遁還武昌國俊密約武昌守備胡定海內應書誤送胡耀乾所耀乾以兵出迓將執之國俊覺而東走與追者轉戰至樊口死之

右記魏源撰

烏丹

烏丹滿洲正黃旗人姓納喇葉赫貝勒錦台什之曾孫也 聖祖
仁皇帝康熙十一年以一等侍衛同學士郭廷祚往視淮安河工
決口繪圖還奏 詔河臣於宿遷至清河舊隄外增築遙隄以防
衝溢十三年順承郡王勒爾錦統師湖廣討逆藩吳三桂烏丹奉
使軍中宣 諭機宜旋以陝西提督王輔臣叛附三桂 上命烏
丹署副都統領兵駐守太原旋 命署建威將軍移兵潼關至卽
遣兵勦平華州商州諸賊十五年隨大將軍圖海征平涼賊踞城
北虎山墩聯聲援通餉運烏丹督兵奮擊大創賊眾遂奪虎山墩
俯攻平涼城輔臣惶懼乞降烏丹率數騎入城安撫降眾十七年

投護軍統領時漢中興安尙爲三桂賊黨所踞 詔圖海進征以
烏丹參贊軍務尋分兵擊敗賊眾於牛頭山及香泉等處是年十
二月圖海入 覲烏丹奉 命仍佩建威將軍印暫統大兵十八
年九月 諭烏丹曰爾在朕左右有年稔知朕意應勇果任事參
贊大將軍機宜以立功勳十月圖海統師至鎮安縣偵知賊在梁
河關烏丹繼將軍佛尼埒後進擊與偽總兵王遇隆戰於火神崖
敗之渡乾玉河奪梁河關乘勝追勦恢復興安 上命圖海還駐
鳳翔烏丹仍以建威將軍分統大兵繼將軍王進寶之後征四川
烏丹疏請 敕西安甘肅兩巡撫速趣軍餉至略陽俾克乘時進
取 詔如所請十九年正月烏丹先遣兵斷賊餉道自與王進寶

擊賊於蟠龍山錦屏山諸處大破之遂趨保甯奪浮橋斬關入城
生擒僞將軍吳之茂張起鳳僞總兵郭天眷等保甯平時勇略將
軍趙良棟亦復成都烏丹與王進寶佛尼埒先行招降順慶重慶
佛尼埒先行招降順慶僞知府彭天壽等烏丹率兵至重慶僞將
軍楊來嘉彭時亨僞總兵路之嵩江有倉等迎降於是達州東鄉
太平新甯南江安岳諸州縣悉定旋奉 詔取瀘州與趙良棟會
兵進雲南七月良棟疏請 敕烏丹速滅永甯賊寇乘勝趨雲南
上諭曰烏丹往取瀘州行及一月何故猶未渡江其速令取瀘州
剷除犯永甯諸處賊寇八月烏丹同佛尼埒領兵攻豹子山瀘州
賊渡江遁令前鋒參領博爾等擊之擒斬及溺死者無算十月良

棟劾烏丹擁重兵二萬不急赴援致永甯再陷仁懷失守得旨
成都去永甯不過七八百里烏丹不急赴援遲至六十餘日貽誤
殊甚以宣威將軍鄂克濟哈統其兵進征烏丹解將軍任還漢中
隨大將軍圖海鎮守二十一年還京議政王大臣等追論遲援永
甯罪革護軍統領及佐領尋投爲三等侍衛兼佐領二十九年七
月喀爾喀扎薩克台吉額爾克阿海等率千餘人作亂而噶爾丹
亦犯邊掠烏珠穆沁上命豫親王福全征噶爾丹以烏丹隨師
至烏蘭布通擊敗賊眾噶爾丹竄遁裕親王遣烏丹同參領色爾
濟博爾和岱往偵噶爾丹所在行數日知已遠去乃還途遇喀爾
喀賊眾劫掠烏丹與色爾濟博爾和岱並遇害議卹有差烏丹

賜祭葬如散秩大臣又視陣亡例 予雲騎尉世職以其子巴什
襲並 命巴什兼襲其叔父噶納海二等男爵 世宗憲皇帝雍
正二年以烏丹入祀昭忠祠

右 國史館本傳

UNIVERSITY OF MICHIGAN

III

173-532

佟國綱

佟國綱滿洲鑲黃旗人姓佟佳氏都統佟圖賴長子初隸漢軍管
佐領任一等待衛 聖祖仁皇帝康熙元年襲父三等子尋任內
大臣十四年察哈爾布爾尼作亂 上命撫遠大將軍信郡王鄂
扎統師討之授國綱安北將軍往鎮宣府賊平乃還十六年因佟
圖賴爲 孝康章皇后之父追 贈一等公以國綱襲二十年授鑲
黃旗漢軍都統二十二年充教習烏槍兵丁總管二十七年疏言
臣先世因在撫順倡率明人來歸故隸漢軍其初實係滿洲自蒙
太祖高皇帝諭令與佟佳氏之巴都哩蒙阿圖諸大臣考訂支派
敘明族譜今請仍歸滿洲事下部議以佟姓官職眾多應仍畱漢

軍見任國綱本支准改入滿洲是年鄂羅斯遣使費耀多羅等至
尼布楚請定邊界 上命國綱同內大臣索額圖等往議既抵色
梭額固噶爾丹侵掠喀爾喀 召還令遣人曉諭費耀多羅等緩
期得其覆書奏 聞明年四月同索額圖等往尼布楚定議以額
爾固納河及格爾必齊河爲界立碑垂示久遠二十九年七月
命撫遠大將軍裕親王福全征噶爾丹以國綱參贊軍務八月朔
師次烏蘭布通噶爾丹於隔岸林中臥駝於前而兵伏其後國綱
率兵奮勇進擊賊突發烏槍國綱中創遂歿於陣櫬至京 命皇
子及內大臣侍衛迎奠茶酒及將葬 諭領侍衛內大臣曰佟國
綱爲國效力忽爾陣亡每一思之痛不能已必須一視其喪朕心

庶幾少慰國綱弟國維及諸臣叩阻再三乃命諸皇子及上三旗大臣侍衛部院大臣皆往送賜祭葬如典禮諡忠勇以長子鄂倫岱襲一等公其陣亡所得之騎都尉又一雲騎尉世職以第三子今岱襲世宗憲皇帝時贈國綱太傅入祀昭忠祠並敕立家廟

右 國史館本傳

佟國綱滿洲鑲黃旗人祖養正太祖天命四年由撫順來歸六年從征遼陽以功投遊擊世襲駐朝鮮界之鎮江城其年七月中軍陳萬策潛通明將毛文龍令別堡民詐稱兵至大譟城中驚擾萬策乘亂執養正殺其子豐年及從者六十人以叛養正不屈被

害雍正元年 贈太師追 封一等公諡忠烈父圖賴一名盛年
襲遊擊以軍功累加世職至三等精奇尼哈番官至兵部承政定
南將軍固山額真以太子太保致仕卒諡勤襄圖賴生 孝康章
皇后康熙十六年推恩外戚追 封一等公雍正元年 贈太師
國綱其長子也狀魁梧善騎射初任一等侍衛襲三等精奇尼哈
番擢正藍旗漢軍都統襲父爵一等公投內大臣都統如故吳三
桂之謀逆也其子應熊在都下立紅巾爲號約日起事爲內應事
覺 命國綱統禁軍捕之應熊伏誅康熙十四年察哈爾布爾尼
叛山西駐防蒙古多叛逃出口者以國綱爲安北將軍鎮宣府旣
至鎮宣布 聖諭整飭邊防人心帖然恃以爲安察哈爾平 召

還京仍以內大臣兼鑲黃旗漢軍都統時議設漢軍火器營復

命統之因定連環木柵之法以教練馬二十七年五月與領侍衛
內大臣索額圖理藩院尙書阿爾尼等使鄂羅斯議立疆界事軍
出瀚海會厄魯特與喀爾喀構兵道阻乃 召還明年春復出塞
抵色冷江秋七月及鄂羅斯使臣費陶多爾等會於雅克薩城下
遣人往返議久不決國綱語同事者曰彼倚長江之險且秋草易
枯我軍難留故遲時日以要我也如示遠人以誠身履其地彼計
沮矣卽日屯諸軍山上從輕騎渡江以要之使臣色動猶以未請
命爲辭國綱從容示之曰我 皇上體天地好生之心懷及爾國
息兵便民俾各安業汝國亦仰體 聖意乃乞重望大臣能任事

者分立疆界爲萬世永安計今彈丸黑子之地不敢自尊必待請而後行是萬里奔命窮年無已時也使臣見其詞嚴正不可奪卒如命立疆界振旅而還二十九年厄魯特犯邊上命和碩裕親王福全爲撫遠大將軍國綱以內大臣參贊軍務率火器營爲前鋒厄魯特聞大軍至遣人詭稱議和潛偵虛實國綱詣中軍曰彼以款我也兵法無約而請和者謂之謀賊情叵信必速戰遂定戰期八月己未朔大軍列陣而前賊於烏蘭布通縛駝結陣以待國綱謂其部下曰今日正男子報國揚名之秋我與若父子兄弟也我不敢愛身而先之爾暫其勉旃遂先登摧其駝陣賊逃入林中國綱麾兵獨進大破其眾國綱中烏槍歿於陣是夕厄魯特不

能軍翼日遁去 聖祖聞國綱蕩震悼輟朝遣內大臣賜金五千
兩暨鞍馬機還之日 敕諸皇子郊迎復 諭曰舅舅社稷重臣
爲國捐軀朕甚愍焉將親臨弔奠國綱子孫族人詣闕固辭乃止
賜祭四壇諡曰忠勇 御製碑文立於墓道其略曰爾賦性貞純
秉心淵塞親居元舅而敬以持身位列上公而謙能服物入則虔
共宿衛出則筦領禁軍迺者小醜構爭近徇邊圉三軍聲討簡佐
元戎屬賊鋒之旣挫將棄壘以潛奔爾猶擐甲直前提戈獨進銳
志彌堅金石壯氣逾薄虹霓誓埽陸梁永清朔漠豈期上將遽殞
師中夫爾以肺腑之親心膂之寄秩崇望峻勞久勳高假令偕眾
旋軍亦可從容奏凱而乃義存奮激甘蹈艱危人盡如斯寇奚足

殄惟忠生勇爾實兼之其見褒美如此長子鄂倫岱襲一等公

詔別賜拜他拉布勒哈番加一拖沙喇哈番令其第三子夸岱襲
馬雍正元年 敕立家廟加 贈國綱太傅鄂倫岱仕至領侍衛
內大臣緣事正法以夸岱襲一等公卒子那謨圖襲鄂倫岱子補
熙漕運總督介福經筵講官禮部左侍郎兼翰林院掌院學士初
養正之來歸也例入漢軍康熙二十七年國綱上疏言臣家本係
滿洲臣高祖達爾哈齊貿易邊境明人誘入開原比 太祖高皇
帝遣使入明臣叔祖佟養性備述家世求使者代表奏即蒙 太祖
諭云朕福金佟佳氏塔木巴顏之女爾佟姓兄弟分散入漢之故
朕知之久矣及大兵克撫順將臣族人居佛阿拉之地不加差使

臣叔祖得尙宗女 賜號施武里額駙令與佟佳氏之巴都里孟
阿圖諸大臣考訂支派敘爲兄弟臣家族籍旣明請 賜改隸滿
洲而同時正白旗漢軍內大臣和碩額駙華善亦疏言臣高祖布
哈原姓瓜爾佳氏明成化間授建州左衛都指揮僉事臣曾祖阿
爾松阿嘉靖間襲父職臣祖石翰移居遼東臨卒遺命諸子立功
以歸本國及 太祖高皇帝兵取廣甯臣父石廷柱開城門歸順
太祖見而喜曰此我國人也 特賜御用鞍馬 太宗文皇帝知
臣父本係滿洲故命爲滿洲甲兵額眞後又命爲統領漢軍額眞
累擢至一等伯臣家世實係滿洲事並下戶部戶部議將國綱華
善及族人改歸滿洲仍畱於漢軍旗下佟氏石氏二族文武官俱

雷見任其編審冊內改稱滿洲 詔從之其後 敕修 三朝國
史 聖祖仁皇帝親定滿洲功臣百一十五人國綱父圖賴及石
廷柱並與焉

右傳錢大昕撰

富成額 瑚琥等

富成額滿洲鑲藍旗人姓兀扎喇以護軍校從征湖廣茅麓山賊李來亨又從征察哈爾布爾尼授騎都尉擢護軍參領康熙二十九年隨撫遠大將軍裕親王福全征噶勒丹抵烏蘭布通賊據對河山岸富成額同護軍參領瑚琥率兵奮擊俱陣歿時參領阿立瑪口中槍參領兼佐領薩克星阿乳中槍護軍參領烏達禪胸中槍俱以創重死護軍參領紐赫們岱參領偏圖騎都尉署參領珠瑪拉主事署參領根泰護軍校署副參領八十佐領諸神保前鋒校阿哈齊署前鋒校拔布德護軍校格色赫色碩僧額薩弼哈文泰觀布阿爾泰德赫得雲騎尉署護軍校壯冒爾驍騎校鄂岱雲

騎尉英資護軍校色思泰同時戰歿議卹 詔贈富成額騎都尉
加一雲騎尉子傅忒襲瑚琥雲騎尉子費素祿襲阿立瑪雲騎尉
子雅圖襲薩克星阿雲騎尉子薩爾金襲烏達禪騎都尉加一雲
騎尉紐赫雲騎尉從子鍾新泰襲們岱雲騎尉從子根圖襲偏圖
雲騎尉子富隆阿襲珠瑪拉騎都尉加一雲騎尉子貳碩色襲根
泰雲騎尉子訥爾布襲八十雲騎尉子薩克新襲諸神保雲騎尉
孫謨絡渾襲阿哈齊雲騎尉從子都楞襲格色八品官子八十襲
赫色雲騎尉子保住襲碩僧額雲騎尉子伊瑪圖襲薩弼哈雲騎
尉子來住襲文泰雲騎尉從子烏爾散襲觀布阿爾泰俱雲騎尉
阿爾泰子八十六襲德赫得雲騎尉子博雅圖襲壯冒爾騎都尉

子眾神保襲鄂岱雲騎尉子索住襲英資騎都尉子常綬襲瑚琥
滿洲正紅旗人姓薩克達阿立瑪滿洲正黃旗人姓赫舍里薩克
星阿滿洲正紅旗包衣烏達禪滿洲正黃旗人姓伊爾根覺羅紐
赫滿洲正白旗人姓伊爾根覺羅們岱滿洲正黃旗人姓德都勒
偏圖滿洲正白旗人姓富察珠瑪拉蒙古鑲藍旗人姓薩拉圖根
泰滿洲鑲黃旗人姓郭絡羅八十滿洲正白旗人姓阿顏覺羅諸
神保蒙古人隸滿洲鑲藍旗姓博爾濟吉特阿哈齊拔布德俱蒙
古鑲藍旗人阿哈齊姓翁烏特拔布德姓把孫格色滿洲正黃旗
人赫色滿洲鑲黃旗人姓富察碩僧額薩彌哈俱滿洲正紅旗人
碩僧額姓納喇文泰滿洲鑲紅旗人姓甯古塔觀布滿洲正藍旗

人姓勒佳阿爾泰德赫得俱滿洲鑲藍旗人姓瓜勒佳壯冒爾滿洲正黃旗人姓佟佳鄂岱滿洲鑲黃旗人姓戴佳英資滿洲鑲紅旗人姓鄂卓色思泰滿洲鑲白旗人姓納喇拔布德贈襲無考觀布烏達禪襲無考色思泰後以子大學士查郎阿官 贈光祿大夫

右 國史館本傳

邁圖

邁圖滿洲正白旗人姓佟佳氏父烏進世居哈達 國初來歸任
典儀邁圖初任二等侍衛順治五年從征山東破賊首蔣靜剛於
鋸齒牙山巖十五年隨信郡王多尼征明桂王朱由榔至貴州連
破其將李成蛟於涼水井李定國於雙河口定國走魯噶立寨復
擊破之康熙十三年逆藩耿精忠叛邁圖隨康親王傑書征之授
行營總兵十四年大軍自仙居趨黃巖至半山嶺僞都督劉秉仁
糾眾萬餘拒邁圖偕副都統吉勒塔布等奮擊斬賊三千餘十五
年克建陽縣關廂敗僞總兵王姓三千餘眾十六年正月海逆鄭
錦僞總督趙得勝僞將軍何祐等擁眾四萬據興化於城西北太

平山屯營二十六伏賊萬餘於白茅山爲援邁圖隨甯海將軍拉哈達先攻其伏賊敗追至太平山盡破其營斬得勝於陣復興化祐退踞泉州二月進擊拔之賊敗遁十七年隨平南將軍賚塔擊鄭逆僞將軍劉國軒吳淑等於蜈蚣山拔其營七復長泰縣二十五年正月授正白旗蒙古副都統兼佐領五月敘功授雲騎尉二十九年六月署前鋒統領八月隨裕親王福全勦厄魯特噶爾丹於烏蘭布通陣歿部議給祭葬如例 特命加祭一次諡忠毅子瑪喇襲雲騎尉三十年追敘邁圖功加世職爲三等輕車都尉

右 國史館本傳

格斯泰

格斯泰滿洲鑲白旗人姓瓜爾佳氏先世居瓦爾喀父赫勒 太祖高皇帝時隨其叔祖斡珠率族來歸斡珠任佐領赫勒任驍騎校 太宗文皇帝崇德三年睿親王多爾袞統師征明由青山口入邊越燕京攻獻縣赫勒樹雲梯先登克其城六年襲管佐領事 七年隨饒餘貝勒阿巴泰征明白薊州南略至山東屢敗敵兵 世祖章皇帝順治元年豫親王多鐸追勦流賊李自成破潼關二年移師平河南江南赫勒並在事有功尋從端重親王博洛征浙江敗敵於嘉興城外四年彙敘軍功 予雲騎尉世襲罔替遇恩詔晉騎都尉尋卒長子格森襲職格斯泰赫勒次子也初爲睿

親王府一等護衛裁革未補尋充護軍校隨甯海大將軍伊勒德
勦海賊於浙江署前鋒侍衛順治十三年大軍由甯波乘舟趨定
海僞伯阮思僞總制陳六御等率眾三萬列二百餘艦於衡水洋
格斯泰率眾擊卻之諸軍並進斬阮思陳六御等遂定舟山格斯
泰得頭等功牌二 聖祖仁皇帝康熙二十年隨都統瑪奇討逆
孽吳世璠由廣西進征敗賊於石門坎黃草壩攻克雲南城凱旋
擢前鋒參領兼管佐領二十九年七月 命裕親王福全爲撫遠
大將軍征噶爾丹內大臣佟國綱前鋒統領邁圖等爲參贊格斯
泰隨征八月朔師至烏蘭布通噶爾丹於隔岸樹林中驅臥駝爲
營伏兵其後佟國綱率兵進擊中槍歿格斯泰直入賊營左右衝

擊賊莫敢當出而復入者再諸將士由山腰繞賊後擊之潰遁格
斯泰乘勝窮追爲河岸渾泥所阻賊眾掩至格斯泰力戰與邁圖
及護軍參領赫色巴錫巴雅爾瑪岱營總韓大任前鋒校珠旺勒
等皆歿於陣議卹有差 賜格斯泰祭葬如副都統例初大兵將
出征時 上賜護軍參領等人各一馬前鋒參領未預格斯泰請
給 命自往上駟院選擇馬有白鼻者格斯泰願得之或言此馬
固雄駿然白鼻自古所忌恐不宜用格斯泰曰效命疆場吾夙願
也何忌焉遂乘馬行至是裕親王奏言與賊戰時親見一將乘白
鼻馬三入敵陣眾皆識爲格斯泰也觀至京 遣侍衛奠茶酒部
議于雲騎尉世職 上曰格斯泰效力年久勞績顯著再予一雲

騎尉合併爲騎都尉以其子幹珠罕襲後以襲次滿停襲今上
乾隆十五年詔覈八旗世職之以死事卹敘而襲次已滿者
特予恩騎尉世襲罔替復以格斯泰之曾孫英福襲

右 國史館本傳

葛思特滿洲鑲白旗人姓瓜爾佳氏世居瓦爾喀父赫勒以戰功
爵至三等輕車都尉葛思特初任一等護衛坐事降四級順治十
一年命甯海大將軍宜爾德征浙江海寇諸大臣各舉從征將
校葛思特以東四旗大臣薦授前鋒侍衛率水師至舟山僞英毅
伯阮思以船百艘布列海面葛思特率本旗兵擊破之思遁走僞
總制陳六御率船二百來犯又敗之逆藩吳三桂反於滇與都統

瑪奇由廣西進勦連破石門坎黃草壩遂抵雲南城下三桂死孫世璠窮蹙自到支黨皆伏誅賊平擢前鋒參領兼管佐領康熙二十九年從撫遠大將軍裕親王福全征厄魯特噶爾丹時有旨賜從征護軍參領等人馬一匹前鋒參領未與葛思特獨奏懇願得良馬效力 詔自往上駟院選擇得白鼻馬一匹或言此馬誠駿然白鼻妨主恐不宜用葛思特曰吾方欲效命疆場但取其駿無所忌也八月與賊戰烏蘭布通葛思特首陷陣再出復入左翼兵從之賊披靡葛思特竟歿於陣師旋裕親王奏言戰時親見一將騎白鼻馬者三入敵陣眾皆識之曰前鋒參領葛思特也其忠勇實爲難得 聖祖仁皇帝嘉歎喪至京遣侍衛奠酒給全葬

贈副都統授騎都尉世職以其子甘珠漢襲

右傳王鳴盛撰

韓大任

韓大任歸降入 覲時 仁皇帝以其爲吳逆將因畱爲內務府
包衣參領後隨佟忠毅公國綱征噶爾丹官兵已致勝而伏賊猝
發忠毅公殉於陣大任驚曰吾聞臨陣失帥兵家大罪吾以叛逆
之黨久合誅戮蒙 上恩不死得延殘喘已十載矣今豈可坐必
死之律白頭脫帽身膺徽纆復對獄吏乎以此殘軀貽芳後世可
也因以花布帕首馳入賊陣手刃數十人然後致命

右錄宗室昭棟撰

按佟忠毅公據
史係佟公邁圖

國

--	--	--	--	--	--	--	--	--	--

173-556

噶林 六十等

噶林滿洲鑲藍旗人姓佟佳康熙三十五年以右衛護軍參領從
撫遠大將軍費揚古出西路征噶勒丹抵圖拉時噶勒丹踞巴顏
烏蘭聞大兵至遁歸特呼勒洛費揚古道兵邀擊列陣昭莫多東
倚山西沿河分三隊以待右衛兵在西隊賊眾大至三隊奮勇合
擊噶林率右衛兵爭先陷陣力戰死右衛護軍校六十矢貫顙門
傷重死右衛前鋒薩達喀爾扣鄂佛和眾神保法寶色楞敦柱
雅隆阿尼滿防守銜花色護軍校貝和諾披甲來色范朝儼彰柱
李尙林雅爾吉代同時死議卹 詔贈噶林六十俱雲騎尉噶林
子納林襲六十子富海襲薩達喀爾扣俱 贈五品官鄂佛和

贈六品官眾神保法寶色楞敦柱雅隆阿尼滿貝和諾俱 贈七品
官來色范朝儼彰柱李尙林雅爾吉代俱 贈八品官薩達喀子
干柱鄂佛和子舒魯泰眾神保子伯爾屯法寶子倭和雅隆阿子
滿成貝和諾子達色來色子構色范朝儼子希選彰柱子額勒木
圖雅爾吉代子索什米俱如所 贈官食俸六十滿洲正黃旗人
姓富察薩達喀滿洲鑲黃旗人哈爾扣滿洲正白旗人鄂佛和滿
洲正黃旗人眾神保法寶俱滿洲鑲白旗人眾神保姓納喇色楞
敦柱蒙古鑲藍旗人姓齊默特雅隆阿滿洲鑲黃旗人姓瓜勒佳
尼滿滿洲正白旗人花色蒙古鑲黃旗人貝和諾滿洲鑲白旗人
姓崇果來色滿洲鑲紅旗人姓黃佳范朝儼正黃旗漢軍彰柱蒙

古鑲白旗人姓車莫忒李尙林鑲藍旗漢軍雅爾吉代蒙古正黃旗人姓洪郭爾哈爾扣色楞敦柱尼滿花色李尙林襲無考

右 國史館本傳

四庫全書

--	--	--	--	--	--	--	--	--	--

長武 務達禪等

長武滿洲鑲黃旗人姓舒穆祿康熙三十五年大兵三路征噶勒丹長武以護軍參領從撫遠大將軍費揚古由歸化城出西路抵圖拉費揚古遣輕騎先往挑戰列陣昭莫多以待賊萬餘掩至長武衝鋒殺賊陣歿前鋒參領務達禪護軍參領博隆塔特護軍參領署前鋒侍衛誇代二等侍衛哲勒爾德前鋒校觀泰護軍校揚舒雅蘭泰隆柱索倫前鋒瑪蘭泰克什護軍老格哈什庫覺和托託達海安濟布奚特諾卓爾賀卓拉虎瑪納哈長舒法寶色特里敦拜托拜和倫泰靠山傅桑阿眞武保會達兆柱阿蘭泰薩蘭泰花色同時戰歿方大兵之挑戰也前鋒觀西率兵誘至昭莫多我

兵奮擊人殊死戰賊大敗觀西陣亡議卹 詔給長武雲騎尉世職子舒斌襲務達禪騎都尉子三達色襲博隆塔特誇代哲勒爾德觀泰揚舒雅蘭泰隆柱索倫俱雲騎尉誇代子薩穆哈襲哲勒爾德子巴什襲觀泰從子圖克善襲揚舒子常興襲雅蘭泰子布蘭泰襲隆柱子隆安襲索倫弟觀保住襲瑪蘭泰克什老格哈什庫覺和托託達海安濟布奚特諾卓爾賀卓拉虎瑪納哈長舒法寶色特里敦拜托拜和倫泰靠山傅桑阿眞武保會達兆柱阿蘭泰薩蘭泰花色觀西俱 贈七品官克什子克什類老格子百歲哈什庫子喀泰覺和托子達蘭泰託達海子什圖安濟布子和善奚特諾子瑪爾漢瑪納哈子巴第長舒子保住法寶子伊薩布色

特里子七十九敦拜子綽奇托拜子大碩色靠山子三格傅桑阿
子瑪什泰眞武保子赫色會達子會寶兆柱子道甯阿蘭泰孫富
蘭泰薩蘭泰子七十三花色子七十三俱食七品俸務達禪滿洲
正黃旗人博隆塔特蒙古鑲藍旗人姓鄂理克誇代滿洲正白旗
人姓納喇哲勒爾德滿洲正白旗人姓巴雅拉觀泰滿洲鑲白旗
人姓扎庫塔揚舒滿洲鑲黃旗人姓瓜勒佳雅蘭泰滿洲正紅旗
人姓卦爾察隆柱滿洲正藍旗人姓郭絡羅索倫滿洲鑲藍旗人
姓查魯察瑪蘭泰滿洲鑲黃旗人克什蒙古正黃旗人姓翁牛特
老格滿洲鑲黃旗人姓伊拉里哈什庫滿洲鑲黃旗人覺和托滿
洲鑲黃旗人姓瓜勒佳託達海安濟布奚特諾卓爾賀卓拉虎俱

滿洲正白旗人卓爾賀姓查喇瑪納哈長舒俱滿洲鑲白旗人法
寶滿洲正紅旗人色特里滿洲鑲紅旗人姓馬佳敦拜托拜和倫
泰靠山俱滿洲鑲紅旗人敦拜姓博赫里和倫泰姓兀扎喇靠山
姓富察傅桑阿眞武保俱滿洲正藍旗人傅桑阿姓富察會達兆
柱阿蘭泰薩蘭泰俱滿洲鑲藍旗人花色蒙古鑲白旗人觀西滿
洲鑲白旗人姓瓜勒佳觀西無嗣停襲博隆塔特瑪蘭泰卓爾賀
卓拉虎和倫泰襲俱無考

右 國史館本傳

國朝耆獻類徵初編卷三百四十六目錄

忠義十六

道禪 馮第等

閻福玉

王起雲 羅洪勳等

額稜特

康泰 弟海

諾里爾達 璜古等

陳紀範 馮瑋等

司九經 紀法等

歐陽凱 陳元等

游崇功 蔡章琦

李茂吉

姬登第 王大勳等

劉洪度 劉鎮寶等

蘇世爵 劉雄等

李文仲 王承文等

賽枝大

劉崐 馬秉倫等

徐宗仁 劉貴才等

冷格 邦烏禮等

黃成美 朱自植等

查弼納

素圖

國朝通志類編初編 卷三百四十一

--	--	--	--	--	--	--	--	--	--

國朝耆獻類徵初編卷三百四十六

通奉大夫前署江西巡撫江西布政使司布政使湘陰李桓輯

忠義十六

道禪 瑪第等

道禪滿洲鑲黃旗人姓戴佳初爲王府長史康熙中厄魯特噶勒丹犯喀爾喀上命中外備兵道禪請從軍三十五年大兵三路進剿道禪奉 敕往諭噶勒丹先是三十一年員外郎瑪第奉使策妄阿喇布坦爲噶勒丹掠執不屈死至是賊復誘降道禪抗聲罵賊死同時佐領阿喇納陣亡於烏魯木蘇驍騎校劉之玉瑪齊龍陣亡於襄金又有一等輕車都尉介石敗賊於昭莫多受重傷

議敘加一雲騎尉旋創發歿先是征噶勒丹陣亡者二十七年有
八品筆帖式瑚善戰歿於烏勒輝河二十九年戰歿於烏蘭布通
者有驍騎校格綳額護軍校老格色巴朗廢員從征之伍齡阿寶
住卓爾敦寶石第勒球金布先後事 聞 詔贈道禪雲騎尉子
那蘇圖襲後以那蘇圖官 贈尙書瑪第蒙古鑲紅旗人姓烏爾
杭阿 贈雲騎尉子金周襲阿喇納蒙古鑲藍旗人姓烏努古秦
贈雲騎尉劉之玉正藍旗漢軍瑪齊龍滿洲正藍旗人介石滿洲
正藍旗人姓秦楚魯初襲父綽和納二等輕車都尉康熙十七年
從征雲南有功授一等輕車都尉歿後 贈三等男子卓鼐襲瑚
善滿洲鑲紅旗人姓瓜勒佳 贈雲騎尉子瑚爾啟襲格綳額滿

洲正黃旗人姓查庫塔老格色滿洲正藍旗人巴朗蒙古正藍旗人伍齡阿滿洲正白旗人姓棟鄂父巴都以軍功授二等輕車都尉征福建陣亡 贈一等輕車都尉又一雲騎尉伍齡阿襲兼任三等待衛寶住卓爾敦寶石第勒球金布俱滿洲正白旗人寶住姓他塔喇卓爾敦姓穆爾察原任員外郎寶石原任一等待衛第勒球姓托和絡原任護軍校

右 國史館本傳

閻福玉

康熙五十二年五月禮部奏黃巖守備管遊擊事閻福玉與海賊
交戰陣亡業已蒙恩賜卹 贈參將職銜又廕子弟一人以守備
用其給予祭葬相應停止 上曰閻福玉係登州人朕曾召見人
材壯健戰時爲賊所傷血流滿面謂眾曰此卽報主之處也奮勇
前入手刃十餘人力戰而亡此係與伊交戰賊人所說宜優加恩
卹以示鼓勵著給予祭葬

右東華錄王先謙編

RESEARCH AND ANALYSIS DIVISION

111

173-572

王起雲 羅洪勳等

王起雲陝西涇州人以隨征臺灣有功授四川川北鎮標右營遊擊康熙五十三年擢廣西新太營參將時猺倡亂由左江犯萬承州掠村堡起雲勦之乘勝窮追賊返關援不至起雲手殺數賊中槍歿親丁樊周陳化義營兵周勝等二十二人俱陣亡其先後殉節廣西者十三年有土官羅洪勳當吳逆滇南倡亂粵西多從賊洪勳竭力抵禦被執不屈死三十六年有大峒司巡檢余鏤當土賊楊彪聚眾肆掠由岑溪連城劫容縣鏤奮勇進勦手刃四賊賊僞遁追至岑溪六告山遇伏死四十年有廣東鎮標把總陳溥時里八峒猺爲亂官兵將進勦先遣溥往撫諭賊抗命溥挺身擊之

遇害四十二年有左江鎮標把總雷啟明隨桂林協副將王國用
剿逆苗啟明入山搜捕苗猝起環攻啟明陣亡五十七年有梧州
協把總劉楚賊劫岑溪楚聞警偕百總劉得勝往捕楚中槍歿得
勝及從役聶義亦戰死先後事 聞 詔贈起雲副將餘卹如例
鑲浙江紹興人溥福建人啟明湖廣襄陽人楚河南人

右 國史館本傳

額稜特

額稜特滿洲鑲紅旗人姓科奇哩氏建威將軍佛尼埒子也 聖祖仁皇帝康熙二十一年佛尼埒卒於官四川總督哈占奏言佛尼埒家貧不能還京請以其子額稜特畱西安效用部議不許得旨自逆賊擾亂四川以來佛尼埒勤勞軍事其子額稜特准畱西安補用二十三年補西安駐防佐領三十年厄魯特巴圖爾額爾克濟農劫掠喀爾喀扎薩克丹津部眾 上遣將軍尼雅翰率師往宣 詔旨令還所掠人畜率部眾徙居察哈爾地巴圖爾額爾克濟農不從以其眾奔竄額稜特隨大軍追之不及所擒獲蒙古二人復隨將軍郎坦赴克錫圖額稜特出嘉峪關追獲蒙古七人

三十五年 上親征噶爾丹額稜特隨大將軍伯費揚古由西路進大敗賊眾於昭莫多以功 予雲騎尉世職擢西安協領四十二年 駕幸西安 閱武設宴 特召額稜特近 御座前 親賜之飲 諭曰爾父宣力行間爾亦由兵丁效力以至協領故親賜飲以示異於眾尋遷西安副都統調荊州副都統四十九年 特授湖廣提督 上復念額稜特奉職清貧 詔湖廣總督巡撫等量爲資助五十二年川陝總督殷秦以病乞解任 上嘉其清潔自持合在任調治久而未愈乃以湖廣總督鄂海調補川陝而授額稜特爲湖廣總督 諭大學士等曰額稜特殷秦皆朕特用之人也初用時人不知其善後乃稱朕有知人之明時江蘇巡撫

張伯行亦以廉潔著 諭廷臣曰天下督撫惟額稜特與張伯行
操守最優耳旋奉 命與戶部郎中幹琿泰履勘湖南諸州縣廢
壤四萬六千一百餘頃疏請聽民墾闢酌於六年後科以下則下
部議行五十四年山西太原府知府趙鳳詔巧立稅規貪墨不職
額稜特奉 詔往勘得實疏言枉法受贓例應縲首鳳詔爲左都
御史趙申喬之子受恩深重法應加等擬監候斬罪九卿議改立
決鳳詔遂伏誅時厄魯特策妄阿拉布坦率賊眾犯哈密 上遣
尙書富甯安等調兵進剿尋駐防哈密遊擊潘志善等擊敗賊眾
策妄阿拉布坦遁走於是領兵大臣等定議先取烏梁海土魯番
諸部而後進征厄魯特五十五年閏三月 命額稜特署西安將

軍事同總督鄂海協理軍餉十月策妄阿拉布坦驅賊眾由噶順
汛界山後過沙拉執青海台吉羅卜藏丹濟布而遠遁 上慮賊
酋由噶斯口復犯青海乃 詔額稜特統重兵移駐西甯爲青海
諸部應援五十六年五月奉 諭往巴里坤與將軍富甯安會議
襲擊準噶爾邊界及畱後接應事宜十月富甯安以策妄阿拉布
坦令宰桑領賊眾由阿哩克路迤西潛去入告額稜特復奉 敕
回駐西甯 上遣侍衛諾爾布等至青海令諸台吉協力勦禦且
諭曰將軍額稜特方略過人凡有聞見其同心議行旣而青海親
王羅卜藏丹津以策妄阿拉布坦遣其屬策凌敦多布往掠西藏
欲滅拉藏汗疏報額稜特奉 命與內大臣策旺諾爾布統兵駐

守青海防歸途剽掠 上復敕西甯松潘各路備兵爲拉藏汗救
援 詔額稜特與青海王台吉等策議屯軍形勝之地額稜特疏
言西甯抵藏之路有三惟庫庫賽爾嶺及拜都嶺二路較珠爾肯
一路寬廣易行請與侍衛色稜分道進剿若賊眾一路拒敵則我
師別有閒道可以直入藏地攻其後尾若賊分路拒我其勢既分
亦無難於剪滅 上令額稜特與策旺諾爾布定議以行五十七
年四月偵知賊眾戕殺拉藏汗於布達喇城執汗子蘇爾咱而踞
地西藏人來歸者額稜特並爲安撫六月額稜特與侍衛色稜分
路進師額稜特率大軍自穆魯斯烏蘇起行至圖勒哈以皮船濟
河取道庫庫賽爾嶺七月抵齊諾郭勒乘夜侵我軍壘遣遊擊王

汝載等擊敗之次日賊復從東路分兵來犯額稜特親率弁兵緣山接戰自寅至巳賊潰遁追擊十餘里多所斬獲得 旨額稜特領兵頗少徑抵絕域奮勇直前建立膚功非尋常軍功可比事定後從優議敘尋聞賊首托布齊等以眾數千潛由喀喇烏蘇來拒我師額稜特率所部疾趨欲先渡河扼狼拉嶺之險禦賊比至喀喇烏蘇侍衛色稜等亦以兵來會併力進擊屢敗賊眾賊復聚眾數萬環集來攻額稜特領兵奮擊身被重創督戰益力與賊相持月餘至九月復厲兵進戰射殪賊眾無算矢盡持刀奮呼斫賊賊益兵圍額稜特中傷猶力戰遂歿於陣五十八年櫬還京 命親王及貝子公等迎至城外復 遣內大臣侍衛至其家奠茶酒雍

正元年 世宗憲皇帝特命敘功 予三等輕車都尉世職 賜
祭葬如典禮諡忠勇入祀昭忠祠子愛山襲職

右 國史館本傳

國朝文獻通考卷之...

--	--	--	--	--	--	--	--	--

康泰 弟海

康泰甘肅張掖人由甘肅提標行伍拔把總遷右營守備康熙三十
十五年擢遊擊時振武將軍孫思克奉命征噶爾丹追擊至昭
莫多泰隨思克率綠旗兵居中與東西二軍并力步戰自未至酉
奮力擊賊勢漸亂大兵乘騎而進大敗噶爾丹追奔三十餘里斬
級三千餘生擒百餘獲駝馬牛羊軍器無算捷奏至上命從優
議敘給雲騎尉世職准襲一次三十九年授鎮番城守營參將四
十年擢陝西西鳳協副將四十四年擢直隸宣化鎮總兵五十一
年授四川提督五十六年策妄阿喇布坦犯順將軍額倫特赴西
甯辦理軍務泰遣人密往青海偵探九月泰領松潘兵千餘人至

黃勝關柏水橋泰所信任守備汪文藻賸軍賞眾兵譟總兵路振揚馳往撫慰令眾兵回成都川陝總督鄂海以聞命泰來京五十七年二月議政大臣議革泰職交刑部治罪得旨康泰曾經戰陣著自備鞍馬赴軍前效力贖罪九月隨將軍額倫特進剿策妄阿喇布坦至喀喇烏蘇遇賊躍馬轉戰自辰至午矢集於臂泰叱子世顯拔矢裹創復戰力竭陣亡賜卹如例子世昌襲雲騎尉雍正三年追諡泰壯勇加贈署都督同知八年入祀昭忠祠泰弟海由把總隨思克進剿噶爾丹於昭莫多有功授守備歷遷至陝西涼州總兵康熙五十六年準噶爾擾西藏海以所巡南山一帶去大通河百餘里卽通青海西藏噶斯要路扁都口酸茨

河寬溝等處邊地險要並宜防守與督臣會商入奏 上允所請
五十七年海率本營兵從將軍額倫特進剿遇賊於喀喇烏蘇力
戰歿於陣追 贈雲騎尉准襲一次以子世輔襲雍正八年入祀
昭忠祠乾隆三十二年奉 上諭綠旗世職向無承襲罔替之例
第念官弁宣力效忠勳猷卓越國家延賞酬庸誼無歧視著詳查
國初以來凡有功冊可稽者分別等差列名具奏其見在承襲者
俟襲次滿日加恩賞給恩騎尉其襲次已滿者卽一體賞給並准其
世襲罔替部臣以康泰康海陣亡列奏請均 賞給世襲恩騎尉
三十五年以海曾孫永壽初次承襲五十年以泰曾孫莊初次承
襲

日本書紀卷之二十一

右 國史館本傳

諾里爾達 璜古等

諾里爾達滿洲鑲黃旗人姓墨爾哲勒康熙五十五年選侍衛十五名隨侍衛班領色楞進西藏諾里爾達以二等侍衛與選五十七年色楞與西安將軍額倫特分路進討厄魯特渡七汲河先抵喀喇烏蘇色楞未知額倫特消息遣諾里爾達往迎尋合兵時色楞倚小山爲營賊數萬猝至諾里爾達力戰陣歿佐領署參領璜古布大參領海禪藍翎侍衛南岱藍翎侍衛署前鋒章京查倫察理藩院主事巴爾賽驍騎校三都張雲龍同時戰歿於喀喇烏蘇領催博爾齊他特派守軍臺準噶爾奪我十八臺博爾齊他特被擒詢以內地虛實怒詈不屈賊毀其面目耳鼻罵益厲遂裂屍棄

之河又有西安駐防佐領布達阿巴達禮驍騎校赫圖防守禦克
什圖陽祿瑪起並戰歿於察漢鄂博領催委署前鋒侍衛恩西驍
騎校噶庫圖領催阿延圖戰歿於和博克薩里山藍翎侍衛達爾
底哈護軍校本祿常存委署章京務勒俱戰歿於索羅木議卹諾
里爾達 贈雲騎尉從子傅廷阿襲璜古雲騎尉布大騎都尉孫
阿玉璽襲南岱雲騎尉子希聖寶襲查倫察雲騎尉子那蘇圖襲
巴爾賽雲騎尉子觀成襲張雲龍雲騎尉孫廷儀襲阿巴達禮雲
騎尉赫圖雲騎尉子紀保襲克什圖雲騎尉子朝寶襲陽祿雲騎
尉子蘇楞太襲達爾底哈雲騎尉子查爾弼哈襲本祿雲騎尉弟
勒爾圖襲常存雲騎尉子德福襲務勒雲騎尉從子代明阿襲璜

古滿洲正藍旗人布大蒙古正白旗人姓阿里拉爾海禪滿洲鑲
紅旗人姓富察南岱滿洲正黃旗人姓顏扎查倫察滿洲正白旗
人巴爾賽滿洲鑲藍旗人姓瓜勒佳三都滿洲正紅旗人張雲龍
鑲藍旗漢軍博爾齊他特蒙古正黃旗人布達蒙古正白旗人阿
巴達禮滿洲正白旗人赫圖滿洲正藍旗人克什圖蒙古正藍旗
人陽祿滿洲正白旗人瑪起蒙古正白旗人恩西噶庫圖俱滿洲
正白旗人阿延圖滿洲正黃旗人達爾底哈滿洲正白旗人本祿
蒙古鑲白旗人姓烏里堪常存滿洲鑲黃旗人姓薩克達務勒滿
洲鑲紅旗人姓瓜勒佳璜古阿巴達禮襲無考海禪三都博爾齊
他特布達瑪起恩西噶庫圖阿延圖昭襲俱無考

右 國史館本傳

陳紀範 馮琇等

陳紀範漢軍鑲白旗人任陝西固原鎮西鳳協副將康熙五十七年從西安將軍額倫特征厄魯特策妄阿拉布坦由庫庫爾嶺抵喀喇烏蘇賊數萬猝至紀範與固原鎮參將馮琇陝西新城營遊擊郭麟廷綏鎮標右營遊擊郭遊麟領催署驍騎校孫繼盈俱從額倫特奮勇殺賊陣歿額倫特詳大臣傳同時駐防西安驍騎校黃世臣駐防莊浪鎮驍騎校丁法強賈國梁西甯上司李問彭西甯土官李可印並戰歿又有永昌協新城堡守備李蘭涼州鎮標守備周自伏西甯鎮碾伯營守備馬孝守備馬金梁李友甯鎮羌營千總陳國順西甯鎮北川營千總牛翼孔涼州鎮標左營千總

馬元右營把總魏成干總盧佐功古道聞黃金督標中營外委把
總石良宗督標前營外委把總溫天授西甯鎮標左營把總魏元
福右營把總袁忠孝前營把總陳紀後營把總□朝剛中營把總李
秀王進才邠州把總王寵錫把總張明並從涼州總兵康海戰喀
喇烏蘇陣歿康海詳大臣傳事 聞紀範等俱卹如例琇甘肅甯
夏人麟奉天遼陽人遊麟甘肅平涼人繼盈鑲紅旗漢軍世臣鑲
藍旗漢軍法強正紅旗漢軍國梁正黃旗漢軍蘭陝西鎮番衛人
自伏甘肅涼州人孝金梁俱甘肅西甯人友甯陝西莊浪人國順
甘肅涼州人翼孔甘肅甘州人元陝西臨洮人成甘肅肅州人佐
功道聞金俱甘肅西甯人良宗天授俱陝西長安人元福忠孝俱

甘肅西甯人紀甘肅靖遠衛人朝剛陝西臨洮人秀陝西鎮番人
進才甘肅甘州人寵錫甘肅靖遠人明陝西長安人

右 國史館本傳

司九經 紀法等

司九經甘肅甯夏人以涼州把總隨征昭莫多有功累擢直隸宣化總兵官罷歸康熙五十七年從征西藏戰歿於西海先九經而死者又有紀法紀法陝西隆德人康熙十四年以兵從勦叛鎮王輔臣右臂中槍猶揮刀殺賊拔外委旋擒賊首白結子於南山又克復靖遠秦州等處論功擢都司僉書管下古城堡守備事二十二年七月彝魯賊至臨水鹹灘盜黃番車仗駱駝法率騎追出邊中箭歿其死噶勒丹之亂者又有高天福張騰雲等天福甘肅張掖人任甘肅提標守備以招撫噶勒丹至哈密爲賊執脅降不屈支解以死事在康熙三十一年騰雲任遊擊隨撫遠大將軍費揚

古由西路征噶勒丹至昭莫多騰雲與把總張仲金俱戰歿同時
遊擊陳維屏千總劉進孝以卒五百畱守翁金軍餉賊窺餉伏眾
數萬於林中乘虛襲之維屏等奮勇迎擊三陷陣大敗賊維屏進
孝以傷重歿事在康熙三十五年其死羅刹之難者康熙三十五
年候補遊擊蘇耀從大兵往勦羅刹由恆滾過葫蘆河招撫甚眾
尋攻雅克薩城戰歿先後議卹 詔贈九經都督同知天福都司
僉書廕千總仲金廕千總維屏廕守備進孝廕千總耀廕守備餘
卹如例仲金甘肅甘州人維屏福建莆田人進孝甘肅甯夏人耀
福建泉州人騰雲籍無考

右 國史館本傳

歐陽凱 陳元等

歐陽凱福建漳浦人由行伍累官至江南蘇松水師營總兵康熙五十七年調福建臺灣鎮總兵功加左都督六十年臺灣南路岡山賊朱一貴作亂官軍遇賊於赤山千總陳元戰死賊進攻鳳山縣南路營把總林富戰死署守備馬定國自刎死凱率標下署守備胡忠義千總蔣子龍把總林彥禦之春牛埔都司僉書管北路參將事羅萬倉鎮標守備管左營遊擊事孫文元守府城時水師遊擊管副將事許雲署守備管遊擊事游崇功率水師協右營千總趙奇奉林文煌中營把總李茂吉破賊於春牛埔次日賊復大至凱奮勇拒戰與忠義子龍彥俱陣亡雲崇功奇奉文煌亦同歿

於陣茂吉被獲不屈死賊陷府治萬倉戰歿文元見勢不支奔鹿耳門投海死同死者遊擊王九人守備銜吳泰嵩又有汀州鎮標中營把總石琳奉差至臺灣遇變被圍死之六月大軍復府治一貴既誅餘黨黃殿等械送福州獄雍正元年二月賊乘閒破刑具斬關出至下渡尾督標署守備管中營都司僉書事閩威偕撫標署守備楊士虎捕之殺數賊被創死先後議卹凱 贈太子少保廕守備雲 贈參將廕守備仍給騎都尉世職萬倉 贈遊擊崇功 贈守備俱廕守備仍給雲騎尉世職文元 贈都司僉書廕守備定國忠義俱 贈守備廕衛千總富元子龍彥奇奉文煌茂吉琳俱廕衛千總威士虎俱 贈守備廕衛千總餘卹如例定國

忠義俱陝西人富福建長汀人元福建侯官人子龍彥俱福建閩縣人萬倉陝西人文元雲南人雲福建海澄人崇功福建漳浦人奇奉廣東人文煌福建侯官人茂吉福建漳浦人九人雲南文山人秦嵩湖北東湖人琳福建永定人威陝西人士虎籍無考

右 國史館本傳

看得臺灣土賊朱一貴等倡亂陷沒全臺武職自總兵官以下把總以上死事各員所處之地不同所以死者亦異臺協水師如副將許雲左營遊擊游崇功此身在水師事起陸路領兵救援鄰境而血戰捐軀者也如中營把總李茂吉則隨許副將救援力戰被執不屈罵賊而死者也如中營千總林文煌右營千總趙奇奉則

隨許副將救援在陣戰亡而文煌又與其弟文甲俱亡者也如汀州鎮中營把總石琳則帶領班兵到臺遭亂赴敵而力戰陣亡者也如北路營參將羅萬倉則鄰境寇來無城可據而血戰捐軀並其妻蔣氏守義自縊者也如臺鎮總兵官歐陽凱鎮標左營守備胡忠義中營千總蔣子龍把總林彥此倉猝禦敵在陣戰亡而左營千總陳元則先於赤山殺賊力戰身亡者也如南路營守備馬定國把總林富此身在地方變起倉猝而林富則在陣戰亡馬定國則戰敗自刎者也如鎮標左營遊擊孫文元則奔至鹿耳門赴海而死者也如南路營參將苗景龍則身在地方備禦無術蒼黃戰敗逃匿萬丹港漁廬三日賊執而殺之者也以上一十六員或

勇赴關而死於忠或寇臨境而死於義或事已壞而死於勢惟苗
參將稍滋口實餘皆捐軀報國不爲苟且偷生有殉封疆無虧
臣節職等研訊親屬證見人等其被害情形日月亦旣歷歷有據
並據各具供結前來實非影響傳會應請特疏題旌分別贈
秩優卹襲廕以慰海外幽魂作忠貞義烈之氣使千秋將士咸知
沙場馬革爲人生莫大之寵榮有功世教不淺矣

右看語藍鼎元代藍廷珍撰

游崇功 蔡章琦

游崇功字仲嘉福建漳浦人也幼喪母事父以孝聞兄尙功任湖廣辰州守備終廣東肇慶都司崇功材力雄健有遠志操行不苟年二十九從蔡老虎鎮襄陽老虎器之拔右營把總老虎亦漳浦人名元屢任總兵官以善戰爲敵所懼故海內稱蔡老虎云崇功旣得官益勵志節歷千總秩滿遷福建長福營右軍守備分防長樂縣縣濱海有磁澳爲賊艘出沒之區崇功廉得其狀以兵二百伏仙峽塘要口復率兵捕之賊棄舟登岸伏發擒十七人獲其舟自是島澳肅然癸巳夏長樂水災民艱食崇功憫焉躬之會城見巡撫覺羅滿保請發粟平糶許之卽遣往羅源轉粟回縣濟民食

邑人始安滿保以爲能比遷閩浙總督卽以調補臺灣北路營守備訓練兵眾輯和其民人諸羅俗健鬪動輒挺刃相加歲旱爭水如臨大敵崇功親爲和解均水道競者以平協修學宮建無祀壇凡勤民事多此類諸羅之人深德之三載瓜期遷海壇鎮右營遊擊海壇故多盜崇功巡緝外洋遇賊舟窮追力戰擒賊陳阿尾等六十餘人滿保益器之復題調臺灣水師左營遊擊康熙六十年辛丑夏四月臺灣土賊朱一貴作亂偏郡治崇功方巡哨北洋月之二十八日在笨港聞報以兵還赴安平次日則羣盜已大猖獗而文武守臣眷屬悉在舟中矣崇功曰官者兵民之望官眷登舟則兵民心散大事去矣急登岸赴敵其壻蔡章琦叩馬請一過

家門區處眷屬崇功厲聲曰吾此身已許 朝廷今日違知有家
哉躍馬麾眾竟去前後連戰殺賊甚多五月朔日黎明賊眾數萬
戰於春牛埔總兵官歐陽凱失利及副將許雲皆戰死崇功從容
無懼色突圍衝擊手刃百十人乘馬被創遂死焉時年六十及臺
平 朝廷贈秩廕子以旌其忠

蔡章琦字又韓游崇功子壻也其先浙江餘姚人隨父官湖廣之
穀城因家焉授例充太學生家中落以康熙五十九年攜孥渡海
就食崇功官舍章琦爲人慷慨有志節能爲詩崇功甚愛且敬之
朔日既暮聞崇功陣亡喟然嘆曰吾嘗讀聖賢書今日可不死哉
遂赴海而死

論曰游崇功歷官三十餘載未嘗營一畝之田數椽之屋以武職而勤民事所至有能名是不必待沙場馬革之日早知巍然志節丈夫矣蔡章琦太學諸生蹈海成仁洵無忝游家壻也同時北路參將羅萬倉戰死有妾蔣氏投繯完貞德盛化神之世士女皆知忠義立志節豈不偉歟余欲爲羅蔣立傳不能悉其家世里居及生平事蹟尙闕有待

右傳藍鼎元撰

李茂吉

李茂吉本姓江福建漳浦人也磊落不羈家素貧弗屑治生業與弟江尚皆從戎邊省將帥相沿懶更兵籍每召募入伍則指一空名畀之以故茂吉姓李而江尚兵名侯鵬皆不得姓本姓云茂吉由海壇鎮隊目以班渡臺屬水師副將許雲麾下雲一見大奇之康熙五十八年秋九月薦於鎮帥歐陽凱凱考驗材技出眾轉薦提督施世驃總督滿保授安平鎮中營把總茂吉不以官小自卑奉職甚力岸然有大志稍委靡事皆不爲朱一貴之亂茂吉自請於副將許雲乞一旅率弟侯鵬爲前驅殺賊時羣賊蜂擁徧郡郊雲聞警欲躬赴援遂以茂吉從四月晦日戰於萬壽亭茂吉虎吼

雷奔直入賊陣左衝右突所向莫能當賊退屯竿津林五月朔日復隨雲在春牛埔迎敵杜君英朱一貴合兵圍殺鎮帥歐陽凱死焉守備胡忠義千總蔣子龍把總林彥石琳皆戰死獨水師弁兵不少挫許雲游崇功自分必死率千總林文煌趙奇奉力戰茂吉奮刀大呼賊披靡僵尸布地自黎明戰至日中矢窮礮盡雲崇功文煌奇奉皆戰死茂吉亦力竭被擒矣賊擁之演武亭見渠魁戴穆茂吉挺立昂然穆怪其不跪叱之曰若兵耶茂吉曰官穆曰把總微官耳若壯士降當以汝爲將軍茂吉瞋目厲聲罵曰死賊我朝廷命官豈肯從汝作賊遺臭萬世耶舉足踢其案案翻奮力斷縛直前欲奪刀殺賊賊眾舉刀共斫之頭腦破裂尙痛罵不絕口

賊怒碎其屍時年三十九侯鵬被傷不死潛匿民間覓兄屍數日
不可得大師入鹿耳鵬隨軍殺賊徧訪諸埋屍所發視皆非遇與
茂吉同擒之舊兵蔡爵乃得其詳以茂吉妻許氏及三歲兒江忠
還漳浦總督滿保出帑金賞恤之拔侯鵬把總復姓名武明年奉
旨旌忠廕一子

論曰官以盡職爲榮李茂吉雖末弁萬戶侯安足道哉罵賊不屈
百世下凜凜如生常山睢陽當軼然孺子可教矣臺變殉難諸臣
惟茂吉最烈若許雲歐陽凱參將羅萬倉遊擊孫文元守備胡忠
義馬定國千總林文煌趙奇奉蔣子龍陳元把總林彥林富石琳
皆捐軀報國不爲苟且偷生欲一一爲之立傳惜乎末由知其生

平事蹟也

右傳藍鼎元撰

姬登第 王大勳等

姬登第直隸邢臺人由行伍游升陝西甯夏廣武營遊擊雍正元年青海羅卜藏丹津叛莊浪謝勒蘇番據卓子山碁子山作亂西甯加爾多寺諸番應之二年四川提督岳鍾琪往勦登第與紅德城守遊擊王大勳等從正月逆番攻石頭溝大勳率所部奮擊中流石死時西甯東北郭隆寺喇嘛與賊通大兵毀其寺戰死者督標左營千總李郁三月大兵至柴達木羅卜藏丹津以二百餘人遁四月鍾琪率諸將由西甯分路進勦卓子山等處興漢鎮守備張先志攻加爾多寺涼州鎮西把截堡守備王伏金攻碁子山肅州鎮標守備胡上才巡關西塘新城營守備李國祥駐兵新城堡

登第由西甯黃勝關擊賊於碁子山大捷乘勝至卓子山深入戰
歿先志至加爾多寺道險不可入率麾下十五人偵賊壘林中伏
賊突出矢盡力戰死伏金上才亦遇賊陣亡逆番攻新城堡國祥
死之方登第戰卓子山時千總傅瑾把總王谷弼從登第死瑾谷
弼死戰得脫後瑾以攻石門寺死谷弼以擊逆番班馬呀等死同
攻加爾多寺死者花馬池把總楊之連同攻碁子山死者莊浪營
把總陳昌同遇賊於關西等處戰死者駐防布隆吉爾千總施進
祿把總賀奉金又有三川營千總任斌以擊賊死於擺羊峒事平
議卹登第廕守備先志廕衛千總餘卹如例大勳甘肅甯夏人郁
先志俱陝西長安人先志康熙四十七年武舉人伏金陝西咸甯

人上才直隸易州人國祥陝西咸陽人瑾亦陝西人谷弼之連俱
甘肅甯夏人昌甘肅涼州人進祿甘肅肅州直隸州人奉金甘肅
涼州人斌甘肅西甯人

右 國史館本傳

圖書集成醫部全錄卷之六十一

二

劉洪度 劉鎮寶等

劉洪度湖北廣濟人任雲南石屏知州以進藏軍功晉威遠同知
雍正五年署鎮沅府事夷賊刀如珍叛乘洪度初至不及設備聚
眾劫抱母井夜入城焚官署洪度死之 詔贈知府廕一子入監
初烏蒙土府祿萬鍾結鎮雄土府隴慶侯爲亂萬鍾之叔鼎坤來
歸冀襲萬鍾職及官軍削平兩土府投鼎坤守備鼎坤失望其子
萬福謀叛八年八月圍烏蒙通判劉鎮寶知縣賽枝大教授李焜
等率眾守城會總兵劉起元握重兵不戰司獄陳天錫憤鎮將怯
懦知城必陷手刃其妻自刎於官署越兩日圍益急起元欲奔東
川率眾潰圍出被殺於荔枝河城陷鎮寶枝大巷戰殺賊數十被

執不屈死焜自列於學宮同時盡節者烏蒙府知事劉懋美魯甸
巡檢葉祚徽十年閏月新平猥夷叛試用州同章倫築城於攸樂
土工竣回至慢蚌村被圍端坐罵賊死署楊武壩巡檢新平典史
沈洪聞變率兵弁集土日防禦土日金名芳等通賊洪於八月被
害原任楊武壩巡檢丁珏丁憂聞滇委管青龍廠事賊至與其妾
吳氏俱死之先後議卹鎮寶枝大俱 贈按察司僉事焜國子監
助教天錫知縣廕一子入監懋美衛經歷祚徽主簿倫知州廕一
子入監洪珏俱主簿鎮寶江西彭澤人康熙五十九年舉人枝大
山東文登人焜雲南昆明人康熙四十七年舉人天錫浙江會稽
人懋美甘肅金縣人倫浙江紹興人祚徽洪珏俱浙江人

右 國史館本傳

國史館本傳

蘇世爵 劉雄等

蘇世爵雲南昆明人任督標千總雍正六年六月四川雷波土司楊明義結米貼土婦陸氏爲逆陸氏就擒提督王廷桂檄調諸營兵勦雷波世爵隨鶴麗鎮總兵張耀祖參將哈元生往勦九月駐軍阿路馬同在軍中者尋霑營把總劉雄督標把總張應舉把總馬玉時四山逆蠻數千並來劫營弩箭如雨官軍奮勇衝擊殺賊無算世爵雄應舉玉皆重傷死八年西鑪口外瞻對等處賊番阿宗邦句結擦馬阿旺諸番據險爲逆八月四川提督憲德檄諸將由甘孜阿旺進勦永甯協標左營千總馬騰勦賊至瞻對姑對江日暮賊圍之數重騰受重傷突圍出九月攻屋堵豹子寨騰裹創

鏖戰賊於高巖築敵樓槍箭雨下官兵鼓勇並進賊四出衝突官兵殺賊百餘人投崖落澗死者甚眾騰與外委馬俊黔彭營外委把總楊顯若俱陣亡九年南川土賊起外委千總李洪宗隨遊擊馬守仁至大碛腦洪宗戰歿先後事 聞並議卹如例雄應舉俱雲南昆明人玉貴州南籠人騰四川敘永人顯若四川彭水人俊洪宗籍無考

右 國史館本傳

李文仲 王承文等

李文仲四川巴縣人任貴州安籠鎮中營守備雍正六年廣西西隆州八達寨獯苗顏光色等倡亂右江鎮總兵段宗岳以本鎮兵單咨請安籠鎮並廣南兵協剿七月文仲馳赴八達寨營於弄高之西山溯時廣南兵尙未到盛暑士卒多疾與右江鎮兵分攻賊寨文仲攻礮臺自卯至未抵賊寨與盤江營把總王承文合奮勇督戰以待諸路兵齊集奪寨弄高道險籌密諸路兵接應不至賊見文仲兵少圍之文仲力戰與承文俱死先文仲承文死者思恩協左營把總李光玉以接糧遇賊戰死右江鎮左營千總羅文光勦賊至八達寨殺數十人創重死事在六月廣西提標後營遊擊

趙君良亦以奪礮臺搗石傷胷死事在九月至七年太平府屬之
鄧橫賊變爲亂雲貴廣西總督鄂爾泰檄左江鎮總兵蔡成貴討
平之戰死者把總華乾外委把總李世雄先後事 聞 詔文仲
贈都司僉書廕衛千總承文乾俱廕衛千總餘卹如例承文貴州
南籠人君良陝西人餘籍無考

右 國史館本傳

賽枝大

特贈雲南按察使司僉事賽公諱枝大字雲耕號可園登州文登縣人雍正戊申公以州同知待次京師是年冬雲貴總督鄂公疏奏滇省需人 當展詔臣工各舉所知於是公同里戶部主事劉君重選素悉公端方廉惠卽以公上 聞引 見後奉 旨赴滇其時初闢昭通府而烏蒙有均田之役公於己酉十一月奉鄂公檄往爲經理公念苗疆新附宜予軫卹雖以三壤定賦而遞降其則又量畱餘畝使得自私猥苗甚德之庚戌秋事竣以八月下旬至昭通府擬卽返會城以復鄂公而逆猥黑寡高魯等造言煽亂號招諸醜類乘不備駱驛潛赴已而賊大集則豕突狼奔洶涌而

入公遇賊於途其長隨山西澤州張蘭秀義人也從公巷戰殺賊二十餘人而公亦被大創爲所執賊有識公者熟眎曰賽公也感公均田公平速走避某皆可免若與不識公者遇危矣公曰吾豈偷生者吾當就死官解其送我守備衙門中而賊自入城大肆掠鹵尤搏力按括各衙署戕其家屬至月晦公遂遇害當賊語公避去時從其言則生不則死勢不中立也乃毅然賢死於生甯斃於不我識者之手而決不汶汶自污非確有見於分義之嚴其能如是之特立乎哉 上聞公死難深爲憫惻旣 贈官階又遣官讀文以祭 賜全葬賚予其家嗚呼人孰無死死而如公者誰與公與子爲中表兄弟其祖母鞠文登宗家女也余初聞公死旣慟傷

之且惜公慈惠性成年纔四十九令得盡出其仁厚之蘊則元澤
所被當與古循吏並稱然公一捐軀而天下傳之史臣且書之簡
冊照耀奕世後之人考公事蹟猶想見忠壯之風凜凜如在即使
公果竟其施其聲光不若是烈也則凡與公爲戚黨及素與厚善
者亦皆可以無憾矣公王父諱玉紘康熙己未進士父諱璋壬戌
進士歷任山西提學道 贈玉紘公如其官公早失二親友愛兄
弟無杪忽閒隙樂振施出於天性如路經山西某鎮逆旅主人染
訟事將粥子爲資公問價幾何曰十二金公卽如數予之其子得
不粥陝西貢生秦姓者其子誤遭人命陷獄中捐三百金贖之以
出某年公由甘肅入都至某坊稠人中忽有大呼趨就者曰君非

賈某耶今乃得見於此公愕然其人曰到寒舍卽知之至則其人率妻子羅拜於庭曰不憶數年前平涼道上旅寓中有臥病窮乏之筆帖式乎時方爲主人所逐君適相值卽理論主人付以貲令飯我又延醫醫我且畱居旬日待我愈予之以北上之需而君始行也某今爲某官矣每語家人輒感激泣下今幸見君於此於是公默自循省乃恍惚憶及前事脫非再值其人則竟忘之矣蓋公於利濟事旣往則不畱於胸又不僅施不望報而已平生尤敦友誼年二十餘時嘗以太學生就試京闈有進士某君其房師爲公父門下士與公往還一日公將東歸某君曰吾無子素聞山東女子多淳樸能爲購婢妾乎公曰諾及歸爲訪某氏女頗端淑以善

價購之於是備衣飾匱具僦車騎身送都門而某君以內妒不果納或謂此女殊屬意於君盍畱作側室公曰旣購爲吾友妾矣而自畱之是負友也會有文登人入都販易其子年少善居積遂以此女妻之其篤於遊好多此類公旣死難其友人相與議曰公和緩退讓於朋輩妯娌有恩視之長者也不謂其義烈如是余曰是乃所以爲公也夫君與友皆以義合者而君尤重平居不忍負友豈當危難而忍負其君哉公之被執也又有長隨某親見賊引公以避公堅不從賊縛某置空室中後得不死數爲人道公此事余同縣李龍川先生於賊平後嘗修路昭通其長公兆懷自雲南歸爲余言之公子學濂屬作家傳余老病不能文於公則不可辭而

李君之言足據遂槩次其事而復論之

論曰宋慶曆時僂智高反嶺南攻陷十有二州仁宗以縣官素不設備守吏無以捍賊故凡失守者惟奪兩官而於知端州丁君寶臣以其殺賊六七十人則僅奪一官而復召用以此論之脫公卽受職新邑能殺賊而後走匿以 聖主明照萬里亦將原其情與勢而赦之而況未膺民社則公尤可以無死而公必死夫人之畏死將求緩須臾而不得矣有能計失守之誅以爲死於法甯死於賊如此者吾猶且賢之而如公所處則又非並無生望而惟出於死之一途者子輿氏曰舍生取義公於是可以當之矣

右家傳鞠濂撰

劉峴 馬秉倫等

劉峴四川保甯人由武舉累升署東烏鎮都司僉書管左營遊擊事雍正八年八月烏蒙夷祿萬福結連東川祿良珍爲逆總兵劉起元失撫禦策賊送至城下峴率兵敗之於河堡戶鐵鑪山等處賊復大至峴督師血戰力竭死妻張氏聞變手刃二女與妾吳氏俱自殺 詔贈峴遊擊廕守備妻妾二女並入祀節孝祠與峴同死者署東烏鎮守備管遊擊事馬秉倫右營把總周世美皆重傷死起元尋潰圍出奔東川城遂陷峴之與賊戰河堡戶也從者右營守備楊天階戰鐵鑪山也從者中營千總李發早又有左營把總張必宏在城守禦鎮雄營把總馮志英赴鎮考驗皆隨峴有功

後護起元至荔枝河天階發早必宏志英俱戰死駐防魯甸東烏
千總邵士奇與魯甸外委把總王國卿赴援被圍跳巖死九月賊
分掠永善殺阿興土千戶安永長十月大軍復烏蒙安籠鎮標遊
擊王弼把總鄧忠俱戰死於高魯祿逆不靖之先茶山賊麻布朋
叛普洱把總王朝選死之事在五年九月也六年二月有米貼陸
氏之亂曲尋鎮副將郭壽域率把總張文俊往捕賊乘夜劫營壽
域文俊皆遇害議卹乘倫 贈都司僉書廕守備世美千總廕衛
千總天階都司僉書發早必宏志英士奇國卿俱各加 贈一級
廕衛千總餘卹如例乘倫甘肅甯夏人天階雲南開化人發早雲
南昆明人必宏貴州威甯人志英雲南昆明人士奇陝西人國卿

雲南尋甸人永長雲南永善人弼山西太平人忠貴州安順人朝
選湖廣人壽域甘肅甯夏文俊雲南羅平人世美籍無考

右 國史館本傳

贈總兵劉公崐字玉巖四川保甯人起行伍以軍功累擢至雲南
東烏營遊擊佐總兵劉起元守城烏蒙夷賊祿萬福者舊土知府
萬鍾族弟也先是府隸四川萬鍾數擾雲南邊制府鄂文端公擒
鞠伏法使萬福父鼎坤襲改隸雲南 朝廷既設東川府流官次
及烏蒙授鼎坤守備趣赴 闕鼎坤快快行密授萬福計使煽諸
蠻爲亂未敢發有卒廉其奸告公公密聞起元爲備起元故疏恣
叱公曰彼乳臭兒何能爲杖告者而檄萬福使來萬福懼遂噉眾

反圍府城公聞變解所佩刀與妻張夫人訣出謂起元曰賊初合勢未定三營槍礮可敵賊鏢弩毘請以本標兵陷陣公以師繼之賊必潰倘不濟扼城之險具蘭石布渠荅以死守之救兵至圍必解起元縮胸無戰意而遊擊汪仁搆起元盍撫起元立城上呼祿將軍賊指城上笑詈毒謾圍益急公唾起元面連罵辱國奴開門率數十騎大呼赴賊遊擊馬秉倫甯夏人獨從公摧賊於阿堡戶斬首數百級賊稍卻望城上旌旗殊亂而掠山野夷數萬峰至公遂與秉倫失勢益孤轉戰至鐵鑪山小天底次日午斫賊墜崖無數賊弩穿左脇創甚北向再拜泣曰劉起元誤國臣力竭矣割襟蘸胸血大書石壁上淋漓鮮血透征衣報國丹心總不移

十四字拔刀自刎死賊驚歎皆拜以土覆之去起元竟用汪仁謀
賄賊貸家口死挾把總楊天階李早發馮志美開門走東川賊乘
勢洶奪天階早發志美關門死城陷賊攢斫起元仁於荔枝河張
夫人聞城將陷冠帔腰帶坐中堂呼女長姑次姑及妾至曰命婦
宦女義不可辱以公佩刀示長姑泣長姑亦泣跪夫人前夫人斫
其肩仆地次姑亦跪夫人手慄刀及擊落地次姑曰母怖耶自以
刀鑿死夫人取刀指乳母抱三歲兒謂妾汝好避去保劉氏脈妾
號而抱夫人膝夫人且歎且搖手頸且絕危坐几上妾揮乳母三
歲兒去再拜夫人前引刀衝喉死几下長姑名易璋次姑名可璋
妾吳氏皆作詩工書四人死同公一日先是鼎坤至京師升河南

營參將 賜帑萬金大喜過望急諭萬福寢其謀而城已破十五
日矣使起元用公策城固無恙公死之八十日 王師平烏蒙磔
萬福及鼎坤於市公弟峨號泣求公屍見壁上血詩得於瘞所城
陷日賊相戒勿入公署夫人及女妾四屍顏色猶新遂奉棺殯城
西門外而乳母是日亦自山箐開抱三歲兒至眾感泣以爲忠節
之報云 天子聞公闔門死事惋悼 詔贈公總兵官妻 贈夫
人二女妾皆孺人聞三歲小兒在卽襁褓中廕爲千總 賜錢三
千緡遣官護喪還蜀祀於忠烈祠馬秉倫旣失公轉鬪山箐聞鏢
貫其頤猶手剝數賊跳崖死亦 贈卹如公而楊天階李早發馮
志美皆 贈官有差改烏蒙曰昭通府

右傳張九絨撰

173-636

徐宗仁 劉貴才等

徐宗仁陝西長安人康熙六十年由行伍投督標右營把總雍正元年從大兵出西甯討羅卜藏丹津二年隨奮威大將軍岳鍾琪平青海授千總累擢至參將管殺虎口副將事八年鍾琪爲西路甯遠大將軍征準噶爾宗仁與平川堡署守備劉貴才清水營署守備劉芳雨南古城署守備李國勳等駐防科什圖峩崙磯十二月賊眾犯科什圖宗仁戰三晝夜至卜羅輒并連敗賊奪回被掠駝馬又追至紅山峽與國勳俱陣亡初國勳由武舉同宗仁出師西甯以功擢守備至是同死紅山峽貴才芳雨俱陣亡於峩崙磯同時陣亡者陝西督標中營千總王大謨千總徐維新興漢鎮標

中營把總劉世勳雍正九年正月 上深憫效忠授命之士遙酌
酒三爵遣內務府總管鄂善齋內庫銀十萬兩至 卹並齋
酒往奠建忠勇祠春秋祭享給世職宗仁騎都尉貴才芳兩國勳
俱雲騎尉仍察應得卹典大謨維新世勳正俱從優議卹宗仁
贈副將廕守備貴才 贈守備廕守備芳兩國勳大謨維新俱
贈守備廕衛千總世勳正俱 贈千總廕千總國勳陝西長安人
大謨陝西蒲城人維新四川松潘人世勳陝西興安人貴才芳兩
正籍無考

右 國史館本傳

冷格 邦烏禮等

冷格滿洲正黃旗人姓多爾袞官頭等待衛雍正八年 詔岳鍾
琪爲奮威大將軍由西路進剿準噶爾冷格從征十二月在西甯
口外噶斯坐卡賊來犯力戰陣亡同死者驍騎校邦烏禮十年正
月剿賊於塔爾納沁戰死者驍騎校部委參領隴洲八品官部委
參領扎蘭泰先是筆帖式多爾集由松潘口出黃勝關剿熱當十
二部落有功乘勝深入被執不屈死護軍校叻卓拜擊賊於鄭海
堡死皆隸岳鍾琪軍事在元年其八年從傅爾丹由北路進剿準
噶爾者雲騎尉二等待衛都斯噶爾護軍校署參領色楞護軍校
部委閒散章京瑚拉驍騎校八十一皆以九年戰死於哈爾巴烏

蘭驍騎校車克爾戰死於布彥圖喀倫十年賊犯察罕度爾大兵
追至厄爾得尼昭殺賊萬餘陣亡者領催部委防禦瑪爾圖護衛
巴圖驍騎校巴尼追賊至克爾森齊老死者參領巴忒瑪拉什布
彥圖戰烏遜珠爾死者土默特管旗章京索諾木土默特副總管
鎮守歸化城鄂欽土默特佐領察漢扣科爾沁護衛古里格科爾
沁佐領委署參領顏扎布科爾沁佐領達穆巴議卹冷格廕雲騎
尉子納齊額襲邦烏禮隴洲扎蘭泰俱 贈雲騎尉襲俱無考多
爾集 贈主事子常泰襲都斯噶爾 贈騎都尉色楞瑚拉俱
贈雲騎尉襲俱無考八十一 贈雲騎尉子額爾德布圖襲巴圖
巴尼巴忒瑪拉什布彥圖俱 贈雲騎尉索諾木 贈騎都尉鄂

欽察漢扣古里格顏扎布達穆巴俱 贈雲騎尉襲俱無考邦烏
禮滿洲鑲黃旗人隴洲滿洲鑲紅旗人扎蘭泰旗無考多爾集蒙
古鑲紅旗人姓哈卜齊特叻卓拜蒙古鑲黃旗人都斯噶爾蒙古
止藍旗人色楞蒙古正黃旗人八十一蒙古正紅旗人姓巴林瑚
拉蒙古正藍旗人姓喀爾綽特車克爾滿洲鑲藍旗人瑪爾圖滿
洲鑲紅旗人叻卓拜車克爾瑪爾圖贈襲俱無考巴圖等十一人
俱外藩蒙古旗無考

右 國史館本傳

黃成美 朱自植等

黃成美湖南鳳凰廳人鎮筸千總驍果尙氣以直言忤上官罷職
雍正八年古州苗叛總兵蘇兆吉廉其才以書招致成美率壯士
數十人應之有功擢把總旋從征清江苗眾據嶮抗拒成美奮勇
冒礮石先登拔其柵身被七創還營卒同廳朱自植字文盛鎮筸
把總雍正十三年黔苗亂自植奉調從征師次橫塘五月十八日
苗設伏誘敵佯戰北自植率百餘人追之直撲其巢陷賊中隊長
劉希義請潰圍返走自植曰此吾死所也挺矛前鬪殺數十賊而
死希義殉自植死最慘其尸四剖見者傷悼橫塘至今祀之稱爲
禿馬朱翁蓋自植嘗見神其地而生所乘馬髮禿故云同時方亨

鎮軍鎮標外委亦從戰遇伏受數十創死事 聞均 子卹蔭又
有晏嗣河者新化人嗣漢弟也嗣漢歷官副將遷總兵河隨漢隸
貴州行伍征勦所至疊著戰功拔補外委把總擊賊丹江陣亡
卹贈守備銜田仁德芷江人雍正十三年貴州苗叛由沅州協標
把總從大軍進討摧鋒輓陣甚著戰功有砦章苗負險拒敵久攻
不能下仁德率兵深入躬冒矢石自辰至午鏖鬪益疾以援絕力
盡而死事 聞 子祭葬卹蔭如例

右傳李元度撰

按篇中朱公自
指甘肅甯州人

查弼納

查弼納滿洲正黃旗人姓完顏氏祖愛音布任戶部理事官

世祖章皇帝順治四年以考滿稱職 子雲騎尉職世襲罔替卒查

弼納兄觀音保襲三遇 恩詔晉至三等輕車都尉從征雲南卒

聖祖仁皇帝康熙二十二年查弼納襲世職二十八年管佐領四

十四年署護軍參領四十七年授吏部郎中五十年遷內閣侍讀

學士五十三年擢內閣學士充 玉牒館副總裁五十五年遷兵

部侍郎明年三月充經筵講官六十一年十月授江南江西總督

世宗憲皇帝雍正元年福建流賊溫上貴結江西棚民藉閉雜爲

名樹旗謀掠萬載知縣施昭庭新昌知縣李珩調集鄉勇擊殺三

百餘人擒溫上貴等十數人獲偽劄偽印鞫得上貴爲臺灣逆匪
朱一貴遺黨與十餘人並伏誅於是大學士白潢尙書張廷玉並
陳奏安輯棚民之策得旨下查弼納詳議尋奏言江西界連福
建湖廣廣東諸省地曠山深土人無力開墾率多招徠流民搭棚
居住種藝麻靛名曰棚民但安業日久驅令回籍誠恐別生事端
應編入保甲千戶以上添駐官弁稽察至編冊以後續到流移不
得容隱其有膂力可用及讀書向學者准一體入籍應試疏下部
議行二年閏四月奏請停止駐防兵巡拏私鹽專責所在州縣嚴
緝九月奏言太湖跨連數郡盜匪易藏洞庭東山地當緊要令新
設參將駐守其閒周村鐵橋鮎魚口馬跡山龜山東山鳳山吳瀆

各令備弁分駐又言江南財賦重地知府稽察難周請改六安太倉潁泗廬邳海通等州爲直隸而蘇松常三府增設元和震澤昭文新陽寶山鎮洋奉賢金山福泉南匯陽湖金匱荆溪等縣分任兼劇皆從之明年以保奏參將等官六員同一考語傳旨申飭又因疏奏盜案論曰查弼納條奏弭盜之法極似周詳乃一月內盜案多至一百九件可見所奏盡屬欺飾耳總督統轄文武弭盜是其專責其務實心嚴察以副朕意四年四月召回京先是有一旨以尙書隆科多與貝勒蘇努及公鄂倫岱尙書阿爾松阿詢問查郎阿等黨附交結事查弼納不以實奏至是上親詢之語多支吾革職勘問乃舉出王大臣等議請正法上曰朕昨

降旨時言及 聖祖仁皇帝查弼納痛哭不止尙有良心且在兩江總督任內居官尙好今既舉出實情可寬免其罪尋授內務府總管兼鑲紅旗漢軍都統七月擢吏部尙書十月協理兵部尙書五年三月以濫保兵部郎中舒伸赴直隸水利效力部議革職得旨降五級署兵部尙書十月 于寶授七年 上命發兵進剿準噶爾授內大臣傅爾丹爲靖邊大將軍由北路入總督岳鍾琪爲甯遠夫將軍由西路入查弼納奉 命赴肅州總理西路軍需明年十月 詔入覲授靖邊副將軍改赴北路九年六月噶爾丹策凌遣賊三萬來犯北路我軍獲其謀詭稱賊酋大策凌敦多卜道病畱駐和博克山小策凌敦多卜游牧在察罕哈達兵不滿千距

我軍三日程查弼納與傅爾丹信之令參贊大臣素圖副都統岱
豪率兵三千先發尋遣前鋒統領定壽率兵一千五百應接而自
統軍繼之至庫列圖嶺與賊戰斬馘四百餘又賊兵二萬伏山谷
從閒道奄至衝突我營我軍力拒殺賊千餘時賊據險要我軍議
移營至和通呼爾哈諾爾素圖定壽等引兵突圍多戰沒賊眾環
逼我士默特兵潰散查弼納與傅爾丹及副將軍巴賽率兵四千
方設營保護輜重且戰且行渡哈爾哈納河查弼納與傅爾丹相
失力戰歿於陣巴賽亦被害事 聞 諭曰準噶爾賊眾侵犯北
路將弁兵丁急欲滅此朝食忿激迎擊倉猝失利念此疆場效命
之人皆國家養育多年朕特加選用冀其大樹功勳重邀爵賞伊

等亦以世受國恩誓圖報效爭先恐後竭力捐軀雖誤墮狡計而
矢死效忠情殊可憫其下部議卹 賜祭葬如例入祀昭忠祠
子騎都尉加一雲騎尉世職其舊襲之職例銷 恩詔所加止襲
雲騎尉因合併爲三等輕車都尉以其子那清阿襲

右 國史館本傳

康熙丁丑 仁皇帝親征沙漠噶爾丹窮蹙自縊其姪策零多爾
濟奔竄阿爾泰山北稽首稱臣 仁皇帝受降凱旋朔漠蕩平其
後數歲策逆休養生息招徠噶爾丹藩臣部落漸強侵犯喀爾喀
部落 仁皇震怒練兵籌餉爲深入計 憲皇帝踐祚欲竟
仁皇未竟之緒會策逆死其子噶爾丹策零嗣立噶少年聰黠善

馭士卒諸台吉樂爲之用 憲皇帝遂決議討之朱文端公軾沈
總憲近思皆以爲天時未至惟張文和公力爲愆惠時費直烈公
嗣爵傅爾丹者頽然齷立面微頰美鬢髯有名將風張薦以爲帥
築大將壇率滿洲綠營等五萬兵討之諸蒙古藩臣皆執勒以從
時達忠烈公福力諫不可 上曰策零殂落噶逆新立彼境分崩
之勢何云不可達曰策零雖死其老臣固在噶逆親賢使能諸酋
長感其先人之德力爲扞禦主少則易諫臣強則制專我以千里
轉餉之勞攻彼效死之士臣未見其可況天溽暑未易興師張文
和旁贊曰六月興師載諸小雅君果未知耶 上曰達福患暑疾
盍以茵汁濯之達詞色愈厲 上曰然則命汝副傅以行尙敢辭

耶達語塞遂叩首出禱禱於堂子 上親酌傅公以寵其行是日大雨如澍旗燾盡溼狼狽出門識者以爲不祥時從征爲查副將軍弼納巴將軍賽副都統戴公豪海公蘭西公彌賴定公壽素公圖馬公爾齊侍郎永公國塔公爾岱皆一時將帥之選焉八月會師於科布多城噶逆遣將僞降言其國攜貳與哈薩克迭戰經年馬駝羸弱可襲滅其部落傅公信其言欲進師定公壽曰噶逆聞警斂師境內靜以觀變其謀可知我師莫如耀兵境上以揚我武全師凱旋策之上也安可信俘虜片言架入敵壘以黷其武哉傅曰不入虎穴焉得虎子彼窮蹙之餘安能敵精強之士不禦敵非勇也汝何懦怯自損其威也定默然出以袍付僕曰汝持此以歸

葬焉生子名壽以誌難也永公國曰國聞用師乘瑕而戰未聞無
隙而能致勝者今噶逆親親用能人惟求舊選不失材賢不失位
疆圉遠關牧養蕃滋彼雖犯我師旅尙當良籌以禦之而況斂兵
蓄銳乃可深入自暴其師乎海公蘭曰量敵而入將之能謀也知
難而退武之善經也敵未可輕武未可黷俘虜之言奚足爲信
師待敵外夷之故智君其防之傅絕然曰我國家之所以無敵
者以武臣不畏死耳君等安可蹈漢兒之習自弱其勢哉因命整
軍以進主事何公溥執轡以諫傅曰葢爾豎儒安識兵家事因以
鞭揮何手而去馬公退告眾曰此師殆哉戴公豪曰帶組具存何
畏死無具也查公弼納曰余刀俎餘生受君恩得不死今得以

馬革裹屍幸矣查前因允禧朋黨故 廷議大辟 上特宥之故查益感激用命及出境數百里不見賊壘獲偵者云在博克托嶺傳遣素公圖往勦未數里聞胡笳聲遠作氍毹裘四合如黑雲蔽日傳懼移師東陷和通淖爾華言大澤也定公謂傳曰違眾陷師誰之咎也傳默然無語定公曰言在先敢辭死乎遂與馬公爾齊率師援素兵既接忽大風蔽日雹如牛首我兵血戰閒後無繼師定公壽中矢殞素公等俱沒於陣西公彌賴率本部援之兵潰身殉賊遂犯大營傳命蒙古兵禦之定制科爾沁王公樹紅纛土默特旗樹白纛以爲誌轉戰閒科爾沁王某偃旗首遁土默特公沙津達賴奮身入賊壘白旌耀然眾知蒙古兵敗曰白纛兵入賊隊矣

諸軍遂大潰終夜甲仗聲不絕傅舉趾失措惟撫慰滿洲士卒曰
慎無墮家聲也永公國刎頸死戴公豪海公蘭自縊於幕杙上和
公溥儒服雅步曰死爲國殤永享俎豆榮矣禦賊而死有蒙古參
領某潛渡淖遇婦人騎以追推某河中水淺得不死醫士湯某蒼
黃奔竄揚言曰余有丹藥嚙之可以免渴卒無應者陷於賊傅雜
士伍奔竄出查公弼納躍馬舞刀賊皆披靡潰圍而出不見傅以
其已死恐蒙陷帥罪曰頌白之年豈可復對獄吏遂復入陣而死
達公福殿軍被殺巴公賽血戰死之惟塔公爾岱冒鋒矢出中槍
穿脛血般征衫蒙古醫以羊皮蒙之三日始甦賊獲諸士卒皆以
皮繩穿其脛盛以皮袋載諸馬後從容唱胡歌而返蒙古科爾沁

王逃匿荏苒中以千金賂傅傳受賄揚言於眾曰蒙古白蠶者先
敗乃收公沙津斬之蒙古士卒皆忿潰軍事聞上震悼曰朕悔
不聽達福言今無及矣乃厚卹其家達故權臣鼂拜孫恥其祖所
爲故盡節云乃斥傅爵賞卹諸潰卒後二年噶逆眾大入賴額
駙超勇親王戰於光顯寺其勢始衰遂講和焉

右錄宗室昭棟撰

素圖

素圖滿洲正黃旗人姓富察氏三等男斐雅思哈之孫都統素丹之子也 聖祖仁皇帝康熙四十年素丹有疾所襲父爵減去恩詔晉加者改爲二等輕車都尉以素圖襲初名福列既襲職改今名任護軍參領五十四年厄魯特策妄阿喇布坦侵掠哈密北境素圖率烏拉兵隨都統新泰屯備阿爾台五十八年十二月詔於駐守阿爾台二萬兵內選一萬五千分道進征明年二月素圖隨征西將軍奇里德自布勒罕潛師深入擒斬山谷伏兵四百餘人七月抵鏗爾河其宰桑色布騰等據山拒守我師奮擊賊大敗退駐山麓諭降之色布騰率二千餘人來歸明年移駐巴里坤

尋赴土魯番督視築城種地 世宗憲皇帝雍正元年隨副將軍
阿喇納駐布隆吉爾二年三月厄魯特部阿喇布坦及素巴泰等
襲我臺站素圖偕總兵孫繼宗擊敗之賊遁去復追敗其眾乃築
城布隆吉爾爲駐防邊界十月復隨副都統達鼐追剿羅卜藏丹
津至花海子擒丹津台吉及其妻索諾木子衮布並撫定噶斯台
吉等三十三人 上以口外冰凍草枯之後官兵奮勇遠征 特
旨嘉獎十一月擢甯夏左翼副都統時其父素丹爲甯夏將軍
上念素丹年老命素圖協理將軍事務五年三月奉 詔率西安
滿洲兵二千赴靖邊大將軍傅爾丹軍營七年授參贊大臣八年
詔素圖隨傅爾丹入覲 面授方略時策妄阿喇布坦之子噶爾

丹策凌與羅卜藏丹津同謀濟惡。上命甯遠大將軍岳鍾琪由西路勦擊，而素圖同傅爾丹率兵攻其北路。九年六月，素圖偕副都統岱豪分兵三千與賊戰於庫列圖嶺，殺賊四百餘。翌日，賊兵二萬從高阜來犯我大營，素圖會傅爾丹軍夾擊，多斬馘。時賊據險，要我軍議移營至和通呼爾哈諾爾，素圖與前鋒統領定壽、副都統常祿、西彌賚引兵據山梁東面，賊騎衝偪我軍，分擊殺賊千餘，尋爲賊圍困。素圖力戰歿於陣，定壽、常祿、錫彌賚皆遇害。傅爾丹以聞，諭曰：朕聞諸臣力戰痛惻，難忍不覺淚下。其敕議卹於是，賜卹如例。素圖得騎都尉，又一雲騎尉，世職。合所襲之職爲三等男，以其子素瑚濟襲。

右 國史館本傳

國朝耆獻類徵初編卷三百四十七目錄

忠義十七

定壽

達福

瑪爾齊

舒揚額等

和溥

舒紳等

覺羅海蘭

常祿等

瑪爾薩

西彌賚等

魏麟

子永熹
王世勳等

湯裔

許世隆等

富昌

扎爾瓦等

張玉

徐學聖等

楊馥

楊漢飛等

羅資袞

黃招賢等

高本陽

張壁等

蔣秉忠

顧錦等

溫寬

吳宏熙等

柏恆盛

胡世彥等

羅鳴序

邵煥麟等

武英

孫榮等

林士昌

桑之元等

張文秀

王德成等

曾唯

郭占乾等

國朝通志卷之三十四

國朝耆獻類徵初編卷三百四十七

通奉大夫前署江西巡撫江西布政使司布政使湘陰李桓輯

忠義十七

定壽

定壽滿洲正黃旗人姓赫舍里氏父音達蘭襲其兄奇郎阿三等輕車都尉世職尋卒定壽襲初任三等侍衛授護軍參領康熙五十五年擢正黃旗蒙古副都統五十六年命振武將軍傅爾丹由阿爾台一路進剿策妄阿喇布坦定壽同副都統圖喇率盛京吉林兵一千赴阿爾台尋爲軍營前鋒統領擊賊於博囉布爾哈蘇及烏魯木齊等處屢有斬獲紀功俟事平議敘世宗憲皇帝

國朝書林典故卷之三十四
雍正二年授鑲藍旗蒙古都統時策安阿喇布坦遣使納款部議
阿爾台駐防兵應移巴里坤於是定壽率之移駐尋奉 諭曰定
壽在軍前年久朕欲調回另用其所率移駐之兵令交與將軍富
甯安就近派大臣管轄卽馳驛來京會部議阿爾台一路茂岱察
罕蒐勒諸處應仍派兵駐防遂授定壽爲阿爾台駐防將軍 特
旨敘前軍功予騎都尉世襲罔替合所襲之職爲一等輕車都尉
是年十二月 命巴里坤軍營前鋒統領穆克登爲阿爾台駐防
將軍定壽以都統銜參贊軍務明年投軍營前鋒統領 詔率兵
駐守阿爾台山嶺四年振武將軍巴賽奏令定壽率兵往扎布罕
駐防降雪後撤回六月 詔隨穆克登還京定壽奏請畱察罕蒐

勒軍營效力 允之七年策妄阿喇布坦之子噶爾丹策凌率眾
犯邊 上授傅爾丹爲靖邊大將軍由北路進剿 命定壽以都
統銜爲軍營前鋒統領八年傅爾丹奏令定壽率兵二千往伊克
斯諾爾附近駐防九年六月噶爾丹策凌糾賊三萬來犯傅爾丹
偕定壽領兵至扎克賽河地獲賊二千餘人詢之詭言賊兵不滿
千在察罕哈達游牧尙隔三日程傅爾丹信其言令定壽率兵一
千五百先行而自統兵繼進定壽至列圖嶺遇賊數千接戰斬賊
四百餘駐營以待傅爾丹既至令定壽移營和通呼爾哈諾爾賊
兵二萬潛伏山谷伺我軍甫移突出分路阻截定壽擊之所向披
靡乘勝深入忽大風驟起雨雹交加賊併力衝散我軍損傷將弁

甚眾遂還備定壽圍之數重時定壽已中鳥槍傷與賊相持竟夜賊欲生致之乃自刎歿於陣傅爾丹以聞下部議卹晉世爵三等男賜祭葬如列入祀昭忠祠其子赫義襲因銷恩詔所加之職改二等輕車都尉孫扎拉豐阿別有傳

右 國史館本傳

達福

達福滿洲鑲黃旗人姓瓜爾佳氏一等超武公鼇拜之孫父納穆
福襲二等公後鼇拜獲罪爵除康熙五十二年 聖祖仁皇帝追
念鼇拜功 賜一等男以其從孫蘇赫襲蘇赫卒以達福襲雍正
三年兼管佐領四年補護軍參領五年九月補護軍統領印務章
京十一月授正藍旗滿洲副都統 諭曰朕數十年來惟聞鼇拜
僭妄無禮擅權作威之罪未深知伊功勳並子孫見在者何人昨
引見達福方知又參閱 實錄鼇拜有超眾功是以 聖祖特恩
賞給一等男世職 皇考既恩免鼇拜之罪應賜還一等公爵卽
令達福承襲世職罔替仍授爲散秩大臣十二月授左翼前鋒統

領六年授議政大臣七年三月大軍征準噶爾 命達福爲參贊
大臣十二月準噶爾擾喀爾喀游牧靖邊大將軍傅爾丹令前鋒
統領定壽以兵護河濟必濟卡倫令達福率兵二千駐庫卜克爾
爲應援九年六月傅爾丹探知準噶爾賊人在察罕哈達游牧乘
其不備襲之分兵三隊以達福偕定壽領第一隊夜擊賊累日賊
據山扼險遂移營和通呼爾哈諾爾晝夜力戰殺賊千餘賊益兵
偏營我步軍方拔營以退達福殿後賊三萬環攻之力戰殺賊千
餘沒於陣 賜祭葬如何 賜騎都尉世職子岱屯襲一等公長
孫德成襲騎都尉德成卒弟德生襲尋因岱屯卒德生襲公爵其
騎都尉以弟德明襲乾隆四十五年十二月奉 旨德生所襲公

爵侯出缺時停襲仍予一等男世襲罔替詳見龍拜傳

右 國史館本傳

--	--	--	--	--	--	--	--	--	--

瑪爾齊 舒楞額等

瑪爾齊滿洲鑲黃旗人姓扎庫塔官歸化城副都統雍正七年從靖邊大將軍公傅爾丹征準噶爾九年六月師分三隊渡科卜多河前鋒統領定壽散秩大臣公達福領前隊瑪爾齊隸其軍十八日戰庫列圖二十日率兵奪據西山二十一日移營和通呼爾哈諾爾賊乘風雨大至圍大軍二十二日瑪爾齊力戰歿於陣二十四日師追正紅旗漢軍副都統舒楞額殿後二十八日渡哈爾噶納河舒楞額死焉是役死者前鋒侍衛兼參領吉哈里三等待衛委署參領雙白護軍參領碩岱薩冲阿三等侍衛烏爾察圖護軍參領赫倫泰倭赫德五十佐領虛銜章京遜保住常爾瑚申泰蒙

固爾岱佐領兼護軍參領雅圖佐領烏林太佐領兼參領沙賴蘇
敏瑪耀蘇爾都托勒彌三護軍校署參領積蘭泰巴保住承根住
副護軍參領黑達色鄂海驍騎校虛銜章京英泰前鋒侍衛常保
驍騎校委署章京兆塔阿起防禦署參領德福壽博爾屯察爾都
拜音布護軍校永順倭什布增壽五什圖西林博喜滿達達色常
存安達海什柱白達色富吉泰富善五達哈那親瑚雅圖花色阿
必達赫成七十六福壽前鋒校騷達色巴哈布經泰官泰玉三保
德壽阿林五納海五達色元寶驍騎校巴圖沙納海烏倫特領催
委署章京福成額赫爾布五格二格托爾哈阿玉璽瑪思泰伊勒
都傅拉塔扎什四十九福壽巴爾瑚岱富勒赫前鋒校委署章京

老密驍騎校委署章京扎瑚芬德成事 聞議卹瑪爾齊廕騎都尉子雅爾江阿襲舒楞額廕騎都尉子德爾松額襲吉哈里等八十五人俱廕雲騎尉吉哈里子烏雲珠襲碩岱子圖桑阿襲薩沖阿子額荅額襲赫倫泰子伊蘭太襲倭赫德子明住襲五十子達椿襲遜保住子常明襲常蕭子常魁襲蒙固爾岱子九格襲雅圖子吉亨襲烏林太子烏彭額襲沙賴子烏鍾阿襲蘇敏子永清襲瑪耀子邁思哈襲彌三子喀爾喀襲積蘭泰子岳什仲襲巴保住子六十一襲承根住子伊常阿襲黑達色子薩靈阿襲鄂海子鄂成襲英泰從子廣良襲常保弟長玉襲德福壽子佛保住襲永順子伊隆襲倭什布子翰班襲增壽子富安襲五什圖子五爾親襲

博喜子百神保襲滿達子達冲阿襲達色子達靈阿襲常存子德
福襲安達海子關保襲什柱子華海襲白達色子德爾忒襲富吉
泰子和德襲富善子額訥特襲五達哈子和順鄂襲那親子額爾
登額襲瑚雅圖子祿格襲赫成子烏爾瑚襲七十六從子訥昇額
襲福壽子穆蘭襲騷達色子明甯襲巴哈布子克星額襲經泰子
倭昇額襲官泰從子圖克善襲玉三保子達冲阿襲德壽子明福
襲阿林子阿哈占襲五納海子五凌阿襲五達色從子伊林襲元
寶從子蘇林阿襲沙納海子觀保襲阿玉璽子倭和訥襲扎什子
多佛保襲四十九子珠何訥襲巴爾瑚岱子黑達色襲老密子都
爾松阿襲雙白烏爾察圖瑚申泰蘇爾都托勒兆塔阿起博爾屯

察爾都拜音布西林花色阿必達巴圖烏倫特福成額赫爾布五
格二格托爾哈瑪思泰伊勒都傅拉塔福壽富勒赫扎瑚芬德成
襲俱無考舒楞額滿洲正黃旗人姓舒穆祿吉哈里滿洲鑲白旗
人姓瓜勒佳雙白滿洲正白旗人姓蘇都里碩岱蒙古鑲黃旗人
姓巴岳特薩冲阿滿洲正黃旗人姓他塔喇赫倫泰滿洲鑲白旗
人姓格濟勒倭赫德滿洲正藍旗人姓扎庫塔五十蒙古鑲白旗
人姓和果羅遜保住滿洲正紅旗人姓瑚爾哈常爾滿洲鑲紅旗
人姓薩克達瑚申泰蒙古鑲紅旗人姓克勒特蒙固爾岱滿洲正
藍旗人姓赫舍理雅圖蒙古正藍旗人姓烏蘭得格壘烏林太滿
洲鑲白旗人姓溫都沙賴滿洲正紅旗人姓賽密勒蘇敏滿洲鑲

白旗人姓索綽絡瑪耀滿洲鑲紅旗人彌三滿洲鑲白旗人俱姓
舒穆祿積蘭泰蒙古正白旗人姓西爾都特巴保住滿洲鑲白旗
人姓李佳承根住滿洲正白旗人姓納穆都魯黑達色滿洲鑲藍
旗人姓伊爾根覺羅鄂海滿洲鑲紅旗人姓費莫英泰滿洲正白
旗人姓扎思瑚禮常保滿洲鑲藍旗人姓赫舍理德福壽滿洲鑲
黃旗人姓鄂爾格永順滿洲正黃旗人姓額爾圖特倭什布滿洲
正紅旗人姓烏扎庫西林滿洲正藍旗人姓佟佳博喜滿洲正藍
旗人姓瓜勒佳滿達高麗人滿洲鑲藍旗包衣姓李達色滿洲鑲
黃旗人姓完顏常存滿洲鑲黃旗人姓薩克達安達海滿洲鑲黃
旗人姓鄂穆它什柱滿洲正白旗人姓扎塔喇白達色蒙古正白

旗人姓和色爾富吉泰滿洲正紅旗人姓輝和富善滿洲正紅旗人姓烏爾古宸五達哈滿洲鑲紅旗人姓伊爾根覺羅那親滿洲鑲紅旗人姓薩克達瑚雅圖滿洲正藍旗人姓鈕祜祿花色蒙古鑲藍旗人姓鈕莫忒赫成滿洲鑲黃旗人姓瓜勒佳七十六滿洲鑲黃旗人姓納喇福壽滿洲鑲黃旗人姓佟佳騷達色滿洲正黃旗人姓富察巴哈布滿洲正白旗人姓伊爾根覺羅經泰滿洲正紅旗人姓薩克達官泰滿洲鑲白旗人姓扎庫塔玉三保滿洲鑲紅旗人姓呼倫覺羅德壽滿洲鑲藍旗人姓舒舒覺羅阿林滿洲正黃旗人五納海滿洲鑲白旗人俱姓瓜勒佳五達色滿洲正藍旗人姓伊爾根覺羅元寶滿洲鑲藍旗人姓瓜勒佳巴圖蒙古鑲

黃旗人姓烏珠庫特沙納海滿洲正黃旗人姓伊爾根覺羅扎什

滿洲正黃旗人姓巴岳特四十九滿洲正紅旗人姓卓佳福壽滿

洲正紅旗人姓伊爾根覺羅巴爾瑚岱蒙古鑲白旗人姓查甘他

塔爾老密滿洲鑲藍旗人姓瓜勒佳烏爾察圖滿洲鑲黃旗人蘇

爾都托勒俱滿洲正黃旗人兆塔滿洲鑲黃旗人阿起博爾屯俱

滿洲正黃旗人察爾都滿洲鑲白旗人拜音布滿洲正紅旗人阿

必達蒙古鑲黃旗人烏倫特滿洲鑲藍旗人福成額滿洲正黃旗

人赫爾布滿洲鑲黃旗人五格二格俱滿洲正紅旗人托爾哈滿

洲正藍旗人阿玉璽滿洲鑲藍旗人瑪思泰滿洲正紅旗人伊勒

都滿洲正黃旗人傅拉塔滿洲鑲黃旗人富勒赫滿洲鑲紅旗人

扎瑚滿洲正藍旗人芬德成滿洲鑲藍旗人姓俱無考

右 國史館本傳

欽定四庫全書

七

國朝詩經類考卷之三十四

九

--	--	--	--	--	--	--	--	--	--

和溥舒紳等

和溥滿洲正黃旗人姓赫舍里父達瑞以監生參安親王岳樂軍
事討吳三桂軍功議敘累官至戶部江西司員外郎和溥與兄和
浩同中式康熙六十年辛丑科進士官刑部主事時準噶爾未定
雍正六年郎中舒紳奉派軍前坐臺賊奪臺站舒紳力戰死七年
詔以內大臣傅爾丹爲靖邊大將軍由北路出師選才能司員從
征和溥及兵部郎中圖朗阿理藩院員外郎阿里瑪與焉九年六
月十七日獲準噶爾偵者知博克托嶺有賊二千駝馬萬餘大軍
進勦二十日賊二萬餘從高阜突下衝擊二十一日移營於和通
呼爾哈諾爾大風雨雹賊圍官兵和溥與圖朗阿阿里瑪俱力戰

死同死者筆帖式色德禮費揚阿索柱先後議卹和溥舒紳圖朗
阿阿里瑪色德禮費揚阿索柱俱廕雲騎尉和溥子嗣元襲舒紳
子逢申襲圖朗阿子圖善襲阿里瑪襲無考色德禮弟烏昌襲費
揚阿子薩哈連襲索柱子五十八襲舒紳滿洲正黃旗人圖朗阿
滿洲正白旗人俱姓舒穆祿阿里瑪蒙古鑲黃旗人姓烏楚根色
德禮費揚阿俱滿洲正白旗人色德禮姓完顏費揚阿姓佟佳索
柱滿洲正藍旗人姓宜特墨

右 國史館本傳

覺羅海蘭 常祿等

覺羅海蘭正白旗人襲父哈達騎都尉由一等侍衛洊升副都統
雍正七年授參贊大臣從靖邊大將軍公傅爾丹征準噶爾九年
六月分三隊渡科卜多河海蘭與蒙古副都統常祿皆從傅爾丹
統後隊十八日戰於庫列圖嶺二十一日移營和通呼爾哈諾爾
海蘭與常祿等據山梁之東殺賊千餘適大風雨雹我師被圍二
十二日常祿陣亡海蘭突圍出殺賊五百餘二十四日察哈爾兵
潰海蘭死之同死者三等男章京銜朗保騎都尉佐領署護軍參
領那爾泰騎都尉章京銜八十九騎都尉又一雲騎尉章京銜觀
音保雲騎尉章京銜什彥寶騎都尉又一雲騎尉協領瑪甯阿雲

騎尉佐領署參領舒永阿騎都尉又一雲騎尉佐領伊成阿雲騎尉副參領赫達色騎都尉佐領南泰三等輕車都尉佐領阿穆虎朗三等輕車都尉護軍參領拉住騎都尉又一雲騎尉佐領伊成額騎都尉又一雲騎尉佐領委署參領開親騎都尉佐領班第雲騎尉章京銜署參領新安雲騎尉佐領署前鋒參領巴喀二等輕車都尉佐領阿哈碩色雲騎尉護軍參領西拉爾岱雲騎尉佐領兼參領扎什議卹覺羅海蘭 贈二等輕車都尉子永安襲常祿二等輕車都尉從子文殊保襲朗保二等男嗣子納蘇肯襲那爾泰騎都尉加一雲騎尉子六十四襲八十九騎都尉加一雲騎尉子武章阿襲觀音保三等輕車都尉子官住襲什彥寶騎都尉子

百格襲瑪甯阿三等輕車都尉子永德襲舒永阿騎都尉襲無考
赫達色騎都尉子德興襲南泰騎都尉加一雲騎尉子貴善襲阿
穆虎阿一等輕車都尉襲無考拉住二等輕車都尉從子巴太襲
伊成額二等輕車都尉從子蘇衝阿襲開親三等輕車都尉班第
騎都尉加一雲騎尉襲俱無考新安騎都尉子楚春襲巴喀騎都
尉子舒敏襲阿哈碩色一等輕車都尉子善寶襲西拉爾岱騎都
尉子訥清額襲扎什騎都尉襲無考常祿蒙古鑲黃旗人姓博爾
濟吉特郎保滿洲鑲黃旗人姓鈕祜祿那爾泰滿洲鑲白旗人姓
文都八十九滿洲鑲紅旗人姓完顏觀音保滿洲正白旗人姓兀
扎喇什彥寶蒙古鑲紅旗人姓西爾德特瑪甯阿滿洲正藍旗人

姓高佳舒永阿滿洲鑲藍旗人姓舒穆祿伊成阿滿洲鑲白旗人
赫遼色滿洲鑲黃旗人姓李佳南泰滿洲鑲黃旗人姓瓜勒佳阿
穆虎朗蒙古正白旗人拉住滿洲鑲白旗人姓伊爾庫勒伊成額
滿洲鑲白旗人姓瓜勒佳開親滿洲鑲紅旗人班第蒙古鑲藍旗
人姓博爾濟吉特新安滿洲正黃旗人姓巴雅拉巴喀滿洲正紅
旗人姓瓜勒佳阿哈碩色滿洲正紅旗人姓鈕祜祿西拉爾岱蒙
古正黃旗人姓噶起特扎什蒙古鑲藍旗人姓奇爾袞

右 國史館本傳

瑪爾薩 西彌賚等

瑪爾薩滿洲正黃旗人姓瓜勒佳昭勳公圖賴曾孫也初襲祖賚揚古雲騎尉任佐領康熙六十一年洊擢本旗都統雍正八年擢內大臣時準噶爾叛 詔靖邊大將軍公傅爾丹由北路進軍討之瑪爾薩爲參贊九年六月傅爾丹統大軍自科卜多分三隊瑪爾薩與副都統西彌賚領第二隊十八日師至庫列圖二十日賊兵二萬從高阜下攻二十一日移營和通呼爾哈諾爾瑪爾薩等殺賊千餘適大風雨官軍被圍二十二日西彌賚自盡二十四日盛京禮部侍郎永國戰歿二十八日渡哈爾噶納河瑪爾薩陣亡同時死者二等侍衛德明護軍副參領岳丹五海前鋒侍衛德福

副護軍參領寶善安啟輕車都尉副參領黑達色雲騎尉驍騎校
署前鋒參領延濟那護軍參領偏圖副護軍參領宗室五海佐領
伊什佐領署參領圖護勒署參領凱泰興造馬兆協領那畱騎都
尉又一雲騎尉協領伯精防禦羅密護軍校額什特哲爾布額爾
必哈烏常阿霍爾敦色貝丹岱安保舍利保烏里禪楚爾漢阿爾
布永泰色麟保和爾敏富長阿色明丹泰德甯扎布占依泰額爾
登布阿藏素珠克圖富勒渾明泰納素圖丹巴達爾查阿西圖薩
那爾圖前鋒抄理興赫濟爾亨塞明阿昌昇瑚山伊常阿翰其哈
瑪爾圖阿林保蘇泰赫達色靠山八卜恭格六十五神保聶鈕克
富成額六十一遜泰碩蘭丕揚藹五達禮愛常阿六十三穆爾渾

鉗鉗偏格驍騎校委署參領兆住巴彥巴克塔靈官保璜成禪布
七十三與保前鋒校外博色副護軍校僧保色爾登保定藍翎長
務庫舒隆阿部委護軍校瑪尼五十九領催佛保護軍校猛可烏
爾圖那蘇圖納蘭蘇住克圖薩穆布戴事 聞議卹奉 旨瑪爾
薩廕騎都尉又一雲騎尉從子敦住襲西彌賚永國俱廕騎都尉
西彌賚子慕得克納襲永國子富明襲伯精廕三等輕車都尉子
博奇圖襲德明九十人俱廕雲騎尉德明子七十六襲岳丹子永
善襲五海子烏爾登額襲德福子實誠襲寶善子富成額襲安放
子蘇章阿襲偏圖子富隆阿襲凱秦子海祿襲瑪兆子邁思漢襲
羅密子都爾松阿襲額什特子舒通阿襲哲爾布子哲楞額襲額

爾必哈子萬福保襲烏常阿子六十五襲霍爾敦子隆海襲色貝
子都隆阿襲丹岱子碩翁科理襲安保子達善襲舍利保子仲福
襲烏里禪從子額楞泰襲楚爾漢子烏爾納襲阿爾布子伊隆阿
襲理興子昌昇襲赫濟爾亨子阿爾布襲瑪爾圖子阿爾本襲阿
林保子四十八襲靠山子福保襲八十子清敏襲六十五從子富
明襲神保子富登額襲聶鈕克子賚堪襲富成額子博校襲兆住
子珠郎阿襲巴彥子保格襲巴克塔子四十一襲七十三子托克
托和襲黑達色延濟那宗室五海伊什圖護勒興造那畱永泰色
麟保和爾敏富長阿色明丹泰德甯扎布占依泰額爾登布阿藏
素珠克圖富勒渾明泰納素圖丹巴達爾查阿西圖薩那爾圖塞

明阿昌昇瑚山伊常阿翰其哈蘇泰赫達色恭格六十一遜泰碩
蘭丕揚藹五達禮愛常阿六十三穆爾渾鈕鈕偏格靈官保璜成
禪布與保外博色僧保色爾登保定務庫舒隆阿襲俱無考瑪尼
五十九佛保猛可烏爾圖那蘇圖納蘭蘇住克圖薩穆布戴等九
人係部委之員例不授世職俱給卹銀入祀昭忠祠西彌賚滿洲
鑲黃旗人姓鄂諾永國蒙古人隸滿洲正黃旗姓巴岳忒德明滿
洲鑲黃旗人姓勒第岳丹滿洲正黃旗人姓伊拉理五海滿洲正
白旗人姓喜塔臘德福滿洲鑲紅旗人姓瓜勒佳寶善滿洲正紅
旗人姓費莫安啟滿洲鑲黃旗人姓富爾庫魯偏圖滿洲正白旗
人姓富察宗室五海旗無考凱秦滿洲鑲紅旗人姓那木都魯瑪

兆滿洲鑲黃旗人姓舒穆祿伯精滿洲正紅旗人姓兀扎喇羅密
滿洲鑲藍旗人額什特滿洲鑲黃旗人哲爾布滿洲正黃旗人俱
姓瓜勒佳額爾必哈蒙古正黃旗人姓武武郎罕烏常阿滿洲正白
旗人姓兆佳霍爾敦滿洲正紅旗人姓他塔喇色貝滿洲正紅旗
人姓納喇丹岱滿洲鑲白旗人姓伊爾根覺羅安保滿洲鑲紅旗
人姓完顏舍利保蒙古鑲紅旗人姓卓特烏里禪滿洲正藍旗人
姓西林覺羅楚爾漢滿洲正藍旗人姓賽密勒阿爾布滿洲鑲藍
旗人姓瓜勒佳和爾敏滿洲正紅旗人姓他塔喇富長阿滿洲正
白旗人姓卓佳色明滿洲正白旗人姓瓜勒佳扎布占滿洲正紅
旗人姓巴雅克依泰滿洲鑲黃旗人姓李佳理興滿洲鑲黃旗人

姓章佳赫濟爾亨滿洲鑲紅旗人姓赫舍里瑚山滿洲正黃旗人
姓納喇瑪爾圖滿洲正黃旗人姓瓜勒佳阿林保滿洲正白旗人
姓洪佳靠山蒙古正藍旗人姓務爾魯特八十滿洲鑲藍旗人姓
完顏六十五蒙古正白旗人姓巴雅爾齊神保滿洲鑲紅旗人姓
富察聶鈕克滿洲正藍旗人姓烏蘇富成額滿洲正紅旗人姓溫
都遜泰滿洲鑲藍旗人姓瓜勒佳五達禮滿洲正藍旗人姓安達
拉愛常阿滿洲鑲紅旗人姓洪鄂兆住滿洲正紅旗人姓薩爾圖
巴彥滿洲正藍旗人姓宜特墨巴克塔滿洲正藍旗人姓納喇璜
成滿洲正白旗人姓瓜勒佳外博色滿洲正藍旗人姓烏蘭哈特
僧保滿洲鑲紅旗人姓烏齊喜特保定滿洲鑲黃旗人姓章佳黑

達色滿洲鑲黃旗人延濟那蒙古正紅旗人伊什滿洲鑲白旗人
圖護勒滿洲正黃旗人興造滿洲正紅旗人那畱滿洲正藍旗人
永泰蒙古鑲藍旗人色麟保蒙古鑲紅旗人丹泰滿洲鑲黃旗人
德甯滿洲正黃旗人額爾登布滿洲鑲黃旗人阿臧滿洲正黃旗
人素珠克圖蒙古鑲紅旗人富勒渾滿洲正白旗人明泰蒙古正
紅旗人納素圖蒙古鑲紅旗人丹巴蒙古正藍旗人達爾查蒙古
鑲黃旗人阿西圖滿洲鑲白旗人薩那爾圖滿洲鑲藍旗人塞明
阿滿洲正紅旗人昌昇伊常阿翰其哈俱滿洲鑲紅旗人蘇泰滿
洲正紅旗人赫達色蒙古鑲白旗人恭格蒙古鑲黃旗人六十一
蒙古正白旗人碩蘭滿洲鑲藍旗人不揚滿洲正藍旗人六十

三滿洲鑲藍旗人穆爾渾滿洲正黃旗人鈕鈕滿洲鑲黃旗人偏
格滿洲正藍旗人靈官保滿洲鑲白旗人禪布滿洲鑲藍旗人七
十三蒙古鑲白旗人興保滿洲正紅旗人色爾登滿洲正白旗人
務庫滿洲鑲黃旗人舒隆阿滿洲正白旗人瑪尼五十九佛保俱
蒙古正黃旗人猛可烏爾圖那蘇圖納蘭蘇住克圖薩穆布戴俱
蒙古鑲紅旗人姓俱無考

右 國史館本傳

魏麟 子承熹
王世勳等

魏麟山西大同人由行伍洊升直隸真定鎮總兵雍正七年準噶爾台吉噶爾丹策凌匿青海叛賊羅卜藏丹津大兵進討麟爲車陣漢統領從靖邊大將軍傅爾丹由北路出師八年進軍科布多九年勦庫列圖六月戰於和通呼爾哈諾爾麟與其子承熹俱陣亡同死者防禦署參領王世勳領催署防禦吳雲漢十年賊犯烏遜珠爾防禦署參領穆爾圖驍騎校胡登秀皆戰死時張家口協左營把總趙興旺以督糧至軍接戰中流矢死陝西涼州高溝堡守備劉士瑀駐防峩嵒賊猝至士瑀接戰三日夜死時岳鍾琪爲甯遠大將軍由西路進從之者西安鎮標千總署提標遊擊事

國朝通志卷一百四十一
楊文蔚以檄赴阿濟畢濟勘道路率肅州兵二十人遇賊於泥邱
墩力戰身受矛傷二刀傷一遂遇害西安鎮標中營把總張閱以
檄赴一顆樹及南湖牧馬並防卡賊來犯陣亡又分防哈密之陝
西回原提標千總署守備事鄭彩戰歿於羊廠右營把總藍祥戰
歿於拖密馬廠在科什圖陣亡者提標中營千總李浩前營千總
丁起元先後事 聞議卹麟 贈都督同知世勳雲漢穆爾圖登
秀俱雲騎尉興旺士瑪俱廢衛千總文蔚廕把總閱廕一子以外
委千把總拔補餘卹如例世勳正紅旗漢軍雲漢正白旗漢軍穆
爾圖鑲黃旗漢軍登秀正黃旗漢軍興旺甘肅人士瑪鑲黃旗漢
軍浩起元俱甘肅人餘籍無考

右 國史館本傳

國史館本傳

卷三十三 忠義十七

七

國朝詩林卷之七

--	--	--	--	--	--	--	--	--	--

湯裔 許世隆等

湯裔江南霍邱人任太醫院七品官給六品頂帶雍正七年隨靖
邊大將軍傅爾丹由北路出師征準噶爾九年六月進剿至和通
呼爾哈諾爾裔陷賊不屈死傅爾丹之由北路出師也 上命岳
鍾琪爲西路定遠大將軍同時進剿是時永固營參將許世隆涼
州鎮標後營守備楊世英守備馬金良千總邵志西甯鎮標前營
千總李馥右營千總王剛西安營把總胡爾賓雙井堡把總楊一
奉涼州鎮標前營把總陳之畏中營把總楊兆魁甄喜外委把總
李文魁袁珍郝勇相等俱隸西路陝西督標左營守備王可得李
剛右營守備徐登雲左營千總署守備杜忠前營千總署守備杜

麟中營千總馬仁提標右營千總張宏功咸甯營千總龐國佐督
標左營外委千總烏從榮等俱隸西路前後皆力戰死又有永固
營千總馬建功亦隸西路於九年四月偵賊於烏圖水戰死議卹
裔 贈布政司經歷廕一子入監建功廕衛千總餘卹如例世隆
甘肅甯夏人金良甘肅西甯人馥四川人剛甘肅西甯人爾賓之
畏兆魁俱甘肅人喜甘肅西甯人文魁甘肅山丹人珍甘肅固原
人勇相陝西鳳翔人可得剛登雲忠俱陝西長安人麟陝西咸甯
人仁宏功俱陝西長安人國佐陝西咸甯人從榮陝西長安人建
功甘肅靈州人餘籍無考

右 國史館本傳

富昌 扎爾瓦等

富昌滿洲正紅旗人姓納喇雍正十年以三等輕車都尉署前鋒侍衛從振武將軍公傅爾丹征準噶爾七月十四日賊犯馬遜珠勒大軍接戰敗其前隊後隊大至富昌與三等輕車都尉署參領扎爾瓦三等輕車都尉佐領瑪什太雲騎尉署參領沙色雲騎尉兼城守尉布爾哈力戰陣亡同死者前鋒參領龍保護軍校委署參領寶雷四明彰保住普明全寶定住尼雅哈愛明阿達色瑪斯哈賽畢圖佐領委署參領克爾吉楞都爾敦住克護軍校委署參領穆騰額那蘭泰防禦委署參領穆爾圖護軍校富成額扎爾布穆騰額領催署閒散章京色楞泰署參領尹吉那素色署防禦珠

理護軍校諾爾布安泰驍騎校泰布署前鋒校瑚什屯奇三泰署
護軍校隆保鄂爾布署護軍校福祿果泰瑚什巴烏占夸色如寶
富僧和順額爾慶額六格多爾九達色達碩色興亮騷達色什德
旺初克博楞泰依齊富德七雅圖八永赫達色老密伊馬奇永泰
畱保住麻色明山珠祿薩哈連成明四赫赫達色常平五十九領
催委署驍騎校那爾泰關東和倫泰偏圖議卹富昌扎爾瓦瑪什
太 贈二等輕車都尉沙色布爾哈 贈騎都尉龍保寶畱四明
彰保住普明奎寶定住尼雅哈愛明阿達色瑪斯哈賽畢圖克爾
吉楞都爾敦住克穆騰額那蘭泰穆爾圖富成額扎爾布穆騰額
色楞泰安泰等俱 贈雲騎尉素色 贈騎都尉尹吉那珠理諾

爾布泰布瑚什屯奇三泰隆保鄂爾布贈襲俱無考福祿等四十人係部委之員例不得授世職俱給卹銀入祀昭忠祠富昌子占保襲扎爾瓦子邁拉遜襲瑪什太子德楞額襲沙色子靈保護布爾哈子金泰襲彰保住子彰仙保護普明子蘭泰襲全寶子福善襲定住從子瑪蘭泰襲尼雅哈子達衝阿襲愛明阿子廣成襲署參領穆騰額子德克晉布襲富成額子德昌襲扎爾布子吉隆阿襲護軍校穆騰額孫文貴襲龍保寶畱四明達色瑪斯哈賽畢圖克爾吉楞都爾敦住克那蘭泰穆爾圖色楞泰安泰素色等襲俱無考扎爾瓦蒙古正藍旗人姓努特瑪什太滿洲鑲藍旗人姓瓜勒佳沙色滿洲正紅旗人姓多羅布爾哈滿洲正黃旗人姓伊爾

根覺羅四明彰保住俱滿洲正白旗人四明姓瓜勒佳彰保住姓
納喇全寶滿洲正紅旗人姓棟鄂定住滿洲鑲紅旗人姓嵩佳尼
雅哈滿洲正黃旗人姓薩克達愛明阿滿洲鑲紅旗人姓舒舒覺
羅達色滿洲正黃旗人姓李佳瑪斯哈滿洲正藍旗人姓賽密勒
署參領穆騰額滿洲鑲紅旗人姓鄂卓那蘭泰滿洲正黃旗人姓
李佳扎爾布護軍校穆騰額俱滿洲正白旗人扎爾布姓扎庫塔
穆騰額姓舒穆祿泰布滿洲鑲藍旗人姓佟佳福祿滿洲鑲黃旗
人姓伊爾根覺羅夸色如寶俱滿洲正黃旗人夸色姓瓜勒佳如
寶姓伊爾根覺羅興亮滿洲正紅旗人姓扎活絡依齊富德七雅
圖八永俱滿洲鑲紅旗人依齊七雅圖俱姓瓜勒佳富德姓鈕祜

祿八永姓兆佳永泰麻色俱滿洲正藍旗人永泰姓納喇麻色姓
西林覺羅珠祿成明俱滿洲鑲藍旗人珠祿姓完顏成明姓舍瑪
里龍保滿洲正藍旗人寶畱滿洲正白旗人普明滿洲鑲紅旗人
賽畢圖滿洲鑲藍旗人克爾吉楞滿洲正白旗人都爾甯古塔鑲
藍旗人敦住克蒙古正紅旗人穆爾圖滿洲鑲黃旗人富成額滿
洲鑲白旗人色楞泰滿洲正藍旗人尹吉那蒙古正紅旗人素色
滿洲正紅旗人珠理滿洲鑲白旗人諾爾布蒙古正藍旗人安泰
滿洲鑲黃旗人瑚什屯滿洲正紅旗人奇三泰滿洲鑲藍旗人隆
保滿洲正黃旗人鄂爾布滿洲正藍旗人果泰瑚什巴烏占俱滿
洲鑲黃旗人富僧和順俱滿洲正黃旗人額爾慶額六格多爾九

達色俱滿洲正白旗人達頤色蒙古正白旗人騷達色滿洲正紅旗人什德滿洲鑲白旗人旺初克蒙古鑲白旗人博楞泰蒙古鑲紅旗人赫達色老密俱滿洲正藍旗人伊馬奇蒙古正藍旗人雷保住明山俱滿洲正藍旗人薩哈連蒙古鑲藍旗人四赫赫達色常平五十九俱滿洲鑲藍旗人那爾泰滿洲鑲黃旗人關東滿洲正白旗人和倫泰滿洲鑲白旗人偏圖滿洲正紅旗人姓俱無考

右 國史館本傳

張玉 徐學聖等

張玉山西人由行伍累官臺灣南路營署守備雍正九年冬臺灣北路大甲溪土番林武力倡亂次年三月南路逆匪吳福生亦乘閒起事燒舊社及石井汛由淡水溪攻埤頭玉從提督王郡分三路夾攻戰於洋田玉與外委千總徐學聖外委把總鄭光宏同在中路敗其前鋒賊復集自辰至未戰數合賊潰竄生擒賊黨蕭田等八人梟營門越日福生等三十餘人亦就擒南路遂平洋田之戰中路實先登故玉與學聖光宏及兵丁陳得添等七人俱遇伏陣亡官兵旋渡大甲溪進勦北路追殺抵生番悠吾界賊遁入南日內山把總張養率兵追之峭壁峻絕樵徑僅一綫攀援而登礮

聲震山谷賊負創走養亦陣歿官兵擄賊巢北路亦平是役也右
營守備彭捷北路協標外委把總劉祥中營把總葉龍俱奉檄會
勦受傷死先後事 聞 詔贈玉守備廕衛千總學聖光宏養各
卹銀如例養廕一子以外委千把總拔補龍廕一子監生餘卹如
例光宏福建人捷泉州南安人祥龍俱福建人學聖養籍俱無考

右 國史館本傳

楊馥 楊漢飛等

楊馥甘肅西甯人由千總洊升貴州大定協副將雍正八年雲南烏蒙夷祿萬福叛馥會大軍討平之復府治十年古州等處生苗句結爲亂台拱苗聚甘翁嶺阻餉十月巡撫元展成檄馥赴援揮戈先登斬數十賊受槍傷猶引弓射賊遂歿於陣事 聞 詔贈馥右都督授其子恆新遊擊先是逆苗於台拱設營陰連各寨圍我師之在排略者定廣副將曾長治率兵五百救排略破賊眾火其寨將還師台拱賊阻之右營千總楊漢飛衝突賊眾被創陣亡事在九月在排略圍中死者又有千總尹成熙把總高騰鳳馥之死也逆苗爲馥逐殺負尸而歸者踵相接諸將乘勢進攻雞講昂

此等寨右營千總劉上仁左營外委千總曹文明皆力戰死又攻
番招寨左營千總賀雲龍死之十一月攻固盆關安籠鎮標外委
把總王有志死之十二月攻空稗貴州大定協外委把總蔡應試
死之議卹漢飛成熙騰鳳上仁雲龍俱廕把總餘卹如例漢飛成
熙俱貴州貴陽人騰鳳貴州平越人上仁貴州普定人文明貴州
平越人雲龍貴州普定人有志貴州南籠人應試貴州大定人

右 國史館本傳

羅資裘 黃招賢等

羅資裘雲南安甯人由武舉署守備管貴州平越營遊擊事雍正六年隨巡撫張廣泗征逆苗由凱里進丹江戰九日夜駐兵烏耶破囊猛有功十年九月台拱苗圍排略兵不火食者三日巡撫元展成飛檄各路赴援資裘督糧至排略伏賊突起力戰死之事

聞 詔授其子雲標守備部議資裘係署守備加一級 贈守備 十月烏猛番招逆苗乘夜築土牆阻我兵樵汲路清江鎮總兵趙文英攻之不克千總黃招賢衝擊創重死文英攻市界寨提標右營千總蘇成鳳大定協右營把總徐三錫左營把總謝景雲唐起鳳皆歿於陣會定廣副將曾長治率兵五百援排略把總王朝傑

先至破賊火其寨將還師台拱苗阻之復戰適資袞督糧隨其後
資袞既死朝傑亦戰歿古州逆苗之變先後死者又有劉清劉文
龍范之奇皆外委官事平議卹招賢成鳳三錫景雲起鳳朝傑俱
廕一子以外委千把總拔補餘卹銀如例招賢貴州安順人三錫
大定人景雲平越人起鳳大定人朝傑安順人成鳳貴州人餘籍
無考

右 國史館本傳

高本陽 張璧等

高本陽雲南劍川人雍正五年武進士由三等待衛發貴州署安籠鎮標右營中軍守備十年丹江雜講上下九股苗不靖巡撫張廣泗調各路兵會剿本陽從征逆苗於台拱積糧芻抗官兵且圍我師之在排略者時外委把總張璧戰歿於排略安籠鎮標右營把總劉鳳臨戰歿於台拱本陽會大軍救排略大破之火其寨將旋師台拱賊要之斷歸路本陽奮勇衝突殺賊無算賊環集被創陣亡黔苗之變先本陽死者威甯鎮標千總李啟唐以四年征九股苗五年正月攻獲迭聖陣亡六年八月大定協把總胡朝相攻丹江傷重死七年三月同仁協左營外委千總廖元恆戰死於柳

羅寨八年九月大定協右營千總鄒文戰死於得勝坡九年五月
 提標把總耿建功戰死於銅仁十月大軍攻嶺月寨古州鎮標千
 總周熹發一矢貫二苗苗膽落寨寨走熹追之中火銃死先後議
 卹本陽 贈守備廕衛千總熹廕把總餘卹如例鳳臨貴州南籠
 人啟唐貴州威甯人朝相直隸正定人元恆貴州銅仁人文貴州
 安順人建功山東人熹貴州貴筑人璧籍無考

右 國史館本傳

蔣秉忠 顧錦等

蔣秉忠貴州貴筑人官貴州提標前營中軍守備雍正十年從征九股苗十一年正月進攻高嶺偵知賊匿山中率兵進剿擒十餘人歿於陣二月歸化營千總顧錦天柱營左司把總王允武畢赤營外委把總劉德潤俱以剿番招寨戰歿三月廣西左江鎮標守備何英隨提督哈元生剿賊至番招亦力戰死時逆苗築土城於蓮花壘四面皆深箐積米芻牛羊併力死守元生親督戰將弁爭先登破其壘廣西永甯營千總秦登魁安籠鎮標右營把總樂禹廣西把總關志貴州把總李瓊外委千總何起林許之才外委千總江應龍湖廣提標外委把總德沛皆受創死事 聞議卹秉忠

英俱以署守備 贈守備廕衛千總登魁廕把總錦允武禹志瓊
各廕一子以外委千總拔補餘卹如例錦貴州普定人允武湖廣
靖州人德潤貴州畢節人英登魁俱廣西臨桂人禹貴州南籠人
志廣西宣化人瓊起林俱貴州貴陽人之才貴州大定人應龍貴
州黔西人德沛湖南武陵人

右 國史館本傳

溫寬 吳宏熙等

溫寬貴州郎岱西堡司人雍正四年襲西堡副長官十年丹江雜
講生苗作亂先是黔省苗屢不靖入舟長官司吳宏熙戰死於定
旦事在七年至是又叛總督鄂爾泰調兵征勦先克大小丹江十
一年進攻番招各寨寬從提督哈元生會勦二月有烏羅寨苗突
犯我師寬力戰陣亡是年九股苗蕩平寬照千總例卹銀百五十
兩廕把總十三年古州苗復結空稗革夷臺盤及清平縣屬五十
二寨苗爲亂四月陷丹江土千總劉漢宗死之攻崖門司焚劫黃
平新舊二州村寨崖門長官司何其仁與重安土司張純全拒守
逆苗萬餘焚劫二州倉糧純全與土千總何模奮勇拒力竭純全

赴水死模戰歿其仁同朗城司土吏目馮秉文多方堵禦城陷俱
赴水死純全其仁全家遇害沙營長官司沙蓋美隨提督哈元生
進剿攻鐵關黃平重安諸處有功七月賊陷平寨河蓋美隨諸軍
赴援戰死又有朗城土千總馮鍾俊八月戰歿於黃岑寨議卹其
仁純全模各卹銀百五十兩廕把總秉文 贈主簿蓋美鍾俊各
卹銀百五十兩廕把總餘卹如例

右 國史館本傳

柏恆盛 胡世彥等

柏恆盛陝西興平人任雲南曲尋鎮標守備從討米貼逆尋加都司僉書雍正十年元江裸賊等作亂恆盛與臨元鎮標守備胡世彥昌新運並奉檄從征二月雲南營外委千總劉瑤守土夏汛戰不利被執不屈死五月普洱鎮標外委千總劉佐國遇賊於清水河馬師元遇賊於等角河王人傑遇賊於把邊江皆陣亡閏月普洱鎮標把總陳天申戰死於通關哨六月元江營把總康天錫戰死於他郎臨元鎮標把總洪先戰死於戶東山七月臨元鎮標把總聶光廷攻賊於紅藤箐被創死八月新運擊賊攸樂坡斬百餘人創重死新營營分防揚武霸把總陳文秀以赴援新平戰死又

有新營營外委千總管俊升攻舍疊壠胡登甲戰慢岡壠外委把
總洪紹玉戰糯帕山臨元營外委把總張正宏攻關坪雲南營外
委把總高成攻阿花寨皆死是年官兵勦普思逆夷於臨安陣亡
者督標千總朱元臣十一年二月撫標千總王昌臨安鎮營把總
邢騰漢擊賊於喇博督標把總汪自貴擊賊於阿者皆死三月恆
盛駐防阿扒賊來攻援兵不至恆盛率開化鎮標千總張朝輔把
總潘元勳力戰死同死者曲尋營候補守備張瑜外委把總錢達
時腊縱賊與猛烈賊通沿路皆賊藪世彥戰死於腊縱提標外委
千總張良佐戰死於猛烈四月官兵破猛烈賊潰奔雲南營外委
把總李景茂黃天祐張世正皆陣亡外委把總周衛昇於等角河

遇賊死五月進攻腊縱楚姚鎮標外委把總陳宣死之十三年二月攻賊首三比於木城官兵至銷烈半山遇賊永順營把總李謙死之四月官兵抵普思等處先後陣亡者又有土千總陶正明把總李士美戰不利自溺死者提標千總馬麟培事平議卹恆盛贈遊擊廕衛千總世彥遊擊新運都司僉書各廕衛千總天申天錫先文秀俱廕衛千總光廷廕一子以外委千把總拔補元臣昌各廕把總自貴廕一子以外委千把總拔補朝輔廕把總元勳謙各廕一子以外委千把總拔補正明廕把總士美麟培各廕一子以外委千把總拔補餘卹如例世彥雲南楚雄人新運陝西西安人瑤佐國師元俱雲南元江人人傑雲南昆明人天申湖南武陵

人天錫雲南元江人先雲南開化人光廷雲南建水人文秀雲南
新平人俊升江南桃源人登甲雲南新平人紹玉雲南元江人正
宏成俱雲南建水人元臣湖南常德人昌甘肅甯夏人騰漢雲南
建水人自貴四川成都人朝輔陝西西安人元勳雲南昆明人瑜
達俱雲南甯甯人良佐甘肅平涼人景茂雲南趙州人天祐雲南
永北人世正雲南開化人衛昇湖南常德人宜雲南尋甸人謙雲
南保山人麟培雲南永北人正明士美籍無考

右 國史館本傳

羅鳴序 邵煥麟等

羅鳴序湖北漢陽人由康熙五十年舉人任貴州麻哈州知州兼署黃平州事雍正十三年四月古州奸苗結空稗革夷臺盤及清平縣屬五十二寨苗爲亂攻陷凱里清平縣典史邵煥麟率眾固守逆苗從汎北山梁入煥麟奮勇手刃數賊被磔死鳴序聞凱里陷度賊必攻黃平率員弁爲守禦計逆苗萬餘猝至城下城中兵單逆苗乘夜由北門入四面火起鳴序知不可守遣家人齋二州印信繳藩庫北面再拜自縊死幕友陳憲與鳴序共守黃平事急鳴序勸之去不從遂同殉黃平陷閏月逆苗攻黃平舊州掠清平餘慶至青溪縣五月陷雞鳴關從西北入官弁率兵民同赴北山

拒守訓導譚德溥行至半山遇賊被害事 聞 詔贈鳴序參議
道廕一子入監煥麟主簿憲德溥並國子監學錄煥麟憲俱浙江
山陰人德溥歲貢生貴州龍里人是年勤事而死者又有黎平府
照磨署錦屏知縣崔汜苗亂團練鄉勇隨大兵守禦以勞瘁卒於
軍議卹如例並入祀昭忠祠汜湖北天門人

右 國史館本傳

雍正十三年春二月古州苗叛攻黃嶺城不克遂盡趨清江及白
拱誘脇遠近熟苗清平黃平施秉鎮遠四州縣苗皆應四月九日
燒掠鎮遠之邛水司入洞入弓等處二十一日陷清平縣之凱里
汛遂破重安驛驛去黃平新州三十里而近麻哈州知州羅鳴序

署黃平州事時在黃平舊州聞變遂趨新州謀守禦環州苗皆起甚警守城兵數十人耳羅君報平越鎮遠兩府及鎮遠施秉兩縣急援兩府縣苗亦警不能應苗大掠焚四郊羅君曰嗟乎嗟乎守土而不能保其疆城存與存城亡與亡客陳憲者起曰如是請與俱亡羅君曰何爲哉何爲哉非守土者比也陳君曰君能爲忠臣某獨不能爲義士乎則相與尋望後山有樹可援繫處兩默識之羅君乃解州印付家人閒道趨送省又以公帑千付書吏某以某質之藏某處曰可以死矣或曰此署事也有本州在何不去此而保麻哈曰不然署事則事其事城其城也城亡將安委或曰此新州也有舊州在何不去此而保舊州曰不然均城也舊城可保新

城其遂可棄乎已賊聲息甚急或告曰城陷矣解帶挂樹自縊已
人走告曰城尚在賊猶未入徐與陳還登城守賊益至矢石器械
盡已城中火起人大擾賊入卒惶急退保城北玉皇閣衙市四面
火器震天羅君曰嗟乎嗟乎守土而不能保其疆城存與存城亡
與亡遂與陳至後山挂樹自縊死小吏從死者數人州生員初震
周大任兩家數十口皆死之時四月二十六日也撫軍元公聞之
曰嗟乎嗟乎城存與存城亡與亡羅君其無愧矣乎乃其客及其
士民亦烈也越月賊退遣官尋其屍不可獲或曰知州及其客保
玉皇閣賊偏死裂之或曰死城下曰不然今兩州印在帑藏得之
某處質之者亦在

右書事晏斯盛撰

皇朝通志卷一百一十七

三

國朝詩林卷三十四

三

武英 孫榮等

武英直隸西甯人任雲南曲尋鎮署守備雍正十三年逆苗犯丹
江總督尹繼善檄滇兵協勦英從廣羅協副將周儀於五月至丹
江六月與賊戰於平寨河英陣歿曲尋鎮標從死者左營千總孫
榮中營把總向碩賓左營把總湯紹緒外委把總朱一鳳是月攻
柳羅汛清江協右營外委把總滕雲輝死之其先後死者大定協
左營把總尤學聖被圍於台拱都勻協外委千總唐淮攻賊於八
塞九門俱以閏四月死辰州協外委把總王有貴從攻橫塘口以
五月死雲南提標署守備陳聯捷盧國璽千總馬光秀楚姚鎮外
委千總夏興朝於十一月攻台雄死賓州營外委千總黎士俊亦

於是月攻挂丁寨死議卹 詔贈英守備廕衛千總榮廕把總碩
寶紹緒學聖各廕一子以外委千把總拔補餘卹如例榮直隸正
定人碩寶雲南宣威人紹緒湖南辰溪人一鳳雲南羅平人雲輝
湖南麻陽人學聖貴州黔西人淮貴州鎮遠人有貴湖南沅陵人
聯捷雲南尋甸人國璽雲南大理人光秀河南衛輝人興朝雲南
大姚人士俊廣東南海人

右 國史館本傳

林士昌 桑之元等

林士昌福建晉江人任雲南楚姚鎮都司僉書管守備事雍正十三年貴州苗倡亂犯古州圍台拱之番招汎四月陷黃平清平等州縣總督尹繼善發滇兵檄廣羅協副將周儀等統之馳援士昌從征七月圍橐貢黔西協副將康世顯率兵至天桃箐路塞台拱中營外委千總桑之元戰死世顯乘夜繞橐貢後山出土昌從之賊來戰陣亡同死者雲南提標左營千總李天秩楚姚鎮標把總蘇奎儀統將弁行抵開懷賊來犯撫標外委把總謝廷瓚死之事在五月是月丹江營外委千總李文玉從攻小丹江鎮草鎮中營外委千總方亨從攻橫塘口台拱營外委千總吳玉音從攻小橐

貢丹江營右軍外委千總鄒文雄從攻雞講汛皆死於是糧運阻絕六月普定營千總曹在朝護糧赴丹江遇賊陣亡同時曲尋鎮左營千總唐祚亦戰死於平寨河先後死者又有張茂孟士達把總陳汝林楊聲李常茂外委官梁金玉林兆昇李士相議卹士昌贈遊擊廕衛千總天秩在朝茂士達俱廕把總奎汝林聲常茂各廕一子以外委千把總拔補餘卹如例之元貴州思南人天秩雲南大理人奎陝西西安人廷瓚雲南昆明人文玉貴州平越人亨湖南芷江人玉音貴州黃平人文雄貴州平越人在朝貴州普定人祚雲南宜良人茂廣東歸善人士達廣東高要人汝林貴州銅仁人聲貴州貴陽人常茂廣東博羅人餘籍無考

右 國史館本傳

國史館本傳

三

國朝通志卷之六十一

三

張文秀 王德成等

張文秀陝西西安人官貴州威甯鎮署都司僉書管左營都司事
雍正十三年四月古州奸苗包利紅銀等結空稗革夷臺及清平
縣屬五十二寨苗爲亂調文秀會勦七月賊圍稟貢提督哈元生
檄各路赴援文秀夜取徑繞稟貢後山出進攻化彝臺歿於陣把
總王德成援稟貢未至中途遇賊戰死平遠協右營外委把總鍾
義運糧稟貢至回勝坡遇賊亦戰死是月貴州都勻協千總萬金
王之賢廣西提標把總蔣忠外委千總馬國奇俱援丹江賊乘風
兩突出要擊忠國奇死之雲南撫標左營把總王諭武德營把總
劉得玉廣羅營把總李雲蒼雲貴督標外委千總張麗天陳德宏

合兵攻擊大破賊於幸凹又破之挂了次日涉平寨河賊悉眾拒
金之賢諭得玉雲蒼麗天德宏皆戰死時都勻協左營把總盧開
元甫敗賊於八寨九門等處亦來助戰死於平寨又有台拱中營
把總左廷弼攻南中廣西永甯營外委把總蔣錫著運餉抵雞講
皆陣亡八月把總要子賢於黃平州遇賊死九月官兵進攻開懷
壩安龍鎮標右營守備黃表左營千總陳策臨元鎮標把總陳桂
皆陣亡湖南沅州協把總田仁德亦以是月攻草寨死先後議卹
文秀 贈都司僉書廕衛千總德成廕一子以外委千把總拔補
金之賢廕把總諭得玉雲蒼開元子賢各廕一子以外委千把總
拔補策廕把總桂仁德各廕一子以外委千把總拔補餘卹如例

德成貴州貴陽人義貴州平遠人金之賢貴州安順人國奇貴州
貴陽人忠廣西臨貴人得玉湖廣武昌人雲蒼麗天德宏俱雲南
昆明人開元貴州貴陽人廷弼貴州思南人錫著廣西永甯人子
賢河南裕州人表貴州南籠人策貴州普定人桂雲南人仁德湖
南辰州人

右 國史館本傳

--	--	--	--	--	--	--	--	--	--

曾唯 郭占乾等

曾唯廣西全州人官粵西撫標遊擊雍正十三年從左江鎮總兵王無黨勦黔省古州逆苗初九股苗既定於其地建城設官隸鎮遠府事在十一年至十三年四月古州苗包利紅銀等爲亂結空稗及清平五十二寨苗圍清江陷凱里千總郭占乾遇害又圍黃平州平越營外委把總黃進忠帶兵赴偏橋遂畱守城城陷進忠死之賊焚巖門新舊二司倉糧左營把總分防巖門司梁璧戰死閏月苗掠黃平舊州長壩營把總李榮禦之傷重死時提標前營守備高謀守台拱之排咱汛排咱陷謀死之提標左營千總黃金貴耿玉前營把總蔡文魁把總馮自貴王元章皆以援排咱死賊

旋圍小丹江千總劉文魁拒守五月糧盡率兵民將往丹江賊追及戰死是月攻賊於橫塘口死者辰州營千總萬民占鎮筸營把總朱自植黔西協把總史宗淵六月普定營把總周連戰歿於平寨河平遠協守備呂先賢運糧至烏騷嶺與連同戰死七月雲南督標千總張忠亦戰死於平寨八月官兵攻克老鴨寨遂入丹江十月唯等勦燬六甫寨斬馘百六十級絞杆柳傍等寨皆降十一月勦下九股苗乘勝勦臺雄賊悉力拒守唯與撫標千總熊祿左江鎮標把總史能貴州撫標把總楊萬玉雲南楚姚鎮標把總曹廷棟貴州安順營把總蔣可正皆力戰死議卹唯署守備管遊擊事加一級 贈守備管遊擊事廕守備占乾廕把總璧榮俱廕一

子以外委千把總拔補金貴玉俱廕把總蔡文魁自貴元章俱廕
一子以外委千把總拔補民占廕把總自植宗淵連俱廕一子以
外委千把總拔補忠祿俱廕把總能萬玉廷棟可正俱廕一子以
外委千把總拔補占乾貴州普定人進忠貴州人璧貴州威甯人
榮貴州人謀雲南蒙自人雍正八年武進士金貴貴州貴陽人王
貴州平遠人蔡文魁貴州清平人自貴元章俱貴州普定人劉文
魁貴州永從人氏占湖南沅陵人自植甘肅甯朔人宗淵貴州貴
陽人連貴州普定人先賢貴州平遠人忠甘肅甯夏人祿廣西臨
桂人能廣西橫州人萬玉貴州仁懷人廷棟雲南大理人可正貴
州永甯人

右 國史館本傳

曾唯字貫之湖南湘鄉人性質樸有膽略初隸廣西全州營伍以材武拔爲隊目與征土賊曉勇敢戰積功官至桂林參將管游擊事雍正乙卯奉調征貴州叛苗先是貴州改土歸流諸苗震懾兵威招撫甚易而古州與台拱等苗砦尤不煩兵力遂設官建城分布營汛而撫制之十年秋台拱上下江九股苗以撫馭失宜皆叛而古州亦亂明年唯率師至古州攻勦逆苗有功又明年督軍圍攻六虎砦毀之斬馘以數百計遂攻柳彭等砦降之事在十有三年是年十一月進攻台拱下九股苗乘勝逐北薄台雄砦而營砦三面斗絕與鄰砦犄角仰攻不易每攻砦則苗眾悉力抗拒而鄰

峇亦傾巢來援日有死傷卒以眾寡不敵力戰死之時既盟之三
日也比援軍馳至其所部蓋僅有存者事 聞 贈卹如例子敏
受以蔭官四川敘馬營守備終參將自死事之日迄今百有餘年
矣其他事蹟均莫能詳茲就其家傳參之爲紀其略

右紀略黃楷盛撰

按曾公籍隸湖南湘鄉縣。國史本傳以官粵遂作全州人茲錄其邑人黃楷

盛紀略於此

四庫全書
卷之三十三

七

國朝耆獻類徵初編卷三百四十八目錄

忠義十八

李如松 王淦等

鄧岐山 李三省等

倪國正 吳嗣昌等

陳文華 黃炎等

沙亮 孟臣等

任舉

賈國良 呂大智等

楊先春 金國保等

傅清

拉布敦

策塔爾 常明等

黃元龍 何茂榮等

補錄

倪國正

國朝通志卷三十四

--	--	--	--	--	--	--	--	--	--

國朝耆獻類徵初編卷三百四十八

通奉大夫前署江西巡撫江西布政使司布政使湘陰李桓輯

忠義十八

李如松 王淦等

李如松湖南善化人官寶慶協把總乾隆元年九月城步縣逆苗蒲寅山糾黨肆劫總督史貽直調兵勦平之如松戰家獎山陣亡事聞 詔廕把總五年城步縣橫嶺寨苗糾粵猺滋事寨頭司巡檢王淦綬甯營把總歐國章武岡營把總李三省外委把總鄧岐山奉檄往諭苗猺數千圍之俱被戕六月大兵會勦攻白水峒靖州協千總張文英把總王宗江戰歿是役同死者湖南提標把

總張章永順協把總鄧廷瑞荊州城守營把總陳玉奉襄陽鎮外
委千總汪自成先後死逆苗者又有湖北德安營把總章成九雲
南奇兵營外委千總李德榮貴州普安營外委把總殷清忠廣東
提標外委把總會尙彩事平議卹淦 贈縣主簿國章三省岐山
文英宗江章廷瑞玉奉自成俱廕把總餘卹如例淦順天大興人
國章湖南臨武人三省湖南靖州人岐山湖南武岡人文英湖南
靖州人宗江湖北江夏人乾隆元年武舉章湖南武陵人廷瑞玉
奉俱湖北江陵人自成湖北穀城人成九湖北鍾祥人德榮雲南
昆明人清忠江蘇吳江人尙彩廣東歸善人

右 國史館本傳

按歐公國
章一作璋

鄧岐山 李三省等

鄧岐山湖南武岡州人由行伍任城步外委把總乾隆五年橫嶺逆苗叛勾結龍家溪酋粟賢字莫宜洞酋楊清保詭稱能識古窖金銀誘眾釀錢掘取趨赴日盛遂假稱太子名號勢頗橫恣守土官緝之嚴乃轉竄義甯之小江糾集各苗猺與相抗拒四月十八日岐山奉檄同橫嶺巡檢王淦新寨把總李三省入峒招撫皆被執誘降不從械其足不與食陵虐備至一日挾至峻嶺脅以必降岐山大罵遂推墮嶺下死淦三省同遇害 恩卹如例蔭一子同時州民馬璽伉爽有膽略大軍至躬詣軍門請率鄉勇爲前鋒經略壯而許之遂鼓行而進直擣莫宜峒擒清保解至軍斬之力戰

被重創予以官不受亦豪俠流也而李三省本靖州人先是任綏甯把總調城步新寨會粟賢宇之變三省與把總歐國璋持檄往諭降至皆被執三省寬洪有風望徭眾熟識而心敬之及被執獨盛食與三省且諷之逃三省卒與國璋相守不去遂並遇害嗣雲貴總督張廣泗率大軍至勦平之三省從弟若南始獲其尸葬焉既大軍生擒賊數百若南請於廣泗曰此眾中必有戕害吾兄者願盡得而手刃之少洩憤憾耳廣泗許之三省蒙 賜卹如例子登甲廕把總又張文英亦靖州人千總乾隆五年六月從副將姜煇會勦白水峒叛徭峒界城步綏甯水如匹練噴注懸崖數十丈環山峻絕皆灌莽密箐狹徑蟠屈賊設柵於隘口其先把總王宗

江率兵進攻戰不利死之兵皆潰亂文英疾往援從卒李暄見賊勢兇猛勸阻之以兩手挽其帶文英舉刀欲斫其手暄不去則斷其帶奮呼直前左持籐牌右短刀貫入賊隊賊眾從山上以竹鏢壞其籐牌且斷文英右臂文英則左手執刀拒擊身被十四創勢不支其親卒擁之退至田隴中而死初蒲寅山之亂有把總某偕卒數人戰死峒下文英始至其處見有赤衣弁卒若相趯者文英指以爲人倏忽不見眾卜其不祥至是果遇害 卹蔭如例祀長安營忠勇祠子世富蔭把總後官至副將時又有王煥鳳凰廳人鎮算千總城步綏甯苗叛煥從總兵劉策名往勦苗悉精銳掘山口師不能進煥習用雙銅鎚各重十餘斤乃兩手揮鎚冒矢石直

前搏戰苗遂敗潰煥自是顯名軍中稱爲王大鎚嗣後破八樹砦
南山大箐橫坡諸隘日常數戰身受重傷尋卒同煥征苗者胡文
元劉應祥均先後戰死

右傳李元度撰

按歐公國
璋一作章

倪國正 吳嗣昌等

倪國正四川成都人康熙五十六年舉人任廣西義甯知縣乾隆六年四月土賊黃順潛入楚粵毗連之雙江結逆苗吳金銀等爲亂國正誘獲黃順置之獄遂率兵往雙江先召苗人諭以禍福賊不聽羈之國正怒罵賊碎其齒後聞大兵將至遂梏殺之棄屍龍潭事 聞 詔贈按察司僉事廕一子入監同時文職隨往者臨桂縣縣丞吳嗣昌下雷州吏目魯懋臨桂縣瀘田司巡檢魯器武職隨往者融懷營外委千總潘貴賊旣羈國正並偪嗣昌等諭守城者釋黃順嗣昌等不從賊悉梏殺之投尸於河於是提督譚行義率各路官軍會剿克賊巢提標千總馮選外委把總廖定邦平

樂協外委把總朱國英石得勝梧州協外委把總謝名立俱戰歿
事平議卹嗣昌 贈衛經歷懋府知事器縣主簿各廕一子入監
貴選廕把總定邦監生國英得勝名立俱把總嗣昌正紅旗漢軍
拔貢生懋順天宛平籍浙江山陰人器順天宛平人貴廣西永甯
人選定邦俱廣西馬平人國英得勝俱廣西平樂人名立福建晉
江人

右 國史館本傳

陳文華 黃炎等

陳文華貴州人任四川潼縣營守備管松潘鎮標中營遊擊事乾隆十年打箭爐口外上下瞻對土司作亂文華與夔州協署守備管守備事黃炎俱從建昌鎮總兵袁士弼往剿九月由沙普隆進兵上瞻對賊酋四朗赴我軍納款十月下瞻對賊酋班滾於木魯工山併力拒守文華炎等從士弼攻之師次山左之臘蓋班滾糾賊五百來戰我師敗之克其寨建昌鎮標左營千總馬遇樂越嶺營把總王英陣亡十一月攻克抵朱寨瀘甯營外委千總黃偕普安營外委千總李連春外委把總金文懷遠營外委把總楊蛟虎川北鎮外委把總梁國弼戰死十一年攻木魯工炎於正月文華

於閏三月皆戰歿於陣四月由納洪多進克如郎賊巢戰死者瀘甯營把總屈義先後死事者又有提標把總王昌泰甯協外委把總楊洪永定營外委把總史騰蛟事 開議卹 贈文華都司僉書廕守備炎 贈守備廕衛千總遇樂英義俱廕把總餘卹如例 炎順天宛平人遇樂四川鹽源人英四川華陽人僑四川西昌人連春四川永甯人文四川人蛟虎陝西長安人國弼四川閬中人義陝西扶風人昌四川成都人洪四川峽嶠人騰蛟貴州大定人

右 國史館本傳

沙亮 孟臣等

沙亮山東冠縣人雍正五年武進士授三等侍衛洊署西安城守營參將乾隆十二年大兵征金川調陝甘兵協勦亮領延綏兵同督標守備管遊擊事孟臣涼州鎮標署守備管遊擊事路建瀚鳳翔城守營守備管都司僉書事溫和等會戰五攻格什戎岡奪據礮卡六月勦陡物黨噶亮被矛傷陣歿七月督標左營外委把總王治從攻卡裏興漢鎮標外委千總鄭洪義外委把總李洪猷從攻大戰礮皆戰死外委把總王致中以八月戰死康八達十三年正月攻會達臣戰死同死者督標候補守備張進喜五月復攻康八達建瀚與甯夏鎮標千總楊青興漢鎮標把總李養葵外委把

總李季榮俱力戰死是月攻木耳金岡死者固原提標守備孟珏
固原城守營千總金悅鎮標中營把總公守桓攻囊得山死者涼
州鎮標把總郭士榮馬得龍攻火燒梁死者西甯鎮標外委把總
丁吉士六攻絨布寨噶拉依復攻康八達督標把總楊生吉建威
營外委把總曹元靈死絨布寨富平營把總滿宏祥死噶拉依王
泉營外委把總王錫章甯夏鎮標洪廣營外委把總王紹先同死
康八達七月甯夏鎮標署守備李璉督兵力攻康八達從之者漢
鳳營外委把總易成虎皆重創歿於軍把總高雲昇勦康八達石
山梁戰死西甯鎮標外委把總吳朝金戰章谷河溺死事皆在七
月又有涼州鎮標外委把總李國相以閏七月攻腊角歿於陣八

月進攻阿利山西甯鎮標千總康甯陝西提標把總馬得海郭生
花皆力戰死涼州鎮標外委千總張定志攻噶爾提石礪西甯鎮
標永安營外委把總孫吉忠攻色底左山梁雙礪皆於八月陣亡
九月復攻阿利山涼州鎮標千總張伏政外委把總張英西甯鎮
標大通協外委千總洪義並力戰死建威營把總王正國戰歿於
會達先後受傷死者甯羌營守備李太甯夏鎮右營守備李蓮千
總楊貴肅州鎮標右營千總劉天祿議卹亮臣建瀚俱 贈參將
廕守備和 贈署遊擊廕衛千總洪義 贈守備治洪猷致中
贈千總俱廕把總進喜 贈署都司僉書廕衛千總青 贈署守
備廕把總養葵季榮俱 贈千總廕把總珏 贈署都司僉書廕

衛千總悅 贈署守備廕把總守桓士榮得龍俱 贈千總廕把
總吉士生吉元靈宏祥俱 贈千總廕把總錫章紹先俱廕把總
璉 贈署都司僉書廕衛守備成虎雲昇俱 贈千總廕把總朝
金國相俱廕把總甯 贈署守備廕把總得海生花俱 贈千總
廕把總定志吉忠俱廕把總伏政 贈署守備廕把總英義俱廕把
總正國 贈千總廕把總太蓮俱廕千總貴天祿俱廕把總臣直
隸宣化人建瀚河南甯陵人和甘肅甯夏人治陝西長安人洪義
陝西耀州人洪猷貴州黔西人致中四川成都人進喜陝西長安
人青甘肅甯夏人養葵季榮俱陝西興安人珏甘肅隴西人悅甘
肅固原人守桓甘肅高臺人士榮甘肅武威人得龍甘肅固原人

吉士陝西甯夏人生吉元靈俱陝西長安人宏祥甘肅固原人錫
章甘肅甯朔人紹先甘肅平羅人璉陝西米脂人成虎陝西興安
人雲昇甘肅固原人朝金甘肅西甯人國相甘肅武威人甯甘肅
西甯人得海生花俱甘肅固原人定志甘肅武威人吉忠甘肅山
丹人伏政甘肅武威人英陝西定邊人義甘肅甯夏人正國陝西
長安人太陝西人蓮陝西宜君人貫甘肅甯夏人天祿甘肅鎮番
人

右 國史館本傳

任舉

任舉山西大同人雍正二年武進士六年揀發陝西以守備用七年署延綏鎮伯林堡守備尋調赴巴里坤軍營駐防應援有功十一年補甯夏鎮安定堡守備乾隆元年調甯夏鎮標營守備追敘前功紀錄二次三年署城守營都司六年實授七年遷固原提標左營遊擊十一年十一月署城守營參將十二月十八日中營卒童文耀賈世忠等借名索糧糾左右前中各營卒夜劫提督許仕盛右營卒張文才等內應奪南門入毀轅門柵攻署門未破舉聞譁卽單騎赴鼓樓掌號站隊賊懼退掠市舉馳追擊手刃賊十餘擒四十餘時所領僅五十人餘黨竄出南門分攻東西兩門舉急

登東城奮擊西門亦經右營遊擊鐵保放槍驚散事定總督慶復以聞諭曰固原提標兵丁不法糾眾搶劫事起倉猝遊擊任舉單騎直前奮勇救護擒獲多人方得解散甚屬可嘉中軍參將馮天祿見在糾參所遺員缺卽著任舉補授以旌勤勞十二年十月奉命馳驛赴金川軍營聽總督張廣泗調遣尋擢西鳳協副將舉至軍前卽同總兵許應虎副將高宗瑾參將賈國良於十二月初九初十日設伏用礮攻色底賊碉連中二百餘礮圮一角守備孔如鱗斃賊番數十因礮力小不能毀碉將撤兵賊百餘突出遇伏敗匿二十三日五更撤營賊又蜂擁至遇伏殺二百餘始潰十三年正月廣泗以賊徑歧險分路進兵檄調固原提標兵二千令

舉馳往帶領二月 諭曰金川軍營諸將多係辦理瞻對之人庸懦欺蒙已成夙習今另用任舉等皆未從征瞻對無所掣肘自能鼓勵勇往廣泗亦奏言在川鎮將忠誠勇幹無出任舉右者見在令率漢土官兵三千四百餘徑登昔嶺奪賊碉卡據要害尋奏署重慶鎮總兵五月初七日舉同候補參將王愷自牛廠啟行至素可呢山大雪初八日開路過撒烏山駐昔嶺之涼楚地遣兵五百據山梁奪碉十二日舉直抵昔嶺山梁據之山北二里許木岡孤峯壁立爲昔嶺一帶賊碉及納喇溝二處總路賊於隘口連數大卡並砌石城直官兵壘十三日晚舉潛發土兵八百順溝下督攻木岡卡賊登山救護舉於山梁連發十餘礮穿卡賊悉竄十五日

黎明遙見昔嶺山下及卡撒右梁溝內煙起則前發土兵已燬石
達喇第四礮擒番眾二十餘擊斃十餘十五日密派官兵由山溝
抄截山梁中腰卡是夜雨如注槍礮聲不絕我兵已登中峯奪山
梁襲取木岡迤西中腰卡凡五擒斬無算又乘勝奪卡二舉隨遣
兵千直抵昔嶺中峯據守十七日督攻木岡寨較中峯倍高峻我
兵用鉤鎌槍矛刺斃賊番十餘烏槍斃賊甚眾時總兵哈攀龍一
路兵馬被松林所阻不得進廣泗令攻納喇溝抄出昔嶺中峯之
右與舉兵合攻昔嶺北攀龍與副將劉忠等至舉先於嶺上及嶺
南對賊卡劄營既定隨用礮擊圮木岡大石城賊乘夜補葺我兵
亦夜施槍礮不絕二十三日潛發土兵百五十攻卡漢兵百伏截

石梁卡路令東峯官兵遙作撲攻勢至夜用礮上擊土兵蛇行躡木城用挨牌遮護多帶乾柴備焚適大雨火繩盡溼伏兵無援爲亂石所傷未克二十六日舉親抵昔嶺閱視營盤之左有得思東木達溝乃卡撒昔嶺兩路軍營糧路攸關爲礮阻同卡撒總統治大雄於二十八日五更焚木達溝一帶賊礮舉至中峯調度圍得思東大礮三斷其水道用斧進斫賊滾巖遁得大礮一小礮二乘勢奪路踞木達礮六月初九日攻克昔嶺溝底石城水卡十三日同攀龍及副將唐開中參將買國良斫木步步爲營十四日分兵三路攀龍由右面架梁堵禦開中國良由左溝穿林登攻木城舉等由中直撲石城十五日舉與開中攻石城東攀龍攻其南十六

日黎明齊進石城堅甚我兵奮攻多斬獲忽賊三百餘自西南林內突出舉揮兵禦被創戰益力復爲槍中要害而卒攀龍入林捕賊斬三十餘收舉尸還經略大學士訥親疏奏時已奉 旨實授舉重慶總兵 諭曰署總兵任舉統兵進攻昔嶺石城身自督戰奮勇直前多所斬獲乘勝追殺致被槍傷陣亡伊前在參將任內值固原兵變以單騎手刃亂兵解散賊黨捍禦全城安撫百姓勞績已爲懋著故特擢用副將命往金川軍營領兵攻勦所向克敵竟已補授總兵官深望凱旋之日錄功優敘以旌殊勳孰知伊感朕知遇奮勇捐軀深堪憫惻考之典禮以死勤事者祀之本朝特建昭忠祠用享疆場效命之臣任舉著人祠從祀所有卹典照提

督例給予伊子亦照提督例給予廕襲又諭曰朕閱訥親另摺所奏任舉捐軀報國畢命疆場不禁爲之泣下在伊等忠憤激發固已甘之如飴而朕以小醜跳梁用良臣於危地思之殊堪憫惻雖經交部從優賜卹以慰忠魂而事後之慮彌切見在凡有進止更宜因時度勢鄭重籌辦不宜徒事奮往以塵朕懷閏七月兵部議卹加贈舉都督同知賜祭葬入祀昭忠祠諡勇烈子二長承恩廕都司次承緒恩賞京營千總累遷巡捕營遊擊救中西市火被傷卒承恩於二十四年授三等待衛二十九年授福建陸路提標遊擊三十五年遷江南六安營參將四十年遷河標左營副將尋調漕標中軍四十四年遷山東兗州總兵四十八年調江

南壽春鎮四十九年二月擢江南提督 賜帶孔雀翎四月調福建陸路提督五十二年三月臺灣逆匪林爽文糾眾滋事承恩自請往剿與水師提督海澄公黃仕簡互相觀望不進 命革職等問來京治罪四月 諭曰此次臺灣逆匪林爽文等糾眾滋事朕命黃仕簡帶兵剿捕任承恩亦奏請前往朕意卽以任承恩不應同赴臺灣亦恐水師非其所轄呼應不靈未免掣肘轉於剿捕無益但因任承恩業已登舟配渡多一人或可得一人之益是以未令轉回詎意二人抵臺灣後並不親臨行陣定期會攻一南一北互相觀望果不出朕所料以致賊匪蔓延迄今未能撲滅其玩延貽誤厥罪維均卽或黃仕簡因年老患病不能親身帶兵及任承

恩到彼後不能不零星堵禦抑或賊匪眾多兵力實不敷剿捕之處伊二人早應隨時據實直陳候朕指示籌辦乃伊等並無一字奏及是其種種貽誤實無可置喙而黃仕簡係水師提督臺灣乃其專轄見在剿捕事宜又經朕特交督辦乃安坐郡城漫無籌畫伊尚如此畏葸因循更無怪任承恩之意存推諉其罪視任承恩尤重任承恩既經革職拏問黃仕簡亦難寬宥昨已降旨將黃仕簡撤回內地伊到廈門時著李侍堯卽傳旨將伊一併革職拏交刑部治罪若論黃仕簡任承恩貽誤緊要軍務之罪均應按律卽行正法朕辦理軍務賞罰必信而於畏葸退縮者尤必重加懲治故能紀律嚴明將士用命所向克捷底績成功今黃仕簡任承恩

國朝通志卷之六十一
三
怛怯貽誤若在他入必當正法但念黃仕簡年老又係病後且伊
從前辦事尙屬黽勉受恩最久所有公爵係伊祖所立功績自應
承襲卽照黃仕簡從前原奏令伊長孫黃嘉謨承襲至任承恩係
任舉之子任舉前在金川出兵時打仗受傷陣亡其次子又以巡
捕營遊擊因救火受傷身故亦無子承恩見無子嗣若將承恩正
法是任舉臨陣捐軀竟至絕嗣朕心實有所不忍黃仕簡任承恩
到部時自當照律定擬具奏然均可加恩貸其一死嗣承恩到部
擬罪如律十一月 特恩免其勾決五十二年二月 諭曰前年
臺灣逆匪滋事任承恩年力強壯非黃仕簡可比且伊自行陳請
前往臺灣勦捕逆匪更當加倍奮勉力圖自效乃亦安坐鹿仔港

與黃仕簡互相觀望並不臨陣奮勇殺賊律以逗遛之罪應按律正法但念任承恩之父任舉前在金川出兵陣亡伊弟承緒又因在京營供職救火傷斃無子皆屬歿於王事任承恩又見無子嗣若卽行正法使捐軀效命之臣竟至絕嗣朕心亦有不忍設使任承恩尙有子孫承祀斷不寬貸上年朝審旬到並經格外加恩免其一死但若仍令永禁囹圄則伊父任舉終不能有後殊非朕軫念勞臣之意見在臺灣已屆歲事著加恩釋放但伊身獲重罪經朕曲加恩宥全其軀命若仍覩顏安居輦轂之地有何面目對人著勒回原籍閉戶思過以示法外施仁至意五十五年十月因恭祝經壇兵部帶領引 見奉 旨以巡捕營參將用

右 國史館本傳

天之成忠烈士奇矣哉勇烈任公之死可謂得死綏之義者然其
初以定固原叛卒而遂有金川之 命當日若叛卒童文耀等不
乘釁劫提督署張文才等不內應不聚數千人掠市不外合攻東
西城門公亦不於是夜馳單騎登樓鳴角聲大義以刃首惡次就
獲次就撫往來如風追電掣捍衛巖疆以致虎將名傳 九重褒
大則公見信用於 天子者未必若是之重且速迨公以專闕征
金川前後不市月壘石而守者襲奪一空既取木岡旋據昔嶺且
踞中峯窺刮耳巖以偏賊巢果得如公指揮以步步圍城法蹙之
何難功成垂手未幾軍中奉羽箭傳大將軍令督戰益急詰朝而

公於西南林致命矣嗚呼何昔之定叛易而今之制敵如此其難也天也余備員史館讀公列傳爲公起敬亦爲公惜及讀上諭以任舉捐軀報國爲之泣下用良臣於危地彌切事後之慮此誠聖主因時度勢示鄭重籌辦之方而公孤軍深入奮不顧身情狀均已上徹宸衷故閔之切而恤之厚也爾雅謂矯矯勇也烈烈威也余按公謚覆公行未嘗不想見公之生平庚子余扈蹕山左晤公子承恩尋締姻於福建陸路提督官署出公事蹟及遺藁一編示余余受而讀焉知公初應募晝講武夜誦名臣奏議捷兩闌猶鍵戶三年韜略宏深矣讀公詩有白袍已染鯨鯢血單騎還思躡賊營之句壯志如見莊君學和謂今大學士阿公與公在軍

營語公云大將當持重矢石之下須少避蓋重公故預爲公危也
公牘中稟固原定叛情形一則於終夜設成後手書近千言不遺
一字所作諸家書訓子弟以忠孝濟之以清勤持門戶曾自述卻
千金之饋與士卒同甘苦魂夢俱恬由其得力於學者遠也學遠
故識定識定故利害交而不亂方公於固原軍謀將踰垣而出也
拔佩刀授夫人夫人積薪而待以示闔門不辱之義公固早自辦
一死而竟不死暨金川薄城傷足或勸之少息公戰益力圍且急
有援之出者公復入圍出殘兵其勢皆可以無死而公以兵法有
進無退志在必勝不勝則死斷斷如也其死於金川而不死於固
原者固原事起倉卒勇以御變公自主之若感激於知遇之隆

受節制於將軍之令蜀師利鈍非所逆睹惟於不能自主中以死
主之本定識行其定力始終順乎天而已矣嗚呼公雖死猶生也
千秋不朽之名天所以成烈丈夫者大而奇也公初以請益兵哈
鎮攀龍來助既被害攀龍收公尸而還貌如生軍中落大星見乘
異獸遊空虛諸所傳聞多不經要亦生氣凜凜不能忘公於身後
者 賜祭葬於大同城東之水坡寺前而以張夫人郭夫人施夫
人後先祔焉三夫人皆有婦德施夫人護公喪歸養親教子克完
公志提軍與承緒均所出也已已 皇太后召見施夫人於宮
諭曰總兵爲忠臣汝爲節婦若能教二子成立亦忠臣也 賚甚
渥益與 上嘗念及公也提軍亦選於學前以臺灣亂請往勦與

公請往金川無異承緒以遊擊救火卒俱勤王事秉公訓也嗚呼以功定難者國之福以節立紀者國之光皆古奇傑士也而公兼之非公學不足成功與節非功與節不能受 上恩惟 皇上加恩於死事之臣既優以贈銜議卹易名從祀之典又以予廕錫金存問孤兒寡婦於堂陛間天下忠臣義士聞風感泣所以明信賞而屢奏偉績可卽加 恩於公者槩其餘而余以公節顯金川由功奠固原爲美其功嘉其節歎其始終遇合之奇於天類次諸傳後而歸之

右書傳後玉綸撰

金川昔嶺之役某公僨事以至總兵官任舉陣亡舉大同進士在

參將任值固原兵變舉以單騎手刃亂兵開鎮攻昔嶺色爾力山
賊避其鋒堅守石城舉念士卒戰疲欲養蓄再攻督帥偃促遂提
刀薄卡一踊而上連斫數賊死

右兩村詩話李調元撰

一頁之月妻有未希
三三三三三

二二二

買國良 呂大智等

買國良四川西昌人由行伍出師西藏累功至署守備管參將事
乾隆十二年大兵征金川國良與署守備管遊擊事呂大智設伏
攻色底礪克之十三年大兵由牛廠過撒烏山駐昔嶺之東楚地
國良繞奪石礪木城所向克捷六月克昔嶺溝底石城水卡乘勝
進攻國良由左溝攻木城陣歿大智亦創重死其在十二年陣亡
者重慶鎮標中營守備管遊擊事李成邦外委把總彭國泰以攻
巴納山死提標候補守備楊懷玉以攻阿利山死泰甯協標千總
潘浩向朝選以攻牛毛山死川北鎮標把總張文璧外委把總陳
章馬錦以攻松林口死松潘鎮標把總蕭成以攻跟雜死松潘鎮

標把總張丕德以攻丹噶死永甯協標把總楊國璽傅正伸外委把總鍾麟會奇孟倫李應選以攻色得卜死夔州協外委把總蔣世傑重慶鎮標外委把總岳仲仁以攻木耳金剛死十三年三月建昌鎮標千總甯法武從攻緘布寨四月提標後營把總會榮鎮標千番營外委把總李德明從攻色底左山梁建昌鎮標外委把總馬國漢從攻會達五月威茂協標千總吳士秀從攻作固山松潘鎮標把總王憲從攻丹噶寨提標外委把總劉記印從攻牛廠俱力戰死六月攻述古死者四川成都城守營署守備梁士偉攻陡物黨噶死者松潘鎮標外委署守備方連攻奎足千登死者永甯協把總陳琳攻西山梁死者提標外委把總賽清注攻丹噶山

死者松潘鎮標外委把總馮維秀閏七月攻昔嶺三層碕川北鎮
千總高澤衍死之八月夔州協把總任友又死之永甯協外委把
總戴之禮戰死阿利山九月提標後營把總張澍戰死卡卡腳木
松潘鎮標外委把總何士榮戰死康入達其以十月攻木耳金岡
死者夔州協標外委把總馬化龍以十二月攻納營死者重慶鎮
標右營千總趙鉞力戰溺章谷河死者督標左營外委把總馬世
麟攻塌高山梁死者重慶鎮標外委把總瞿良佐先後傷亡者又
有松潘鎮標右營遊擊江坤提標把總高天昇張秉榮外委把總
朱煜運糧夜至沙灣溺死者撫標外委把總馬世麟土官陣亡者
沃日土守備楊滿泰巴塘土千總巴利土把總噶郡瓦寺土把總

大那甲商巴塞副土目彭錯先後議卹國良 贈副將大智 贈
 參將成邦 贈署參將俱廕守備國泰廕把總懷玉 贈署都司
 僉書廕衛千總浩朝選俱 贈署守備廕把總文璧 贈千總廕
 把總章錦俱廕把總成丕德國璽正伸俱 贈千總廕把總麟奇
 倫應選士傑仲仁俱廕把總法武 贈署守備廕把總榮 贈千
 總廕把總德明國漢俱廕把總士秀 贈署守備廕把總憲 贈
 千總廕把總記印廕把總士偉 贈署都司僉書廕衛千總連
 贈都司廕把總琳 贈千總廕把總清注維秀俱廕把總澤衍
 贈署守備廕把總友樹俱 贈千總廕把總之禮士榮化龍俱廕
 把總鉞 贈署守備廕把總督標世麟良佐坤俱廕把總天昇

贈千總廕把總餘卹如例成邦江南亳州人國泰四川巴縣人懷
玉四川平武人浩四川成都人朝選四川遂甯人文璧湖北建始
人章錦俱四川閬中人成四川松潘人丕德四川疊溪人國璽四
川華陽人正伸四川建武人麟四川永甯人奇四川敘州人倫四
川永甯人應選四川成都人士傑四川奉節人仲仁四川忠州人
法武四川通江人榮四川保甯人德明四川松潘人國漢四川冕
甯人士秀四川茂州人憲陝西人記印四川成都人士偉直隸阜
平人連四川松潘人琳四川敘永人清注四川成都人維秀四川
松潘人澤衍四川汶川人友四川巴縣人之禮四川永甯人澍士
榮俱四川松潘人化龍四川重慶人鉞甘肅甯夏人雍正十年武

舉督標世麟甘肅平涼人良佐四川巴縣人坤江南山陽人天昇
四川成都人秉榮四川石泉人煜四川屏山人撫標世麟四川華
陽人土官楊滿泰等俱四川人大智籍無考

右 國史館本傳

楊先春 金國保等

楊先春四川成都人乾隆十年以武進士分發貴州十二年大兵征金川調貴州兵協勦先春以提標候補守備同提標前營守備金國保等俱從征十二月攻木耳金岡之左山梁撫標右營把總李如桂戰歿攻普沾碉卡提標左營把總楊自旺戰歿十三年定廣協標左營外委把總劉斌李士美從攻色底之右山梁卡撒雙碉斌於五月士美於六月皆歿於陣於是先春國保相繼攻之至七月先春陣亡國保傷亡是月攻昔嶺之三層碉死者鎮標右營外委千總趙文煥八月攻巴朗尾碉死者遊義協標左營千總卜熊攻阿利山死者黃平營外委千總王良尋霽營外委把總袁安

國朝通志卷之三十三
提標中營把總張祥十二月攻右山梁巴朗平碉死者凱里營外
委把總王大任議卹 詔贈先春國保署都司僉書廕衛千總如
桂自旺俱 贈千總廕把總斌士美文煥俱廕把總熊 贈署守
備廕把總良安俱廕把總祥 贈千總廕把總大任廕把總國保
甘肅甯夏人如桂貴州修文人自旺陝西鳳翔人斌士美俱貴州
定番人文煥貴州黔西人熊貴州普定武舉人良貴州黃平人安
湖廣公安人祥貴州貴筑人大任貴州定番人

右 國史館本傳

傅清

傅清滿洲鑲黃旗人追贈一等公李榮保之次子雍正元年由閒散授藍翎侍衛五年授三等待衛十二年授雲麾使乾隆元年晉鑾儀使二年六月晉正黃旗滿洲副都統五年授天津總兵九年駐藏副都統索拜期滿命傅清以副都統往代十年疏言駐藏章京筆帖式向照哈密等處例錯綜換班派唐古特巴塘裏塘等兵護送查唐古特兵沿途窮乏不無竊掠請嗣後駐藏大臣率章京等赴藏舊駐官員帶兵同回不另護送藏地不比內地事隨到隨辦交後可查照無庸錯綜更換下軍機大臣議從之十一年疏言西藏處邊末番蠻錯處西北界準噶爾北通青海爲四川

西南外郭打箭鑪之門戶是以特派大臣並文武各員駐兵彈壓自雍正十二年設塘汛不特傳送公文且聯絡聲勢法本周詳上年副都統索拜議改番塘以免糜費乃撤汛未幾搶劫累累而裏塘一帶夾壩更甚於昔又準噶爾不惜重費赴藏熬茶或萌覬覦況番塘初設遞送卽不妥協儻因循日久遇緊要事難保無誤請自藏至鑪沿途塘汛官兵仍舊第酌衝僻遠近布置總在一千兵數內軍機大臣議如所請行先是西藏郡王頗羅鼐之二子長珠爾默特策布登次珠爾默特那木扎勒上獎頗羅鼐勞績令自保一子襲爵頗羅鼐以珠爾默特那木扎勒奏封長子十二年三月頗羅鼐卒命珠爾默特那木扎勒襲郡王諭曰西藏地

方關係甚要頗羅盤經事練達下人信服伊亦能奮勉效力今已身故雖命伊子珠爾默特那木扎勒襲封總辦藏衛事務而藏地素屬多事眾心不一珠爾默特那木扎勒又年幼未必即能收服眾心頗羅盤在時凡事由伊主張不過商同傳清斟酌辦理今非頗羅盤時可比著傳諭傳清逐處畱心訪查如有珠爾默特那木扎勒意見不到之處即行指示惟期地方安靜不生事端今歲準噶爾又往熬茶當畱心防範此際眾人意見情形及珠爾默特那木扎勒襲爵辦事後各處人心輸服與否一一體訪具摺奏聞儻有一二滋事之人即酌量辦理以示警戒四月奏言阿里克地方向係頗羅盤長子公珠爾默特策布登駐守嗣因足疾回藏茲頗

羅爾故阿里克緊要伊疾亦漸愈臣令仍往駐騰格里諾爾喀喇
烏蘇等處向係珠爾默特那木扎勒於夏季領兵駐防今伊雷藏
辦事臣令派親信宰桑先期往駐再自阿哈雅克起至阿里克每
卡增兵三十巡防疏下軍機大臣議行六月疏言準噶爾夷使進
城熬茶各隘應增兵防範阿哈雅克騰格里諾爾一路派兵六千
交該管宰桑等駐守另派噶卜倫策凌旺扎勒等帶兵三百由喀
喇烏蘇護夷使進藏珠爾默特策布登帶兵五千防守阿里克又
派四千於工布達克布及藏內防備再準噶爾入藏徑凡五各派
兵百設卡偵探又歸併藏內之那克素三十九部落番眾俱係叛
賊羅卜藏丹津舊屬夷使到時難保必無生事令移收別處至準

噶爾人等赴各寺廟熬茶時仍派兵約束并密飭知各寺廟喇嘛
疏入 詔軍機大臣議奏尋議調兵太多不但勞費恐伊等聞而
生懼應令酌調數千於緊要處防守毋涉張皇與珠爾默特那木
扎勒酌辦餘如所奏行十三年二月 命俟準噶爾熬茶事竣馳
驛來京四月補天津總兵九月授古北口提督十四年二月調固
原提督十月駐藏副都統紀山奏珠爾默特那木扎勒性情乖張
與達賴喇嘛有隙請將達賴喇嘛移駐秦甯 上訓飭之 諭曰
從前藏地常派大臣二員駐劄辦事後乃裁去一員朕思藏地關
係緊要被處應辦事件有二人相商較爲有益且換班更替有一
舊人尤覺妥當傅清曾經駐藏彼處事體諒屬稔知著賞給都統

銜由固原馳驛赴藏十二月紀山復奏珠爾默特那木扎勒告其兄珠爾默特策布登聚兵攻取果弼柰事 諭曰見在既有珠爾默特策布登起兵之信可速寄信傳清藏地關係甚要今事之真僞雖不能卽定然不可不爲留意珠爾默特那木扎勒年幼躁急性好生事外貌雖依紀山教導其實紀山轉被欺蒙亦未可知使伊本無生事之心伊兄實欲進兵來藏是特其兄弟間互相侵犯辦事尙易若伊兄並無此事而伊造言誣構藉端生事則伊卽係不可存畱之人速宜辦理然土默特人賦性狡詐或因珠爾默特那木扎勒嚴刻屬下乘伊兄弟不和從中離間更未可定此事傳清務須沿途畱心細訪儻珠爾默特那木扎勒不願派大臣駐藏

藉端設計以陷紀山斷不可忽略以致墮其術中如有見聞卽行具奏尋命侍郎拉布敦往代紀山傅清途中復奏言珠爾默特策布登構兵事恐未確或係珠爾默特那木扎勒謀據兄地捏詞起兵事端臣至藏察看情形卽將珠爾默特那木扎勒辦理得旨珠爾默特那木扎勒乖戾詭譎畱之終必生事或乘伊與兄構兵令四川總督策楞等帶兵以助戰爲名相機擒戮或俟明年章嘉呼圖克圖赴藏熬茶遣川督帶兵護送至彼伺間殲除二者孰爲利便傅清至藏可察看情形熟籌具奏十五年五月傅清旣抵藏偕拉布敦奏言珠爾默特策布登暴死珠爾默特那木扎勒擅調兵甲運礮赴薩海諭曰此時惟應靜以鎮之待其自起自止

在我原無治罪之心則伊亦不生猜疑之念勿因急欲解其疑心轉生一番忙亂俟其回藏後將如何舉動之處再行奏聞九月疏劾珠爾默特那木扎勒往後藏時誣構卜倫第巴布隆贊等抄沒其產給親愛又逐珠爾默特策布登之子珠爾默特旺扎勒戮辱頗羅鼎舊人殆盡見帶兵二千餘在距前藏三百餘里之達木地方駐牧諭曰此皆珠爾默特那木扎勒乖張悖戾但道途遼遠可暫聽之十月覆奏珠爾默特那木扎勒叛跡漸著相機擒治上命副都統班第赴藏並密諭總督策楞等備兵援剿時珠爾默特那木扎勒陰通準噶爾絕我郵置軍書不達者旬日傳清與拉布敦決計先行翦除是月十三日召珠爾默特那木扎勒至通

司岡公署登樓數其罪誅之逆黨羅卜藏扎什等糾眾圍樓縱火
施槍礮達賴喇嘛遣救不得入傅清被槍自盡拉布敦亦遇害十
一月策楞馳疏 聞 諭曰駐藏都統傅清左都御史拉布敦前
因珠爾默特那木扎勒潛謀不軌情節顯著奏請相機翦除朕以
伊等孤懸藏地未可輕舉會令侯班第到彼察看情形降旨辦理
乃伊等未及奉到諭旨以機有可乘遂爾便宜行事逆渠已經授
首而傅清拉布敦旋爲逆黨所害爲國捐軀深用憫惜又 諭曰
前西藏郡王頗羅鼐實心恭順且料理藏中事務一切安帖後因
年力就邁朕詢及將來伊二子之中孰堪爲嗣據伊奏稱長子人
甚軟弱又已出家次子珠爾默特那木扎勒人尙強幹能勝彈壓

因是令其承襲迨伊奏事一二次以後朕於其詞意之間卽知其非伊父居心可比日後必生事端屢諭駐藏大臣畱心體察嗣伊摺奏請撤駐藏官兵朕以兵數原屬無多若不准其所請轉起伊疑忌之心是以卽依所請行著紀山前往駐劄詎紀山與之設誓和好卽奏事常與同列銜名朕深責其非體是紀山不但不能懾服其心更已墮其術中矣傅清前往駐藏爲伊等所敬服遂令前往更換且慮其勢孤益以拉布敦協同駐藏乃珠爾默特那木扎勒心益狡悖將伊長兄珠爾默特策布登圖害反以伊兄叛逆誣奏又伊與達賴喇嘛素有讐讐卽戕其兄遂欲計害藏中不順伊之班第等其勢將延及達賴喇嘛獨據其地雄長一方近遂將堪

汎文書禁絕不通悖逆情形益漸昭著傅清拉布敦深知奸計摺
奏便宜行事以絕後患於今年十月初八日奏到朕以僅二大臣
孤懸絕域不可輕舉即使便宜辦理亦於國體有關且非萬全之
道批令俟班第更換拉布敦到藏日會同達賴喇嘛及藏中大格
隆等明正其罪以申國法庶協天朝體制乃傅清等未及接到諭
旨卽於十月十三日傳珠爾默特那木扎勒到通司岡加以誅戮
而傅清拉布敦旋爲伊屬下羅卜藏扎什所害總督策楞奏到朕
深爲憫惻不覺涕零因思傅清拉布敦若靜候諭旨遵行或不至
是但珠爾默特那木扎勒反形已露若不先加誅戮傅清等亦必
遭其荼毒則傅清拉布敦之先幾籌畫殲厥渠魁實屬可嘉非如

霍光之誘致樓蘭而斬之也夫臨陣捐軀雖奮不顧身然尙迫以勢所不得不然如傅清拉布敦揆幾審勢決計定謀其心較苦而其功爲尤大以如此實心爲國之大臣不保其令終安得不倍加軫悼耶傅清拉布敦著加恩追贈爲一等伯著入賢良祠昭忠祠春秋致祭傅清並入伊家祠從祀伊等子孫給予一等子爵世襲罔替以示朕褒忠錄庸之至意並將伊二人爲國捐軀之大節明白宣示使天下共知其不得已之苦心否則好事喜功者將借此二人爲口實而事外無知之人又有議其擅開邊釁而仍邀國家如此厚恩者朕豈肯令是非倒置若此者乎十六年三月 命立祠通司岡樞至京 上親臨奠醊 賞治喪銀萬兩仍 賜祭葬

如例諡襄烈 御製詩紀其事曰衛藏西南夷極邊入我王化百
餘年始猶羈縻後受賚置兵爲守防呼韓蒙古習俗尙黃教得失
視此爲轉旋其何小醜背厚澤夜郎自大輕王臣託詞承平勞物
力示之大信休兵屯戍兄虐下遂無忌更與外賊爲牽援血人於
身搜財賄中梗驛路軍書傳惟時奉命監彼土曰傅清暨拉布敦
目覩逆勢日猖獗炎炎不息將燎原戰守不可兵力弱官軍萬里
阻蜀門國事爲重餘度外二人同心利斷金知無一生有九死但
期濟事酬深恩珠爾默特那木扎勒汝來示汝大義存天無二日
爾二日爾忘爾父叨翰藩兇渠稔禍力已張藐視二人何有焉籠
中之鳥砧上魚西藏指日詎有全挺身來見忽疑慮潛呼羣醜施

戈鋌傳清且前扼其臂逆王命者誅無延拉卿拔刀刺其脰罪在
魁首無牽連羅藏扎什其羽翼走險叫譟豕突然桀犬吠堯各爲
主蜂屯蟻聚來獍豕吁嘻二臣力不逮如歸視死雙軀捐小醜烏
合旋就縛駢首就戮長竿懸逆誅順撫妖氛靜衛藏萬眾如一言
忠臣報主有如此智勇兼濟誠通天昔每椎心今吐氣如披雲霧
瞻蒼旻不勞一旅翦渠寇豈止萬命免沈淪戶祝社祭眾率志虔
伸絕域千秋傳靈輿肅肅歸故里建祠臨奠恩頻宣錫爵賜封延
後世志予哀悼旌勳賢雙忠之氣浩千古雙忠之力敵萬軍罵賊
有似奮常山誘致大異斬樓蘭雙忠節略傳斯篇他年待入信史
編又 諭曰前駐藏都統傅清左都御史拉布敦因珠爾默特那

木扎勒逆謀顯著先事翦除奮不顧身忠誠卓越俱著加恩贈卹人祀賢良祠昭忠祠傅清並入伊家祠從祀不知者或訾二人冒險邀功且議朕爲酬庸過厚也今據駐藏策楞班第等奏珠爾默特那木扎勒自立名號潛遣其心腹堅參扎錫等通款準噶爾稱策旺多爾濟那木扎勒爲汗且求其發兵至拉達克地方以爲聲援幸值準夷內潰所遣使人回藏被獲得其逆書並餽獻諸物是其陰蓄異志句結準夷罪不容誅設非二臣協力同心決計先辦則其貽害藏地將不可言是二臣協心甚苦而有功於國家甚大特建雙忠祠合祀二人春秋致祭丕昭勸忠令典傅清既有專祠著不必從祀家廟傅清子明仁初襲一等子爵授三等侍衛乾隆

二十五年同額爾額齊 救往巴達克山宣諭 威德三十六年
四月赴金川軍營十二月大軍攻巴朗拉賊卡明仁偕侍衛新達
蘇等於兩礮開掠山礮擊賊三十七年三月攻資哩北山賊乘雪
夜逃明仁偕侍衛喬蘇爾等分路追之賊潰遁阿喀木雅寨我軍
以礮環攻賊復竄明仁追擊之五月攻資哩南山明仁偕侍衛賡
吾素等有功督鑄礮七月賊番三百餘犯明仁等所守木卡擊敗
之九月提督董天弼由納雲達進兵 命明仁偕翼長富瑚等往
助之尋自咱瑪山梁踰穆隔岡分攻木子山梁克石卡三十餘大
卡木城三斬賊百餘 諭部議敘十一月授二等待衛十二月西
南兩路大軍合兵進剿明仁充領隊侍衛尋隨將軍溫福攻克布

朗郭宗摧頭等侍衛三十九年三月大軍攻凱立葉明仁偕侍衛
彭需擊第二峯賊卡五月進攻羅小瓦山岡下木城石礪賊番百
餘從箐內拒敵擊敗之四十年五月 諭曰明仁在阿桂隊內於
本年五月攻取康薩爾山梁等處隨眾帶兵乃此後打仗並無伊
名著阿桂查明據實覆奏尋以明仁患病未愈奏 諭曰明仁在
彼無用著來京明仁懇畱軍營自效力將軍阿桂代奏奉 旨聽
其自畱看如何效力九月卒於軍營 諭曰據阿桂奏明仁自到
軍營以來帶兵打仗頗屬奮勉近雖抱病尙力疾行走茲因病身
故等語覽奏深爲憫惻著賞給副都統銜並著該部卽照贈銜議
卹所有子爵卽著伊子寶綸承襲尋 賜祭葬如例

右 國史館本傳按公姓富察氏

拉布敦

拉布敦滿洲正黃旗人父尙書錫勒達自有傳康熙五十五年拉布敦由閒散襲其叔祖勒爾圖三等輕車都尉世職雍正七年赴北路軍營隨靜邊大將軍傅爾丹勦準噶爾於和通呼爾哈諾爾拉布敦與賊連戰數晝夜斬獲甚眾十年八月隨額駙策楞敗賊於額爾德尼昭十二月授世管佐領十一年查敘軍營超勇人員賞戴孔雀翎十二年奉命率兵越阿爾台山偵探十三年保列一等引見以參領用乾隆元年補參領六年二月授鑲紅旗滿洲副都統三月調正紅旗八年授北路軍營參贊大臣九年授定邊左副將軍疏言偵得布爾吉推河有厄爾特宰桑額勒慎等十

餘戶駐牧布延圖河源有烏梁海得木齊扎木禪等十餘戶駐牧
布爾吉推河在阿爾台山梁外布延圖河源在阿爾台山梁內均
距卡倫不遠見密札坐卡侍衛等嚴防 詔軍機大臣等議尋議
伊等或因避雪來但日久未免生事準噶爾夷使哈柳在京應諭
以守定界毋任意游牧令還告台吉噶爾丹策凌卽撤回 從之
十年疏言烏梁海得木齊烏爾巴齊等避雪駐牧黃加書魯克距
卡倫甚近託爾和烏蘭及布延圖哈瑪爾沙海卡倫外皆有準噶
爾人嚴飭坐卡侍衛等小心防範報 聞十一年還京補正白旗
滿洲副都統十二年署古北口提督十三年四月駐藏副都統傅
清期滿 命拉布敦往代十月 諭曰據拉布敦奏西藏新襲郡

王珠爾默特那木扎勒寄知阿里克交易回人等告稱見在準夷
內亂伊卽嚴飭各卡緊密防守如有準夷來到卽送至藏等語藏
地關係緊要駐藏大臣凡事最宜查取確實權其輕重相機辦理
毋得稍有滋事藏內不可容畱準夷一人可傳諭拉布敦知之十
四年正月還京授工部左侍郎仍兼正白旗副都統六月兼正藍
旗副都統竝署鑲白旗漢軍都統十二月 命仍赴藏辦事傅清
亦復往十五年九月擢都察院左都御史時珠爾默特那木扎勒
謀叛拉布敦與傅清決計翦除十月十三日召至通司岡公署數
其罪而誅之逆黨羅卜藏扎什糾眾肆逆二人同時遇害事詳傅
清傳總督策楞以 聞 上軫悼 諭獎其奮不顧身忠誠卓越

心甚苦而功甚大 贈一等伯入祀賢良昭忠二祠 恩授一等子爵世襲罔替初拉布敦族隸鑲紅旗至是 命入正黃旗十六年 命立祠通司岡樞至京 上親臨奠醑 賞治喪銀萬兩仍賜祭葬如例謚壯果并 特建雙忠祠祀之嗣子隆保襲世職

右 國史館本傳

拉壯果公布敦姓董鄂氏以世廕起家仕至古北口提督公多巧思每翦製衣服修理洋鐘表皆稱絕伎乾隆戊辰奉 命偕傅襄烈公清同爲駐藏大臣傅爲 孝賢純皇后之兄性甚忠鯁其弟文忠公貴公尙於人前訶叱之時藏王頗羅鼐新故其子珠爾墨特那木扎勒性兇悍與準夷句通誣其兄某謀逆手刺其胷計日

舉事二公密劾之。上命岳襄勤公鍾琪率兵討之。道里遼遠，岳公不時至而賊逆謀日益熾。二公計曰：語云千里裹糧，士有飢色，況兵行萬里乎？今賊謀日甚，吾儕若不矯詔誅之，使其羽翼已成，吾二人亦必爲其屠害，而岳公不獲進討，非惟徒死無益，而實棄二藏地也不若先發制人，雖死猶生，亦可使繼之者易爲功也。二公因矯詔召珠至樓上，宣詔預去其梯，珠跪拜，際傅公自後揮刃立斷其首，賊眾圍樓數重。二公知事不濟，傅襄烈先自刎死，拉壯果揮淚久之，挾刃跳樓下，殺數十人，腸出委蛇於地，然後死。事聞，上震悼，封二公爲一等伯，建雙忠祠於石大人胡同，以祀之。

拉總憲布敦滿洲望族有勇力能彎十力弓左右射善詩文不加
點頃刻數篇以及外國番語無不畢具真奇人也性剛直立朝不
苟嘗忤某相國因遠戍西藏會藏王叛公殉於難

右錄宗室昭榘撰

策塔爾 常明等

策塔爾蒙古鑲黃旗人姓博速特由官學生考取筆帖式擢理藩院主事乾隆十五年隨都統傅清左都御史拉布敦駐西藏初西藏郡王頗羅鼐卒子珠爾默特那木扎勒襲封事在十二年至是擅調兵赴薩海運礮陰與所屬謀逆時四川雅州府通判常明以總督策楞檄赴藏辦餉探知逆謀密稟傅清等傅清拉布敦奏請相機擒治 上密諭策楞備兵援勒珠爾默特那木扎勒通準噶爾阻我郵置軍書不達傅清等見叛跡日著決計翦除十月十三日以 諭旨將至召至通司岡公署接 旨甫登樓傅清拉布敦數其罪拔佩刀誅之並其從者數人逆黨羅卜藏扎什等縱火圍

公署傅清被創自盡拉布敦遇害詳大臣傳策塔爾格鬪力不支亦自盡常明聞警督兵民護餉賊矢石並發身被數創越日尋歿事 聞議卹奉 旨策塔爾常明俱廕雲騎尉策塔爾子坦修襲常明子文善襲常明鑲藍旗漢軍

右 國史館本傳

黃元龍 何茂榮等

黃元龍陝西靖邊人由武生效力甘肅西甯鎮營雍正二年隨奮
威將軍岳鍾琪討羅卜藏丹津二月大軍勦西海擒賊黨阿拉卜
坦溫布元龍在事有功六年補固原鎮商州城守營把總九年正
月調赴巴里坤軍營管理北山營馬十一年遷西甯鎮標右營千
總乾隆元年十一月擢甘肅提標後營中軍守備二年九月擢陝
西延綏鎮定邊營都司三年十一月擢陝西提標左營遊擊四年
十月署中軍副將七年正月署固原城守營參將十年九月授山
西汾州營參將十二年九月巡撫準泰題參元龍貪縱營私各款
奉旨革審十三年五月審係因工那移官項勒限完繳仍准開

復八月授廣東提標中軍參將十四年十二月調四川成都提標中營參將十五年正月隨都統傅清左都御史拉布敦駐西藏十月傅清等誅叛賊珠爾默特那木扎勒於通司岡公署逆黨羅卜藏扎什糾眾肆擾元龍死之傅清拉布敦均遇害事詳大臣傳同死者四川提標中營千總何茂榮陳志前營外委把總陳國泰事聞議卹奉 旨元龍贈副將廕守備茂榮志俱贈署守備廕把總國泰廕把總茂榮陝西咸甯人志國泰俱四川成都人

右 國史館本傳

國朝耆獻類徵初編卷三百四十八補錄

忠義十八

倪國正

公諱國珍其先江南人始祖永昌洪武初隨職有功歷官建武將軍追我朝定鼎十七世孫邦俊以勦撫十三家賊爲成都撫標遊擊家焉公其冢孫也平居寡言笑尙氣節每讀書至忠臣孝子輒掩卷太息慨然想慕其人康熙丁酉舉於鄉雍正壬子揀發粵西歷試灌陽藤及永甯諸州縣多善政得授義甯令義甯之東北曰雙江苗民雜處與楚城步綏甯二邑紅苗接壤計千餘里凡口十堡七十有二大小寨凡數百烏言露居不通教化百年來僅設

雙江巡檢以羈縻之而已公既至之明年楚人黃順吳萬全煽惑
粵苗僞稱名號公捐金令堡目密入苗峒誘出擒之諸苗覺中道
劫還合楚苗爲奸公力不能禁速牒文武諸大府請兵防衛提督
譚某發兵四百駐之苗稍靖時當事者意在撫固齟齬公力陳利
害弗應於是知府張永嘉巡檢蔡多奇迎合上官意詭言以對曰
小醜何能爲但得一二人往陳大義足矣勞師動眾轉滋邊釁當
事者以爲然遂撤防衛之兵而遣公與多奇及縣丞吳嗣昌等諭
之先是兵駐義甯苗驚畏斂迹及撤復變公將行歎曰此所謂投
虎以肉徒肆其噬耳然業奉成命不敢辭數日近苗穴遙望苗人
蜂擁蟻聚豕突狼奔誼聲遠震林谷多奇潛易衣逃眾俱股栗矣

色或告曰虜逆已決不去禍將及公公曰吾固知犬羊之性不先以威不可以德化也去則示以怯今日之事有死而已惟是朝廷印篆不敢失也付健役自間道還囑曰諭我義甯父老堅壘城垣以待援兵毋復念我言畢正襟危坐顏色不亂如常俄而苗突至取官弁及隨行隸三十餘人盡殺之禁公於土築絕粒六日縛至烈日中去其衣掘土埋足至膝強之降公罵曰逆虜吾汝父母汝速死吾敢辱吾耶苗以紙筆付公曰若能爲書大府償黃金萬斤得不死且歸若公裂紙擲筆於地大罵曰逆虜國家失一縣令若毫毛汝類當無噍類矣苗怒剗其齒血流被衣公罵聲益厲齒盡截其舌公不能言猶仰面噴血作罵狀苗眾爭擊死沈其尸

於潭中事 聞當事者護前非作公罪 上復遣貴州總督張某
經略楚粵與提督某合兵勦之殲其魁得公尸並公前後狀具奏
上深嘉憫之爲之輟食 賜祭葬 贈奉政大夫按察使司僉事
蔭其子

彭端淑曰倪公懋功與余爲世交恂恂一書生言若不能出諸口
而立志皎然不欺其素卒以身死職何其勇也經略張公闡其功
烈抑而復伸不然含屈九京誰之咎與然余聞公自爲諸生時書
押則云爲國盡忠案頭玉尺亦刻丹心捧日嗚呼其所由來漸矣

右傳彭端淑撰

按倪公事蹟同史傳而名異茲於篇中從其舊仍遵史傳標題

國朝耆獻類徵初編卷三百四十九

通奉大夫前署江西巡撫江西布政使司布政使湘陰李桓輯

忠義十九

班第

班第蒙古鑲黃旗人姓博爾濟吉特氏康熙五十六年由官學生
授內閣中書五十七年二月遷欽天監五官正十二月遷理藩院
堂主事五十八年遷內閣侍讀六十一年授內閣侍讀學士雍正
二年擢內閣學士三年四月打箭鑪外裏塘巴塘乍了察木多及
雲南之中甸書歸內地魯隆宗諸部落歸達賴喇嘛轄 詔班第
偕副都統宗室鄂齊赴西藏宣諭五年遷理藩院侍郎尋因辦事

未協 命仍在學士上行走九年五月 賜孔雀翎十二月補公
中佐領十年充繙譯鄉試正考官十一年軍機處行走十三年九
月署工部侍郎時恭纂 世宗憲皇帝實錄充副總裁乾隆元年
十一月署兵部侍郎十二月充經筵講官三年授兵部侍郎四年
六月兼理藩院侍郎尋擢湖廣總督十月奏修隄塘補倉貯各事
諭曰不必欲速但實心竭力爲之十一月奏言臣察閱營伍立賞
格勤訓練期兵強餉實又詞訟案嚴禁積蠹把持得 旨嘉獎十
二月以湖南鎮筵永綏苗人不法借巡撫馮光裕等籌剿閱兩月
軍務告竣 諭獎其成功速交部議敘五年丁母憂六年正月仍
在軍機處行走三月授兵部尚書兼議政大臣八年兼管理藩院

事十一年九月署山西巡撫十二月 諭曰準噶爾見遣使進貢
班第有應辦事件著來京供職尋兼正藍旗滿洲都統十二年充
會典館正總裁十三年正月授內大臣赴金川軍營辦理糧餉四
月加太子少保班第奏糧運四事一兵役分別支折銀米省運費
一內地運費口糧量加給一口外最險糧站增賞銀一臺員閒委
丞倅州縣稽察軍機大臣議行六月赴軍前督攻昔嶺一路七月
上聞四川巡撫紀山聽州縣派徵累民 命班第回川查察閏七
月解紀山任班第署巡撫八月復赴軍前十月 諭曰朕命班第
前往四川雖爲辦理糧運用兵非其專責但伊身爲本兵且係軍
機大臣於軍中攻勦事宜及將弁功罪皆伊職所在不得以專辦

糧餉遂一切置之膜外乃伊見軍務未能速竣卽不肯任其事惟請另派大臣經理而於訥親張廣泗之乖張退縮老師糜餉初未據實入告及降旨詢問伊於張廣泗之罪直陳無隱而一字不及訥親爲大臣者固宜如是乎在伊自謂辦餉無誤卽爲克盡己職其他自有任其咎者惟欲脫身事外爲自全計而無吉凶同患之心居心若此國事其何賴焉班第不稱兵部尙書之任但辦理糧運尙屬妥協著從寬降爲侍郎十四年 賞副都統銜由四川赴青海辦事十五年四月調赴西藏辦事未至西藏郡王珠爾默特那木扎勒謀叛駐藏都統傅清左都御史拉布敦設計誅之旋爲逆黨羅卜藏扎什所害十二月班第抵藏羅卜藏扎什等伏誅十

六年授都統銜

諭防準噶爾窺藏十七年回京仍在軍機處行

走補正紅旗漢軍都統兼管理藩院事十八年正月署兩廣總督
三月緝獲增城東莞奸民王亮臣等置之法十月奏言廣東庫貯
礮械甚多皆前蕩平藩逆及海寇時所繳日就朽壞可惜請將完
好者修整餘鎔鐵備用 上嘉之十九年閏四月 召回京授兵
部尙書赴北路軍營署定邊左副將軍是時準噶爾內亂杜爾伯
特台吉策凌烏巴什策凌蒙克輝特台吉阿睦爾撒納和碩特台
吉班珠爾等相繼降陳準噶爾台吉達瓦齊昏暴狀 詔定於明
歲進剿 諭班第籌辦軍務九月奏言軍營所需駝馬牛羊解到
時宜妥收備用扎布堪呢圭等處冬令暖饒水草臣檄喀爾喀親

王額淋沁多爾濟等赴彼督牧又言準噶爾屬之烏梁海居阿爾台以內今春誑言投順同扎哈沁宰桑瑪木特掠阿睦爾撒納妻孥阻歸順路應懲創示威臣檄參贊大臣薩喇勒努三等帶兵往剿報聞十月奏擒烏梁海宰桑車赤倫等收戶口千餘復遣兵擒瑪木特及通瑪木特盡收其屬諭曰班第自到軍營以來奮勇果斷調遣合宜深屬可嘉著賞給世襲子爵補授正黃旗領侍衛內大臣仍賞銀一千兩十二月授定北將軍來京陸見言臣自烏里雅蘇臺軍營啟行至推河見阿睦爾撒納示以軍營應辦事宜並與商明年二月閒赴額爾齊斯屯田應遣兵一萬據形勢後隊兵二萬整頓繼進準噶爾眾心已叛大軍一到易於成功又

額爾齊斯爲杜爾伯特原屯地臣令策凌及策凌蒙克派員協往督耕又言出征滿洲蒙古及索倫巴爾呼喀爾喀厄魯特各兵應照例均給廩食攜炒米麪牛羊乾魚並鹽菜銀初到軍營時亦照例資給又原議進兵口糧給兩月見議二月內哨探兵先進應改帶四月軍機大臣議如所請二十年正月 詔定西北兩路軍營大臣名次北路班第爲帥定邊左副將軍阿睦爾撒納爲副領哨探兵先進額駙色布騰巴爾珠爾郡王品級青滾雜卜內大臣瑪木特奉天將軍阿蘭泰爲參贊西路定西將軍永常爲帥定邊右副將軍薩喇勒爲副領哨探兵先進郡王班珠爾貝勒品級扎拉豐阿內大臣鄂容安爲參贊兩路軍至博羅塔拉會合時奏事首

班第尋奏言收獲包沁扎哈沁等眾謀哈薩克掠達瓦齊牧準噶爾生計蹙臣與阿睦爾撒納等議於二月內先後進剿 諭曰前原議於四月內進兵且未深知達瓦齊情形故令於額爾齊斯留兵屯田今進兵甚早而達瓦齊之力已窮兵到即可成功其額爾齊斯仍需留兵屯田與否著班第等另行籌辦此次進兵特爲平定準噶爾將阿睦爾撒納等四衛喇特封爲四汗俾所部咸登衽席大兵奏凱後阿睦爾撒納策凌等帶領新降人眾前赴熱河入覲所屬人等卽留居原游牧處俾無往返之勞二月奏言平定準噶爾後額爾齊斯亦需駐兵管新降人眾請照原議屯田 諭曰額爾齊斯仍需屯田著照班第所請行至大功告成後伊犁已留

重兵兼有大臣駐劄額爾齊斯距阿爾台甚近何必更設兵駐防
著諭班第知之尋奏言臣前在京與軍機大臣會奏哨探兵及續
進大兵需馬七萬餘今陸續解到除以二萬六百餘匹應付六千
哨探兵已於二月十二日起程臣俟察哈爾等兵到即將糧馬妥
辦帶領前進其續到兵令喀爾喀親王成衮札布等監辦事畢成
衮札布赴屯田地方辦事又奏哨探兵起程後臣卽派屯田兵二
千起程報 聞三月奏領察哈爾兵丁於二月二十日起程令永
貴將後隊官兵口糧辦理支給餘駝酌帶糧餉繼進 諭曰此奏
殊未明晰見在大兵鼓勇直入成功指日可期官兵已攜帶口糧
四箇月又何須額外帶往此或預備賞賚之用或從前議帶兩月

口糧後復定爲四箇月而於官兵起程時未及滿支今特爲之補運均未聲明如係帶往預備賞賚之用尙屬可行若官兵已攜帶四箇月口糧今復多行裹帶接續前進萬餘兵丁應備口糧若干需用駝隻若干中途保護旣分兵丁之力且防意外之虞殊未妥協著傳諭班第查奏尋復奏言前隊哨探兵千俱帶四箇月口糧臣所領察哈爾兵二千亦帶三箇月口糧並無減半畱存須俟續運者特備賞之項前未攜帶見計眾兵進發後馬駝尙屬有餘臣意酌帶軍餉不特可以接濟大兵而平定準噶爾後一切賞項亦可動支且此解餉兵卽繼大兵前進似可無虞又言臣於三月初六日至齊齊克淖爾查見存馬四千餘尙有未到者前隊兵已出

卡倫三日若俟馬至到始出卡恐相距遠難策應卽將見馬支給
千五百兵乘騎於初八日帶兵起程出巴顏珠爾克卡倫其餘五
百兵俟馬到以次續進又言三月十九日至郭勒阿里克台據阿
睦爾撒納文稱將新投誠宰桑阿巴噶斯哈丹等奏明帶往額爾
齊斯屯田見雷貝勒齊木庫爾候護軍統領塔勒瑪善到時指示
耕種再見在赴察罕呼濟爾後隊續進大兵速行方有益臣卽行
催塔勒瑪善等速往會辦屯務將見領察哈爾千五百兵內選馬
力健者六百與喀爾喀郡王桑齊多爾濟等減裝馳進報聞未
幾奏至額爾齊斯之西喇托輝已與阿睦爾撒納前隊會合諭
曰大兵前進自宜略分先後經朕屢降諭旨令班第與阿睦爾撒

納行程約離數日相繼前進一則阿睦爾撒納係準噶爾人眾知名之人令伊帶哨探兵前行人多認識收服較易再前隊既有哨探兵復有將軍隨後繼進聲勢聯絡軍威益振如合併一處則眾人但知有將軍不復更知有副將軍轉置阿睦爾撒納於無用之地殊與軍行無益前因永常急遽進兵其意惟恐薩喇勒首先成功伊不得同膺爵賞朕已降旨訓飭班第若亦存此意卽屬器量狹小豈朕委任之意卽使阿睦爾撒納先抵伊犁克奏膚功朕於班第亦必加恩若先存急於赴功之意恐反不能承受朕恩矣著伊二人務須酌量相離數日陸續進發不得同在一隊行走又諭曰大兵兩路進前抵博羅塔拉指日卽可蕩平伊犁平定後班

第帶領官兵駐伊犁大臣官員兵丁等需用口糧若照永常所奏由內地運送則輓輸勞費斷不可行如向該處夷眾責令供應又未免滋擾朕意平定伊犁後加封投誠各台吉令其自行管束屬眾至達瓦齊乃準噶爾大台吉其牧養牲畜及伊屬下輸納必多非諸台吉所應分用應卽以辦給官兵用資口糧再有不敷將帶往銀兩向厄魯特回人等酌量購買毋得滋擾班第豫爲籌辦四月奏言臣等會台後於三月三十日至額爾得里克阿睦爾撒納先進臣等繼發約至察罕呼濟爾會軍四月初六日臣至彼詢知阿睦爾撒納等未得達瓦齊信已赴額米爾等處臣以大兵旣深入亟選兵八百令瑪木特阿蘭泰先行往會阿睦爾撒納餘兵八

百臣隨往接應報 聞是月班第等既至博羅塔拉行文西路副將軍薩喇勒會勅而是時達瓦齊在伊犁日縱酒爲樂不設備比聞大軍至乃調兵潛竄特克斯我軍獲其調兵者日巴朗察罕及鄂勒維圖盡知之於是班第等謀徑渡伊犁河協力追擒北路軍由固勒扎渡口越推墨爾里克嶺進西路軍由喀塔克渡口越克特滿嶺進疏陳方略 諭曰辦理深屬允協達瓦齊若能去逆效順朕自當另有加恩之處今既潛身遠竄一經擒獲卽當獻俘京師以彰國法五月大軍入伊犁準噶爾屬眾盡降偵達瓦齊據格登賊喀喇巴圖魯阿玉錫等以二十餘騎突擊之驚遁捷 聞上獎班第有功封一等誠勇公 賜寶石頂四團龍服金黃繅朝

珠尋奏言伊犁厄魯特生計拮据不足供應大兵 諭曰準噶爾
地方數年屢被兵革又爲哈薩克所掠生計自屬拮据若於伊犁
多駐大兵深屬未便從前薩喇勒奏請停止伊犁駐兵經朕傳諭
班第等令其酌留兵丁一二百名爲駐藏大臣差遣委用今功已
告成大兵宜卽陸續撤回班第等自當卽爲辦理若尙未議撤卽
遵旨妥協籌辦其應酌留兵丁一併議奏六月奏言伊犁卽令大
臣駐劄辦事不可不留兵駐守備差遣應照原議駐五百兵派察
哈爾三百喀爾喀二百達瓦齊雖未就擒諸事業已大定伊犁毋
庸大兵久駐應遵 旨撤回臣等亦遷移伊犁河北尼楚衮駐劄
辦事凱旋兵分隊撤還 上報 是月奏獲達瓦齊 命獻俘京

師先是大軍之初進也阿睦爾撒納妄請給印文招降彼輝特屬
上察其蓄異志密諭班第嚴約束至是伊犁既定阿睦爾撒納
凱旋圖據伊犁誘各屬人眾附己遣人赴哈薩克揚言自領兵平
定伊犁而不云天朝大兵又詭稱哈薩克將犯邊謂非令伊爲總
台吉不可私調兵九千置副將軍印不用用準噶爾舊台吉噶爾
丹策凌小紅圖記班第及鄂容安薩喇勒以其叛逆已著密疏劾
之諭曰阿睦爾撒納圖據準噶爾僭越妄行情迹顯著前班第
等初奏時朕尙以爲防微杜漸之意傳諭公同體察如阿睦爾撒
納果有實迹明白具奏嗣復降旨阿睦爾撒納受恩至重未必卽
萌悖叛之心使伊罪未彰而治之以法朕心不忍且使新降之人

俱生疑懼是以未卽傳旨令伊等辦理今據班第等詳細奏聞阿睦爾撒納種種不法圖據準噶爾已無可疑豈必待其生變始爲實據由此觀之伊未必卽遵旨入覲卽使前來若令仍駐準噶爾斷不能安分靜守勢必至妄爲滋事與其俟交結煽惑變遲而力費何如及今乘機辦理之爲得也朕意已決此事卽宜速行辦理著密諭班第等如阿睦爾撒納尙未起程班第等卽密商擒治數其罪惡於軍前卽行正法如伊勉強行至中途逗遛不前或經伊游牧處託故遷延卽著烏里雅蘇臺辦事大臣阿蘭泰等領兵赴伊等牧處將伊妻子及任用宰桑等一併拏解來京七月奏言臣等察看阿睦爾撒納甫至伊犁卽不願他往詢其何日起程入

觀輒推託支吾臣等據理開導雖勉強聽從而遲疑瞻顧之情時
時流露數日內其詞又復變遷自云俟擊解達瓦齊至厄楚衮並
凱旋兵起程訖卽速行入 觀伊性極狡詐臣等議令喀爾喀親
王額琳沁多爾濟監同起程俟期近再示彼知抵熱河後 皇上
訓諭開導伊背逆之意自必潛消 諭曰前班第屢次密奏阿睦
爾撒納負恩狂悖斷難姑容是以特降諭旨令其密行擒治今阿
睦爾撒納復欲速來入覲語屬可疑未必出於至誠特因所行非
理懼班第等擒治因而多方逞其狡獪是其言雖可聽實無欲來
之心或行至中途託病遷延或至塔爾巴哈臺游牧依戀人居均
未可定夫以阿睦爾撒納如此姦宄狂悖豈僅爲降旨開導所能

了事若不將伊擒治又何如置之不問今伊惡迹已顯著如此班第等不思密爲辦理但稱朕面加訓諭以折其心是全不知事理之輕重矣著速諭班第等於此際奉到前月二十八日所降之旨已將阿睦爾撒納擒治甚善若未及辦理而伊已起程前來班第等接到此旨約計阿睦爾撒納行程未遠卽遣人將伊追回擒治如已逾旬日之外亦須沿途密偵消息再行辦理總之阿睦爾撒納逆跡已著不可姑容以致貽害將來然路途遙遠班第等須盡心籌畫乘時決斷毋得稍自委靡致失機宜再額琳沁多爾濟不過一小有才之人未經更事一切密要之語且勿令與聞班第等又劾奏阿睦爾撒納置 上賜孔雀翎不戴用且諱言已內附受

爵不肖實告厄魯特及臣等趣之起行復令納噶察告稱阿巴噶斯烏克圖與喇嘛等議若不令阿睦爾撒納統領準噶爾伊等甯剖腹而死種種煽脅 諭班第速擒治八月奏阿睦爾撒納已於七月初十日自尼楚袞軍營與額林沁多爾濟同行又撤回大軍在後似必前來入 覲 諭曰阿睦爾撒納果至熱河辦理自易且將伊罪惡令暴白於新來投誠人等亦可以快人心而彰國法但伊甫經起程卽有人指其罪狀紛紛告訐伊豈不聞風畏懼且伊自揣所爲必不肖前來入覲雖已起程或沿途託故戀住游牧事所必至伊見在已抵何處摺內未經聲明前曾諭及起程若尙在十日以內卽行擒治此時曾否辦理當加意慎密至阿巴噶斯

等皆受其籠絡今但將阿睦爾撒納擒治覺端即可永弭宜斟酌
辦理既而班第等遵 前旨遣追阿睦爾撒納適哈薩克使者至
願隨入 覲恐其驚疑不果追是月十九日阿睦爾撒納行至烏
隆古忽以印授額琳沁多爾濟徑由額爾齊斯遁旋遣腹心人至
扎卜堪取其孥約日颺去會烏里雅蘇臺大臣阿蘭泰豫奉 旨
遣兵往收其孥無脫者阿睦爾撒納既叛阿巴噶斯哈丹等掠臺
站伊犁道梗逆黨克什木巴朗敦多克曼集烏克圖等糾喇嘛回
人作亂班第與鄂容安陷賊中由固勒扎赴空格斯轉戰至烏蘭
庫圖勒賊蜂集力不支遂各自盡 上初聞班第陷賊信 諭曰
昨據策楞奏從伊犁脫出之索諾木告知班第等陷賊朕心深爲

憫惻已傳諭策楞令其派侍衛滿楚等前往偵探並著從優賞賚期速得實在情形蓋進剿烏合之眾原屬無難惟伊等因國事爲賊所困每一思之不勝憤懣然亦未知虛實著策楞等設法通信傳諭班第等以朕初意準噶爾危亂之餘甫經平定若屯駐大兵恐多驚擾是以但命伊等駐劄辦事兵少力弱爲賊所困非失守封疆可比伊等或相機脫出或忍死以待大兵方爲大臣舉止若謂事勢至此惟以一身殉之則所見反小矣鄂容安素稱讀書人漢蘇武爲匈奴拘繫十九年全節而歸阿睦爾撒納固不足比匈奴我大清又豈漢時可及自當愛惜此身以圖後效恐伊等以失守罹罪不識大義遠爾輕生夫爲人臣子若君父欲加之罪亦惟

順受豈可預料而以一死爲賢於生於心安乎朕今命定西將軍
扎拉豐阿等會合各路大兵竭力勦捕務體朕憫惻伊等之心俾
逆惡知所懲創不得稍存姑息十月策楞奏班第等引決自裁狀
上軫悼卽以班第子巴祿襲誠勇公爵二十一年三月大軍復定
伊犁逆黨次第就縛後阿睦爾撒納竄死鄂羅斯七月 諭曰班
第鄂容安靈櫬將次到京前已降旨親臨祭奠並令三品以上大
臣齊集用昭優卹二臣臨危致命義烈所著可嘉可憫其靈櫬著
准其入城各於本家停設並加恩入祀昭忠祠應得卹典該部察
例具奏尋 賜祭葬如例諡義烈 諭曰班第鄂容安捐軀殉節
今靈櫬已到卽將逆黨阿巴噶斯克什木巴朗馘耳於柩前祭奠

特建雙忠祠祀之 御製詩曰昔有傅介子手斬樓蘭頭通權建
殊績芳名播千秋況乎統三軍既悉彼逆酋一武夫之力何事仍
夷猶逡巡大軍撤偏師五百畱彼梟有密約入覲中逗遛八月廿
五日三處其一謀阿睦爾撒納來阿爾台陔將合其部眾挈妻孥
以逃是則豫有旨其妻孥盡收厥阿巴噶斯斷我軍書郵克什木
巴朗伊犁逞劫偷兩路如期發猖狂肆叫諷蜂屯更蟻集不可爬
與梳二臣知不敵全將軍內投而被截歸路加以聚虻蚱巴朗謀
致詞權假爲我速徐當備馬駝送之返皇州二臣怒唾罵 天朝
無此媮效死視如歸背義生冑求奮旅更前進怒髮衝兜鍪終知
事不濟畢命飲屬餽問罪重整師豈辭雪在途旋復定伊犁脅從

寬厥尤一二助惡者繫虜皆虔劉渠魁竄異域王師奮遐搜亦聞
哈薩克縛獻深同仇命求二臣骨靈輿返首邱臨奠列雙忠惜哉
淚涌流初若聽我言甯有今日不忠於國有濟烈惟己不渝究非
偷生比使我悲心悠朱門歌舞輩青史文章儔我豈爲彼哉長歌
旌乃休二十六年 命圓形紫光閣 御製贊曰元戎率師平定
伊犁而何阿逆叛亂乘危變出不期投軀西漠故里櫬歸痛哉酌
酌子巴祿官至都統別有傳

右 國史館本傳

同治三年庚午秋九月
卷三十四

三

鄂容安

鄂容安滿洲鑲藍旗人大學士鄂爾泰長子雍正十一年進士改庶吉士軍機處行走乾隆元年授編修在南書房行走二年遷侍講三年七月充日講起居注官十二月轉侍讀五年六月擢詹事府詹事時鄂爾泰承 旨奏辭再三 諭曰朕之用人悉秉至公毫無私意於其閒古云非喬木之謂有世臣之謂蓋以大臣子弟果能立志向 上諸事黽勉斯能不愧世臣可以爲國家宣力朕觀鄂容安及大學士張廷玉之子張若靄朱軾之子朱必培皆能遵守家訓祇受國恩況鄂容安張若靄向蒙 皇考命在軍機處行走原欲造就成人此次擢用乃朕量材加恩卽寓栽培之道鄂爾

泰不必以己意固辭八月 命入上書房隨福敏行走七年以與
聞左副都御史仲永檀密奏畱中事革職詳永檀傳八年 命仍
在上書房行走補國子監祭酒九年 命偕刑部尚書來保往奉
天同侍郎兆惠會審奉天將軍額洛圖扣餉勒派等款得實論罪
如律十年署兵部右侍郎襲父三等伯爵十二年五月授兵部左
侍郎九月以與尚書彭維新等議處總兵高琦武備廢弛一案違
例邀譽奉 旨訓飭部議革職得 旨從寬畱任十三年三月充
會試副考官四月兼翰林院掌院學士尋兼管國子監事十月署
河南巡撫十二月以辦送金川兵差妥協議敘 賞孔雀翎十四
年正月疏陳文武各員優劣 上嘉之四月河臣顧琮往署總漕

諭鄂容安就近料理豫省河務九月疏言豫省有伏牛山居嵩山
南界連秦楚二省袤延八百餘里山多箐密臣於查閱營伍之便
自邾縣汝州至伊陽縣渡汝水入伏牛山經十八盤等處至孫家
店閱兵復由分水嶺等處至嵩縣出伏牛山親履查看飭各員弁
不時巡查該管道員嚴行督察再豫省各關其近秦省者陝州有
硤石關靈寶縣有函谷關閩鄉縣有大谷關近楚省者淅川縣有
荆子關信陽州有武勝關桐柏縣有犁耙口俱通大道恐姦宄藏
匿見飭行保甲嚴禁 諭獎其諸事認真實授河南巡撫時衛輝
參將阮玉堂因操演鞭責兵丁過甚致譁鄂容安以玉堂失職應
題參但兵丁甫經誼鬧遽參營弁恐啟驕悍之漸奏請嚴拏兵丁

分別首從定擬後解玉堂任 上是之十月疏言豫省常平倉穀前准部咨以雍正年間額貯二百三十一萬九百九十九石爲準除實存並借糶抵補外計缺額穀二十九萬七千四百石有奇應收捐補足臣維倉穀期實貯而地方繁簡不同豐歉各具宜乘此定額之際將各府州縣應貯穀數勻派開封府貯二萬石歸德陳州懷慶南陽彰德衛輝六府各貯一萬五千石河南汝甯二府各貯一萬五千石戶口最多之許州等二十七州縣各貯二萬五千石其次通許等五十五州縣各貯二萬又其次河陰等之二十七縣各貯一萬五千石統計適合雍正年間定額至各府州縣原貯穀較見派溢額者糶價提解司庫撥補未足額者此次額數補足

後將來有餘另案存貯遇賑卹并平糶未買以此撥補見在溢額糶價已敷提解者全提不敷者於明歲春糶案內補提其缺額之區所撥穀價如秋成後本地米價未平卽於鄰近價平處買補旣與定額相符又使緩急有備部議 允行十一月 賜所襲伯爵號曰襄勤十五年二月疏請將省會城門鎖鑰歸於城守尉掌管 允之四月奏言開歸陳三府地勢窪下多水患非開濬溝渠不足資宣洩臣查開封府屬泉水所歸之河曰賈魯河發源於滎陽縣聖僧池各泉會河索須京三水成河歷開屬之河陰滎澤鄭州中牟祥符尉氏陳屬之扶溝西華至睢甯之周家口入大沙河其附以東注者則有鄭州之金水河七里河磨河滎河洧川之杜公河

接入尉氏之太澗河康溝河陳屬扶溝之雙泊河蔡河西華之清流河皆挈兩屬溝渠之水而同趨於賈魯河此開屬洩水之幹河也陳州府屬眾水所歸之河曰大沙河發源於汝州屬魯山縣伏牛山之莫大嶺歷南陽府屬之舞陽許州屬之郟城而入陳屬之西華商水睢甯項城沈邱以入江南太和縣下達於淮其附以東注者則有西華商水之渚河扶溝太康西華睢甯之清水河太康睢甯之古黃河枯河睢甯沈邱之蔡河皆挈本屬溝渠之水而入於大沙河此陳屬洩水之幹河也歸德府屬下游有渦河而惠濟一河據其上游諸水由惠濟而入渦河者居多惠濟河自開屬中牟縣西十五里鋪分洩賈魯河之水由祥符陳畱杞縣入睢州經

柘城至鹿邑入渦河以達於淮其附以東注者則有儀封睢州柘城之老黃河陳畱杞縣之坡河接入杞縣之橫河杞縣睢州之挑河司家河太康柘城之沙河皆挈三屬溝渠之水而同趨於惠濟河以入渦河又鹿邑之清水河下接泥河由江南之太和縣以入渦河又有濯河卽黑河由茨河歷江南之蒙城縣入渦河則是渦河又爲歸屬洩水之幹河也伏查諸郡幹河如賈魯河大沙河渦河俱各深通惟惠濟一河上流尙須開濬資蓄洩其各支河內應行開濬者開封則有鄭州之金水河七里河中牟之樂河祥符之城東乾河南陽儀封之周家河李家渡口尉氏之乾河陳州則有太康之燕城河西華商水之渚河睢甯之東西蔡河枯河古黃河

同治三年八月十五日奉
項城之蔡河沈河歸德則有甯陵之舊沙河考城商邱之沙河睢
州之橫河挑河司家河姬家大坡河鹿邑之清水河黑河以上諸
河皆承受溝洫貫注幹河之要道此內有止須疏濬即可通流者
有應擇地改挑者有應逢灣取直者有僅存河形必須另挑者有
道里較長地方較多猝難竣事者酌量工程難易或分年帶挑或
借給口糧酌量民力籌辦毋庸動項惟陳屬項城受汝甯屬上蔡
洪河減水之害或謂塔橋攔阻水勢應拆改木橋或謂竹絡壩減
水過多應另建石壩臣以爲其害不在於橋身之阻水亦不在竹
絡之多洩因橋之西壩過寬挑水東注所致止須將東西牆改作
一律使洪河減水南歸茅河黑河之水東歸蔡洪兩河分洩自無

泛溢之虞矣至汝甯府汝陽縣亦以洪河爲患查向來西南山水盡歸乾江河自渦東埭口決山水盡入汝爲害臣飭令照舊堵塞使山水全歸乾江河則洪水已減自能容受至歸屬永城巴溝河下接江南宿州沙僵灘此工關涉兩省應俟江南咨覆興工臣於各屬挑濬處每年底查覈勤惰或附參或保薦使工員咸知慎重庶沮洳漸成膏壤 諭曰如此畱心本務方副委任之意勉之十月 上巡幸河南鄂容安奏紳民感沐 皇仁情願捐輸其收銀五十八萬七千餘兩充公用 諭曰朕時巡方岳一應道路橋梁等費皆准開銷正項從無絲毫累民之事卽城垣祠廟有應勦聖灑掃略爲整葺者祇宜動支帑項卽其閒或有開銷不到之處見

經賞給該省公項銀兩以資通融辦理之用曾何藉於輸將鄂容
安此奏甚屬錯誤因其據實陳明尙不致陷於欺隱之咎猶可稍
寬但朕省方問俗勤恤民隱尙慮助之弗周豈容供用轉資於下
鄂容安不能仰體朕意殊失政體著傳旨嚴行申飭紳民樂輸之
項俱著令給還鄂容安奏樂輸實出至願如復行給還非特不肯
領回且頭緒紛繁難免胥吏中飽懇請聽其所願至辦理之初並
未具奏實屬錯謬伏祈嚴治臣罪 諭曰朕巡方問俗蠲復頻仍
惟慮德意未能徧逮一切供頓絲毫不以累民前降諭旨甚明鄂
容安惟知下情踴躍輸將遽行冒昧從事本應嚴行治罪但旣經
據實陳奏究與有心欺隱者有閒情尙可寬且以陸續輸公之項

復令紛紛具領恐奸胥滑吏從中舞弊轉以飽其欲壑此語亦頗
近是則給還之舉實屬勢所難行然辦理失宜款項無憑稽覈以
閭閻尊君親上之忱適足資其糜費侵用是又始終不能仰體朕
意獲罪尤甚者矣著鄂容安將獨輸銀兩作何辦理之處詳悉查
明繕冊送軍機處逐一查覈毋得稍有朦混十一月 諭曰朕於
昨日回鑾今日見河南布政使富明奏請陛見一摺援藩臬三年
期滿之例伊於行宮召對數次並非三年未見者比不應糊塗至
此鄂容安前奏富明辦事勇往在豫省頗稱得力朕一見卽曾諭
鄂容安其人小聰明不可信汝勿爲其所賣今觀其奏請陛見一
摺一則見其與巡撫不扶同二則希圖於召見時卸責鄂容安其

居心不可問如此鄂容安應服朕之卓識而恨己之爲所愚也然以如此之人而信任之無怪中州今歲所辦之不能仰體朕意矣設果出自鄂容安一人之意富明身係藩司卽當勸阻如其力爭不得何妨於朕未至中州之前或行在召對時據實奏聞朕必將鄂容安治罪而擢伊爲巡撫乃當時旣已商同辦理及見朕責鄂容安之辦理不善於回鑾後爲此狡獪伎倆何能逃朕洞鑿朕謂其人不可信果如何耶再今日方觀承具摺謝恩而鄂容安於朕回鑾至保定及進宮已請安兩次而不置一言夫直隸係巡幸常經之地方觀承卽不具摺謝恩亦無不可至朕之加恩於鄂容安實出於格外包涵鄂容安宜何如感激沒身頂戴何以竟似無事

卽謂方觀承僅屬外吏虛文鄂容安身係滿洲受厚恩棄虛文積習可也豈獨無不能自己之情耶若謂其有心疎略亦未必然因責其辦理不善心懷疑懼思欲含糊了事此豈含糊所可了者耶著傳諭鄂容安令其痛加改悔據實查覆逐一清晰無絲毫糜費絲毫粉飾以爲補過之地十六年三月疏參歸德府鄉紳雲南布政使彭家屏原任江蘇按察使李肖筠抗糧至七千餘兩得旨罰追革職從寬畱任先是湖廣總督永興與布政使嚴瑞龍先後疏參湖北巡撫唐綏祖婪贓累萬奉旨革職掣問永興尋丁憂回京諭新任總督阿里衮嚴審至是阿里衮奏參瑞龍收受平餘等款命鄂容安赴楚會審四月合疏奏參永興於進京時私

受贖賄 詔革永興職交部治罪五月審明綏祖並無婪贓情事
惟縱容鑪頭私買銅鉛添鑄瑞龍收平餘四千八百兩入己屬實
上以鄂容安等未得辦理此案之正法 命給還綏祖家產來京
候旨錄用 命刑部另擬永興等罪尋議瑞龍改照誣告人死罪
律擬斬候永興減一等擬杖流枷責 從之鄂容安尋疏言河北
鎮屬九營暨臣標左右二營公費不敷查南陽等十縣官租積穀
不過二萬餘石存銀不及四千兩各州縣既有常平義社等倉民
食原不藉此接濟請撥歸營軍機大臣議行八月調山東巡撫時
濟南府屬夏秋被水糧價頗昂而沿海之登萊青三府地僻山險
轉運尤難鄂容安奏請照乾隆十三年例暫弛海禁招商往奉天

糴運以資接濟商船出入照例稽察得旨允行十二月與河臣
顧琮等合疏言張秋挂劍臺漫口因豫省陽武隄工泛溢黃水穿
運入海見在武陽工竣張秋一帶水勢日消但西坡來水從冰底
原原下注今堵塞漫口須使有所歸東方無壅滯查漫口迤北有
減水閘壩三可由分洩入徒駭河戴灣閘臨清甄板二閘入衛北流俟水勢大
分洩入馬頰河又有戴灣閘臨清甄板二閘入衛北流俟水勢大
減仍將戴灣閘下板嚴閉俾水從徒駭馬頰二河宣洩入海漫口
迤南有素東汎三空橋可由分洩入鹽海又有五空橋原係分洩
運河淤漲但橋底甚高不能過水臣相度於其北築攔河壩一長
二十餘丈并於橋南挑引河導水由鹽河歸海俾西坡之水南北

暢流消涸更易下部知之十七年二月疏言運河全隄自臺兒莊至德州千有餘里素稱卑薄每年伏秋兩汛兼風雨侵汕又漕船往來下楸施犁日漸殘塌臣與顧琮會籌應及時估修計需銀十五萬三千餘兩又單隄向無堡房應照黃河例每二里建堡房二需銀二千一十八兩至所修工程原以保固爲重而犁溝楸眼及水溝浪窩尤須隨時修補並於漕船過後通查增修庶可垂久三月又言太行隄在黃河北岸大隄之北兩隄相去數十里中有河一道本以宣洩頽隄以內坡水順流而東達江南豐沛二縣入微山湖因年久淤塞隄內田廬淹沒雍正年間於太行隄建涵洞使隄南之水穿隄北行經定陶武城單縣魚臺等邑入昭陽湖以歸

微山湖嗣因涵洞旁衝缺口甯陽等邑俱受水患是此涵洞必應
堵塞庶太行隄仍舊完固爲黃河重垣保障至西隄夾束中間之
水應亦開通舊河使東注免漫溢報 聞四月奏言東省庫項多
不清其交代流抵之弊率以辦差墊用爲辭臣飭屬作速覈消至
常平倉糴借穀石未歸補者甚多有因州縣恐穀石霉變強派民
閒者有希圖染指不限詳查徒爲無業人領去者有村莊離城寫
遺爲胥役冒領者有因社穀并無倉廩散交地方致強半虧缺者
有因積欠難追恐干督責捏報新欠以掩舊欠者凡此皆宜嚴懲
但操之過促恐劣員怙過飾非徒有追呼之擾究無補救之益而
人情急則無賴更或別啟弊端已令藩司責成各府確查妥辦臣

仍不時體察如玩徇料理不清者知府一併嚴參得 旨嘉獎十月署江西巡撫十一月卽 命調補時上猶縣逆犯何亞四尋就獲鄂容安按擬如律因親往勘地勢奏請移千總一駐上信地於營前城防守內撥十五名鎮標二十五名往駐下信地亦於附近別營撥兵十名駐守營前雷把總一兵三十名聯絡聲勢改浮龍司巡檢爲上猶縣縣丞仍駐營前龍泉縣禾源司巡檢改駐龍猶接壤之左安村崇義縣上堡司巡檢改駐金坑下部議行十八年正月 諭署兩江總督印務卽在江西辦理九月奉 旨實授十一月會同欽差侍郎嵇璜德爾敏查勘高家堰隄工並赴下河一帶籌辦疏濬事宜十九年正月奏言江南地廣事繁胥役最多作

弊臣遵 旨於勘災途次畱心察訪查得淮安等府屬有藉賑弊混得贓分肥者蘇州等府屬有收漕舞弊婪贓者徐州府屬有辦差工料滋弊者但作弊雖出胥役而州縣豈皆聾瞶除將各犯嚴拏審擬如本官於中染指及知情故縱者嚴參治罪卽失察亦分別辦理示警至胥役原有經制名數酌設副役并載入冊乃江浙胥役非冒缺頂補卽永遠充辦一役載冊外有無名白役至十數名者皆倚官作威因民訛詐大爲吏治民生之累見飭各屬稽查務符定額嚴禁頂補朋充俾易約束得 旨嘉獎先是刑部覆准廣西等省先後條奏印官公出令佐雜相驗命案一事經江西按察使范廷楷疏請仍令鄰邑印官驗報不得濫委佐雜得 旨交

鄂容安酌行至是覆奏言命案惟兩邑相距寫遠印官公出而鄰
邑印官正值乏員方許佐雜往驗立單仍由印官覆覈毫無疑竇
始填圖通報并將因事公出及屍所距鄰邑若干里各緣由聲明
儘佐雜相驗不實印官扶同填報一併嚴參 詔如議行三月奏
沿海塘工前經撫臣莊有恭查勘估辦俱妥惟林家嘴頂衝應於
隄後幫寬培厚以資捍禦又寶山縣舊城灣月隄張家濱抄塘及
劉河七浦二河原閘座俱應修築報 聞四月加太子少傅時部
議刪除武職空銜將江南省五遊擊缺改都司行令酌議何營應
改鄂容安奏言蘇鎮右營遊擊所管汛有守備分防改設都司足
資辦理狼鎮左營遊擊兼轄城池關廂水陸改都司儘堪彈壓壽

鎮左營遊擊較之簡於駐防宿州之守備今將遊擊酌改都司駐
宿州卽以宿州守備移駐壽州廣德營遊擊兵少事簡漕標左營
遊擊僅司漕漕可酌改都司下部議行八月 上以杜爾伯特台
吉策楞輝特台吉阿睦爾撒納等先後來降 諭曰年來準噶爾內
亂頗仍人心離散屢有大隊輸誠內嚮正可乘機辦理永收邊境
鄂容安年力壯盛勇敢有爲一切緊要機宜尙能曉暢著速赴行
在面聆指授行軍辦事十二月授西路參贊大臣總督劉統勳籌
辦糧馬二十年正月定邊右副將軍薩喇勒哨探兵由西路進剿
命鄂容安同進二月 諭曰漢時西陲塞地極廣烏魯木齊及回
子諸部落皆曾屯戍有爲內屬者唐初都護開府擴地及西北邊

今遺趾久湮著傳諭鄂容安此次進兵凡準噶爾所屬之地方回子部落內有與漢唐史傳相合可援據者并漢唐所未至處一一詢之士人細爲記載以資採輯四月同薩喇勒奏臣等沿途招降各部人眾並遣侍衛塔奇圖等齎檄往諭達瓦齊降 獎賜荷包鼻煙壺五月大軍定伊犁 諭曰準噶爾平定兩路將軍大臣等朕俱已加恩鄂容安在參贊大臣任內行走亦應加恩但伊從前有準噶爾不應辦理之議伊父鄂爾泰與大逆胡中藻師生交結伊兄鄂昌又與胡中藻附和黨同鄂容安明知其事不爲陳奏有負朕恩伊若不前往軍營原欲從重治罪今因此次行走免其治罪卽係朕恩可傳諭鄂容安知之是月大軍渡伊犁河直抵達瓦

齊所居之格登達瓦齊遣鄂容安偕喀爾喀郡王品級青衮雜卜等收其游牧獲達瓦齊之叔及其孥並喇嘛六千餘六月達瓦齊就擒鄂容安同班第駐守伊犁時阿睦爾撒納爲定邊左副將軍蓄異志謀據伊犁鄂容安同班第密疏劾之 命趣阿睦爾撒納赴覲熱河 諭鄂容安與薩喇勒以兵至塔爾巴噶臺相機擒泊會阿睦爾撒納行至烏隆吉叛逆黨應之臺站斷絕鄂容安同班第被陷力戰自盡都統策楞以狀聞 上軫悼卽令其次子鄂津襲襄勤伯爵二十一年樞至京 上親臨奠醊入祀昭忠祠 賜祭葬如例諡剛烈 特建雙忠祠 御製詩旌之並 命誡逆黨阿巴噶斯克什木耳於柩前祭奠並詳見班第傳二十六年 命

圖形紫光閣 御製贊曰世臣知書料善論兵惜弗通語遂弗燭
情變起倉卒力戰命畢用違其才實予之失二十七年鄂津在伊
翠領隊大臣任內以私派隨人種地革職其世爵以鄂容安長子
鄂岳襲見任散秩大臣

右 國史館本傳

準夷初亂時達什達瓦部下有宰桑薩賴爾者不肯他屬率千戶
首先降 純皇帝召見詢以準夷事薩曰目今諸台吉皆覲覲大
位各不相下達爾扎以方外之人篡弒得國誰肯願爲其臣僕況
昔噶爾丹在時優待下屬親如骨肉其宰桑有功者噶親酌酒割
肉食之每秋末行圍爭較禽獸彎弓馳騁毫無君臣之別故人樂

爲之用今達爾扎安自尊大倣效漢習每召對時長跪請命誓效
之下死生以之故故舊切齒其危亡可立待也 上悅投散秩大
臣後其國互相篡弑卒如薩言及阿睦爾撒納敏蘭薩復奏其爲
眾部所畏服正可資以前驅迅掃殘孽 上乃拜薩爲副將軍率
所降眾往討及伊犁復變班鄂二公召薩議之薩曰阿逆智勇兼
備何可以撓其鋒不如裹糧先歸 命 天子將準夷全部界
之則其禍可立解也鄂襄勤曰爲王守土之臣安可以地資賊當
此危急之時理宜效死弗去豈可捧首逃竄致對於司敗也薩拂
然曰豈備安知兵家事因策馬去改易厄魯特衣冠以叛及策公
楞收復伊犁時薩復覲顏以歸迎大軍於土魯番 上命械至京

陳文勤公請首誅之 上曰死綏之義惟士大夫之所宜守薩賴
爾乃藩部辱臣安知大節未可苛加責備如卿所言反高視薩賴
爾矣因命其沉首於班鄂二公之柩前乃釋之因其歸誠之早乃
至諒其苦衷曲法以貸亦可覩 純皇帝之寬仁大度矣

右錄宗室昭榘撰

按薩賴爾即
史傳薩喇勒

彰薩 浩里善等

彰薩滿洲鑲黃旗人姓扎呼他官藍翎侍衛乾隆二十年隨定北將軍班第征準噶爾五月入伊犁六月擒達瓦齊是役陣亡者藍翎長浩里善阿濟布八月阿睦爾撒納叛逆黨克什木巴朗等肆逆班第陷賊圍中彰薩與藍翎侍衛邁蘭泰章京達什丕勒署章京查罕扣都楞必齊罕扣佐領薩布古爾護軍校杭依爾圖驍騎校賽蒙阿護軍署護軍校進巴班達署驍騎校巴達朗賈滿提由藍翎長德保納森圖達永阿扎什保俱力戰陣亡護軍校七保住並前鋒校海福解糧遇賊死者護軍校巴圖博羅爾堆戰於吉拉濟庫嶺戰歿二十一年阿逆逃往哈薩克護軍校委署章京科浚

阿蘭大軍追之歿於陣同時藍翎長額勒京額擊賊於哈布塔克
拜塔克戰歿於是臺站路梗先後守臺遇害者驍騎校署章京吹
委署護軍校朋蘇克那木雅七品官根都騎都尉署筆帖式德善
筆帖式伊爾敦達桑阿德明五達色羅查署筆帖式德芬善德訥
勒圖雅起保八十一良德佟保先後事 聞議卹奉 旨彰薩浩
里善阿濟布邁蘭泰達什丕勒查罕扣都楞必齊罕扣薩布古爾
杭依爾圖賽家阿端多克七旺扎布善巴那敏塔拉巴進巴班達
巴達朗貴滿提由德保納森圖達永阿扎什保海福巴圖博羅爾
堆科凌阿額勒京額俱應雲騎尉七保住廢八品監生臺站遇害
之員例無廢職並給卹銀入祀昭忠祠彰薩子克興額襲浩里善

子羅爾占襲杭依爾圖子韋保襲賽蒙阿子佛親保襲端多克子
器旺襲進巴子烏爾圖那蘇圖襲達永阿子赫英額襲海福子穆
騰額襲科凌阿子揚桑阿襲額勒京額子圖明阿襲七保住子花
沙布襲阿濟布邁蘭泰達什丕勒查罕扣都楞必齊罕扣薩布古
爾七旺扎布善巴那敏塔拉巴班達巴達朗貴滿提由扎什保巴
圖博羅爾堆襲俱無考阿濟布滿洲正黃旗人姓棟鄂邁蘭泰滿洲
正白旗人姓兀扎喇杭依爾圖賽蒙阿俱滿洲鑲黃旗人杭依爾
圖姓鄂卓賽蒙阿姓鈕克特七旺扎布善巴塔拉巴俱察哈爾鑲
白旗人七旺扎布姓西爾撒特善巴姓呼都忒塔拉巴姓烏納泰
德保滿洲正藍旗人姓伊爾根覺羅納森圖滿洲鑲黃旗人姓阿

爾拉達永阿滿洲正黃旗人姓完顏海福滿洲鑲黃旗人姓富察
博羅爾堆察哈爾鑲白旗人姓七布努忒科凌阿滿洲鑲黃旗人
姓張佳七保住滿洲正黃旗人姓兀拉那木雅察哈爾鑲白旗人
姓和木忒騎都尉善德滿洲鑲黃旗人姓瓜勒佳德明滿洲正黃
旗人姓佟佳德芬滿洲正白旗人姓瓜勒佳雅起保滿洲鑲黃旗
人姓白佳浩里善滿洲正黃旗人姓鈕祜祿達什丕勒察哈爾土
謝圖汗部落人查罕扣蒙古鑲藍旗人姓博爾濟吉特都楞蒙古
正藍旗人姓克圖巴吉勒必齊罕扣察哈爾鑲白旗人端多克察
哈爾正藍旗人額勒京額滿洲鑲藍旗人薩布古爾蒙古鑲白旗
人姓七步巴勒忒進巴察哈爾正藍旗人姓烏班色忒班達察哈

爾正白旗人姓那木忒吉泰巴達朗貴察哈爾正藍旗人姓古忒
查罕滿提由察哈爾鑲白旗人姓烏扎拉汗巴圖察哈爾鑲白旗
人吹察哈爾正藍旗人姓伊勒必特朋蘇克察哈爾正黃旗人姓
七布努忒伊爾敦蒙古鑲白旗繙譯舉人姓鈕克特爾濟勒達桑
阿滿洲正紅旗人五達色滿洲鑲藍旗人姓威古特羅查滿洲正
黃旗人姓庫雅拉善德納勒圖八十一良德俱蒙古鑲黃旗人佟
保滿洲正黃旗人姓俱無考那敏扎什保根都旗姓俱無考

右 國史館本傳

傅澤布 福太等

傅澤布滿洲鑲白旗人姓瓜勒佳雍正元年舉人由筆帖式累官
戶部郎中十三年升翰林院侍講學士乾隆十九年隨征北路軍
營進剿烏梁海二十年五月隨定北將軍班第率師討平準噶爾
八月降酋阿睦爾撒納逆黨克什木巴朗等糾喇嘛回人作亂班
第陷賊中由固勒扎赴空格斯轉戰至烏蘭庫圖勒賊蜂集力不
支自盡傅澤布從之死班第詳大臣傳是役同死者刑部郎中福
太兵部郎中德克濟理藩院員外郎伊星阿太僕寺主事和達色
兵部筆帖式委署主事永太內閣中書多永武詹事府筆帖式福
祥工部筆帖式西爾格事 聞議即 詔各處雲騎尉傅澤布子

富蘭襲福太子伊里哈襲德克濟子達貴襲伊星阿子策巴襲和
達色子官岱襲永太弟永安襲多永武子成明襲福祥子噶爾秉
阿襲西爾格子寶奈襲德克濟滿洲鑲黃旗人姓葉穆伊星阿蒙
古正黃旗人姓額穆特立和達色滿洲正藍旗人姓富察永太多
永武俱滿洲鑲紅旗人永太姓納喇多永武姓烏爾達福祥滿洲
正紅旗人姓伊爾根覺羅福太滿洲鑲藍旗人西爾格滿洲正藍
旗人姓俱無考

右 國史館本傳

貝多爾 進扎布等

貝多爾滿洲鑲黃旗人姓阿爾拉官三等待衛乾隆二十年隨定北將軍班第出師伊犁八月阿睦爾撒納叛逃貝多爾在哈拉塔勒追剿戰歿副二等台吉進扎布解馬遇賊被害副二等台吉固爾古木密什克與逆黨克什木巴朗等力戰陣亡同死者二等輕軍都尉兼佐領署副參領衮布爾呼坦署前鋒參領奇屯保護軍校策凌端多克署護軍校扎卜扎布策凌端多克舒爾干色進巴里瑪特鄂起爾五巴什丹津達拉哈舒虎爾必里克圖賓達呼克圖署驍騎校策凌棍布尼堪岱巴爾虎巴魯索奇納經理糧臺遇賊死者前鋒校鄂隆阿在烏梁海死者佐領署參領督爾他庫事

國朝通志卷之八十一
三
聞議卹 詔貝多爾廕雲騎尉子武克申保襲裘布爾呼坦加一
雲騎尉子達什端敦格襲進扎布固爾古木密什克俱加贈頭等
台吉准其世襲護軍校策凌端多克扎卜扎布署護軍校策凌端
多克舒爾干色進巴里瑪特鄂起爾五巴什丹津達拉哈舒虎爾
必里克圖賓達策凌棍布俱廕雲騎尉襲無考奇屯保呼克圖尼
堪岱巴爾虎巴魯索奇納鄂隆阿督爾他庫廕襲俱無考進扎布
喀爾喀人固爾古木密什克俱察哈爾人裘布爾呼坦察哈爾鑲
黃旗人奇屯保布特海正黃旗人護軍校策凌端多克察哈爾正
黃旗人姓俱無考扎卜署護軍校策凌端多克俱察哈爾正白旗
人姓呼木楚特扎卜扎布察哈爾正白旗人姓喀塔錦舒爾干色進俱

察哈爾正紅旗人舒爾干姓鄂托果特色進姓呼勒忒丹津達拉
哈俱察哈爾鑲黃旗人丹津姓阿魯拉忒達拉哈姓屯庫忒舒虎
爾策凌棍布俱察哈爾正白旗人舒虎爾姓庫圖貴忒策凌棍布
姓博爾濟吉特巴里瑪特鄂起爾俱察哈爾正黃旗人五巴什察
哈爾鑲紅旗人必里克圖察哈爾正黃旗人賓達察哈爾正白旗
人呼克圖察哈爾鑲黃旗人尼堪岱巴爾虎俱察哈爾正紅旗人
巴魯察哈爾正黃旗人索奇納察哈爾鑲紅旗人鄂隆阿滿洲正
黃旗人督爾他庫呼倫貝爾鑲藍旗人姓俱無考

右 國史館本傳

四角子方表有表
卷三十四

三

晉見龍 王世興等

晉見龍陝西長安人由行伍洊擢甘肅肅州鎮大馬營遊擊乾隆
二十年六月隨定邊將軍班第討平伊犁八月阿睦爾撒納叛隨
營太醫院九品吏目王世興死之見龍解軍營茶封至安集海遇
賊戰歿二十一年十一月額魯特宰桑哈薩克錫喇等叛定邊右
副將軍兆惠由濟爾哈朗慶戰至特訥格爾陣亡者西甯鎮標外
委把總潘龍德馬蛟二十三年神木營把總馬明安隨西安提督
豆斌勦瑪哈沁中火槍歿二十四年隨原任福建布政使德舒勦
瑪哈沁至阿爾坦和碩戰歿者西甯鎮標千總陳照雲外委把總
李繩貴甘肅提標外委把總方廷樞其解營馬至烏魯木齊遇瑪

哈沁死者卜隆吉營千總曹正宗解糧至和色爾台遇瑪哈沁死者大馬營把總徐天成解軍營羊至巴里坤遇瑪哈沁死者大通協永安營外委把總李生桂在喀什噶爾遇賊死者西安城守營把總張鐸外委把總戴上魁在和闐死者靖遠協下馬關把總楊殿先後事 聞議卹奉 旨見龍加贈一級廕守備子成鑑襲世興贈衛經歷廕監生明安照雲正宗天成殿俱廕把總餘卹如例世興順天文安人龍德蛟俱甘肅西甯人明安甘肅固原人照雲甘肅西甯人繩貴甘肅鎮番人廷樞甘肅靖遠人正宗甘肅張掖人天成甘肅人生桂甘肅甯夏人鐸陝西長安人上魁陝西延安人殿甘肅固原人

右 國史館本傳

國史館本傳

巴泰 諾克圖等

巴泰滿洲鑲黃旗人姓甲穆里乾隆二十年以健銳營前鋒參領從征伊犁二十一年五月隨定邊右副將軍兆惠駐師固勒扎之濟爾哈朗十月厄魯特賊來劫巴泰與同營前鋒參領諾克圖等禦之戰歿同死者副前鋒參領秦青阿護軍校明德薩爾虎達拜凌阿前鋒校安保穆克登布色赫策臣來柱四十六副護軍校八十一阿禪副前鋒校達賴普護軍校托莫果爾齊旺多爾濟阿玉什占齊必爾普驍騎校色楞達什扎玉呼藍翎長福成久達色羅福七十三碩隆武十一月 上命兆惠擊解將軍策楞參贊玉保來京檄頭等待衛和濟圖等送之中途遇厄魯特賊肆掠和濟圖

力戰陣亡同死者藍翎侍衛布音布副前鋒參領九柱前鋒校伊
三太空花翎富明阿富僧額僧保事 聞議卹 詔俱廢雲騎尉巴
泰子豐盛阿襲諾克圖孫巴印襲明德子關福襲薩爾虎達子忒
克什布襲拜凌阿子德勝襲安保子達哈布襲穆克登布子連城
襲色赫子青山襲策臣子季蘇襲來柱子格登額襲四十六子德
勝保襲阿禪子平川襲達賴子七十三襲托莫果爾子多格準襲
齊旺多爾濟子拉什襲阿玉什子西拉卜襲占齊必爾孫蘇努木
耳巴他襲色楞達什子伍巴什襲扎玉呼子達什車凌襲福成子
佟春襲久達色子喜亮住襲羅福子福爾桑阿襲七十三子慶福
襲碩隆武子常亮襲和濟圖子固甯保襲布音布子福爾登襲九

柱子承緒龔伊三太子阿克棟阿龔富明安子福明阿龔僧保子
保順龔富僧額子八十七龔泰青阿八十一龔俱無考諾克圖蒙
古正白旗人姓克什克忒泰青阿滿洲正白旗人姓納喇明德滿
洲正黃旗人姓瓜勒佳薩爾虎達滿洲正白旗人姓多爾濟默特
拜凌阿蒙古鑲藍旗人姓雅蘇特安保滿洲鑲紅旗人姓鄂卓來
柱滿洲鑲白旗人姓巴雅拉四十六滿洲鑲白旗人姓烏爾達阿
禪滿洲正藍旗人姓烏拉巴爾台達賴蒙古正白旗人姓博郭羅
忒色楞達什察哈爾正紅旗人姓阿拉布土勒忒扎玉呼察哈爾
正黃旗人姓冲果爾福成滿洲鑲紅旗人姓佟佳久達色滿洲鑲
白旗人姓完顏碩隆武蒙古鑲黃旗人姓博爾濟吉特和濟圖滿

洲鑲紅旗人姓阿爾拉布音布滿洲鑲黃旗人姓烏拉九柱蒙古
鑲黃旗人姓吉爾敏伊三太滿洲鑲白旗人姓瓜勒佳富明阿滿
洲鑲黃旗人姓薩喀達富額滿洲鑲白旗人姓和吉勒僧保滿
洲正白旗人姓巴雅拉穆克登布蒙古正白旗人姓阿拉布圖魯
忒色赫滿洲正白旗人姓威古特勒策臣滿洲正黃旗人姓巴雅
拉八十一滿洲鑲藍旗人姓庫雅拉托莫果爾察哈爾正黃旗人
姓索綽洛齊旺多爾濟察哈爾正白旗人姓吉勒巴爾多阿玉什
察哈爾正黃旗人姓烏班必勒特占齊必爾察哈爾正白旗人姓
班第忒爾濟勒羅福滿洲正藍旗人姓鈕克特七十三蒙古正黃
旗人姓博爾濟吉特

右 國史館本傳

朝鮮正史大東野乘卷十九

三

國朝通志卷之三十四

三

和起

和起滿洲鑲藍旗人姓馬佳氏高祖阿音布 國初以軍功授騎都尉世職康熙六十一年和起襲乾隆四年授盛京協領十二年授廣東副都統十四年調甯夏副都統十九年五月 命偕侍衛海福率甯夏兵千赴北路軍營二十年正月授甯夏將軍二月定西將軍永常劾和起等所率兵不及額請議處 諭曰甯夏兵一千原定於四月內前赴軍營後因歸於哨探兵隊內令和起等催饋前進伊等隨將輜重畱後派兵百名守護止領九百名遡行尙屬奮勉且已具奏在前非無故遲畱可比著從寬免其議處七月以達瓦齊就擒撤甯夏兵還仍令和起統之尋 命偕提督豆斌

爲巴里坤辦事大臣十一月以遊擊王國士運糧遲誤 諭曰軍
營糧餉關係緊要理應加意辦理何以王國士派委運糧半月僅
行六臺必係僅派綠旗兵運送以致如此遲誤和起等辦理甚屬
錯謬見在滿洲及索倫察哈爾兵丁調集巴里坤若交伊等運送
不但行走迅速且於運糧之便直抵軍營一舉兩得況新降達什
達瓦人眾此際應至巴里坤附近地方伊等熟悉路徑與兵丁同
運更爲有益此皆和起等應行籌辦之事乃並未籌及所司何事
著傳諭和起豆斌等遵旨悉心辦理十二月定西將軍策楞奏屢
檄和起等將補給兵丁及甘州肅州續到之馬速解軍前至今未
到 詔令明白回奏並交部議革職畱軍營效力得 旨從寬畱

任二十一年正月 特予開復和起奏言涼州甯夏等處所解馬
疲斃過多臣派員在巴里坤分收俟騰壯挑用仍先照數補解以
利軍營請將委員議處部議 從之二月給欽差大臣關防五月
諭曰和起在巴里坤辦事甚屬黽勉著馳驛來京面聆訓示再往
軍營同參贊大臣兆惠籌辦一切事宜先是達什達瓦所屬宰桑
訥默庫曼集烏達瑚們都等自軍營私回遊牧奉 旨鞠治六月
諭曰見據和起將訥默庫等擅回遊牧之處訊明復以伊等係新
降之人未諳法律陳奏殊屬錯誤達什達瓦屬人歸誠以來疊施
厚恩及派往軍營效力又與內地兵丁一體賞給製裝銀兩乃敢
不遵法令擅帶兵回至遊牧處情罪甚屬可惡昨經和起等奏到朕

即降旨令將訥默庫曼集等正法其兵丁係聽從指揮加恩寬免
所以不將兵丁一併治罪者特因伊等新降姑從寬典至宰桑乃
領兵之人豈得曲從寬宥和起等審訊既確復爲此奏其意惟恐
訥默庫等正法後致達什達瓦屬眾人心懷疑貳妄生事端果有
此情正當使知法律森嚴不容輕犯安得苟且姑容以示怯懦料
和起尙不至此此必出於錫特庫之意著傳旨申飭仍將訥默庫
曼集烏達瑚們都卽行正法十一月輝特台吉巴雅爾叛掠扎哈
沁五百餘戶定邊右副將軍兆惠令和起率索倫兵百往剿檄吐
魯番伯克莽阿里克及厄魯特兵集關展而噶勒雜特宰桑哈薩
克錫喇布魯古特台吉尼瑪陰應巴雅爾詭以兵五百會和起望

兵至疑之令莽阿里克往偵給告曰我兵也逾時尼瑪等操戈前
莽阿里克自後謀賊眾蠶集我兵僅百人負重創和起手刃數賊
股中槍徒步轉戰至夜力盡死之遺命索倫侍衛努古德彰全布
突出以所戴孔雀翎爲識往告巴里坤大將軍兆惠以 聞 諭
曰和起效命疆場捐軀報國忠節可嘉深爲憫惻著照傅清拉布
敦之例加恩贈卹 上憫和起義烈 御製西師詩有奮勇沙場
沒之句尋追 贈一等伯 賜祭葬入祀賢良昭忠二祠諡武烈
賞一等子爵以其子和隆武襲二十三年逆賊尼瑪及其子就擒
命於和起墓前伏誅和隆武初襲子爵授三等待衛乾隆三十六
年襲佐領三十七年二月隨護軍統領明亮赴金川軍營七月隨

大軍由墨壟溝攻甲爾木山梁十二月大軍分路進剿和隆武爲
領隊侍衛時明亮等攻美諾喇嘛寺和隆武沿河夾剿賊潰後復
合盡戮之夜克美諾各碉寨三十八年二月分攻納圍正面山梁
六月海蘭察剿賊於族拉角克五岱統兵援和隆武爲接應七月
敗賊於鳩寨奪碉五十餘八月授鑲藍旗蒙古副都統十一月克
復僧克宗三十九年正月隨富德攻克絨布寨正北之沃什山摩
格孟格哩格穆爾德宗進攻卡角是月署古州鎮總兵三月同李
林等襄七日糧分隊取斯第賊迎拒和隆武麾眾力戰矢盡以矛
槍格鬪被創事 聞奉 旨嘉獎 賜玉鞞荷包六月調隨征正
池九月攻克木什克第一碉 賜皮馬褂十一月大軍攻日旁利

隆武由周叟繞出其後突入礪寨賊驚潰槍石不及施短刃相搏
我兵沿山追剿克戰礪十餘平礪二百餘日旁賊殲焉 諭曰此
次明亮等攻克日旁礪寨探路籌畫均合機宜而越險攻礪殺賊
全係和隆武功績伊父和起盡節捐軀應有是子深爲嘉慰著授
爲都統以示優獎和隆武偕珠爾格德等剿谷爾隄一帶礪寨盡
克之 諭曰此次攻克礪寨又係和隆武帶兵前往似此屢次出
力實屬可嘉四十年正月授正藍旗蒙古都統四月分攻得楞以
南礪卡復與奎林等由薩克薩谷進攻追殺無算六月攻額爾替
山梁石城殺賊甚眾 諭獎其奮勇出力七月賊據石真噶和隆
武與奎林乘運礮聲轟分隊突攻據之賊奔潰時將軍阿桂一路

兵直壓勒烏圍之頂和隆武等張兩翼亟進爲聲援八月賊恃扎
烏古險要于丹紫木各寨悉眾拒守我兵出不意奪路深入和隆
武沿河接應夾攻十月由琅谷攻奪什札古 諭曰此次攻碉殺
賊官兵均爲奮勉而奎林和隆武二人出力尤多見在西路將領
隨將軍阿桂屢次克捷立功建績者甚眾將來自應茂賞而明亮
北路久未能進卽此次亦不過尋常小勝不能遽邀錄敘明亮奎
林和隆武各宜奮勉立勳豈可專讓西路成功而不知奮勵但進
攻時當共度利害難及萬全閏十月克札烏古及耳得谷十一月
克阿爾古十二月由達撒谷進攻克荒子坪一帶碉卡復攻獨古
木思滿賊望風披靡 上以和隆武鼓勇先登茂著勞績 賜諭

嘉獎又攻甲維官寨圍之賊遁乘勝克獨松四十一年四月金川
平晉封三等果勇侯 賞戴雙眼翎尋 命將本佐領擢入正黃
旗四月凱旋 賜 御用鞍轡馬一及銀幣 命圖形紫光閣
御製贊曰襲父卹職少年老成囊錐脫穎竟善用兵掠日旁寨獨
擅偉勳楚材繼出旣悵以欣四十三年四月授甯夏將軍十一月
調吉林將軍四十七年卒 賜祭葬諡壯毅無嗣弟和雙額襲爵

右 國史館本傳

THE UNIVERSITY OF CHICAGO

1911

173-906

承德 哈三等

承德滿洲正藍旗人姓赫舍里乾隆二十年五月以前鋒從大兵
平伊犁八月降酋阿睦爾撒納詭言入京行至烏隆古叛去承德
追之獲其甲仗纛旗授藍翎侍衛二十一年十一月輝特台吉巴
雅爾叛承德與佐領哈三隨甯夏將軍和起勦之檄土魯番伯克
莽阿里克及厄魯特兵集闕展協勦莽阿里克與布魯古特台吉
呢瑪等陰應賊詭以兵來會犯我師和起死之詳大臣傳承德哈
三陣亡空翎阿里遜藍翎長豐玉轉戰至鄂壘扎拉圖歿於陣是
年九月逆回布拉呢敦霍集占有異志副都統阿敏道赴葉爾羌
諭之至庫車城爲霍集占所羈從之者二等男署營總旺扎勒前

鋒校委署章京綑科護軍委署驍騎校釋金前鋒委署護軍校吹
扎木蘇護軍委署護軍校七巴克領催委署驍騎校薩恰二十二
年阿敏道被戕事詳大臣傳吹扎木蘇先與賊戰死之旺扎勒綑
科釋金七巴克薩恰俱從阿敏道死先後事 聞議卹 詔永德
等俱廕雲騎尉旺扎勒加一雲騎尉永德子四德襲哈三子巴達
爾癸襲阿里遜子阿爾都襲豐玉子布尹圖襲旺扎勒子朱敏襲
吹扎木蘇子阿拉布坦襲七巴克子敦多克襲薩恰子進巴襲綑
科釋金襲俱無考哈三蒙古正藍旗人姓兀扎喇阿里遜滿洲鑲
黃旗人姓納喇吹扎木蘇蒙古鑲白旗人姓杭津綑科滿洲正黃
旗人姓薩瑪吉爾七巴克察哈爾正藍旗人姓喀爾哈卓特薩恰

察哈爾鑲黃旗人姓巴勒特旺扎勒察哈爾正紅旗人豐玉滿洲
正紅旗人耨金蒙古鑲黃旗人姓俱無考

右 國史館本傳

楊朝柱 楊玉柱等

楊朝柱甘肅武威人由行伍洊擢提標前營守備乾隆二十一年
派赴西路軍營與本標外委把總楊玉柱甯夏鎮興武營外委把
總周延恆解送巴里坤營馬十一月至庫車軍臺猝遇賊俱力戰
歿是月輝特降酋巴雅爾叛提標千總王明鎮標把總曹興聚從
甯夏將軍和起進勦明興聚轉戰死之先是閏九月沙州協右營
千總賈天印安西提標外委把總方成義以檄赴濟爾哈朗遇賊
死十月沙州協左營外委千總王振邦把總呂登魁楊撰在烏蘭
烏蘇台遇賊死其時安西提標黃墩營千總陳美大馬營把總委
署千總宋奇西甯鎮扎什巴堡千總張有賢鎮標後營千總趙國

威永昌營千總陶濱肅州鎮中營把總劉魁右營把總唐存禮金塔寺營把總樊守得肅州鎮左營把總楊玉林肅州城守營外委千總簡振基大通協外委千總呂紀金涼州鎮右營把總石寅前營外委把總姜見瑛左營外委把總李似蕙俱奉將軍兆惠檄解運北路軍餉事竣回途遇賊戰歿其運送北路軍械在途遇賊戰死者西甯鎮大通協把總劉威永安營把總魏聖統解送軍營羊行次哈布塔克拜塔克遇賊死者西甯鎮標外委把總白連事聞議卹 詔朝柱加贈一級廕衛千總明天印登魁美奇有賢國威濱魁存禮守得玉林寅威聖統連俱廕把總餘卹如例玉柱甘肅張掖人延恆甘肅甯夏人明甘肅固原人興聚甘肅西甯人天

印甘肅肅州人成義甘肅張掖人振邦甘肅武威人登魁撰籍俱
無考美甘肅甯夏人奇甘肅肅州人有賢甘肅靖遠人國威甘肅
武威人濱陝西長安人乾隆三年武舉魁甘肅武威人存禮守得
俱甘肅肅州人玉林甘肅甯夏人振基甘肅高臺人紀金甘肅西
甯人寅甘肅張掖人見璜甘肅武威人似蕙甘肅平番人威甘肅
山丹人聖統甘肅靜甯州人雍正十三年武舉連甘肅西甯人

右 國史館本傳

三才圖會

卷

五奇納 額林親等

五奇納達呼爾正紅旗人姓鄂諾思由佐領委署營總乾隆十九年隨征伊犁二十一年冬甯夏將軍和起勦叛賊巴雅爾適厄魯特與逆回莽噶里克等陰通巴雅爾中途肆逆五奇納隨靖邊右副將軍兆惠自濟爾哈朗移兵擊之十一月至鄂壘扎拉圖遇賊達什策凌乘夜勦殺甚眾逆黨噶勒藏多爾濟等糾賊眾邀截歸路五奇納力戰死之同死者委署章京額林親驍騎校鄂樂特委署護軍校莽爾委署驍騎校索諾木達瓦是年勦雅木呼里死者佐領署營總薩積圖勦阿爾坦呼思坦賊死者筆帖式署章京格森特在弩渾沙拉遇賊死者護軍校署章京呼圖克在烏塔木庫

爾勒唐古忒死者署驍騎校古魯齊追賊至庫隆珪山死者領催
委署章京果木布勒烏梁海死者署章京阿穆爾濟驍騎校署章
京色布騰解糧至烏梁海遇賊死者委署章京科凌阿送馬至呼
圖必爾遇賊死者護軍校委署章京占丹藍翎長福德保署驍騎
校扎拉芬委署驍騎校西爾登布追勒扎克薩爾達盜馬賊死者
署護軍校五巴什護解原任將軍策楞參贊玉保遇賊被害者虛
銜章京納遜奉檄探賊戰死者護軍校委署章京羅卜桑署護軍
校額林臣護軍署驍騎校撒克撒噶爾先後事 聞議卹 詔俱
廕雲騎尉莽爾察哈爾鑲藍旗人姓和特赫索諾木察哈爾鑲紅
旗人姓舒忒達瓦察哈爾鑲藍旗人姓綽羅斯薩積圖達呼爾正

黃旗人姓鄂諾思呼圖克察哈爾正紅旗人姓巴拉古魯齊巴呼
爾正藍旗人姓博靈果爾阿穆爾濟察哈爾鑲黃旗人姓果洛果
特爾色布騰察哈爾鑲白旗人姓錫拉薩額林臣察哈爾鑲紅旗
人姓赫特赫襲俱無考額林親察哈爾鑲白旗人姓烏爾赫凌鄂
樂特察哈爾正白旗人格森特達呼爾鑲黃旗人姓拉蘇克達
什果木布呼倫貝爾鑲白旗人姓博爾呼克占丹察哈爾正白旗
人科凌阿吉林鑲黃旗人五巴什察哈爾正白旗人姓襲俱無考
考
福德保扎拉芬西爾登布納遜羅卜桑撒克撒噶爾旗姓襲俱無

右 國史館本傳

四庫全書

卷一百一十八

巴克散 阿必達等

巴克散滿洲正藍旗人姓佟佳由護軍校委署章京乾隆二十年隨大軍平伊犁阿睦爾撒納叛二十一年冬定邊右副將軍兆惠由濟爾哈朗進軍至特訥格爾深入賊地沿途追剿巴克散於十一月戰歿於鄂壘扎拉圖二十二年春護軍委署護軍校阿必達戰歿於特訥格爾二等待衛色楞隨參贊大臣富德由額林哈畢爾噶追剿逆黨陣亡副護軍校素凌阿剿叛賊吞圖布陣亡藍翎侍衛德七保以檄往霍通通賊被害又有在薩里克博里克戰死者委署驍騎校班扎布在烏蘭烏蘇台遇賊死者馬場總管第魯把追扎哈沁賊死者署副驍騎校五爾圖五巴什隨副都統瑯喀

國朝者... 卷三百四十一
馬

祿勒烏梁海死者委署章京巴爾虎二十三年定邊右副將軍兆
惠調各路兵會剿回酋霍集占於葉爾羌甘肅水泉營守備查凌
阿筆帖式獎賞藍翎關住俱力戰歿於陣又有三等待衛體起圖
以檄往回地遇賊死驍騎校德福亦隨大軍與逆回戰於烏蘇河
溺死同時陣亡者護軍校奇扎布驍騎校成德署驍騎校卜勒渾
先後事 聞議卹 詔巴克散廕雲騎尉子列住襲查凌阿加贈
一級廕衛千總子佛保住襲德福廕襲無考餘俱廕雲騎尉阿必
達子松對襲素凌阿子木特布襲班扎布子布達扎布襲第魯把
子著承襲五爾圖子敏珠爾多爾濟襲五巴什子業里木丕爾襲
巴爾呼子當舒克襲關住子烏凌阿襲體起圖子品都庫襲奇扎

布子呼都巴勒爾襲成德子塔齊布襲卜勒渾子班扎克襲色楞
德七保襲俱無考素凌阿滿洲鑲黃旗人姓伊塔拉德七保滿洲
正黃旗人姓烏蘇阿必達班扎布俱察哈爾正紅旗人阿必達姓
必圖特班扎布姓濟拉忒五爾圖五巴什俱察哈爾鑲黃旗人五
爾圖姓克勒特五巴什姓和勒伊特巴爾虎察哈爾正紅旗人姓
納嘉忒查凌阿蒙古正黃旗人姓柏爾果努特體起圖滿洲鑲黃
旗人姓敦固爾德福滿洲正黃旗人姓佟色里色楞蒙古正紅旗
人姓博爾濟吉特第魯把察哈爾鑲黃旗人姓扎木蘇關柱滿洲
鑲白旗人姓巴爾呼圖奇扎布察哈爾正白旗人姓佟佳成德滿
洲正紅旗人姓瓜勒佳卜勒渾達呼爾正黃旗人姓烏扎拉襲俱

無考

右 國史館本傳

三

密薩爾海 塔克慎等

密薩爾海滿洲正白旗人姓烏蘇官藍翎侍衛乾隆二十一年隨定邊右副將軍兆惠出師伊犁十二月綽羅斯汗噶勒藏多爾濟等叛密薩爾海與前鋒校塔克慎藍翎長愛新泰奉兆惠檄往諭之至額林哈畢爾噶俱被害副總管委署營總海哈納隨參贊大臣富德勦唐古忒至烏塔穆庫爾海哈納與前鋒委署筆帖式色克精額成明德山護軍署護軍校元敦俱力戰死是年阿睦爾撒納由庫隴突嶺竄入哈薩克護軍校薩濟扎布從大軍追之力戰陣亡其送馬至呼圖畢遇哈薩克賊死者藍翎長福爾泰送馬至科什圖遇賊死者甘肅中衛營副將滿祿在喀拉沁鄂托克遇賊

死者前鋒校卓隆阿在弩渾沙拉遇賊死者護軍校尙延泰先後
事 聞議卹 詔密薩爾海廕雲騎尉弟三泰襲滿祿加贈二級
廕守備子慶書襲餘俱廕雲騎尉塔克慎弟噶爾達襲愛新泰子
口新襲色克精額子惠祿襲德山子花尙阿襲元敦子策楞車爾
襲薩濟扎布子葉卜克襲福爾泰子常德襲尙延泰子觀明襲見
任黑龍江將軍海哈納成明卓隆阿襲俱無考愛新泰滿洲正白
旗人姓富察海哈納色克精額俱滿洲鑲白旗人海哈納姓格濟
勒色克精額姓瓜勒佳成明卓隆阿俱滿洲正黃旗人成明姓聶
格理卓隆阿姓巴雅拉滿祿滿洲正白旗人姓那木都魯尙延泰
滿洲鑲黃旗人姓瓜勒佳塔克慎德山俱滿洲正白旗人元敦察

哈爾鑲黃旗人薩濟扎布察哈爾正黃旗人福爾泰滿洲正黃旗人姓俱無考

右 國史館本傳

UNIVERSITY OF MICHIGAN LIBRARY

1911

173-926

密三 阿木拉扎等

密三滿洲鑲白旗人姓五扎那官佐領委署參領乾隆二十年隨大軍討準噶爾二十一年阿睦爾撒納逃往哈薩克定邊左副將軍哈達哈率師追之密三力戰陣亡同死者章京阿木拉扎驍騎校額林車署驍騎校博定徹莫可時定西將軍達勒黨阿敗賊於雅爾拉弩拉陣亡者四等台吉兼參領桑濟扎布隨參贊大臣富德勦賊於鄂塔木和爾戰歿者佐領德勒克布隨定邊右副將軍兆惠勦額魯特戰歿者署護軍校達喜副驍騎校羅桑阿進巴在濟爾哈朗遇額魯特賊死者署護軍校準濟五額勒渾署驍騎校嘉虎在烏蘭烏蘇台遇賊死者署驍騎校噶拉岱署筆帖式五巴什

在庫庫察爾戰死者署驍騎校塔新查隨甯夏將軍和起追逆賊
巴雅爾戰死於闕展者署驍騎校懷蘭保藍翎長額特木保戰鄂
壘扎拉圖死者署參領羅禪薩羅禪勒在巴哈那斯戰死者署護
軍校巴布岱在白什克勒木戰死者署章京德和特依勦瑪哈沁
死者雲騎尉二等待衛卓爾和署章京訥克圖署驍騎校圖魯爾
查巴尼爾圖在喀什噶爾臺站死者署前鋒校齊旺署護軍校松
對達瑪扎布署驍騎校嘉虎車起克車木博依那旺扎布蘇先後
事 聞議卹奉 旨密三廕雲騎尉子喀爾喀襲阿木拉扎準濟
五額勒渾俱廕雲騎尉阿木拉扎孫敦吉扎布襲準濟五子達什
車凌襲額勒渾子達爾齊襲桑濟扎布贈頭等台吉噶拉岱五巴

什羅禪勒德和特依巴布岱懷蘭保額特木保訥克圖俱廕雲騎尉襲無考餘卹如例莫可索倫正紅旗人姓瑪克丹查噶拉岱索倫正白旗人姓都拉爾五巴什察哈爾正白旗人姓喜岳特塔新查索倫鑲紅旗人姓都拉爾羅禪薩達呼爾正黃旗人姓莫爾濟勒卓爾和滿洲正白旗人姓赫舍里德和特依達呼爾正黃旗人姓鄂勒德圖克圖魯爾查琿春鑲紅旗人姓都拉爾扎克巴尼爾圖達呼爾鑲紅旗人姓烏拉扎克丹松對扎雅爾正紅旗人姓西里伊特達瑪扎布察哈爾正紅旗人姓博爾濟吉特那旺扎木蘇察哈爾鑲紅旗人姓綽雅爾濟默特桑濟扎布喀爾喀賽因諾顏部落人姓無考阿木拉扎察哈爾鑲黃旗人姓博勒多爾吉特額

林車察哈爾鑲藍旗人姓蒙文都魯布博定徹索倫鑲紅旗人姓
扎薩克什布德勒克布黑龍江正黃旗人姓烏拉綽克托達喜察
哈爾正白旗人姓阿木濟勒羅桑阿達呼爾正白旗人姓烏拉木
蘇進巴察哈爾正紅旗人姓那木吉勒額勒渾察哈爾正白旗人
姓車林巴爾圖準濟五察哈爾正黃旗人姓桑音呢死濟爾哈朗
之嘉虎察哈爾正紅旗人姓巴拉扎爾羅禪勒達呼爾正紅旗人
姓坤音綽克什懷蘭保察哈爾鑲黃旗人姓博爾濟吉特額特木
保察哈爾正白旗人姓烏里扎克巴布岱察哈爾正黃旗人姓索
勒忒圖魯齊旺滿洲正白旗人姓瓜勒佳死喀什噶爾之嘉虎滿
洲正黃旗人姓扎拉多爾默特車起克察哈爾正白旗人姓克什

克勒忒車木博依察哈爾正紅旗人姓阿拉布圖努特訥克圖察
哈爾人旗姓俱無考

右 國史館本傳

國朝通志卷之三十四

三

呢薩爾圖 克勒車爾等

呢薩爾圖索倫鑲紅旗人姓達巴圖乾隆十九年由佐領署參領隨都統三格出師伊犁二十一年叛賊阿睦爾撒納逃往哈薩克呢薩爾圖隨大軍追及之與賊黨戰陣亡同死者佐領克勒車爾署章京濟布奇爾圖領催署護軍校五巴西署驍騎校衮布多爾濟是年參贊大臣富德追剿賊黨唐古忒於烏塔木庫爾陣亡者驍騎校署章京木金保穆濟木保領催署驍騎校德勒布時輝特台吉巴雅爾叛甯夏將軍和起調諸額魯特兵集關展協剿宰桑哈薩克錫喇等陰通巴雅爾中途肆逆和起被害詳大臣傳佐領署參領拜拉蘇額普里科爾奇拉驍騎校署參領巴彥木保領催

署章京那岱驍騎校署章京端多布驍騎校洛奇里隨定邊右副
將軍兆惠勦之至伊爾巴爾和碩拜拉蘇等俱力戰死其以兆惠
檄往撫綽羅斯汗噶爾藏多爾濟遇賊死者獎賞藍翎濟蘭泰與
賊黨戰弩拉陣亡者驍騎校署參領敏得庫署章京欽噴戰雅爾
拉陣亡者佐領署參領查汗又有驍騎校署參領貝多蘇戰庫庫
薩爾陣亡者領催署驍騎校阿永果爾戰喀爾烏蘇陣亡者佐領
班第領催署章京巴圖勦瑪那斯署護軍校兼章京呼圖克勦瑪
唬斯亦俱戰歿先後事 聞議卹奉 旨俱廕雲騎尉克勒車爾
索倫鑲藍旗人姓都拉爾濟布奇爾圖索倫鑲黃旗人姓薩木呼
爾五巴西察哈爾鑲藍旗人姓溫濟特木金保索倫鑲黃旗人姓

鼇拉拜拉蘇達呼爾鑲黃旗人姓敖諾思額普里達呼爾正黃旗
人姓丹珠巴爾科爾奇拉索倫正紅旗人姓阿拉爾巴彥木保達
呼爾正黃旗人姓素都里那岱達呼爾鑲黃旗人姓敖諾思洛奇
里索倫正紅旗人姓都拉爾濟蘭泰達呼爾鑲白旗人姓都爾格
洛敏得庫達呼爾鑲藍旗人姓多爾渾欽噴達呼爾正黃旗人姓
呼爾額勒查汗索倫鑲白旗人姓綱吉達貝多蘇達呼爾正藍旗
人姓額爾特班第阿永果爾索倫正黃旗人姓阿爾奔查巴圖新
巴爾呼正藍旗人姓坤車勒克表布多爾濟察哈爾正白旗人姓
都爾奔阿濟勒穆濟木保布特海鑲黃旗人姓阿濟特勒克德勒
布黑龍江正黃旗人姓烏里雅爾巴端多布呼倫貝爾鑲白旗人

大清宣統元年

姓拉薩克扎什班第呼倫貝爾正白旗人姓敖爾多布勒呼圖克
察哈爾鑲白旗人姓都音呢薩克

右 國史館本傳

173-936



21101000161410